


UTL AT DOWNSVIEW



D RANGE BAY SHLF POS ITEM C
39 12 12 06 03 002 4

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

DS	Abdul Majid
63	Ingiltere ve 'alem-i Islam
.2	
G7A239	


493

12/71





حاصلات صافیہ سی ملال احمر جمعیتہ مخصوصہ




Abdul Majid انکلمتہ

Ingilttere
ve eālem-i عالم اسلام
islām

اثر :

حقوق اسلامیہ معلمارندن

سندلی سید عبد الحمید



عتبہ علیای حضرت خلافتیناہی بہ عرض و تقدیم ایدلک اوزره ہندلی
سید عبد الحمید افندی طرفندن لوندرہ سفارت سنیہ سی واسطہ سیلہ
ارسال اولنوب خارجیہ نظارتی امور سیاسیہ مدیریت عمومیہ سی
ترجمہ شعبہ سنجہ ترجمہ ایدلشدور .



استانبول — مطبعہ عامرہ


۱۳۶۸

DS

63

.2

G7A239



مقدمه

اشبو کتاب ، حقوق ايله سياسيات وادبياته دائر يازديغم مقالاتك بعض اقسامنك جمع وتلفيقيه نشرى ايچون احبام طرفدن وقوع بولان ابرام واصرار اوزرينه وجوده كمشدر. اوقات مختلفهده قلمه آلان مقالات مذكوره نك برقمى مسائل جاريه دن باحث اولديني كبي قسم ديكرى ده شرق عليهنده كي اتهامات و اسناداتك رد و جرحنه عأددر مع مافيه بونلرك تحرير و نشرنده كي غايه اصلى انگليز ملت محترمه سنك استجلاب محبت وتوجهى ايچون بعض وئائق ومعلوماتك ملت مذكوره نك پيش انظار دقنه وضعيدر.

بو مقالاتدن، برعائله مقاوله نامه سندن عبارت اولان «وقف» حقنده كي مقاله قسماً انكلتره ده كي حقوق شناسانك تنوير افكارى ايچون قسماً ده هندستانده كي مسلمانلرك صرافلر ايله مزاجه جيلره قارشو صيانت ايدمللرينى استرحام ايچون يازلمشدر. شاين شكر اندركه بومقاله موضوعى يقينده كسب قانونيت ايتك اوزره بولنيور زيرا انكلتره پارلمنتوسنه شمديدن اواقفه دائر بر قانون لايحه سى تقديم اولمشدر. « اسلاميتك حقوق بين المللى » سرنامه لى مقاله اليوم مرعى الاجرا اولان وحقوق بين الملل ديه توصيف اولان اصول وقواعد انسانيه نك شريعت غراى احمديه دانا موجود بولنديغنى تبين ايچون يازلمشدر. عثمانلى اصول مشروطيتى حقنده كي ملاحظات ، مشروطيت مذكوره نك بدايه اساس اتخاذا ايتمش اولديني فرانسز اصول مشروطيته بر تضاد تشكيل ايدن انگليز

مشروطیتک تفرعاتہ عثمانیہ لک جلب انظار دقتی ایچون سردو تمہید
ایدلشیدی. عثمانی مبعوثانندن مرکب بر ہیئتک انگلترہ یی زیارت
ایدرک. انگلیز مشروطیتک صور تطبیقہ سنی کورمک فرصتہ نائل
اولسی بر فال خیردر. بالقان مسئلہ سنہ دائر یازیلان مقالہ «کمبریج» ده
حقوق دول معلمی بولنان پروفیسور «وہستلک» ک «ناین تینت
سنچہری» نامندہ کی رسالہ موقوتہ یہ مسئلہ مذکورہ یہ دائر یازمش
اولدینی مقالہ یہ بر جواب تشکیل ایدر.

«انگلترہ و ہندستان جدید» سرنامہ لی مقالہ «لانقہ شیر» ده
ولوندرہ دہ کی آلمان جمعیتی حضورندہ ویرمش اولدینم بر طاقم قونفرام
نسارک موضوع لرندن بریدر.


بو قونفرانس لری ویرمکدن مقصدم بر طرفدن ہندستان ودیکر
طرفدن انگلترہ و آلمانیہ بینندہ مناسبات دوستانہ و روابط تجاریہ یی
برقات دہا تشویق و تقویہ ایتک ایدی بو کونہ قدر واقع اولان
تکلیفاتک بر قسمی ثمرہ اور اولمشدر.

«مشروطیت اسلامیہ نظریہ سی» سرنامہ لی مقالہ اولامشروطیتک
ممالک اسلامیہ یہ غیر قابل تطبیق اولدینغہ دائر اوروبادہ عمومیتلہ
حکمفرما اولان ورجال سیاسیہ طرفندن اکثریا بر سلاح تعریض
مقامندہ استعمال اولنان فکرک بطلانی و ثانیاً «شورای عمومی»
قوانین» نامندہ کی ہندستان مجلس عمومینسہ انتخاب اولنان اعضای
اسلامیہ نک اورادہ کی نفوس اسلامیہ نک نسبت عدیدہ سندن فضلہ
بولنمدینغی اثبات ایتک کبی ایکی مقصدلہ یازلمشیدی. افکار عمومیہ
انگلیز - روس مقالہ نامہ سی حقندہ پک مختلف و منقسمدر فقط
ہم بوبادہ کی افکار و مطالعاتم روسیہ نک حدوشنہ سببیت ویرمش
اولدینی وقایع اخیرہ ایلہ تأید ایتمشدر.

« مصر ایله دول معظمه » سرلوحه لی مقاله ایسه مصرک انکلیز اشغاله کچمسنه سببیت ویرن دورک مجمل بر تاریخچه سنی و مملکت مذکوره اداره سنک اصلاحنه عائد بعض تکلیفاتی حاویدر.

متباقی مقاله لر شرقیلرک حیاتلرینه مخصوص بعض اوصاف و عاداتی مجملای ایضاح ایدیور.

اشبو کتابک اننای ترتینده حقمده ابراز لطف و مخالصت ایلان بومبای والی عمومسی لورد لامینغتن ایله هندستان حکام عدلیه سندن سیرویلیام پتران و آووقات پولوقه، عثمانی سفیری توفیق پاشایه، ایران شهزاده لرنندن علاء السلطنه یه و مصرلی پرنس محمد علی پاشایه، انور بکه و ذوات سارودیة عن صمیم القلب عرض تشکر ایدرم.



کتابک مندرجاتی

۱ — سیاسی

- (۱) انکاتره و هندستان
- (۲) بالقان مسئله‌سی و حقوق بین الدول
- (۳) مشروطیت اسلامیہ نظریہ‌سی و ممالک عثمانیہ اینله ایران و هندستانده اصلاحات
- (۴) هندستانده اغتشاش
- (۵) ۳۱ اغستوس سنه ۱۹۰۱ تاریخی انکلیزوروس مقاوله نامه‌سی و ایران
- (۶) مصر اینله دول معظمه

۲ — قانونه

- (۱) شریعت اسلامیہ نك تدقیقات و تنبغات تاریخیه‌سی
- (۲) بر عائله مقاوله نامه‌سی اولان اوقاف
- (۳) حقوق بین الملله عائد اسلام قانونی
- (۴) عثمانی مشروطیتی حقنده کی ملاحظات اسلامیہ

۳ — اجتماعی

- (۱) شرقده ازدواج
- (۲) شرقده قادینلر
- (۳) شرقده علم و عرفان
- (۴) شرقده معارف
- (۵) شرقده ادیان
- (۶) شرقده عمله مسئله‌سی
- (۷) شرقک کیزلی خزینه لری

۱ - قسم سیاسی

نومرو -- ۱

انگلتره و بوکونی هندستان

[بو مقاله ۶ مایس سنه ۱۹۰۸ تاریخنده « لانه شیر » ده و ۲۲ تموز سنه ۱۹۰۸ تاریخنده « بلاقبارن » تجارت اوپه سنده ویریلان قونفرانسک موضوعی تشکیل ایدیوردی .]

بو کره بیوک بر عدم اطمینان ایله در که سزه توجیه خطاب ایدیورم بو عدم اطمینان طوغریدن طوغریه موضوع حقنده کی عدم اعتماددن دکل بلکه بو قدر آز بر مدت ظرفنده بویه مهم و واسع بر موضوعی لایق وجهله ایضاح و تشریح ایتک خصوصنده کی اقتدار سز اغمدن نشأت ایدیور مع مافیه بو موضوعک اهمیت حقنده کی فکر و قناعت کزدن جسارت آله رق سوزه باشلیورم .

هندستان نه در ؟ هندستان دن مقصد اوپله راست کله بر طاقم سیاحلر ایله سطحی نظر محرر لر طرفندن تعریف و توصیف اولنان هندستان اولیوب بلکه حقیقی هندستان در بو خصوصده حائز وقوف و تجربه اولوب انگلتره دولته خدمات مهمه ایفایدن لورد «دوفرین» ۱۸۸۸ سنه سنده قالدوته ده ایراد ایتش اولدینی نطقک بر قسمی عیناً بوراده ذکر ایتکی مناسب کوردم .

مشارالیه دیمشیدی که : هندستان — روسیه استنا ایدلیدی تقدیرده — عموم اوروپا ممالکنه معادل و ۲۵۰ (شمدی ۳۱۵) میلیون نفوسی جامع بر قطعۀ جسیمه در .

بو نفوس السنه مختلفه ايله متکلم و اديان مختلفه يه منسوب
 و متعدد. ملیتلره منقسم اهالیدن مرکب اولوب غیر قابل تألیف
 و تسکین بر طاقم تعصبات و عادات اجتماعیه متباینه ايله یکدیگرندن
 آیرلشدردهندستانک اڤ زیاده شایان دقت ایکی فرقه مهمه سیاسیه سی
 واردر که بونلرده مجوسیلر ايله مسلمانلردن متشکدر فقط بو ایکی
 فرقه دن ماعدا ده ا بر چوق کوچوک ملیتلر واردر که (واقعا
 کوچوک تعیری خطا آلود بر تعیردر چونکه بو کوچوک ملیتلر
 بر چوغی ملیونلرجه نفوسی احتوا ایدیور) بونلر کرچه سالف
 الذکر ایکی بیوک فرقه سیاسیه داخل بولنیورلر ایسه ده یکدیگری
 آرسنده کی فرق و تفاوت مجوسیلر ايله مسلمانلر آرسنده کی فرق
 و تفاوت درجه سنده در نته کیم عادات و غنغات قهرمانانه لریله اشتهار
 ایتش اولان «سیخ» نامنده کی مجوسی عنصری ايله «روحیلا»،
 «پامتهان»، «اسامیز» و «بلوچ» عناصر اسلامیه سی و انکلیز
 اداره سی داخلنده ساکن سائر جنسکاور قبیله لر بوقیلدندر بوندن ماعدا
 هیالایا سلسله جبالی داخلنده ساکن و مغول عرقه منسوب
 و «بودا» مذهبیه سالک اهالی ايله هندستانک وسطنده و جنوبنده
 متمکن و غیر آریه عرقه منسوب «خوند» لر ايله «ماریس» لر
 و «بهیلس» لر دخی بو زمردندر برده ضایع اعمالیه ايله منافع
 و تشبثات تجاریه ده خطوات سریعه ايله ایلر یلکده اولان پارسی جماعتی
 دخی هندستان نفوس عمومیه سی میانده مهم بر موقع طوتمقده در.
 غرابدن ایلحق اوزره نوع نبی بشرک ازمئه قبل التاریخدن بو کونه قدر
 کچیرمش اولدینی ادوار مختلفه مدینتک کافه آثاری آنف الذکر عناصر
 ايله قبائل و جماعتده موجود بولتمقده در.

اليوم هندستانده طاشدن معمول سلاحلری حامل ، آوجی باشلغنی لابس ، ازمنه قديمه ده کی عرف و عاداته سالک و عقائد باطله طفلانیه ذاهب چيلاق وحشی طاغ آدملرینه تصادف ايدلدیکی کبی غریبک علم و عرفانیله متحلی ، افکار فلسفیه و سیاسیه و ادبیّه غریبه ایله مجهز نازک ، مدنی و اوروپالیر درجه سنده ادیب ذواته دخی تصادف اولنور .

دیگر طرفدن بویکی متضاد قسم آره سنده کی طبقات قیون و کچی سورولری ایله متحرک چادرلرینه مالک سیار قبیله لردن ، قان کودمه عاداته مبتلا اولوب حرب و ضربی کندیلرینه برمسلك وصنعت اتخاذ ایلیان عشرت لردن ، قرون وسطاده کی بارونلر ایله شوالیه لره مشابه اولوب مالکانه لری داخلنده اجرای حاکمیت ایلیان دره بکلرندن و منور الافکار ذوات کرام ایله تجارت و صنایع اعمالیه اربابنندن و سائرهن متشکلدر .

ایشته هندستانک وضعیت حاضرهمی بومرکزده در فقط نه چارده که بشقه ملترک حیرت و حسدینی موجب اولان بوهندستانه انکلیز لرجه نظر اهامال و لاقیدی ایله باقلمقده در بونک درجه صحتی آ کلامق ایسترسه کز مبعوثان انتخابانی مناسبتیه عقد اولنان متینغلردن برینه کیدیکز اوراده انکلتريه عاڈ ایشلرک تفرعانه وارنجهیه قدر مباحثات ومذاکرات جریان ایتدیکی حالده قوجه هندستان حقنده بر تک سوز اولسون صرف ایدلدیکی کوررسیکز حتی بو حال انکلتريه پارلمنتوسنده دخی واقعدر .

برچوق انکلیز رجالنه مراجعت ایدرک آنلره هندستان احوالنه دائر مصاحبتده بولندم بونلر مختلف جوابلر ویردیلر برچوق کیمسه لر

هندستان الدن کیدرسه انکیزلرک دها راحت یشایه جقلرینی بیان ایدیه جک درجه یه قدر واردیلر بمض کیمسه لرده انکیزلرک حکومتیه صوک درجه ده امنیت واعتمادلری اولدینی جهتله هندستان احوال الدن طولای اندیشناک بولمقدقلرینی بیان ایلدیلر .

انکیزلرک هندستان حقنده کی تسیب ولاقیدیلری بو درجه ده اولدینی کبی هندلی وطنداشلرمدن فرقه سیاسیة مخالفه ده اخذ موقع ایتمش اولانلرک بر قسمی ده عکسی بر ادعاده بولئورلر و کندولرینک انگلتره یه محتاج بولمقدقلرینی وانکیزلر هندستاندن چکیله جک اولورلرسه هندستان احوالک کسب صلاح ایله جکنی بیان ایدیورلر فقط فکرجه بویکی نوع فکرک هیچ بری ده معقول ومصیب دکدر چونکه هر ایکی فکر اربابی لورد « ده فرین » ک بیاناتنده مندمج بولئان حقایقی لایقیله تقدیر ایدیه مامش لردر بویله فکرلری بیان ایدنلر انگلتره ایله هندستانک منافع متقابله لرینی آکلامقدن عاجزدرلر .

بوراده هندستانده کی حکومت اسلامیه دن دور و دراز بحث ایتک ایستیم یالکز مغول ایمپراطورلغک انحطاطنه طوغری « مرهاته » لر ایله « سیخ » لر کبی اقوام مختلفه نک مملکتده عظیم بر نأرئ شورش و فتنه احداث ایتمش اولدقلرینی بیان ایدرم اوروپا ملل مختلفه سی بیننده کی رقابت دخی هندستان ایچون بیوک بر منبع اختلال واغتشاش تشکیل ایدیوردی ایشته بویله بر هر ج و مرج عمومی ایچنده ایدی که انگلتره ایله مناسباتمز باشلادی وبو مناسبات صلح و صلاح عمومی یه بر براعت استهلال تشکیل ایتدی بونکله برابر شرقی هندستان قومانیه سنک مظالم واعتسافاتی انکار ایدم بوراده موضوع بحث اولان احوال هندستانک ۱۸۵۸ سنه سندن صکره کی احوالدر .

متوفی قرالیچہ و یقتوریانک هندستان حقندہ کی بیاننامہ معلومی
 ہندیلرہ حریت مدنیہ، عدالت و هیچ اولمازسہ براز نظری مساوات
 بخش واعطا ایدلدیکنی مشعرایدی واقعا بوکون تام معناسیلہ مساوات
 موجود دکلسدہ مرور زمانہ و آزچوق ترقیات و اصلاحات نتیجہ سی
 اولہرق الیوم مشہود اولان نقصانلرک تماماً زائل اولہجنی مأمولدر .
 اسبق هندستان والی عمومیسسی لورد «رپون» ک «ایلبارت بیل»
 نامیلہ معروف اولان لایحہ قانونیہی تنظیم و موقع تطبیقہ وضعہ
 چالیشدینی صرہدہ هندستاندہ بولنان انگلیزلرک بو لایحہ نہ قدر
 اعتراض ایتدکلرینی درخاطر ایلیانلر ای بیلرلرک لایحہ مذکورہ
 هندستان ادارہ سنی درعہدہ ایلیان انگلیز ملتک معاونت و مظاہر قی
 انضمام ایتدکجہ اصلاً موقع تطبیق و اجرایہ وضع ایدیلہ مر .

هندستان انگلیز ادارہ سندنہ بعض ترقیات مادیہ نہ نائل اولمشدر .
 ہند تیمور یوللری ، قناللری ، پوستہ خانہ لری ، تلغراف خطلری
 و سائرہ انگلیزلر ایلہ مناسبات پیدا اولدقن صکرہ وجودہ کلشدر
 بو قیل انشاءت نافعنک فوائد و محسناتی حقیلہ تقدیر ایلیانلر
 هندستانک معادن و سائرہ کبی منابع جسیمہ ثروتک ایشلدنامسندن
 طولانی جدّاً متأثر اولیورلر منابع مذکورہ یالکز سرمایہ دارانی
 زنکینلشدیرمکله قالمیہ جق بلکہ فقرای ناسی دخی ضرورت
 و سفالتدن خلاص ایلہ جکدر . قحطک اجرا ایتدیکی تخریبات مدہشہ
 هندستاندہ کی انگلیز مأمورینک وظیفہ لرینی غایت اہمالکارانہ بر صورتہ
 ایفا ایلرندن نشأت ایدیور الحاصل ہندیلر انگلترہ دن بعض منافع
 استحصال ایتدکلری کبی انگلیزلر دخی هندستاندن برچوق منافع
 استحصالیلشدر شویلہ کہ :

(۱) هندستان آطه لردن متشکل اوفاق بر دولتی عموم جهان اوزرینه حکمران قلمشدر.

(۲) هندستان برمانیا کبی بر مملکتک انگلیز اداره سنه الحاق ایدلمسنه یازدیم ایتش و ایران ایله عراق و چین کبی ثمانک بعیده ایله انگلیزلرک مناسبات تجاریه تأسیس ایللرینه خدمت ایتشدر. انگلتره هندستانده بر موقع محکم صاحبی اولماش اولسهیدی بوکبی موفقیاتی قولایلقه استحصال ایدمزدی.

(۳) انگلتره نك دكزله حاكم اولسی دولت مشارالیهانك اوتوده بروده کهور استاسیونلری ایله بحری استنادکاهلره مالک بولمسندن نشأت ایدیور. زرهلیلر وقت وزمانیه کهور آله مدقلری تقدیرده برایش کوردمزلر روسلرک روس - ژاپون محاربه زائله سی اثناسنده کهور یوزندن دوچار اولدقلری مشکلات بو خصوصده بیوک بر مثال تشکیل ایدر. انگلتره نك بحر احمر دن باشلا یه رق اقصای شرقه قدر تأسیسنه موفق اولدیغی کهور استاسیونلری صرف هندستان سایه سنده وجوده گلشدر.

(۴) هندستان انگلتره نی بیوک عسکری بر ملت وقوی الشکیمه بر دولت حالنه کتیرمشدر. هندستان فنون عسکریه نك تطبیقی ایچون بیوک بر مکتبدر. هندستان انگلتره یه بر چوق بیوک عسکرلر ایله سیاسیلر یتشدرمشدر نته کیم لورد « قلا یو ایله واردن هستینگی، طوماس مونرو، مالموم، به یارد، چارلس نپیر ولورد روبرتس » کبی انگلیز رجال مشهوره سی هندستانده یتشمشلردر.

« دوق ده ویلیانغه ن » دخی تلیم عسکرینی هندستانده کورمشیدی مومی الیه ک « واترلو » محاربه سنده احراز ایتدیکی

موفقیت هندستانده کی تجارب عسکریه سی سایه سنده در.

هندستان الیوم سکسان بیک انگلیز عسکری ایله ایکی یوز بیک هند عسکری اعاشه ایتمکده در عساگر مرقومه البته نظر اهمیتله باقلمغه لایق بر مقدارده در ۱۸۷۸ سنه سنده کی روس - عثمانی محاربه سی اثناسنده انگلتره حکومتی قرق بیک هند عسکری بحر سفیده طوغری سوق ایتمشیدی بوندن ماعدا مصرک اشغالده ، چین سودان و بوئر محاربه سنده دخی هند عساگری استخدام ایدلشیدی. ایشته هندستانک حائر اولدینی بواهمیتدن بحث ایتمک ایسترم.

(۵) هندستانده استخدام اولنان مأمورین ملکیه نیک مقداری اوقدر چوقدرکه واردات عمومیه نیک برثلثی یالکز آنلرک معاشاتنه صرف ایدلمکده در البته بوده انگلیز ملتیه برکارد در.

(۶) انگلیزلرک هندستانده کی پاموق محصولاتندن استحصال ایتمکده اولدقلى منافع عظیمه حقنده کی تفصیلاتی بالاخره اعطا ایده حکم جهتله بوراده یالکز شوراسنی ذکر و بیان ایتمکله اکتفا ایلرم که ایکی یوز میلیون انگلیز لیراسنه رسیده اولان هندستان تجارت عمومیه سنک یوزده قرقی انگلتره اهالیسنک یدنده بولندینی کبی هندستان ادخالات عمومیه سنک یوزده التمش دردی دهینه انگلیزلر یدنده در هندستان حکومتیه در لولوازم و اشیاتدارک ایتمک امتیازینک انگلیز لره منحصر اولدینی بیانه بيله حاجت یوقدر.

ایمدی هندستان انگلیز اداره سندن چیقوب بشقه پر دولتک اداره سنه کچر و یاخود مدید بر مجادله دن صکره استقلاللی احراز ایدرسه عجبا وسائط و منابع مختلفه دن متنفع و متبعم اولان بو انگلیزلرک حال و موقعی نصل اوله جقدر؟ واقعا انگلیزلر مقتدر و منفعتلرینی

بحقِ تقدیره قادر درلر فقط بویله بر امر واقع قارشوسنده بولنه جقلری زمان جزا ئرده، مداغاسقارده، قره دکرز حوالیسندده و بالقانلرده اولدینی کبی صرف « آحیق قپو » وعدلرینک تکررینه معروض قالیه جقلری ؟ هندستانک بریتانیا ایمپراطورلغنک اجزای متممه سندن اوله رق محافظه سنی تأمین ایچون — هندستان ایله انگلتره نلک منافع منقابهلری اساسنه مبتنی — اوچ صورت واردر بونلرده :

اولا : هندستانه مختاریت اداره اعطا ایتک و ثانیاً کرک انگلترده و کرک هندستانده کی مجالس مختلفه دده ندلی اعضای منتخبه نلک بولنمنه مساعده ایتک و ثالثاً انگلتره پارلمنتوسنک اساساتی توسیع ایدرک هندستان منافع مخصوصه سنی اوراده اعضای منتخبه معرفتیه و قایه ایتدیرمکدر .

برنجی صورت بر از مشکلدیر چونکه هندستانده ساکن ملل واقوام مختلفه اده سنده کی اختلافات حاضره مسئله نلک بوسورتله حلنه مساعد دکلدر . تحصیل علوم وقنون ایتیش اولان هندیلر میاننده فداکار و فکر منفعتپرستانه دن آزاده آدملرک مقداری پک محدود اولدینی کبی هندستانده مقیم اولوب سویه عرفانلری هندیلردن دون مرتبه ده بولان ملل واقوام اجنبیه دن اهالییه قارشو بو آدملرک وضعیتلری دخی پک مساعد دکلدر بناء علیه بو وضعیت ، مطلوب درجه ده دکشمدکجه و مسلمانلر ایله عناصر مهمه سائر دخی حائر بولندقلری قدرت و لیاقت اداریه حقدده کی حسلرینی و عنعنات تاریخیه لرینی اونو تمدنجه غایت علوی برغایه خیالی اولان بو مختاریت اداره مسئله سی نیجه شمیدیلک غیر قابل تطبیقدر .

ایکنجی صورت سهل الاجرادر بو مجلسلرک اساساتنک توسیعی

ایچون هم هندستانده همدہ انگلترده بر چوق تشبثات وقوعبولمشدر فقط شمدی یه قدر بو باده اجرا اولنان معاملات « تعیین » صورتیله اجرا ایدلمش اولدیغندن حکومت ایله اهالی بینده ارزو اولنان حسن آمیزش حصولدیر اولامشدر . هندستان نظارتی مشاورلرینک یا هندستان اہالیسنک حسیاتنه بحق ترجمان اولدقلری ویاخود هند مسائلنی پک سطحی واسکی برطرزده محاکمہ ایتکده اولدقلری ظنندیم بو مشاورلر ایچندہ بر چوق کیمسہلری بیلیرم کہ حقیقہ ہندیلرک دوستیدرلر .

هندستان ادارہ سنک باشلیجہ قصورلری شونلردر :

انگلترده هند ایشلرینہ نظر لاقیدی ایله باقلمسی ، دوائر حکومتدہ کی معاملات قرطاسیہ نک کثرتی ، عمومیتلہ حسیات متقابلہ خیرخواہانہ نک فقدانی و خدمت حکومتدہ مستخدم اوروپالیر ایله ہندیلر آردسندہ کی تفرقہ مضرہ .

بواحوال مؤسفہ اصلاح ایدلدجہ هند مسئلہ سنک الیوم موجود بولنان مجاس معرفتیلہ حل و فصلی ممکن اولہ میہ جقدر .

اوچنجی صورت حل بنجہ پک معقول و مناسبدر یعنی هندستان منافی انگلترہ پارلمنتوسنجنہ وقایہ اولنمیدر . واقعا بوندہدہ اقتحام اولنہ جق مشکلات چوقدر فقط دنیادہ ہیچ برشی بلا کلفت و بلا زحمت میسر اولہ میور .

بومسئلہ حقندہ بن دخی برلایحہ حاضرلادم . بولایحہ ۱۸۵۸ تاریخندہ لورد « بہقونسفیلد » طرفندن ترتیب و تنظیم اولنان برلایحہ یہ مشاہددر . اشبولایحہدہ اتخاذ اولنان اصول وقاعدہ فرانسدہ موفقیتلہ نتیجہ لنش اولان اصول وقواعدک عینیدر .

انگلزلر تڪليفلرمي ايستر تصويب ايتسونلر ايستر ايتسونلر آنلر
 بهمه حال هندستانده كي موقعلرني اصلاح ايتك لزومني ادران ايتليدلرلر.
 هندستانده جريان ايدن وقيعدن - يعني اوراده حكومرما اولان
 شورش و اغتشاشادن - انگلتره اهالي سئك بالطبع معلوماتلري وازدر.
 بوشورش بر سراب كي تلقى اولمسون . واقعا انگلزلر اداره سئنه قارشو
 مسلمانلر طرفدن برميل و محبت ابراز اولمش و شمدى يه قدر هند-
 ستانده حقيقه جدى بر حادثه ظهور ايتماشدر فقط انگلتره رجال
 سياسي شوراسنى نظر دقندن دور طوتمامليدلرلر كه سياسي اتده كي
 موفقيت و مظفريت مهالك و مخاطراتى قبل الوقوع ادران ايتكده
 و تام وقئده بونلره قارشو تدابير احتياطيه توسل ايتكده در . اخيرا
 كسب قانونيت ايدن « تحريكات لايحه قانونيه سى » هندستان اهالي سنى
 حريت كلامدن فعلاً محروم براقيور . بونك اى و يا خود فنا اولديغنى
 سويلك بكا عائد برشى دكلدر فقط شو تدر ديه بيليرم كه بوكون
 هندستانده كي انگلزلر اداره سى برچوق مهالك و مخاطرات ايله مخاطدر
 حتى هندستان حكومتك نقطه نظرى دخی بومر كزده در .

انگلزلر هندليره اى معامله ايتلى و آنلره حقيقى و صادق آرقداش
 نظريه باقليدلرلر . انگلزلر ايله هندلير آردسندكى معاملات ملت حاكمه
 ايله ملت محكوم . معاملاتنه مشابه اولمانليدر .

انگلزلر خاطرلرندن شوراسنى چيقارمامليدلرلر كه هندستانى انگلزلر
 ايمپراطورلغنه قلب و افراغ ايليان بالذات هندلير درلر . تاريخه و با-
 خصوص مير آلاى « بانغ هه سباند » ايله « سير چارلس قروسودت »
 و « سير جون سيلى » نك محرراتنه مراجعت ايديليرسه بوكيفيت تبين
 و تحقق ايدر . هر نه حال ايسه شمدى هندستانك و خيم بر حالده بوانديغنى

فرض ایدہ رک اولاً اور ادہ حضور و آسایشک محافظہ سی و ثانیاً مملکتک تجاوزات خارجہ یہ قارشو مدافعہ سی ایچون نہ کی تدابیرک اتحادی لازم کلدیکی دوشونہ لم۔ ہندستان حکومتک ہندیلرک ارزو و حسن رضالینہ مستد بولمندیغنی کیمسہ ادعا ایدہ مز اور ادہ ارزو عمومیہ مستد بولنیمان بر حکومت بقا پذیر اولہ ماز۔ «سیر چاراس قروسودت» ک ہندستاندہ حضور و آسایش اہالینک ارزو و حسن رضالری نتیجہ سی اولہ رق محافظہ اولیور یوقسہ انگلترہ نک تدارک و اطاشہ ایدہ بیلہ جکی عسا کرک کافہ سی اہالی بی ضبط و ادارہ یہ کفایت ایدہ مز» یولندہ کی افاداتہ تمامیلہ اشتراک ایدرم

ایمدی آنک الذکر ایکی مسئلہ نک حلی ایچون انگلیزلر یالکزر عدالت، حریت و سائرہ اصول و قواعدی اوزرینہ حرکت ایتاملی بلکہ ہندستاندہ کی جماعات مختلفہ نک قیمت حقیقیہ سی دخی تصدیق و اعتراف ایلیدرلر۔ جماعات سائرہ نک اہمیتی استصفار ایتماککہ برابر ہند مسلمانلرینک حال و موقعی انگلیز ملتک پیش انظار دقتہ وضع ایلرم۔ بومسلمانلرک مقداری یتمش بش ملیونی متجاوزدر۔ آنلر اولہ مملکتدہ ملت حاکمہ ایدیلر و الحالہ ہند اہالیسی حقندہ ووقوف و معلومات فوق العادہ یہ مالک بولنیورلر دیانتلری ذہ انگلیزلرک دیانتک همان بستیون عینیدر آنلر بو آنہ دکین حضور و آسایش جہتی التزام ایتکدن بشقہ برشی یاہما مشلردر۔ ہندستاندہ الک بیوک یرلی حکومت بر مسلمان حکومتیدر یعنی حیدر آباد نظامنک مملکتیدر بناءً علیہ مسلمانلرک حقوق و مطالبہ رعایت ایتک درجہ وجودددر۔ الیوم مسلمانلرک ہندستان حکومتہ اولان درجہ اشتراک و انتسابلری بورادہ خلاصہ بیان و ایضاح ایتک فائدہ دن خالی دکادر :

« هند شرق قومیانہ سی بنگالہ، بہار و اوریسہ ایٹارینٹ اراضی ویرکولرینی تحصیل و جہایت ایتک وظیفہ سی ہند حکمدارندن استحصال ایتش و بو قومانیہ ۱۷۶۵ سنہ سنہ قدر بعض مرتبہ حرمت و رعایتہ معاملہ ایدلش ایدی فقط ۱۸۲۸ سنہ سنہ ایش بسبتون بشقہ لاشدی۔ مسلمانلر خدمت تحصیلہ نک کافی شعباتندن تدریجاً حقیقارلدی ۱۸۷۱ تاریخندہ مسلمان مأمورلر ایلہ محوسی مأمورلر ارہ سنہ کی نسبت برہ یدی نسبتندہ ایدی ۱۸۸۲ تاریخندہ ایسہ بو نسبت بسبتون تناقص ایدرک برہ اون رادہ سنہ تنزل ایتدی !

« دہا آشغی درجہ لرده کی خدمت لرده مستخدم مسلمانلرک مقدار دی دہا حیرت آوردد ہندستان خارجہ نظارتندہ استخدام اولنان ۵۴ مأموردن یالکز بر مسلمان مأمور موجود اولدینی کبی داخلہ نظارتی دائرہ سنہ مستخدم ۶۳ مأموردن دخی یالکز بری مسلماندر .

۷۵ مأموردن متشکل بولنان مالہ ویرکو دائرہ سنہ

۶۳ مأموردن متشکل بولنان دیوان محاسبات دائرہ سنہ

۹۰ مأموردن متشکل بولنان، بنگالہ دائرہ ولایتندہ

۸۲ مأموردن متشکل بولنان عدلیہ، سیاسیہ و مأمورین دائرہ لرندہ

۱۸۱ مأموردن متشکل بولنان بنگالہ ولایتی محاسبات عمومیہ دائرہ سنہ

برتک مسلمان مأمور یوقدر .

۱۱۳ معاوندن متشکل بولنان ویرکو ادارہ سنہ یالکز بر مسلمان

مأمور وارددر. کذلک بنگالہ ولایتی سبج عمومی مدیریتی دائرہ سنہ

یالکز بر مسلمان مأمور وارددر. ۱۳۰ باش مأمور ایلہ معاوندن متشکل

بولنان کمرک ادارہ سنہ بر مسلمان مأمور یوقدر. انضباط مدیریت

عمومیہ سی دائرہ سنہ، قلمکو تہہ کی ویرکو تحصیلات ادارہ عمومیہ سنہ

هندستان پوسته مدیریت عمومی سی دائره سنده مسلمانان لردن بر فرد بيله
یوقدر. ۲,۰۳۵ مأموردن متشکل بولان پوسته اداره عمومی سنده
یالکز ۱۱۰ مسلمان مأمور موجوددر. نافعہ وتلغراف دائره لرنده
یرتک مسلمان مأمور یوقدر. ۴۲۱ مأموردن متشکل بولان معارف
عمومیہ مدیریتده انجق ۳۸ مسلمان مأمور واردر.

قالکوتہ محکمہ عالیہ وتمیز دائره سنده مستخدم ۲۹۸ مأموردن
یالکز قرق یدیی مسلمان اولدینی کبی قالکوتہ بدایت محکمہ سنده
مستخدم ۲۷ مأموردن یالکز بری مسلماندر.

شرقی بنغاله قطعہ سنده مسلمانلرک نفوسی تجوسیلرک نفوسندن
زیادهدر حتی بعض یرلرده مسلمانلر نفوس عمومیہ نک نلاندن زیاده سنی
تشکیل ایدیورلر. حال بویله ایکن ۱۸۸۲ سنه سده فریدپور قضایی
داخلنده مستخدم ۳۶۶ حکومت مأموردن یالکز ۳۰ سی مسلمان ایدی
ونصیر آبادده ۳۴۴ مأموردن یالکز ۲۰

مدناپورده ۴۹۹ مأموردن یالکز ۳۹

پاینده ۲۰۵ مأموردن یالکز ۲۶

راجشاهی ده ۳۸۸ مأموردن یالکز ۵۷

باریسال ده ۴۲۳ مأموردن یالکز ۳۶ مأمور مسلمان عنصرینه
منتسوب ایدی.

اولوقدن برو آرادن یکرمی بر سنه لک بر زمان مرور ایتمش
اولدیفندن خدمات ولایاتده استخدام اولان مسلمان مأمورلر حقنده
بعض تفصیلات اعطاسی ایجاب ایدر.

بنغاله ولایتده ایفای وظیفه ایلان ۴۲ ایکنجی صنف حاکمن

یالکز بری مسلماندر ۷۵ برنجی صنف جنجہ رئیس و عدلیہ مفتشی
ایچندہ یالکز ۱۳ مسلمان واردر.

شرق بنغلادہ کی اون عدد ایکنجی صنف حاکم ایچندہ برتک
مسلمان حاکم یوقدر اورادہ کی اون عدلیہ مفتشی ایچندہ یالکز بر
مسلمان مفتش واردر.

مقداری ایکی یوز التمش برہ بالغ بولنان بدایت محکمہ سی حقوق
قسمی حاکم لری ایچندہ انجق ۱۴ مسلمان واردر.

ولایات سائرہ دخی حال تماماً بو مرکز دہدر.

بومبای دہ ۱۸ ایکنجی صنف حاکم ایچندہ یالکز بر مسلمان واردر
یند اورادہ ۲۲ تحصیلات مفتشی میانندہ یالکز بر مسلمان بولنمقدہدر.
مدراسدہ خدمات عدلیہ دہ مستخدم ۱۶۵ مأموردن ۱۳۵ ی مجوسی
۲۶ سی اوروپالی ایکیسی مسلماندر. پنجاب دہ ۴۴ مأمور ایچندہ
یالکز ۱۲ مسلمان بولنیور.

ولایات بالا دہ مستخدم ۴۴ ایکنجی صنف حاکم ایچندہ یالکز
۱۳ مسلمان موجوددر.

دوائر عالیہ دہ یعنی نظارتلر دہ استخدام اولنان مسلمانلرک قلی
آرتق بسبتون دلخراش بر رادہ دہدر. »

ایستہ ہند مسلمانلرینک انگلیز ادارہ سندہ کی حال و موقعلری
بودر. او مسلمانلرکہ بوکون ہندستاندہ حضور و آسایشک یکانہ ضامن
و کفیلیدرلر و عموم اہالی ہندیہ ایچندہ انگلیز ادارہ سندہ الک صادق
قالشاردر واک الیم و تجمانغرسا حال و موقعلر دہ بیلہ اعتدال دملرینی
صوک درجہ لردہ محافظہ ایدہ بیلمشلردر.

ایندی انگلترہ نک ہندستان خارجندہ، سیاسیات اسلامیہ دہ اوینامش

اولدیني رولی برکړه نظر تدقیقندن کچړه لم: روسیه دولتي انگلیز تقوق
بحریسینه رقابت وېو صورتله هندستانک استیلاسی احضار ایتمک نیتیه
بحر سفیده و بصره کورفرزنده برر اس الحركات بحری تأسیس ایتمک
أملنه دوشمشیدی . انگلتره نك ۱۸۵۶ سنه سی قریم محاربه سینه اشتراك
ایتمکدن و ۱۸۷۱ سنه سنده دولت عثمانیه لهنده اوله رق مداخله ایتمکدن
مقصدی صرف روسیه نك بوأملنه مانع اولمق ایدی . انگلتره حکومتی
هندستانک روس تجاوزاتنه قارشو مصونیتی تأمین ایچون اخیراً روسیه
حکومتی ایله بر مقاوله نامه عقد ایتمشدر بو مقاوله نامه یی تنقید و مؤاخذه
ایتمک وظیفهم خارجنددر . (واقعا لوندردده انتشار ایدن جریده لر
ایله مجموعه لره بو مسئله حقنده طرفدن بر چوق مقاله لر یازلمش ولورد
« کورزن » طرفندن لورد لر قماره سنده بو خصوصه دائر موجب
ممنونیت بر طاقم بیانات وقوع بولمشدر .) یالکز انگلیز لر شوراسی
بیان ایدرم که آنلر روسیه نك وعدلرینه قطعاً امنیت واعتماد ایتما لیدر لر .
پارس و برلین معاهده لر یی اخلاص ایتمک خصوصنده ذره قدر عذاب
وجدانی حس ایتمان روسلرک اخیراً انگلیز لر ایله عقد ایتد کبری
مقاوله نامه یه رعایتکار اوله جملرینه اصلاً احتمال ویریه منته کیم
« واریاغ » واپوری حادثه سی بو باده بر مثال تشکیل ایدر . بو واپور
بر روس واپوری ایدی . بونک قبودانی گویت شیخته - واپورک حامل
بولدیني روس بایراغه اشارتله - « یقینه دکزلره حاکم اوله جق
بایراغه دقتله باق » یولنده بعضی اخطار اتده بولمشیدی .

بو مسئله نك اهمیتی او قدر بیو کدر که لورد « لانسدون » برکړه
بالماسبه « بصره کورفرزنده هر هانکی دولت طرفندن اولورسه اولسون
بر اس الحركات بحری و یا خود مستحکم بر لیسان تأسیس و انشاسنه

انگلتره منافعی ایچون عظیم برتهاسکه نظریله باقه جغزو بوکاو سمع و اقتدار من
یتدیکی مرتبه ده ممانعت ایده جکدر « سوزنی صرف ایتشیدی .

روسیه نك هندستانه طوغری ایلروله مسی خصوصنده ذره قدر
شك و تردده محل یوقدر . روسلر حدودلرینی هرات بنده سنه قدر
یتشیدیر مشلر و اورایه قدر تیمور یوللر دخی انشا ایتشلردر حتی افغا-
نستانك هرات جهتمده کی حدودینه طوغری سوقيات عسکریه ده
بولمق ایچون نه قدر مدت لازم کله جکله دائر تجربلر دخی اجرا
ایدلمشدر .

زیر اداره لرنده میلیونلرجه مسلمانان مالک بولغان دولت عثمانیه
ایله انگلتره کبی ایکی بیوک مسلمان دولتی آرهنده بر اتفاق عقدینی
منافع حقیقیه سیاسیه بناء تکلیف ایدرم . بیوک عنفات تاریخیه
مالک بولغان ایران ایله شجاعت عسکریه ایله اکتساب شهرت ایتش
اولان افغانستان و ممالک اسلامیة سائر دخی انگلتره حکومتی خیلیدن
خیلی تقویه ایدرلر . انگلتره دولت عثمانیه ایله عقد اتفاق ایدرسه
روسیه یی بحرسفیده خروج ایتمکدن منع ایده بیله جك ، ایرانله عقد
اتفاق ایدرسه روسیه یی بصره کورفرزنده براس الحركات تأسیس ایتمکدن
منع ایده بیله جك و افغانستانله عقد اتفاق ایدرسه روسیه یی هندستانه
تجاوزدن منع ایده بیله جکدر .

انگلتره ایشه بو صورتله - هند مسلمانلرینه ظهیر اوله رق
یعنی بو مسلمانلرک حقوق و مطالبینی تصدیق ایده رک - هندستانده
حضور و آسایشی تأمین و دول اسلامیة ایله عقد اتفاق ایدرک مملکت
مذکور دی الذبیوک دشمننه قارشو صیانت و محافظه یه مقتدر اوله جقدر .
شیمیدی ده سیاستدن تجارتیه نقل کلام ایدرک باموق تجارتی حقنده کی

ملاحظاتی بوراده سرد واتیان ایلیه حکم : انگلتره ده پاموق تجارتنده اک زیاده علاقه دار بر شهر وارسه اوده لانه شایر درر بناءً علیه کرک هندستانده پاموق یتیشدیرن چفتجیلرک وکرک بو محصولی اورادن اخراج ایلیان لانه شایر لیلرک منافعه عائد بر قاپ سوز سویلک ایسترم خصوصاً که هندستانده اصلاحاتک اجراسنی ارزو ایدن انگلیزلرک اک چوغی لانه شایر لیدر .

(۱۸۵۸ تاریخده لورد « بهقونسفیلد » طرفدن ایراد اولنان

نطقه مراجعت اولنه)

برده بومبحث مناسبتیه لانه شایر ایله دیگر مملکتلر آرسنده پاموق تجارتندن طولای موجود اولان مناسبات و رقابت حقتده کی مطالعاتی بیان ایتکی موافق کورنیورم .

« انگلیز پاموق زراعی جمعیتی » کندوسنک معروض بولندینی مهالک و مخاطراتدن تمامیه خبردار اولدینی کی بوبابده ایجاب ایدن تدابیر مانعه یی اتخاذدن ده خالی قالماشدر . کرک بوجعیتک مساعی و تشبثاتی وکرک هندستانده کی پاموق زراعتک پاموق زرعی خصوصنده کی مساعی و اقداماتی منتج موفقیت اوله جنی اعتقادنده ایم .

لانه شایرک اوچ معروف رقیب و دشمنی واردر بونلر آلمانیا ایله آمریکا و ژاپونیادر .

آلمانیا هند پاموغی اشترا ایتک صورتیه بیوک بر رقابت قیوسی آچش حتی آلات و ادوات اعمالیه سنی دخی بو پاموغه کوره ترتیب ایتدیر مشدر ایشه بوسورتله در که آلمانلر پاموغی هم اوجوز فیأله صاتون آلیورلر همده پاموقدن اعمال ایتدکلی امتعه یی اوجوز فیأله صاتهرق رقیبلرینه احرار غلبه ایدیورلر .

آمریقا فوق العاده کوزل پاموق یتیشدیرر بر مملکتدر فقط
 شمدی آمریقا الیئرده فابریقه لر تأسیسی ایله پاموق اعمالاته تشب
 اتمکده درلر . بو فابریقه لرک دها قاچ سنه صکرده قدر عموم آمریقانک
 پاموق محصولاتنی استهلاک ایدجک مرتبه ده اعمالاته باشلايه جقلری
 شیمیدین کسیدیریله من ايسه ده شوراسی محققدرکه آمریقا پاموقلری
 آمریقا فابریقه لری طرفدن استهلاک اولمنغه باشلادیغی زمان انکلین
 فابریقه لری ایشسر ومعطل بر حاله کله جک وانکلین پاموق قاشلری
 آرتق رقابت ایدمه جکدر .

ژاپونیا دخی میدان رقابته آتیلمشدر ژاپونیا حکومتی پاموق صنعتنه
 برنظر حمایه ایله باققده وبوخصوصه معاونت تقدیه اعطا ایلکده در .
 چین دخی کلی مقدارده پاموق یتیشدیرمکده ايسه ده چین پاموغی
 نوعاً وجنساً ای اولدیغی جهته منسوجات قطنيه ایچون بو پاموغک
 همه حال هند ویا خود آمریقا پاموغله قاریشدیرلمسی لازم کلیور ژاپونیا
 چین پاموغی استعمال ایتدیکی جهته بالطبع بو محصولی تحت مراقبه ده
 بولدیرمغه چالیشه جقدر .

ژاپونیا نک استحصال ایتدیکی پاموغک منابعی شونلدر : ۱۹۰۶
 سنه سی حزراننده نشر اولنان الی آیلق ایستاتستیکه نظراً ژاپونیا
 ۲۰۹.۵۷۴,۶۶۲ لیبرا خام پاموق استعمال ایتمشدر . بو مقدارک
 ۷۵.۶۷۳,۶۸۳ لیبراسی هندستاندن ، ۶۷,۹۹۶,۹۵۴ لیبراسی چیندن
 و ۵۸,۵۴۱,۵۸۹ لیبراسی ده آمریقان تدارک ایدلمشیدی . پاموق
 صنایعک ژاپونیا ده فوق العاده ترقی ایتکده اولدیغنه دائر یک چوق
 دلائل موجوددر .

لانه شایر پاموق تاجرلرینک حال وموقعی مهالک ومخاطرات

عديده به معروض بولنديني بر صر دهه بو تاجر لرك هندستانده پاموق
 فابريقه لري انشا وتأسيس ايتلرندن شكايات ايدن بر « سوسياليست »
 خطيبنك سوزلرينه متحير اولدم . آلمانيا ايله فرانسه وانكتره ده دخی
 عين فكر ومطالعه يي اظهار ايدنلر اكسيك دكلدر . هندستانده پاموق
 فابريقه لري موجود بولنديني تقديرده عجباً بو يوزدن كيم استفاده
 ايده جكلدر ؟ هندستانك خام پاموغي زره لره كيده جكلدر ؟ هيچ شبهه
 يوتدر كه بو پاموق آلمان فابريقه لريني مستفيد ايده جكلدر . پاموغيك
 بشقه يرلرده يتشديرلمسي ايچون « پاموق زراعي جمعيي » طرفندن
 وقوعبولان تشبثاتك نه قدر مشر اوله جنی شمديدن بيلنه من ايسه ده
 جمعيت مذكور دنك بالا خره پاموق ايچون هندستانه محتاج ازله جنی
 مستغنی ايضاحدر فقط هندستانده پاموق زراعتنك ترقيسي ايچون
 نه كي تشبثات وقوعبولشدر ؟

موسيو « ه . لورانس » ك ويرديكي معلوماته نظراً « شرق هند
 قومپانيه سي » ۱۷۸۸ سنه سده هندستانده ابي جنسدن پاموق تخماری
 توزيع ايتمش و پاموغيك صيقشديريلوب دنك حاليه افرانگی ايچون
 تدابير معقوله اتخاذ اولمش و برقاج سنه صكرده صاف ، تمیز واصلاح
 اولمش پاموق ايچون مكافات تكليف ايدلمش و ۱۸۱۳ سنه سنندن
 ۱۸۴۰ سنه سنه قدر پاموغيك اصلاح و ترقيسي ايچون دنيا نك هر طرفدن
 انواع تخمير و متخصصلر جلب قلنمش ایدی . آمريقادن جلب اولنان
 متخصصلرك خدماتی مشر اولمش ايسه ده آمريقادن كتير تيلن تخمير
 هندستانك اقليمه اويغون كله مش و آنجق بومبای داخلنده
 « دهاروار » نام محله اكيلن آمريقا پاموق تخميرندن براز فائده
 كورلمشدر .

لورد « کورزون » ك واليدكي زماننده هندستانده زراعته فوق العاده دقت واهتمام اولميشدر . بوجهدن اوله رق اوراده اون زراعت مكتب عاليه ايله برتبع و تدقيق مؤسسه سي وجوده كتميشدر . بونلرده تدريسات انگليزجه در .

اكتريا هند پاموغي قوزمه سي اوفاق اولديغي جهته مصر و آمريكا پاموغلري درجه نده فائده لي بر صورتده استعمال ايديله ميه جي ادا اوليور . مصر ايله آمريكا پاموغلري رطوبتي اوزون مدت محافظه ايديله يلى تارالارده يتشديرلديكي جهته بو پاموغلر تخملى هندستان طور اغنه اويعون كله ميور . ديكر طرفدن آمريقاد دونه باشه ۲۶۰ ليبرا پاموق محصولي آلدیغي حاليه هندستانده دونه باشه ۳۰ الى ۵۰ ليبرا محصول آتيله يلى شوقدر كه هندستانده كي پاموق محصولي پاموق زراعتده دكمه جك مرتبه ده دوند .

بوندن بشقه ديكر برطاق سبلر دخی پاموق محصولك ترقى رواجنه مانع اوليور . لائقه شایر تجارت اوطه سي رئيسك تولىجه هندلير پاموغلرني قارشيدر دقلى ايچون پاموق اي برفيات طوميور . بوجهتده شایان ملاحظه وتاملدر .

هندستانده پاموق يتشدير مهنك اك مكمل اصول و وسائلنى تعريف ايتهدن وبوخصوصده شمدي يه قدر وقوعبولان تشبثاتك عقيم قلمه سنك اسبابنى ايضاح ايتهدن اول هند پاموغي حقنده آنفا درميان اولنان اعتراضاته جواب ويرمكي مناسب كوريورم .

برنجي ايله ايكنجي اعتراضه جواب اومق اوزره پاموق متخصصي و « دنياك پاموغي » نام اترك مؤلفي « سيرجوريج وات » ك افاداتي عينا بوجه آتي درج وازبارله اکتفا ايدرم . مومي اليه ديوركه :

« اعتقاد مجبه هنديلير پاموق قوزه لرينه دائر «مانچستر» اهالي سنجه كاملاً مجهول اولان بعض معلوماتي حائر بولنيورلر . هنديلير ازمئه قديمه دنبرو اوافق قوزد لر استعمال ايده كلدكلرندن آمريقا قوزه لري كي نتيجه لر استحصال ايده مامشلدرد . بو حال حاضره عائد بر مسئله اولوب بونك ماضي يه بر تعلق يوقدر . « دهكه » پاموغندن معمول برقاج پارچه موسلين (دلبد) ي ۱۹۰۳ سنه سنده قرال ادواردك مراسم تتوجيه سي ائناسنده دهليده قوريلان سر كيده بعض زواره صامش ايدم . موزه خانه لرده محفوظ بولنان اسكي تاريخي نمونه لر قدر متين وصا غلام اولان بوموسيليرك پاموغي اسكي اوليوب بلكه سنه مذكور دنك محصولي ايدى بناء عليه هند پاموغنك اصلاحي مسئله نك حلي بو پاموق قوزه سنك اوزون ويا قيصة اولسند ، دكل بلكه اوراده اليوم موجود اولان قوزد لر ايله بونلرك احوالي مدققانه تدقيق ومعينه ايتكدرد . مانچسترده اوزون قوزد لر استعمال ايدليور . اوراده استعمال اولنان قوزد لر هند قوزد لر يدرد . مطلوب اولان شئ على الاعلى درجه ده كي پاموقدر كه بونك هندستانده استحصال اولنه بيله .

جكنه هيچ شبهه يوقدر »

ايكنجى اعتراضه كلنجه « سنيد » ده اجرا قلنان بر تجربه ده دونم باشنه تقريباً بيك ليبرا پاموق ليفي استحصال ايدلمش ايدى . بونتيجه قالكوتده بيوك بر تاثير حصوله كتيرمش ايدى بناء عليه پاموق محصولنك اصلاحي ايجون « سنيد » ده اتخاذ اولنان تدابيرك بشقه يرلرده دنخي عين ثمره لري ويره جكنه هيچ شبهه يوقدر .

بر اوچنچى سبب اوله رق ادعا اولنان اهمال ولاقيدي يه كلنجه بوباده بر ديه جكم يوقدر . بنده تماميله بو ادعا يه اشتراك ايدليورم

فقط شونی ده اونو تیه مکّه «سعی و عمل» که محور مطلوبده حسن جریاتی
تأمین ایچون هنوز برکونه اصول و وسائط مناسبه اتخاذ ایدلما مشدر.
عدم موفقیت اک زیاده بوجهتدن ایلری کلیور.

هندستانده اک زیاده پاموق یتشدیرن مملکتلر شونلردر:

به رار، هندستان وسطی و بومبای ولایتی.

هندستان کړک طوغریدن طوغری به انگلیز اداره سنده بولنان
و کړک یرلی حکمدارلری طرفندن اداره اولنان اقسامنده یتشدیریلان
پاموگ قیمت شمنه سی «۳۰,۰۰۰,۰۰۰» اوتوز ملیون انگلیز لیراسنه
و بوباموگ زرغنه تخصیص اولنان اراضینک مساحه سطحیه سی دخی
یکرمی ملیون دوئمه رسیده اولیور.

اشبو پاموگ یالکز اوچ ربع ملیون لیرا قیمتنده بولنان یوز
بیگ دنکی انگلترده کتیرلریکی وسائر انگلیز مالکنده یتشدیریلان
پاموق محصولی یکرمی بیگ دنکی تجاوز ایتدیکی ایچون لائقه شایر
شهری پاموق تدارکی ایچون ممالک اجنبیه سی سنوی «۵۲,۰۰۰,۰۰۰»
اللی ایکی ملیون انگلیز لیراسی تأدیه ایتکده در.

ایمدی هم هندستانک همد لائقه شایرک استفاده سنی موجب اوله حق
برائلاف و صورت تسویه نك حصوله نیچون صرف همت اولنمور؟
بویه برائلاف هندستانی کوزل بر پیاسه به نائل ایده جکی کبی
لائقه شایری ده کنیدیسی کبی عین امپراطورلک عضوی اولان بر
مملکتدن مال آتیق مجبوریتده بولنديره جقدر فقط بونك حصولی ایچون
نیا آتیق اقتضا ایدر؛ افکار صائبه صاحبی اولان انگلیزلرده بوباده
برارزوی صحیمینک موجودیتده شبهه یوقدر. عجبا ائتلاف مذکوری

حیز حصوله ایصال ایچون هندستان حکومتک وساطتنه می مراجعت
ایدلمی یوقسه بشقه بر چاره می آرائلی ؟

لورد « پلمرستون » ك قولنج بر مملکت حقنده یا کاش معلومات
آلمق ایستیان بر کیمسه او مملکتده اوتوزسنه بولنش واورانك لسانی
او کرنش بر آدمه مراجعتله طلب معلومات ایدرسه مقصد حاصل اولور.
بوسوز احتمالکه بشقه محالمر ایچون طوغری اوله ماز فقط هندستان
ایچون پك طوغریدر. هندستانده مدت مدیده امرار حیات ایتمش اولان،
پاموق زراعتی حقنده معلومات و تجارب وافیہ صاحبی اولدقلرینی ادعا
ایلیان و حکومتی مدافعه دن بر آن خلی قلمیان انگیزلر ك حالی ده طبقی
بویله در . هندستان کبی شکل اداره سی اداره مرکزیه اولان بر مملکتده
هر نوع تشبثات و تشویقات حکومتدن کلیدر نته کیم بو حال آلمانیا ده
مشهوددر .

بر تدبیر متخذك صحت و حقیقتی اهالی یه ایناندر مقایچون اهالینك
حسیاتنه توافق ایده جك بر صورتده چالشمق اقتضا ایدر حالبوکه
هندستانده کی اصول بوکا تمامیه ضددر . بعض احوال نادره مستثنا
اولق اوزره هندلیلر ایله هندستانده مقیم انگیزلر آره سنده بر آهنگ
فکری قطعاً موجود دکلدر. بو آهنگسزلکه باشلیجه انگیزلر ك سببیت
ویردقلرینی کمال صفوت قبله بیان ایدرم . انگیزلر هندستانده بر چوق
شیلری تجربه اولق اوزره یاییورلرکه بو خصوصده کی معلوماتلری
« ماوی کتاب » لره منحصر قالیور. انگیزلر ك یاپدقلری شیلردن هیچ
کیمسه خبردار اولیور. شاید اهالی یه ایضاحات اعطاسی ایچون بر تشبث
وقوع بولیورسه - که پك نادردر - اهالی بو ایضاحاته بالطبع بر نظر
شك وشبهه ایله باقار . البته دنیا ده بر چوق اصوللر اولدیغی کبی بو

اصولہ لک تطبیق و اجرایی ایچون دہ ینہ برچوق اصولر موجوددر .
 بونظریہ قوانین طبیعتہ اولدینی کی قوانین فکریہ یہ دخی قابل تطبیقدر .
 ثمرات تبعائی اقتطاف ، اہالی یہ اصول زراعتی تعلیم ایچون عالی مکتبلر
 تأسیس ایدمش و تدریسات انگلیزجہ اولہرق اجرا ایدلمکده بولنمشدر .
 ایدمی اوچیوزمایون اہالی ایچون یالکزر بوقدر تثبت کفیمیدر ؟
 بتون ہندستانہ بش ویاخود آلتی زراعت مکتبی کفایت ایدومی ؟
 بوندن صرف نظر ، انگلیزجہ تدریسات عموم زراعتہ فائدہ بخش
 اولہ بیایرمی ؟ فرض ایدلم کہ بو فائدہ بخش اولسون فقط جاہل
 و امی آدملر بر مکتب عالینک اوزون مدت امتداد ایدن تدریساتہ
 نصل تحمل ایدہ بیلسونلر ؟

بوخصوصہ اتحاد اولنان تدبیرلر بنجہ پک صمیمی کورونمور .
 انگلیزلر پاموق زراعتی مسئلہ سنی خیلی مدت اہال ایتشلردر . بومسئلہ نک
 صورت مؤثرہدہ حلی زماننک شیمدی حلول ایتک اوزرہ اولدینی
 اعتقادندہیم . آتیا کسب اہمیت ایدہ جکنہ هیچ شبہ اونیان بوپاموق
 زراعتی کی برمسئلہ مهمہ یی صرف حکومتک انہ براقق بیوک پر
 حماقدر خصوصا کہ الیوم ملل سائرہدہ پاموق زراعتی حقندہ کی
 فعالیت کیتدجکہ تزايد ایتکدہدر . بنغالہدہ پاموق زراعتی عادتا ماضیہ
 عائد برمسئلہ عد اولنیور . اورادہ تداییر مؤثرہ اتحاد ایدلدیکی تقدیردہ
 بو زراعتک نام و نشانی بیلہ قائمہ جقدر .

انگلیز پاموق زراعی جمعیتی بو مسئلہ یی نظر دقتہ آملی وزراعتہ
 پاموق یتشدیرمک ایچون تشویقاتدہ بولنمیدر . بو کی تشویقات
 ہندایلرک حرمت و اعتمادیہ مظہر بولنان رؤسای محلیہ معرفتیہ
 اجرا ایدلدیکی تقدیردہ ثمرہ دار اولور .

جمعیت مذکورہ پاموق تخملری مجاناً و قری معتبرانی واسطہ سیلہ
توزیع ایتلی و پوستہ خانہ لرایہ خستہ خانہ لک و ساطتہ مراجعت ایلہ ملیدر .
بوجعیت جزئی بر مصرف اختیاریلہ هندستانک پاموق زراعتہ
الویریشلی اولان محالرنده ساکن اہالی یہ پاموق زرغنہ، پاموق خستہ لکنہ
و پاموق زرغنہ مخصوص طوپراغک جنس و نوعنہ دائر کندی لسانلری
ایلہ یازلمش رسالہ لری توزیع ایتلیدر . بو رسالہ لک توزیعاتی دخی
ینہ قری معتبرانی واسطہ سیلہ اجرا اولمیلیدر .

هندایلرک پاموق زراعتہ لاقیدطاورائمه لری جہالت و وقوف سزلقدن
ایلری کایور . پاموق زراعتک فوائدی ایلہ بونک صورت اجرا سی
حقنہ اہالینک فکری تنویر ایدلمدکجہ تتبعات ایلہ تجارب مشر
اولہ من .

پاموق زراعتہ ایکی مهم مانعہ دہا وازدر :

اولا کوچوک اصحاب اراضی میانندہ تشبہات مشترکہ نک فقدانی
ثانیاً زراعت باتقہ لرینک عدم موجودیتی .

برقضا داخلندہ کی تارالارک کافہ سنہ عین جنس تخم اکیلمدکجہ
تشبہات مشترکہ نک لزوم قطعیمی - بدیہیدرکہ - باقی قالہ جقدر
بنساء علیہ بو لزومی برطرف ایتک ایچون عین جنس تخملر توزیع
ایدلمیلیدر .

زراعت باتقہ لرینک تأسیسی محظوظیت عظیمہ یی موجب اولہ حق
و اہالینک اعتماد و امنیتنی جلبہ و برقضا داخلندہ یتشدیریلان پاموقلری
عین محامہ طوپلاتدیرمغہ یازدیم ایدہ جقدر فقط شوراسیدہ شایان
ملاحظہ درکہ زراعت باتقہ لرینک تأسیسی دخی معتبران محلیہ نک
معاونت و مظاهر تنہ مقفہ در .

هندستانده پاموق زراعتنك ترقيسى ايجون پاموق زراعى جمعيتى طرفندن وقوعبوله جق تشبثاتك منتج موفقيت اولسى ايجون جمعيت مذكوره عموم هندجمعيت، اتحاديه اسلاميه سى ايله ترقى اخوت اسلاميه جمعيتى على قدر الامكان ابراز معاونت ايله جكلردر . بو وعد معاونت برقاچ سنه اول وقوع بولمش اولسه ايدى احتمالكه بونك انجازى بر از مشكل اولوردى فقط شمعى بر وضع دوستانده ده بولنان مسلمانلرده حاصل اولان انتباه بر علامت خير ومدد اولدينى جهتهله انگليزلر بوندن استفاده ايتليد رلر .

انگليزلر آيدن ايله آطنه حواليسنده پاموق زراعتنك ترقى رواجه تشبث ايدم جك اولورلر سه آنلره سالف الذكر ايكي جمعيت اسلاميه اوراده دخى خدمات مفيده ايفا ايدم بيلير . عثمانلى حكومدارى انگلتره نك دوستيدر انگليزلر بويله بر دوستلقدن استفاده ايدم ميورلر ايسه قباحته ينه كنديلر نده در . بوراده مواد مختلفه حقنده بر چوق شيار سويلدم . از جمله هند مسلمانلرينك هندستان حكومتيله اولان مناسباتى صيقلاشدير مهنك اهميتنى ، انگليزلرك دول اسلاميه ايله اتفاق ايتلرينك فائده سنى و انگليزلرك هندستانده پاموق زراعتنى نه صورتله ايلرو كوتوره بيله جكلرينى و كرك هندستانده كرك ممالك سائرده رقيبلرينه نه يولده غلبه ايدم بيله جكلرينى بيان وايضاح ايتدم . آنفاً بسط وتمهيد اولنان احوال پيش نظر دفته آلير و اكا كوره تدابير مقتضيه به توسل اولنور ايسه انگلتره ايمپراطورلنى روما ايمپرا- طورانك احراز ايدم مديكى صلابت وماتى احراز ايدم جك و هند مبعوثلرينك انگليز پارلمنتوسنه دخولى ايله حقيقى بر « انسان پارلمنتوسى » وجوده كله جك و اوافق بر مقياس اوزرينه « اتفاق عالم » حصولدير

اوله جقدر . بو صورتله یالکنز بریتانیالیر دکل بلکه بریتانیالیره
منسوب و مربوط اولانلر دخی امواج بحره حکمران اوله جقلر و قید
اسارتدن ابدیاً قورتیله جقلردر .

۲

بالقانه مسندسی و مقوره بین الدول

رجال مشهوره سیاسیه دن بر چوق کیسه لر شرق قریبه عاذه
مناسبات دولیه صرف ذهن ایشلردر . دیسرائلی ایله سالیسوری
حکومت عثمانیه یی ، آیاستفانوس معاهده نامه سنک جبراً وضع ایتدیکی
شرائط نابجادن تخلیص ایچون صوگ درجده صرف همت و غیرت
ایتمشلردی . عثمانیلرک دشمنلری بیله ۱۸۷۸ محاربه سنک حقسر و نا
مشروع بر محاربه ولدیفنی اعتراف ایدیورلر فی الواقع محاربه مذکور دنک
ممالک عثمانیه ده بر دوره ترقی و سعاده مانع لر احداثی املیه ترتیب
و اعلان ایدلمش اولدیفنده ذره قدر شبهه یوقدر .

آیاستفانوس معاهده نامه سی احکام و شرائطک دولت عثمانیه ایچون
غایت الغایه مضر اولدیفنی و بالخاصه شرق ایشلرینک بر اساس دائمی
اوزرینه حل و تسویه سی مقصدینه مبتنی بولان ۱۸۵۶ سنه سنده منعقد
پارس معاهده نامه سی احکام و شرائطنه منافی بولندیفنی کیسه انکار
ایده مز . دولت عثمانیه ناک حقیقه دوچار غدر اولدیفنی و برلین
قونغره سنک قسماً آیاستفانوس معاهده نامه سنک تأثیرات مضره سی
رفع و ازاله ایتک قسماً ده دولت مشارالیه پای روسیه ناک نچه سندن
تخلیص ایلک ایچون اجتماع ایتدیکنی شمدیه قدر جمله عالم تصدیق

ایده کدیکی خالده بو صر دده بعض حقوق شناسان بومسئله به بشقه بر
 ماحیت ویرمکده درلر بونلر ما کدونیاده مراقبه مایه نأسیله دولت
 عثمانیه نك امور داخله سنه مداخله ایدلمسنى حقه توفیق ایتمکه
 جانشمقده و حقوق دول قواعدینه منافی اولان بو مدعا نك تأییدی
 ایچون برلین معاهده نامه سنه استناد ایتمکده درلر. ایدى بوبادده اسندلال
 اولنان نتیجه نك حقوق دولك بو آنه قدر قبول ایدیلان اصول
 وقواعدینه موافق اولوب اولدیغنى اklamق ایچون مذکور نتیجه نك
 مستند بولدیغى دلائل و براهینی تدقیق ایتک اقتضا ایدر.

اولا آیاستفانوس معاهده نامه سی ایله برلین قونفره سنك نتیجه سندن
 بحث بولنان اقسامی تدقیق ایدلم. آیاستفانوس معاهده نامه سی احکامی
 نفس الامرده او قدر ناحق و نامشروع و اوروپا منافع عمومیه سنه
 قارشو او قدر تهدید آور ایدی که اوستریا ایله انگلتره دولتری
 مذکور معاهده نك عموم دول معظمه طرفدن کاملاً تدقیق ایدلمسنى
 مناسب کور مشاردی. روسیه حکومتی بوتکلیفه ابتدا معارض بولمش
 ایسه ده بالا آخره برچوق مشکلاته بوکا موافقت ایتش ایدی.

قونفره نك کشادنده پرنس بیسمارق آیاستفانوس معاهده نامه سنك
 برچوق نقاطده، «اوروپا دولترنجه مقدا» عقد اولنان مقاوله نامه لرك
 تعیین ایتدیکی احوالی تعدیل و تغییر ایده جکنی و بناءً علیه مذکور
 معاهده نامه حقنده ۱۸۵۶ و ۱۸۷۱ معاهده نامه لرینه واضع الامضا
 قایینه لرجه سربستجه مذاکرات اجراسی لزومی حاصل اولدیغنى
 ایضاح ایتش ایدی. عین قونفره نك صوك صفحه سنده ایدی که «قوت
 شو و الوف» آیاستفانوس معاهده نامه سنك «روسیه نك اوروپا انظار
 عمومیه سی او کنده حکومت عثمانیه دن وقوع بوله جق مطالبك نهدن

عبارت اوله جغنی حکومت مشارالیه ایخبار ایچون عقد اولنوب
 یالکیز طرفین عاتدین اوزرینه مجبوری و واجب الرعایه بر مقاوله نامه
 ابتدائی اولدیغنی اعتراف ایتمش ایدی (۱۸۷۹) پارلمنتو اوراقه مراجعت
 اولنه) بوکجه و تائق قارشوسنده برلین معاهده نامه سنی تفسیر ایتک
 ایچون آیاستفانوس معاهده نامه سنک موجودیتنی قبول ایتک مشکلدیر.
 حکومت عثمانیه نك حقوق و وظائفی ایلک دفعه اوله رق تعیین
 ایلان آیاستفانوس معاهده نامه سی دکل بلکه برلین معاهده نامه سیدر .
 ایشته بونک ایچوندرکه عثمانلی الکانندن برقسمنک اعاده سی مسئله سی
 موضوع بحث اوله میه جنی کبی آیاستفانوس معاهده نامه سنک ذات
 حضرت پادشاهی یه و یا خود دول معظمه یه تحمیل ایتدیکی وظیفه دخی
 برطرف اولمشدر. برلین معاهده نامه سی ، دولت عثمانیه ایله روسیه
 آرسنده عقد اولنوب بالا آخره تعدیلاته تابع بولنش اولان مقاوله نامه
 ابتدائی شرائطی دائره سنده منعقد بر معاهده نامه در.

دقته تدقیق ایدیلیرسه اکلاشیلیرکه برلین معاهده نامه سی کرچه
 ظاهراً دولت عثمانیه یه بر فائده بخش ایتمش ایسه ده حقیقت حاده
 دولت مشارالیه نك ضرریله نتیجه نمشدر. دولت عثمانیه نك بونده
 یالکیز (ترکیا) قطعه سنی النده محافظه ایده بیلیمک کبی برکاری
 اولمش و بوسنه هر سکک ضیاعی ایسه پک آشکار بولنش ایدی. برلین
 معاهده نامه سنک اوننجی و اون برنجی ماده لری موجبجه آیاستفانوس
 معاهده نامه سنک « بیوک بلغارستانی » طونه دن آطه لر دکزینه قدر
 متمد اولق اوزره اوچ قسمه تقسیم ایدلمشیدی. بونلرک برنجی قسمی
 یالقانلرک شالنده کائن اولوب بلغارستان اداره مختاره سنی تشکیل
 ایتمش و ایکنجی قسمی ده بالقان سلسله سنک جنوبنده « روم ایلی »

شرقی « عنوانی تحتند بر ولایت حاله افراغ ایدلمشیدی بو ولایت طوغریدن طوغریه ذات حضرت پادشاهینک سیاسی و عسکری حکم و نفوذ هایونلرینه تابع بولمقله برابر مختاریت اداره بی احراز ایتمشیدی. بالفایلرک ال جنوبی جهتند کائن بولنان اوچنجی قسم ایسه « بلاقید و شرط » - اکر طوغری ایسه - دولت عثمانیه ترک ایدلمشیدی .

شیمدی بوراده موضوع بحث اولان قسم اشبو اوچنجی قسمدر بوقسم دولت عثمانیه بلاقید و شرط ترک ایدلدیکی جهته بوراده کی اداره نک اینی ویافنا اولمسی کیفیت ، اوراسنی عموم ممالک عثمانیه نک اداره سندن خارج و مستقل برحاله افراغ ایدمز. ایسته برلین معاهده نامه سنده دولت عثمانیه ایچون برقرانج وار ایدی ایسه اوده بوندن عبارت ایدی فقط ینه عین معاهده نامه دولت عثمانیه نک ضررینه اوله رق اجرای احکام ایتمش و آیاستفانوس معاهده نامه سنک ماهیت موقته سی حقنده برشک و ترده محل براماشدر.

بوسنه هر سسک اصلاحاتی دخی ، دولت عثمانیه ایله روسیه و اوستریا طرفندن بالاتفاق اجرا اوله حق تعدیلاته تابع بولمق شرطیه ۱۸۷۶ سنه سنده در سعادتده انعقاد ایلان قونغرعه تودیع اولنان لایحه یه توفیقاً (پارلمنتو اوراقی ۱۸۷۷ ، دولت عثمانیه نومرو ۲) معاهده نامه مذکورده قرارلشدیرلمشیدی فقط برلین معاهده نامه سی بوسنه هر سسک ولایتلرینک اوستریا طرفندن اشغال و اداره ایدلمسنی تهیه ایتک صورتیه ده شدتلی برتدیر اتخاذ ایتدی. آیاستفانوس معاهده نامه سنک بعض ماده لرینک بسبتون فسخ والفا ایدلماش اولمسی بو معاهده نامه نک برلین معاهده نامه سندن آیری اوله رق موجودیتته

دلالت ایتز . آیستفانوس معاهده نامه سنک بر قیمت و تأثیری وارسه اوده برلین معاهده نامه سندن منبعث اولمیدر .

برلین معاهده نامه سنک یکر می اوچنجی ماده سنده مندرج :
 « بومعاهده کندولریچون تشکیلات مخصوصه تعیین اولنماش اولان سائر روم ایلی ایالات شاهانه سنده دخی اکا مائل نظامات یاییله جقدر » فقره سی یالکیز ترکیانک منفعتنه اوله رق تفسیر ایدیلور ایسه ده بو فقره نه خاصه ترکیایه نه ده عموم ممالک عثمانیه عائد وراجع دکلدر . کله تطبیق اولنان برشی جزو نه ده اجرای تأثیر ایدر فقط تطبیقاته جزؤ کلدن آریله مز . ۱۹۰۳ سنه سی شباط و تشرین اول آیلرنده ویانه ایله مورشته غده ترتیب اولنان پروگرامک و ۱۹۰۶ سنه سی اوائلنده تشکیل ایدیلن مالیه قومیسو- تنک آتف الیمان ملاحظات و مطالعات نقطه نظرندن مقارن حق و صواب اولوب اولمدیغی بیطرف و آرای صائبه صاحبی اولان ذواتک حکمنه ترک اولتور . یکر می اوچنجی ماده خاصه ترکیا ایچون - روم ایلی شاهانه نک قطعات سائر سندن آری اوله رق - بر کونه وظیفه و حقوق احداث ایتیمور .

ایمدی ممالک عثمانیه نک اصلاح احوالی خصوصنده طرف اشرف حضرت پادشاهیدن وقوعبولان تعهداتک شکل و ماهیت قانونیه سی کرک برلین معاهده نامه سنک و کرک بو معاهده نامه دن اول عقد اولنان معاهده نامه لک مستند بولندقلری شرائط دائره سنده تدقیق ایدم . کرچه حکومت عثمانیه ، « حریت مذهبییه » « دین و مذهب خدمت دولته استفاده مانع دکلدر » وسائر کبی احکامه موافق حرکتده بولمقده ایسه ده « رضای عالی پادشاهی » سوزینک ، برلین

معاهده نامه سنك قرق ايكنجى ماده سنده مندرج بولنديغى وجهله ،
 ذات شاهانه لرى ايچون نه صورتله مجبورى و واجب الرعايه بر حال
 تشكيل ايتديكنى بر درلو اكلايه ميورم . عثمانلى مرخصى بروكسل
 قونفرانسده حریت مذهبيه نك جمله قواني ن عثمانيدن بولنديغى يك
 حق بر صورتده اثبات وايضاح ايتشيدى . آتالذ كر ماده نك دن
 و مذهبك بر كونه مانعه تشكيل ايتديكنه دائر ۱۸۵۶ سنه مى شاطنات
 اون سكزنجى كوفى نشر و اعلان اولان كاخسانه خط هايونيك بر
 عكس صداسى اولديغى فكي رنديم مع مافيه بونك ، دولت لردن برى
 طرفدن دولت عثمانيه نك ايشلرينه متحداً و يا خود منفرداً مداخله
 اجراسى ايچون بر حق احداث ايتديكنك اكلاشامامسى ايچون
 ۱۸۵۶ تاريخلى پارس معاهده نامه سنك مذكور خط هايونه دائر اولان
 طقوزنجى ماده سى شو صورتله تنظيم ايدلشدر :

« شوراسى قوياً مقرر در كه اشبو تبليغ ذات حضرت پادشاهينك
 » نه كندى تبعه سيله اولان معاملات شاهانه لرينه ونده سلطنت سنيه
 « لرينك اداره داخله سنيه كرك منفرداً و كرك مشتركاً مداخله ايتك
 » ايچون هيج بر حالده دول معاهده يه بر حق و صلاحيت ويرميه جكدرد .
 بوندن ماعدا ، اشبو ماده دن دولت عثمانيه نك نظرقانونده حقوق
 مشروعه اساسيه سى يعنى حقوق حكمراني سى ، حقوق ملكيه سى ،
 حقوق مدافه سى حقه ده بازارلغه كيريشديكى استدلال اولانه مز .

ممالك عثمانيه ده سوء ادار نك موجوديته قائل اولنديغ كى ذات
 حضرت پادشاهينك تبعه ملوكانه لرينك من بعد دوچار غدر و اعتساف
 اولاملرينى جدا ارزو ايتدكلر نندنده امينم . ذات تاجداريلرينك تبعه
 و زير دستان هايونلرى حقه ده پرورده بيوردقلى نيات حسنيه بر

دلیل اولیٰ اوزره ۱۸۷۶ سنه سنده بتون ممالك عثمانیه نك شكل اداره سنده اساسی بر صورتده اصلاحات اجرایی ایچون وقوعبولان تشبثاتی ذکر و بیان ایدہ بیلیم . واقعا بو تشبثات او زمان عقیم قلمشیدی زیرا روسیه حکومتی قسماً دولت عثمانیه نك تقسیم ایچون آوستریا و آلمانیا دولتری ایله عقد ایتمش اولدینی ائتلافنامه خفی اقتضاسنجه قسماً ده روسلرک عثمانیلرکی عین اصلاحاتی طلب ایتلرینه میدان ویرمامک ملاحظه سیله عثمانیلر ایله محاربه یه کیریشمش و سالف الذکر اصلاحات تشبثاتی سکتیه اوغرا تمشیدی . سوء اداره بهانه سیله دولتر طرفدن وقوعبولان و حکومت عثمانیه نك کندی امور و خصوصاتنده سربسته حرکت ایتسنه مانع اولان مداخلات مکرره واقع اولمامش اولسه ایدی دولت عثمانیه روسیه ویا آوستریادن دهها مکمل بر اداره یه مالک اوله بیلیدی و « سوء اداره » تعبیری ده الیوم دولت مشار الیها حقنده استعمال ایدلمزدی . بوکی مداخلات باشلیجه بر نتیجه یه منجر اولیورکه اوده تبعه نك حکومتک قدرت و سطوتی حقنده کی اعتمادینک زائل اولسی و بو صورتله بالضروره اداره خصوصنده کی مشکلاتک تزايد ایتسیدر . ایشته کوریلورکه بار مسئولیت آرتق ذات حضرت پادشاهینک عهدء هایونلرنده قالمیور .

ایندی مداخله نك حقه مقارن اولوب اولدیغنی تدقیق ایدلم . بو باده کی تدقیقاتمزی اجرا ایتک ایچون اولاً حکومت عثمانیه نك سوء اداره سی بهانه سیله حکومت متجاوزه طرفدن وقوعبولان مداخلاتی ثانیاً اوروپا هیئت دولیه سی طرفدن وقوعبولان مداخلاتک مشروعیتنی و ثالثاً انگلتره نك بوکی تدابیر زجریه ده کی اشتراکی پیش نظر دفته آلمیز .

دولت عثمانیه نك عاقلرندن بولنديني معاهدات مختلفه حقنده
 علمای حقوقك دولت مشار اليها عليهنده اوله رق سرد و درميان
 ايتديكاري مطالعاتك بطلائي آنفاً ايضاح و تدقيق ايتمشيدك . موضوع
 بحث اولان لايحه ماليه نك - سالف الذكر معاهدات احكامنه استناداً -
 مشروعيتي تصديق اولنه ميه جفني دخي يوقاريده ادله لازمه ايله اثبات
 ايتديك . ايمدي لايحه مذكوره ني حقه توفيق ايده بيله جك اساسات
 سائره ني ده تدقيق و تعميق ايده لم . بو مسئله دولت عثمانيه نك امور
 داخليه سنه مداخله مسئله سي اولديني جهته بو كي مداخلاتي مشاهير
 علمای حقوقك افكار و مطالعاتي دائر سنده محاكمه ايتك ايجاب ايدر .
 علمای مشار اليهمك بو مسئله حقنده كي مطالعات قانونيه لري آنف -
 البيان احوالك بريني حقه توفيق ايده جك ماهيتدن اوزا قدر . الكيوك
 حقوق دول معلملرندن بولنان « هول » ك بومسئله حقنده كي مطالعه سني
 پيش نظر دفته آله لم . مشاراليه مداخله نك مشروعيتنه دائر اولان
 شرائطن بحث ايتديكي صروده دييوركه (ماده ۸۹) « حق استقلال ،
 حقوق دولك او قدر اساسلي بر قسميدر و بوكا رعايت ايتك او قدر
 ضروري و لابد دركه بو حقتك دون بر حال و موقعه وضعي استلزام
 ايده جك هر درلو افعال و حرركاته بر نظر نا خوشنودي ايله باقق
 لازمدر . مداخله اچون وسيله اتخاذ اولنه بيله جك اسبابك موجوديتي
 و بو اسبابك بعض احوال مخصوصه ده استعمالی - هيچ شبهه يوقدر كه -
 عكس بر نتيجه توليد ايدر . » (بند) مع مافيه ، مشار اليك
 اعتراف و تصديق ايتديكي وجهله ، بعض اسباب واردركه بونلره
 استناداً مداخله اجرامي جائزدر . شيمدي بوراده بزه تعلق ايدر بر
 جهت وارسه اوده محافظه نفس ايله منع ضرر قضيه سيدر .

محافظه نفس مقصديه و وقوع بولان مداخله بالطبع «بر حکومت متجاوزانك كندی تبعه سی طرفدن بر قومشو دولته و وقوع بولان هجوماری منع ایتمکدن عاجز بولنسی، کندی مالیکی خارجنده القای سورش و فتن ایتسی و یاخود انحق کندی انقراضیه اوکی آفنه بیلیر مخصوصاته میدان ویرمسی» کبی احواله شاملدر.

اسباب مذکوریه بناء مداخلاته معروض اولان بر حکومت یا تعهدات دولیه سی ایضا ایتماش و یاخود بونلری قصداً اخلال ایتمشدر بو حکومت بر خطا ارتکاب ایتمش و یاخود بر خطانك ارتکابه مساعده ایتمشدر که مداخله ایلیان حکومت بو خطانك تعمیرینی ایسترسه حرباً طلب واستیصال ایده بیلیر.

نتیجه حرب مداخله ایدن حکومتك لهنده اوله رق نتیجه لنیرسه بو حکومت شرائط صالحیه دن بری اولمق اوزره تعهدات دولیه سنه رعایت ایده بیله جك بر حکومتك تأسیسی شرطنی وضع ایده بیلیر کذلک محاربه یی کوزه آلان بر حکومت عین مقصدك حصوانی دها ملایم بر اصول مداخله ایله تأمین ایده بیلیر «معافیه مداخله یی موجب اولان خطا مره حکومت مذکورنك افعال و حرکاتدن و یاخود خطیئاتندن تخذت اینموبده محضاً بر شکل اداره نك نتایجی یوزدن و یاخود مداخله ایدن حکومتك و یاخود بو حکومت ارکاننك افکار و مطالعاتنه مخالف افکار و ملاحظاتك حکم فرما اولمسنندن تولد ایدیورسه بومداخله مشروعتدن ساقط اولور. بر حکومتك، قومشو بر حکومتدن طرز حیاتنك تعدیلنی طلب ایلنك و کندوسنك تمثیل ایتدیکی افکار و مطالعاتی انتشاره تشبث ایتنك حقنی حائز بولندیغنی سویلنك، بر نوع حیاتنك دیگر نوع حیاتنك موجودیتی بهاسنه محافظه و صیانت اولمنغه حق اولدیغنی

سویک دیمکدر نعبیر آخرله بو بر حکومت کندیته مخصوص برطرز
 حیاته یشامغه اولان حقنک دیگر بر حکومتک دیگر بر صورتده
 یشامقده کی حقنه عیناً و تماماً مساوی اولدیغی حقنده کی قاعده اساسیه یی
 انکار ایتک دیمکدر. بوندن ماعدا بویله برادعا بشقه جهتلردن دخی
 مغایر نصفت و حقانیتدر. اخلاق نقطه نظرندن «بر حکومت، کندی
 مراقبه سی تحتند بولمیان و نفوذی اوزر لرینه بلا اختیار تأثیر ایدن
 اشخاصک افکارنجه حصوله کان تأثیراتدن طولای مسئول اوله ماز .
 مداخله ایدن حکومت دوچار مخاطره اولورسه بو مخاطره کندی
 تبعه سنک و یا خود طرف ثالثک افعال و حرکات اختیاریه سندن تحت
 ایتدیکی جهتله حکومت مذکوره تدابیر احتیاطیه سی آنلره قارشو
 حصرا یتلیدر.» (هول، ماده ۹۱) مطالعات مبسوطه حکومت عثمانیه
 عطف و اسناد اولنسان اسباب مسئولیتی پک صریح بر صورتده رد
 و جرح ایدر و شوراسی بالکمز جلوۀ طالع نتیجه سیدرکه اساساً هرملته
 منسوب اهالی یی ممنون ایتک ملاحظه عدالتپروزانه سیله قونسولسلره
 اعطا اولنان حق قضا الیوم دولت عثمانیه نک علینده استعمال ایدلمکده در.
 دولت عثمانیه غوائل داخلیه سندن قور توله جق اولورسه ، «ممالک
 عثمانیه ده کی سوء اداره اوروپا دول متجاورده سی ایچون برتهلکه اولش
 اولور .» کیفیت بر بهانه اتخاذ ایدیلرک حکومت متجاورده طرفندن
 وقوع بولان مداخله نک اسبابی رفع و ازاله خصوصند حقوق دولک
 دولت مشار الیه یه برحق بخش ایتدیکنه شبهه یوقدر .

«وسيله مداخله اولان احوالک منعی ایچون وقوع بولان مداخله نک
 ماهیتی بسبتون بشقه در. موضوعی دولتلرک یکدیگریله اولان مناسباتنه
 منحصر بولنان حقوق دولک کرک طوغریدن طوغریه و کرک

طولا یسیله بوکی احواله شمولی یوقدر. حقوق دول احوال مذکور دینی موضوع بحث ایدیورایسه بوبحث بشقه برسیدن ایلری کلمکده در. شویله که بعض افعال و حرکات ، بغایت مذموم و باعث عار و حجاب بر ماهیتی حائز بولندینی جهتنه بر رذالت عمومیه شکلی آلیر و صفت انسانیه و اخلاق بشریه ایله غیر قابل، تألیف برحاله کلیر. بو حالک دوام و بقای بشریت ایچون موجب شین و عار اوله جنی ملاحظه سیله بر هیئت دولیه و یا خود بو هیئت دولیه نامنه اوله رق بر ویا بر قاچ دولت بو حالک رفع و ازالسه تهشبث ایدر لر و مداخله ده بوضورتاه وقوعه کلیر .

حقوق دوله تابع بولنان دولتلرک یکدیگرینه غایت صیقی بر رابطه ایله مربوط اولدقلرینه دائر شمده یه قدر موجود بولنان ظن و فهاب زائل اولمقده بولندینی کی احکام حقوق دول موجبجه مداخله نک مستند بولندینی بعض اسباب مخصوصه دخی افکار حاضر دنک مردود و غیر جائز عد ایتدیکی اسباب سارهدن اساساً سهل التفریق دکلدر

بر مداخله نک مناسب و موافق اولوب اولماسی کیفیتی، افکار عمومیه نک بر فعل مذموم حقنده ملاحظات قانونیه یه استناداً دکل بلکه حسیاته مغلوباً و یردیکی حکمه تابع اولدینی کی علمای حقوقک افکار و آرای مدققانه لری دخی ینه عین حسیاتک تحت تأثیر و نفوذنده بولنمقده در.

علمای حقوقک بویله بر وضعیته بولنملرینه تأسف اتمامک ممکن دکلدر زیرا آنلر بونوع مداخلاته اعطای قرار ایتمکه بعض نوع مداخلاته بر شکل قانونی بخش ایتش اولیور لر که بوشکل، حقوق دولته قواعد اساسیه سندن برینی صوک درجه یه قدر رخنه در ایدر. بوندن ماعدا اشبو شکل قانونیک مبتنی اولدینی قاعده ، شکل مذکوره شامل اولان کافه احواله علی السویه تطبیق ایدلما مکده و بر طاقم احتراصاته

يك قولاً بقله آلت اولمقدہ بولنديغندن ، ظاهرآ نه قدر معقول و موافق
کورينورسه فعلاً ده او قدر خطرناك و مهلك بر حال كسب ايدييور
(هول ، ماده ۹۲) .

« اسباب معقوليه استناد و حسن نيته حركت ايتك شرطيله
بر هيئت دوليهيه و يا خود بو هيئت نامنه حركت ايدن بعض
منتسبينه دها واسع بر ساحه مداخله بخش اولنه بيلير ايسه ده بو هيئت
كنديلرني يكديكريسه ربط ايدن رابطه اجتماعيه ابتدائيه حسيه
قانون خارجنده برحق مراقبه مالک اوله مازلر . تشكيلا تي دها مكمل
اولان جمعيتلر - ترتيب و تنظيم ايتدكلى - قوانيني انفاذله اکتفا
ايدرلر . آنلر افراد مخصوصه ايچون ورقلى اصول و شرائط و يا خود
طرز حيات و معيشت وضع و تعيين ايتك تصديسندہ بولنمازلر . قانونك
منطقه سي خارجنده بركونه جبر و تضيق معامله سي وقوع بوله مز .
في الحقيقه بو خصوصه ده هيئت دوليه صورت مكمله ده متشكل بر جمعيت
سياسيه دن زياده حقوقه مالک اوله ماز . منافع منفرد مختلفه صاحبي اولان
دولتلك ، متفقاً حركت ايتدكلى زمان منافع عموميه بي بردولت
مخصوصه نك آمال و منافع شخصيه سنه ترجيح ايدہ جكلى احتمالي
دائماً موجود بولنمليدر .

مع مافيه قانون نقطه نظرندن ، بو صورته مداخله ايليان دولتلك
كندى صلاحيت قانونيه لريني تجاوز ايتدكلى ده اصلاً اونودلما مليدر .
آنلك درميان ايدہ جكلى معذرت و يا خود ابراز ايدہ جكلى دليل
آنجق اخلاقي برشى اوله بيلير . » (هول ، ماده ۹۵)

موسيو « رولن راقينس » حقوق دوله دار تأليف ايتديكي
اترك اون سكرنجي فصلنده (صفحه ۶۰۳) دولتلك ۱۸۸۵ — ۱۸۸۶

تاريخي عثمانلي - يونان محاربه بنده اتخاذ ايتمش اولدقلى خط حر کتدن بحث ايتديکي صر ده شرق مسئله سنک آيرى بر مسئله تشکيل ايتديکي و کرک ممالک عثمانيه و کرک ممالک عثمانيه په متجاور ممالک صغيره داخلنده «تاريخه و حقوقه استناداً تأسيس ايتمش بر قوه حاکمه مشترک کنک يعنى دول معظمه کنک حکم و نفوذى» موجود اولديغنى سرد و اتیان ايتمشدر . «هول» ، بوکا جواب اولق اوزره شو مطالعه ي درميان ايدييور : «بو حال هيچ بر وجهله اوروپا دول معظمه سنک بالاتفاق حقنده بر قرار اتخاذ ايلرينى مستلزم اولان احوال دن فرقى دکلدر . بونک احوال سائر دن فرقى بر جهتي و ازسه اوده بغايت عظيم و مزمن اولان تهلكه كنك مداخله مانعه ي مکرراً ايجاب ايتدير مسيدر . بويه بر مداخله هر نه زمان وقوع بولورسه مطلقاً او زمانک الجائته توفيق ايدلميدر .»

ايسته دولت عثمانيه كنك امور داخله سینه اوروپا هيئت دوليه سى طرفندن وقوع بولان و تکررينك دولت مشارالها اوزرنده هيئت مذکور دنك حمایه سنى احداث ایده چكى ظن اولنان مداخله كنك مشروعيتى حقوق دولك منطقه سى خارجنده و عدم مشروعيت پوشیده سيله مستورد در .

دولت عثمانيه هيئت دوليه میانه داخل اولق اچون اقتضا ایدن كافه شرائطى ایفا و اجرا ايتديکي و ۱۸۵۶ سنه سندن برو هيئت مذکور ديه داخل بولنق امتیازینى حائز بولنديغنى جهته کره ارضک هر طرفنده بر طاقم مهالك و مخاطراته محاط بولنان انکلتريه حکومتى کبی بر حکومتک - ولوکه دول سائر ايله مشترکاً اولسون - امور و معاملات داخلیه عثمانیه په غير مشروع بر صورتده مداخله په تصدى

ایتمی بر خضای فاحش سیاسی اولدینی آشکاردر. کرک قریم محاربه سی
 ائناسنده و کرک بو محاربه دن صکره انکارتد ایله دولت عثمانیه آرسنده
 جاکیر اولان مناسبات دوستانه تاریخیه حقند کی اعتماد لری هنوز صار.
 صلیان و انگلیز ااردندن غیر ممنون بر کتله عظیمه ایله مسکون
 اولان هندستان یکانه مدافع لری بولندقلرینه ذره قدر شبه اولیان،
 ملیونلرجه هند اهالی اسلامیه سنک معاونت و مظاہرت فلیه سی
 وقیع اخیرہ سیاسیہ حبسیله حال معاقبتده بولنمقدہ در. چونکہ اهالی
 مرقومه ذات حضرت پادشاهی یہ خلافت رابطه لریله مربوط بولنیورلر -
 بر رابطه که افغانیلر ایله کره ارضک اقسام مختلفه سنده ساکن ملیونلرجه
 مسلمانلری یکدیگرینه ربط ایدیور - دولت عثمانیه نک سلامتی دوچار
 تهلاکه اولدینی تقدیرده بتون عالم اسلامده بر قیام عمومی ظهور ایدہ جکنه .
 شبه یوقدر. آنفا بسط و تمهید اولنان افکار و مطالعاتک شکل و ماهیتی
 هر نه اولورسه اولسون بزماک خالصانه تمیائز منافع بشریه نک ترقیسی،
 صلح و مسالمتک بتون کائناتده حکمران اولسی، مدنیتک خطوات
 سریعه ایله ایلریلسی، ترک لریک تحتند بولندقلری فرض اولنان حمایه
 سیاسیہ دن قورتلری و بالآخره قریم محاربه سندن اول و صکره اولدینی
 مثللو انکلتزیه دکرلی بر دوست و متفق اولملری کی شیلردن
 عبارتدر.

۳

مشرطیت اسلامیه نظریه سی و ممالک عثمانیه ابد ابراه

و هندستانده اصومات

الیوم کره ارضک هر طرفی استیلا ایتمکده اولان امواج انتباء

مسلمانلری دخی راحت بر اقامشدر . دور جدید عثمانیک حلولی ، خلافت ایله شکل مشروطیت حکومتک مشروعیتی حقنده فوق العاده مهم بعض مسائلک ظهورینه سببیت ویرمشدر . خاقان مخلوعک الآن صفت خلافتی حائز بولنوب بولمیدینی و حکومت حاضرۀ عثمانیه نك قوانین (شریعت) اسلامیه ایله قابل توفیق اولوب اولمیدینی مسئله لرنده فکرلر مختلفدر هندستانده مسلمانلره ایری انتخاب دائره لری تخصیص ایتک اصولانه مستند بولنان اصلاحات بر طاقم سوء تفهملره سببیت ویرمش وبو نقاطک اسباب عیدیه بناءً موشکافانه تدقیق لازم کلمشدر .

اولا ، بر خلیفه نك بالاجماع طائمسى مسلمانلرک حیاتنده بر عامل ضروریدر .

ثانیاً ، اسلامک ترقی و تمدنی تصویب و قبول ایدوب ایتدیکنی تدقیق ایتک .

ثالثاً ، هندستانک انبساط و تکملات اقتصادی سنک حصولی ایچون محل مذکورده ساکن کافۀ اهالینک حکومت ایله تشریک مساعی ایللری ضروری و الزمدر . هندیلردن ولو بر قسمی اولسون مغیر ایدینه جک بر تدبیر هندستانک منافعه مضر و منافیدر .

نقاط مذکورده شرح و ایضاح ایدوبیلیمک ایچون خلافتک تدقیقنی بالضروره ایجاب ایتدیرن مشروطیت اسلامیه نظریه سنک تدقیق لازم کلیر . بو کیفیت شرق قریبده حال و موقع حاضرک خلیفه اوزرنده نه درجه یه قدر تأثیرات اجرا ایتدیکنی کوستردجک و هندستانده مسلمانلرک حکومت محلیه ایله اتحاد و اتفاق ایتلرینک حقیق بر قیمتی اولوب اولمیدینی ایضاح ایدوب جکدر . خلافت اصولنک تدقیقنی متعاقب بو اصول انکلیز مشروطیتی نظریه سی ایله مقایسه ایدیه جک و بونک ،

تدقیق ایدلسکده بولان نقاط اوزرنده کی تأیقاتی ایضاح اوانه جقدر .
 خلافت بر حاکمیتدرکه حضرت پیغمبری مدافع دین و حاکم دنیا
 صفت مضاعفه سنده تمثیل ایلیان بر کیمسه نك ذاته تقویض اولور .
 عامه مسلمین اوزرنده اجرای حاکمیت ایلجه جک بر خلیفه انتخابت
 اسلاملر ایچون فرض اولدینی اجماع امتله ثابتدر . « اعاصم » ك
 فکریخی ترویج و التزام ایدن خارجیلر بو انتخابت اختیاری اولدیغی
 ادعا ایتدکلری حالده کرک اسماعیلیه و کرک امامیه مذهبده بولسان
 شیعیلر بونی یالکیز مجبوری اولمق اوزره دکل بلکه بر امام نصبی
 مجبوریتمده بولسان جناب اللهك امرینه دخی موافق اولمق اوزره
 تلقی ایدیورلر . بواکی نقطه نظر دن هیچ بری طوغری کبی کورونمیور
 زیرا خارجیلرک ادعای آچقندن آچیغه اجماع امته مخالفدر . شیمه لرك
 صورت تلقیلری ده هیچ بر وجهله مجبورت صفتله توصیف ایدیله .
 میه جنك اولان جناب حق بوصفتی اسناد ایتدکلرندن طولانی باطلدر .
 خلافتك مجبوری اولسی خصوصنك عقل و منطقه می یوقسه
 شریعت می مستند بولندیغی مسئله سی پك مهم بر طاقم مباحثه قپو
 آچشدر .

معتزلیلرك فکرلرینه کوره بو مجبورت عقل و منطقه مستند
 اولوب کرک دولت ایشلرینك تمثیتی و کرک اهالینك حقوق
 مدنیه سنك وقایه و تسویه سی ایچون بر رئیسك انتخابی ضروریدر .
 دیگر طرفدن ابوالحسن الاشعری نك مذهبه نظرآ بو صرف شریعت
 مستددر . بو مذهبه کوره امور دنیویه نك احوال و شرائطی انجق
 بو اموره باقه جق بر کیمسه نك تعیننی ایجاب ایتدیریور ایسه ده
 وظائفك بر قسمی نفس الامرده دینی اولان بر خلیفه نك نصبه لزوم

کوستره مز . حالبوکه شریعت بالعکس، وظائف اداریه و حاکمیه یی امور و مسائل دینیه حائز قدرت و صلاحیت بولان بر کیمسه یه توجیه ایدر . قرآن عظیم الشانده « ای مؤمنلر اللهه ، رسول اللهه ، اولیای اموریکزه اطاعت ایدک » بیورلمشدر . کلام رسولدن بولدینی روایت ایدیلن شو حدیث شریفده بونی تأیید ایدر :

« بندن صکره سزی اداره ایده جک اولانلرک بعضلرندن بعض اییدکلر حاصل اوله جقدر . آنلر حسن صورته اداره ایده جکلردر ؛ بعضلری ده فاسد اوله جق و فنا صورتده اداره ایده جکلردر . آنلر ده اطاعت ایدیکز و آنلر شریعتیه توافق ایده جک هر خصوصه اطاعت ایدیکز . آنلرک اعمال حسنه سندن تحصل ایده جک اجر و مثنوآدن سزده حصه مند اولورسیکز . آنلر حرکات سیئه ده بولنورلرسه وزر ووبالی یالکز کنیدیلرینه عاڈ قالیر فقط سزینه « مظهر اجر اولورسکز »

الحاصل بو جهتلر اهل سنت و الجماعتدن اولان فقهانک کافه سی طرفدن تأیید ایدلمشدر .

ایمدی خلافتک صفت و ماهیت مجبوریه سی آنفا اثبات ایدلمش اولدیغندن منتخبلرک و خلافته انتخاب اولان ذاتک اوصافی حقنده بعض ملاحظات سرد واتیان ایتک اقتضا ایدر .

انسانلر منتخب اوله بیلمک ایچون مطلقا اوچ صفی حائز بولمیدرلر :

اولا ، آنلر - تعیرک تام معنا سیله - طوغری اولمیدرلر .
ثانیاً ، خلیفه نک انتخابی استلزام ایدن اسباب و احوال حقنده وقوف و معلومات لازمه یی حائز بولمیدرلر .

ثالثاً، غیرت و فعالیت ایله اداره امور نقطه نظرندن اک مکمل آدمی انتخاب ایچون اقتضا ایدن درایت و فراستی حائز بولمایدلر. ایشته بوندن کلاشیلور که مالک غریبه ده حق انتخابک اساسی اولان املاک و اراضی اسلامده بر شرط ضروری تشکیل ایتمز. رأی و یرمک حق کرک شهرده و کرک بر ولایت داخلنده اقامت ایدنلره سیاناً بخش و اعضا اولتمشدر مع مافیہ رأی و یرمک و انتخاب ایتمک حقک اجرایی خصوصنده کی رجحان صرف عادت و تعامل ایله تعین ایدیلور.

بر کیسه خلیفه انتخاب اولنه بیلیمک ایچون یدی صفتی حائز بولمایدلر. کندییی اولاً - تعبیرک تام معناسیله - طوغری اولمایدلر. ثانیاً، رأینه حواله اولنه حق مسائل حقنده اتخاذ قرار ایدنه بیلیمک ایچون اقتضا ایدن علومه کافی درجهده واقف بولمایدلر. ثالثاً، عموم وظائفی وجه معتاد اوزره ایفا ایدنه بیلیمک مرتبهده سامعه، باصره و ناطقه کی حواس و قوایه مالک بولمایدلر. رابعاً، مشی و حرکتی مانع اوله حق قصورلردن عاری اعضای وجوده مالک بولمایدلر. خامساً، اهالی بی اداره و امور حکومتی رؤیت ایچون اقتضا ایدن درایت و فراستی صورت مکملهده حائز اولمایدلر. سادساً، مالک اسلامییه بی محافظه و صیانت ایچون اقتضا ایدن جسارت و شجاعتی لزومی قدر حائز بولمایدلر.

یدنجی صفت - که سلاله یه تعلق ایدر - فوق العاده دقتی شایاندره. اهل سنت و الجماعت خلافتی قریش قبیله سینه حصر ایدیور و بوبابده کی قرارینی برنجی خلیفه، حضرت ابوبکرک حضرت رسول اللهدن ایشیتدیکی روایت اولنان «خلفا مطلقا قریش قبیله سندن اوله جقلردر» حدیث شریفی ایله حضرت رسول اللهک مدینه اهالی سینه - انصاره -

خطاباً بيورميش اولدقلرى «قريشيلرى ترجيح ايدىكز، بونى - خلافتى -
كنديكز ادعا ايتىكز.» حديث شريفه استاد ايدىيور.

بو حديثلر ابن خلدون، راد واسىباه كى مؤلفين مشهوره
طرفدن ذكر ايدلمشدر.

ديكر طرفدن شيعه لر خليفه نك يالكنز قريش قبيله سندن دكل
بلكه آل محمده يعنى بنى هاشمه منسوب بولنسى لزومنى ادعا ايدرلر.
معتزلي لر ايله خارجيلر ايسه خلافتى عموم مسلمانلره كشاده
بولندي ريور وبو قرارلرينى «رئيس بر حبش كوله بيله اولسه سز
آنى ديكلىكز و آكا اطاعت ايدىكز» حديث شريفه استاد ايدىيورلر.
اشبو قرار (ضرار بن عامر) كى معروف بر مؤلف طرفدن دىخى
تأييد ايدلمشدر.

آنفالذكر متخالف نقاط نظريه نك درجه اصابتى حقنده بيان
مطالعه ايتكم صلاحيتنى ادعا ايتماكله برابر شوراسنى سويله بيليرم كه
شيعه لرك خلافت حقنده كى نقطه نظرلرى كنديلرينك بنى هاشمه اولان
طرفكيرلكريله تماماً قابل تأليف اولديغى كى آنلرك آل تيمه منسوب
اولان حضرت ابوبكر ك خلافتى طائىمالرى ده ينه بو نقطه نظر
ايلرى كلمشدر. اهل سنت والجماعتك و ثائق مهمه يه مستند بولنان
نقطه نظرلرى قريشيلردن ماعد اعمومى خلافتدن محروم واستنا ايتدىكى
جهته بك طار فقط شيعيلرك نقطه نظرلرينه نسبتله عدل وحقانيته
دها موافقدر. تملى انسانيت و مساوات اولان، هر درلو تحكم و تغلبى
هدم و پايمال ايليان و بلال نامنده بر حبش كوله يى اشرافك اك بيوكلريه
مساوى طوتان بردياتك آل محمده منسوب اوليانلرى استنا ايدىك

قدر محدود و يا خود قريشيلردن ما عدا عمومي خارج طوته جق درجه دم
طار اوله ميه جني پك بديهيدير .

بركيسه يي دائره اسلاميته ادخال و كنديسنيه بخش مساوات ايتك
وصكره كرك بو دائره نك و كرك بو مساواتك ثمرات مشروعه سني
كنديسندن دريغ ايتك اسلاميتك عدل و نصفته موافق بر حال اولسه
كر كدر .

خلافتك عقدى ايچون اوچ عنصر يعنى اساس لازمدر كه بونلرك
برنجيسى انجباب (تكليف) ايكنجيسى قبول (حاكميتك قبولى)
واوچنجيسى ده افراد اهالى طرفدن ايفا اولنان (بيعت) در . بو اوچ
اساسك اهميتي حقنده زيرده تفصيلات لازمه اعطا اولنه جقدرد .

خلافتك عقدى معامله سنك حيز حصوله ايصالى ايچون ايكي صورت
يعنى اصول واردر . بونلردن برنجيسى خليفه عقدده عائد تعهداتى
ايفايه مقتدر اشخاص طرفدن انتخاب اولنق ايكنجيسى ده عموم
اهالى يي تمثيل ايدن سابق خليفه طرفدن تعيين ايدلك .

منتخبلك عددى حقنده افكار متخالفدر . بر مذهب كوره
خليفه نك حاكميتي حقنده موافقت عموميه نك اثباتى ايچون عقدده
متعلق تعهداته كيرشمكه مقتدر اولانلرك كافيسى انتخابه اشتراك ايتليدير .
فقط حضرت ابوبكر ك انتخابى بو اصول خلافته اوله رق وقوع بولمشدرد
زيرا خليفه مشاراليه يالكر حاضر و طرفدن انتخاب ايدلمشدي .
ديكر مذهب ايسه جمله سى متفقاً و يا خود برره بر واسطه سيله حركت
ايتك اوزره منتخبلك عددى بشه تحديد ايديور . بو اصول انتخاب
عمر ابن الخطاب ، ابو عبيده ابن الجراح ، اسيد ، بكر ابن سعد و سليمك
بيعتنى قبول ايدن حضرت ابوبكر ك انتخابك صحيح و معتبر اولمسيلاه مؤيددر .

کوفه مذهبېنده بولنانلر ايسه منتخبلرک عددی اوجہ تحدید ایدیور
آنلر، برقرارک صحیح و معتبر اولمی اچون برحاکم ایلہ ایکی شاهدک کافی
اولدیغنه دائر اولان مثالی اساس اتخاذایدرک بوتحدیدی وضع ایشلردر.
بشقہ مذهبدرده واردرکے بسبتون عکسی بر مطالعہده بولنیور
و منتخبلرک عددی برہ قدر تنزیل ایدیورلر. آنلرہ کورہ برحاکم
طرفدن ویریلن حکم نہ درجہده واجب الرعاہ ايسه برکشی طرفدن
وقوعبولان اتخابده او قدر صحیح و معتبر اولور. آنلر بوتقطہ نظرلرینی
حضرت علی نک انتخابی بر دلیل اتخاذایدرک تأیید ایدیورلر زیرا
حضرت علی یه یالکز حضرت عباس بیعت ایتش و عموم ملتده بونی
صحیح و معتبر اولہرق قبول ایلہ مش ایدی .

خليفة انتخابنک ایکنجی مثالی حضرت عمرک عهد خلافتنده
کورلمشدر . مشارالیه طرفدن الی کشیدن مرکب اولہرق تشکیل
اولنان انجمن پک مشهوردر . اصول موضوعه یه کورہ بوانجمنه
منسوب بش کشی آنلردن برینی خلیفہ اولہرق انتخاب ایدہ جکلردی .
بوتقطہ نظر بصرہ مذهبېنده بولنان علما و فقہا طرفدن عمومیتله
تأیید ایدلمشدر .

نامزدلر مطلقا تعیین اولنلیدر . اکثریت آرا انتخابی حل و تسویه
ایدر نامزدک رضایی ضروریدر . نامزد انتخابک نتیجه سنی - که ایجابہ
معادلدر - قبول ایدرسہ اهالی کندوسنہ بیعت ایتمکے مجبوردر
شاید کنیدیسی رد و امتناعده بولنورسہ ایکنجی نامزد خلافتہ انتخاب
اولنور . تساوی آرا وقوعی تقدیرندہ اک زیادہ مسن اولان ترجیح
ایدیلیر . تساوی سن وقوعی تقدیرندہ علم و فضیلت ترجیح اولنور .
اکر تساوی هر خصوصده واقع ايسه بعض فقہایہ نظر آقرعه کشیدہ سی

لازم کایر و بعضارینه کورمه اهالی بونا مزدردن ایستدکاری کیمسه به بیعت ایده بیلیر. بومراسم انتخابیه ختامذیر اولور اولماز عقد کسب قطعیت و مکملیت ایدر. اشبو انتخاب، مقامه لایق اولمیان بر کیمسه به بیه اصابت ایتسه ینه معتبر و صحیح اولور. معتزله مذهبه منسوب « جاحظ » ک مطالعه سنه نظراً عقد، معتبر و صحیح اسبابه مستند اولقسنزین نااهل بر کیمسه حقنده تقرر ایدر سه قطعیت کسب ایده مز چونکه اهالی یالکز اک مکمل و دکرلی بر آدمی انتخابه مأذوندر فقط فقهانک چوغی بونک عکسنی بیان ایدیور و بوخصوصده الیق بر کیمسه موجود ایکن دیکر بر کیمسه ناک حاکم اوله رق تعیننی مثال کوستریور. ایشه بوندن بر مسئله چیقیور که اوده یالکز اوصاف فضیلت مندانه ناک خلافته انتخاب ایدلمک خصوصنده مدار استحقاق تشکیل ایده بیلوب ایدمه مسیدر. مذهبارک بری بونی کافی کوریور و بر دیکری ده انتخاب و تعینی ضروری. عد ایدیور.

عین زمانده یالکز بر خلیفه موجود بولنه بیلیر. اختلافات وقوعی تقدیرنده خلیفه سابق مقرر خلافتی اولان محکم اهالیسنجه منتخب خلیفه ناک حق ترجیح اولور و یا خود سلامت و آسایش عمومینک محافظه سی ایچون منتخب خلیفه لردن بری حقوقی دیکرینه ترک ایلیدر مع مافیه اهالینک ایلک بیعت ایتدیکی خلیفه ناک حق رجحانی اولدیغنه دائر اولان فکر دهها معقول و معتبردر. هانکی خلیفه به دهها اول بیعت ایدلیدیکی کلاشیله مدینی تقدیرده انتخاب کائن لیکن حکمنده قالیر و انتخابک یکیدن اجراسی لزومی حاصل اولور.

خلافتک عقدی ایچون دیکر بر صورت دهها واردر که اوده خلیفه سابقک بوبابده ترتیبات اجرا ایتسیدر. بو صورت عقد اجماع امتدن

اولدینی کبی غایت موثوق و معتبر ایکی مثال ایله دخی مؤیددر . ایلك مثالی حضرت ابوبکرؓ حضرت عمری تعیین ایتسی تشکیل ایدیور . بوصورتله احداث اولنان صلاحیت عموم مسلمانلرجه مشروع اوله رق طانمشیدی . ایکنجی مثالده خلیفه انتخابی ایچون حضرت عمر طرفدن برانجمن تشکیل ایدلمسیدر بومثال عصر مذکور مشاهیری طرفدن دخی مدار احتجاج عد اولنمشیدی : حضرت علی حضرت عباسه دیمشیدی که « فوق العاده حائر اهمیت بر مسئله وارسه اوده امور و معاملات اسلامییه تعلق ایدن مسئله در بن بومسئلهده بیطرف قالمق ورأی ویرمکدن امتناع ایتک فکرنده دکم » شریعت موجبجه بوصورت انتخاب هم صحیح همد اهلینک اشتراکیله اجرا اولنان انتخابه تمامیه مطابقدر .

خلیفه طرفدن وقوعبولان توجیه « ایجاب » معادلدر بناء علیه بوتوجیه کیمک حقیقده وقوعبولورسه آنک طرفدن قبول ایدلمسی ضروریدر . خلیفه بوصورتله حرکت ایتدیکی حالده ملت نامنه حرکت ایلمس اوله جنی جهتله اصدار ایتدیکی توجیهی کیر و آله ماز مکرکه بوتوجیهده علاقه دار اولان شخصده استقرار دولتی تهلیکهیه دوچار ایده جک برقصور مشهود اوله . عجبا خلیفه دنیاده اللهک می یوقسه رسول اللهک می وکیلدر؟ بوسؤاله حضرت ابوبکر : « بن اللهک دکل بلکه رسول اللهک وکیلیم » یولنده جواب ویرمشدر . اهالی حضرت عمره اوله « خلیفه خلیفه رسول الله » و صکردهده « امیر المؤمنین » عنوانی ویرمشیدی .

منافع عمومییه اداره سنک خلیفه یه ترکی اهالی اوزرنده بر مجبوریتدر . خلیفه یه تودیع اولنان منافع مشترکه نک وقایه و محافظه سی ممکن اوله بیلمک

ایچون مخالفت و یا خود آیروجه حرکت ممنوعدر . اهالی دولته عاُد
امور و خصوصاتک رؤیت و تمشیقی خصوصنده خلیفهیه اطاعت و معاونت
ایتمکه مجبوردر . خلیفه نك شخصی حقنده و قوف و معلومات حاصل
ایتمه نك لزومی یوقدر فقط « ابن جاحظ » بوبابده عکسی یولده بیان
مطالعه ایتمشدر .

خلیفه نك وظائفی متعددر . خلیفه دینی مدافعه ، مقررات عدلیه نك
اجراسی اسبابی تهیه و انسانلرجه ارزو اولنان یره بلاموانع و مشکلات
کیدیه بیه جك درجده امنیت و آسایش عمومی یی محافظه ، مخدراتک
حیات و ناموسنی حمایه و اموال عمومیه یی صیانت و وظیفه سیله مکلف
اولدقن ماعدا قوانین جنائییه یی تطبیق ، حدودی مدافعه و محارباتی
اجرا و اداره یهده مجبوردر .

ویرکولرک تحصیل و جباتی ، خیرات و مبراتک اخذ و قبولی ،
مصارفک تنظیم و توازی ، نه پشین نهده کیچ اولماق اوزره وقتنده
اعطاسی لازم کلن معاشاتک تعینی خلیفه نك صلاحیتی داخلندهدر .
خلیفه مأمورلری تعین ایتمک و امور مالیه نك اداره سنه نظارت ایلمک
صلاحیتی ده حائردر . « هر بریکز برچوبانسکز و هر بریکز کندی
سوریکز ایچون مسئولسکز » حدیث شریفی منطوق منیفنجه امور
دولته بالذات اشتغال ایتمک خلیفه نك وظائفی جمله سنددر .

خلافت حد ذاتنده ایکی طرفک رضا و موافقیته حاصل اولور
برعقددر . برطرفک اطاعتی دیگر طرفک وظائفی تولید و استلزام
ایدر . خلافت ایکی صورته ختامه ایره بیلیر و اهالی یی انقیاد و اطاعتدن
بری قیلارکه آنلرده اولا عادل و متقی اولمق صفتنی خلیفه دن تزع
ایدن برنقیصه اخلاقیه و ثانیاً نقیصه جسمانیه در . نقیصه اخلاقیه ایکی

نوعدر برنجی نوعی تأثیری شهواته کاملاً انقیاددن عبارت اولان تقواسزلق وایکنجی نوع خلیفه نك شك وشبهه به معروض قالمسنى استلزام ایدن تقواسزلق در .

برنجی نوع تقواسزلقك تأثیری شودرکه خلیفه افعال ممنوعه یی ارتکاب ایدر ، موجب عار و حجاب اولان افعال وحرکاتدن متلذذ اولور وشهوآتی کندینه دلیل ورهبر اتخاذ ایلر بوندن ماعدا کندیسى طریق عدل وحقانیتدنه انحراف ایدر . ایسته بوکي احوال عقد خلافتی ختامه ایردیرر ویکي بر عقدك لزومی حاصل اولور . یالکز توبه واستغفار فائده ایتمز چونکه بوتوبه واستغفار طرفین معاقیدندن یالکز برطرفك تعهدینی حائزدر .

بونقطه ده اختلاف افکار موجوددر . بعض فقها بوصورت حرکتك خلیفه یی کندی نفوذ وحا کیمیتدن محروم ایتدیکنی بیان ایدیورلرکه یوعقلاً ده صحیحدر . خلافت برعقددرکه کندینك نقضی کندینی فسخ ایدر . ایکنجی نقطه نظر شودرکه احوال مذکوره خلیفه نك خلافتدن فراغت ایتمسنى ایجاب ایتمز بلکه فراغت ایتمسنى ایجاب ایدن اسبابی تهیه ایلر . حکم ونفوذ عالینك بردنبه دوچار انقطاع اولسی مخاطرات وخیمه نك ظهورینه سببیت ویره بیلیر . ۱۶۸۸ سنه سنده انکلتره ده اولدینی کي هرکس صداقت واطاعتدن مبری اولور ووظائف اداریه وعدلیه کاملاً دوچار سکتیه وتذبذب اولمش بولنور . خلیفه نك حاکمیتیه نهایت ویریلدیکنه دائر بر بیاننامه رسمینك نشری معقول کورونیورکه بوجهت ده ا زیاده تصویب اولمش وعمومیتله قبول ایدلش برفکردره . ایکنجی نوع تقواسزلق احکام اسلامیه به مغایر عقائده معتقد اولمقدن عبارتدر . بعض فقها بونی خلافتك دوامنه برمانعه عدایتدکلری

حالده بصره مذهبه منسوب اولانلر بويله برفکرده بولميورلر .
 بو اختلاف برطرفك اه ايله رسول الله حقنده كي خيالات باطله يني پيش
 نظر ملاحظه يه آلمسندن وديكر طرفك ده يالكز رسول الله حقده كي
 شك وشبهه لري قاله آلمسندن ايلري كليور .

خلافت عقدنيك ختامه ايرمسنی انتاج ايدن معيوبات و نقياس
 جسمانيه اوچ نوعدر :

(۱) حواس خمسده كي قصور و نواقص (۲) اعضاي بدنيه ده كي
 قصور و نواقص (۳) سربستي حركتك ضياعي .

قوة ميزدك انقطاعي وقوة باصره نك كاملاً ضياعي خليفه يني
 خلافتدن اسقاط ايتديكي كي مهم امور مليه نك خليفه طرفدن ايفاسنه
 مانع اوله جق درجه ده اعضاي بدنيه نك ضايع اولسي ده عين درجه ده
 برسبب سقوط تشكيل ايدر . سربستي حركتك ضياعي ، خليفه نك
 مادوننده بولان بر كيمسه نك اداره حكومتي بلا و كالت درعه ده
 ايتمسندن ايلري كليرسه خلافت انقطاعه محكوم اولور . بو حال خليفه نك
 غير مسلم بردشمن اله اسير دوشمسندن تحث ايدرسه و كندوسنك
 تخليصي ايجون وقوع بولان مساعي و تشبثات جدييه رغماً خلاصنه
 امكان قالمازسه بريكي خليفه نك انتخابي شرعاً جائز اولور .

ايمدي مباحثات آنفهدن مشروطيت اسلاميه نظريه سنك حاكميت
 عوام ملاحظاتي اوزرينه مستند بولنديغي تماماً تظاهر ايدر . خلافت
 انتخاب اصولنك مراقبه سي التنده در . خليفه ، انتخاب اولمق و بعض
 اصول و احكام مخصوصه دائره سنده حركت ايتك مجبوريتنده در كه
 بوناره رعايت ايتديكي تقديرده كندوسي حق آمريتدن ساقط اولور .
 ديكر طرفدن اهالي — خليفه نك وظيفه سي احكامنه مغاير

بر فعل و حرکتی وقوع بول دینی آندہ — کڼدوسنه اطاعتدن بری
 و معاف عدا و انور. ایشته بو صورتله درکه اهالی ایله خلیفه مقاوله نامه
 شرائطی ایله یکدیگرینه مربوط بولنور و بو مقاوله نامه خلافتده
 وقوع بولان هر حال و حرکت طرفینجه مستلزم مجازات اولور.

مشروطیت اسلامیة نظریه سنک انکلیز مشروطیتی نظریه سنه
 نه درجه لره قدر توافق ایتدیکنی و بوکانه مرتبه ده اجرای تاثیر ایلدیکنی
 آ کلامق ایچون انکلیز مؤلفلرندن « هوبز » ایله « لوق » ک و فرانسز
 مؤلفلرندن « روسو » نک « مقاوله اجتماعی » نامی تحتندہ سرد
 و ایضاح ایتدکری اصول و قاعده نک تدقیق لازم کلدی. بونک پک
 صریح بر صورتده آ کلاشیله بیلمسی ایچون بویوک فیلسوفلر کندی
 نظریه لرینی نصل و نه صورتله استحصال ایتدکری نک بیلمسی درجه
 وجودده در. « هوبز » ک تصویر و تعریف ایتدیکنی « آدم » خلقه هم
 مدنی همدہ صاحب ادرا کدر.

محضا بر انسان اوله رق طوغمش بولنسی کیفیتی انسانه قوای عقلیه
 و ذهنیه بخش و اعطا ایتمش ایسه ده کنیدیسی خود بین و طبیعتنده اک
 نافذ و حاکم بر عنصر اولان نفسه تابع ایدی. انسان، نفسه، نفسک
 تسکین احتیاجاتنه، آرزو و شهواتنه عائد ملاحظاته بناءً فعالیتہ کلشدر.
 انسان غرضدن عاری آمال و مقاصده بیگانه ایدی و « هوبز » ک
 فکرینه نظراً عموم انسانلر قدیمآ مساوی ایدیلر، صکره دن تحدت ایدن
 اختلاف تعلیم و تربیه الجا آتیه ظهوره کلشدر.

جوانمردلکدن بیخبر و دائماً آمال و مقاصد شخصییه خادم و ساعی
 بولنان آدملرک هیچ بر فرصتی فوت ایتیه جککری پک بدیهیدر.
 « آنلر دشمن اولورلر و آمال و مقاصدلرینک — که اساساً کندی

محفوظیتلریدر - استحصال ایچون یکدیگری محو و هلا که چالیشیرلر. ایشه بو صورتله « بر آدم آغاج غرس ایدر ، ا کین ا کر ، خانه انشا ایدر و یاخود مناسب بر محلك صاحبی اولورسه احتمالکه دیگر بعض کیمسه لر متحداً کلیرلر (چونکه یکدیگرینه قارشو اولان نفسانیتیه رغماً تجاوز ایچون اتحاد ایتک انسانلرک منفعتلری اقتضاسنددر) و بو آدمدن یالکز کندوسنک محصول سعی و عملنی دکل بلکه حریتی و حتی حیاتی دخی آلیرلر « عدم امنیت » ، بر حال خوف و اندیشه دائمی ، ترصدرات و تقیدات و حیل و دسایس هرکس اوزرنده حکمفرما اوله جقدر . « لاهی صالح ماده لری » کبی تداییر و ترتیبات و یاخود محافظه صالح و مسالمت ایچون بر قاق کشینک اجتماعی تمامیه احتمالات داخلنده در فقط بونلر - محافظه و صیانت نقطه نظرندن - تداییر موقته دن بشقه بر ماهیتی حازر دکلدر بناء علیه حکومت طرزنده دائمی بر قوه جبریه نك لزوم قطعیمی ظاهر و آشکاردر .

بویله بر قوه جبریه نك احداث و تأسیسی انجق بر صورتده ممکندر . عمومک انضمام موافقتیه بر شخص و یاخود بر مجلس « آرزوی عمومی نی اکثریت آرا ايله بر آرزویه تحویل و تنزیل ایتک ایچون » اقتضا ایدن قوت و صلاحیتک کافه سیله مجهز بولمیدر . آنلر بو صورتله « کندیلرینی تمثیل ایده جک بر شخص و یاخود بر مجلس تعیین ایده جکلر و کندیلرینی تمثیل ایلان کیمسه نك صلح و سلامت عمومیه عائد امور و خصوصات حقنده اتخاذ ایده جکی و یاخود اتخاذینه واسطه اوله جنی هر درلو افعال و حرکاتک فاعل و مسببی کندیلری اولدیغنی اعتراف و اقرار ایلیه جکلر و افعال و حرکات مذکورده کندی آرزولرینی اول کیمسه نك آرزوسنه و کندی حکم و قرارلرینی اول کیمسه نك حکم و قرارینه

تابع قیله جقلردر » اشبو صورت افراد بیننده اولان عهد و مقاولاته مستنددر . کویا افراد اهالی بر برینه :

« بن کندیمی اداره ایتک حقی شوآدمه و یاخود شو مجلسه ترك ایدیورم اما بوشرطله که سن ده سنک حقی شوآدمه ترك و شوآدمک افعال و حرکاته عین صورتده موافقت ایدسک » دیورلرایمش . ایشته بو صورتله درکه حضور و آسایشی تأمین و صلح و سلامتی محافظه ایتک ایچون بر حکومت وجود پذیر اولیور . بو حکومت تعبیر دیگرله حکمدار متبوع اولور و بشقه آدمک کافه سی ده آکا تابع اولورلر . اهالی حاکمیتی بو صورتله تودیع ایتکله اطاعته مجبور بولندقلری و بعض دفعه وقوع بوله جق افعال و حرکات متحکمانه سنبیله مداخله دن عاجز بولنه جقلری متبوع رضاسنی تحصیل ایتکمزین ، بر تشبث و یاخود بر تمیل مؤخرک اجراسی صلاحیتدن کندینی محروم ایتمش اولیور . حکمدار ایسه صریح و یاخود ضمنی بر مقاوله نامه ایله باغلی بولمیور کندیسی متبوع اولدینی جهته کندیسنک قدرت و صلاحیتک تحدیدی متناقض بر شی اوله جقدر . حکمدار اهالی بی تمیل ایدر و بناء علیه کندیسنک اهالی ایله بر مقاوله نامه عقد ایلسی کندی نفسی ایله بر مقاوله نامه عقد ایلسی دیمک اوله جقدر که بو متباین و متناقض برشیدر ، حکمدار قانونک باش منبعی اولدینی جهته کندیسنک افعال و حرکاتی قطعاً غیر مشروع دکلدر (واقعا بو افعال و حرکات بعضاً قوانین طبیعت و یاخود عدل و حقانیه مغایر و منافی اوله بیلیر) حکمدار محاربه اعلان ایتک ، صلح عقد ایتک ، املاک و اموال حقنده قانون تنظیم ایتک ، ویرک و طوبیلامق ، اردو باش قوماندانلغی بالذات درعهده ایتک و کندی مشاورلرینی ، حاکملرینی و وکلاسنی انتخاب ایتک قدرتی

حازر در . حضور وآسايشك محافظه سي ، مملكتك مدافعه سي ، رتبه
ونشانلر اعطاسي و مجرمينك تجزيه سي اسبابك استكمالي دخي
حكمدارك دائره اقتدار و صلاحيتي داخلنده در .

اك بيوك انكليز فيلسوفلرندن بولنان « لوق » دخي « هويز »
كبي انسانلرك خلقه مدني بر حكومه مالك اولمقلري وعقدوياخود
مقاوله نامه اجتماعينك بو حاله نهايت ويرمك مقصدندن منبعث اولديغي
فكرنده در . « لوق » حكومت مدنيه نك منشأني اوچ سببه ابنايديور:
« اولاه حق و باطلك ميزاني اوله حق و بين الاهالي تحدث ايدن
منازعاتك حل و حسمي اچيون بر مقياس واحد تشكيل ايله بيله جك
بر قانونك اتفاق عمومي ايله مؤسس بولنامسي ، ثانياً حال طبيعته كي
اختلافاتي ، قوانين مؤسسه و موضوعه موجبجه تقدير و محاكمه ايتك
نفوذ و صلاحيتني حازر بشقه بر حاكمك موجود بولنامسندن طولاني
هر كس قانون طبيعتك عين زمانده هم حاكمي همده اجرا مأموري
اوليور و بر چوق احوالده حرص و شهوته صوك درجه ده مغلوب
اوله رق قوانين مذكوره دن خيليدن خيلي يتباعدايدييور ديكر طرفدن
اهال ولاقيدى دخي بشقه آدملر حقده لزومسز يره رحيم و كريم
اولغه سببيت ويرييور ، ثالثاً بر كيمسه كندى حقني بر متجاوزه
قارشو پك اندر اوله رق منفرداً مدافعه ايدميسيلير . »

متجاوزلرك كندى حقسز قلريني محق و مشروع كوسترمكه
ذره قدر تجويز قصور ايتمه جكلري پك بدميدر . بناء عليه بوكي
حقسز قلره معروض قاله حق اولانلر حضور وآسايشك استقرارينه
خادم اوله حق اسبابك استكمالي لزومني ادراك ايدم جكلر و متجاوزلري
تأديب و تجزيه ايتك صلاحيتني حازر حاكملرك تعيننه بالاتفاق موافقت

ایلیه جکر و کندی حریتلرینی عموم افرادک انضمام رأی و موافقتیه تنظیم و ترتیب ایدیه جک قوانینه تابع بولندیره جقلردر . مستقر بر حکومت و یاخود تعبیر آخرله سیاسی و یاخود مدنی بر جمعیت وجود پذیر اوله جق و « حال طبیعت » نه نهایت ویره جکدر . « مقاوله اجتماعی » نك اصل و منشأی ایشته بودر .

الك بيوك قدرت و صلاحیتی بالطبع بو صورتله وجوده کتیریلن قوه تشریعیه تشکیل ایدر . بوقوه تشریعیه قوانینی تنظیم و یاخود فسخ ایده بیلیمکه برابر رفاه و سعادت عمومییه هدف مقصد اتخاذ ایتیمکه مجبوردر . قوه تشریعیه هر نه قدر حائر قدرت ايسه ده ینه مطلق و مستقل دکلدر . بو ، عقد و مقاوله نك طبیعتی اقتضاسنددرکه بر کیسمه کندیسنك مالی اوئیان بر شیئی بشقه بر کیسمه یه ویره مز . دیگر آدملرك حیاتلری ، حریتلری و تصرفلری کندوسنك مراقبه سی تحتنده بولندینی جهتله کندوسی قوه تشریعییه او آدملرك ایشنه مداخله ایتك صلاحیتی بخش و اعطا ایده مز .

قوه تشریعیه اهلینك رضا و موافقتی اولمقسزین - اجرای حکومت ایچون اقتضا ایدن پاردن فضله - بر ویرکو وضع و طرح ایده مز بونك خلافنده وقوع بوله جق بر حرکت قانون املاک . اساسی رخنه دار ایده جک و حکومتك تأسسندن انتظار اولنان غایه عقامته دوچار اوله جقدر .

الحاصل قوه تشریعیه نك صلاحیتی شو صورتله تحدید ایدلمشدرکه بو قوه تشریعیه یالکز اهلینك رضا و موافقتیه ایفای وظیفه ایدر . اهالی قدرت و صلاحیت سیاسییه نك منبع اصلیمی و مصدری بولندینی جهتله حکومتده اجرا اوله جق هر هانکی تعدیلات ایچون

رأى وموافقتك استحصالى لابد وضرورىدر شوقدرکه بوحکومت ،
قراله و پارلمنتويه توديع ايدلمش ايسه بونك تعديل انجق اهاينك
رضاسيله ممکن اوله بيلير .

« لوق » ك فكرنجه اهالى اك بيسوك قوتى حاز اولوب حكومتى
ايتديكى كى تبديل وتغير ايدوبيلير وكندى نامنه اوله رق قوانينى تنظيم
ايتك ايجون ايتديكى آدمى توكل ايله بيلير . « روسو » ايسه اهاينك
تفوقى مقبول عد ايتمش فقط قوانين تنظيم ايتك صلاحيتك آخره
توديع اولنمى خصوصى نفرتله تالى ايتشدرد . بوصلاحيتك اك امنيتلى
وسالم مستودعلى بالذات اهايلدر وبوصلاحيتك آخره توديع
وتفويضى ، وكيلك اصيلدن دها قوتنى اولنمى انتساج ايدجكدرکه
بوجهت براز عقل ومنطقه مغايردر .

« هوبز » حكومت مطلقه نى التزام ايديبور . مومى انييك فكرنجه
حكمدار افعال وحرركاتنده سربست اولوب كندوسنه اطاعت ايتمكه
تعهد ايتمش اولان اهاينك حقوق اساسيه سنه دخى مداخله ايتك
قدرتى حازدر . « لوق » ايسه حكومت مشروطه طرفداريدر
« لوق » ك فكرنجه حكمدار تبعه سنك حقوق اساسيه نى مطلقا
طانييلدر . حكمدار تبعه سنك حقوق ابتدائيه سنه رعايت ايتدجكه
تبعه ده كندوسنه اطاعته دوام ايتمكه مجبوردر . تبعه ايله حكمدار
آرسنده كى مقاوله بو اساس اوزرينه مبتنيدر . طرفيندن برى شرائط
عقد ومقاوله يه مخالف برحال وحركتنده بولئورسه ديكر طرف دخى
شرائط مذكوره يه رعايت مجبوريتدن برى وآزاده اولمش اولور .

ايشته بونقطه يه استناداً ايدى كه « لوق » ۱۶۸۸ سنه سنده كى
انقلابك مشروعتينى مدافعه ايتشيدى . « روسو » حاكيت عوامك

محافظه سی خصوصندہ «لوق» ایله هم فکر اولوب قانون تنظیم ایتک و حاکمیتی حائز بولمق صفت و صلاحیتک عوامک ید اقدارنده قالمسی التزام ایدیور .

ایشته بر طرفدن مسلمانلرک و دیگر طرفدن انکیزلرله فرانسرلرک مسالک مختلفه سیاسیہ لرینک نظریہ لری بومرکزده در . بونظریہ لرک تدقیقندن اکلاشدینی وجهله «لوق» ک نظریہ سی مسلمانلرک نظریہ سنه موافقدر . کرک «لوق» و کرک مسلمانلر حاکمیتی بر مقاوله نتیجه سی عد ایدرلر . مسلمانلرک خلافتی «لوق» ک حکومت مشروطه سنه موافق و معادلدر .

حکمدار عمومک مطاعی اولقله برابر بمض قیود و شروط رعایت ایتک مجبوریتنده در . سالف الذکر مسالکدن برینه نظراً حکمدار عادل اولمی و دیگرینه نظراً تبعه نک حقوق اساسیه سنه رعایت ایلیدر . بویکی نقطه دقله تدقیق ایدلیدیکی زمان ایکینک عین مقصده معطوف بولندینی نظاهر ایدر .

«لوق» ک نقطه نظرینک مشروطیت اسلامیہ نظریہ سنه توافق اینمی احتمالکه بعض کیمسه لرجه مراقی موجب اولور . «لوق» بوبابده کی فکرینی مطلقاً اوچ منبعک برندن استخراج ایتشدیر یعنی «لوق» بوفکری یا «هوکار» دن اقتباس ایتشدیر یاخود ۱۶۸۸ سنه سی انقلابی محق و مشروع کوسترمک ایچون بونی وضع و ترتیبه مجبور اولمشدر و یاخود فکر مذکور کی کندوسنجه هیچ بر وجهله مجهول اولیان اصول اسلامیہ دن استنباط ایلشدیر .

«مقاوله اجتماعی» قاعده سنک ازمنه اخیرده احداث اولندینی و بوقاعده اوزرینه مؤسس بولنان فرانسه و آمریکا حکومتلرینک

قاعدہ مذکور دنك احداثدن اول ظهور ايتمش اولدقلرى تاريخاً ثابتدر بناءً عليه قاعدہ مذکور دنك مشروطيت اسلاميه نظريه سنه ومشروطيت مذکور دنك اوروپا ممالك مختلفه سى حكومتلى اوزرنده اجرا ايتديكى نفوذہ بركونه تأثيرى يوقدر .

انگلتره پارلمنتوسى حقيقتاً عموم پارلمنتولرك آناسيدر وبلكده آنلرك اك مكمليدر . انگليز حكمدارى ايلك مساعده ي ۱۲۶۵ سنه سنده « مغنه قارته » (بيوك بيورلدى) ناميله معروف بياننامه ايله اعطا ايتمش وبونى متعاقب ۱۶۲۸ سنه سنده « حق استدعا » ۱۶۸۹ سنه سنده « لايحه حقوق » نامليله نشر اولنان بياننامه قرالى انگليز مشروطيتنك اساساتى توسيع ايتش ايدى .

مسلمانلرك اصول مشروطيتى انگليز مشروطيتدن دهاقديمدر زيرا حضرت پيغمبر مشروطيت اسلاميه قواعدى يدينجى عصر ميلادينك اوائلنده نشر وتعليم بيورمشيدى . عرب اصول وقواعدينك هر طرفده مظهر رغبت عموميه اولديغى مورخلرجهده مصدقدر . « پادووا » و « بولونيا » دارالفنونلرنده تعليم ايديلن كتب فلسفيه يونانيه رومجهدن دكل بلكه عربجهدن لاتينجهيه ترجمه ايديلن آناردن متشكل ايدى . انگليزلرك « مغنه قارته » سنى تنظيم وترتيب ايلمانلرك نظريات سياسيه اسلاميه دنك تحت تأثيرنده بولندقلرى ادعا اولنه من چونكه بونظريات تاريخ مذکور دن اول عموم اوروپا اوزرنده برنفوذ وتأثير فوق العاده اجرا ايدىوردى . « لوق » سياسيات اسلاميه نظريه سنه حقيله واقف ايدى نته كيم كنديسى يازديغى اثرلرده بونى تلميحات اعتراف ايدىيور .

ايمدى بونقطهده اوچ مسئله وارد خاطر اوليور :

اولاً، دولت عثمانیه نك و یاخود ایرانك شكل مشروطیتی اصول و احکام اسلامیة مطابق اولوب اولماسی .

ثانیاً، حکمدار لاحق عثمانیك خلافتی مشروع برصوتده احراز ایدوب ایتدیکی .

ثالثاً، اخیراً هندستانده اجراسنه ابتدار اولنان اصلاحاتده مسلمانلره تخصیص و تعیین اولنان آیری دائرة انتخابیه نه کبی قیمت و ماهیت عطف اولنه بیله چکی در .

(بند) مشروطیت اسلامیة نظریه سی انکلیز مشروطیتی نظریه سندن ده و اسعدر . مشروطیت اسلامیة قواعدی انکلیز مشروطیتك قواعد اساسیه نه تماماً مطابق اولمقله برابر حق انتخابی ده تصرف املا که یعنی بالکمز ویرکو اعطا ایلیانلره حصر ایتدور . احکام اسلامیة باشند باشه حاکمیت عوامی ترویج و التزام ایتدیکی جهتله حقوق و منافع اهالی بی حیانت و محافظه ایتك غایه سی پرورده ایلیان اصول حکومتدن بشقه برشی طانیز .

ممالك عثمانیه ده و یاخود ایرانده موجود بولنان شكل مشروطیت اداره اصول و احکام اسلامیة ایله تماماً مؤیدر .

عثمانلی شیخ الاسلامك فکر و مطالعه سی علمای اسلامیة نك افکار و مطالعاتنه کاملاً توافق ایدیور . بعض سیاسیون عثمانلی اداره جدیده سنك دوامی حقنده متردد بولنیورلر حالبوکه اداره مذکور حقیقه افکار اسلامیة نه تماماً موافق ایسه بونك دوامنده ذره قدر شک و تردده محل یوقدر . کنج ترك فرقه سی رؤسائندن شخصاً طانیدیغم بعض کیمسه لرك احوالندن استدلال ایلدیکم وجهله رؤسای مومی الیهم اخلاق صافیه و افکار جدیه احبابندن مسامت پرور برطاقم آدم لر در

آنلرک مقتدر اولدقلرينه و اقتدارلريني مملکتلرينک استفادہ سنہ حصر و استعمال ايليه جککرينه هيچ شبهه يوقدر. دورہ جديدہ نك دوام و بقايي خصوصندہ داعي انديشه بر حال يوقدر. پک چوق تبعہ اسلاميه مالک بولنان انکلتره حکومتی جامع خلافت اولان دولت عثمانيه و منبع علم و عرفان بولسان ايرانہ معاونت خيرخواهانہ سني دريغ ايتاملیدر.

ايکنجی مسئلہ حقندہ افکار متخالفہ موجوددر. بعض هند مسلمانلرينه نظراً خلافت خاقان مخلوعک شخصندہ منقطع اولمالمشدر آنلر خاقان مخلوعي الآن خلافتی حائز عد ايدرلر فقط ممالک عثمانيه ده شيخ الاسلامک صلاحيتی مسئلہ ني تماماً حل ايدیور. شيخ الاسلامک فکرنجه خلافت خاقان سابقک شخصندہ منقطع اولمشدر. زیرا ماضيدہ کندوسنک مساوي احوالی مشهور اولمشدر خاقان سابق حقندہ کی معلومات و مسموعاتمز مقارن حقيقت ايسه بو مسئلہ حقندہ ايضاحاتہ کيريشمک بيله زاندر. کنديسي طريق حق وعدالتدن انحراف ايدرک حکومتک دوام و استقراريني تهلکيه القا ايليه جک صورتده حرکت ايتمکه باشلار باشلاماز مطايعت حق کندندن زائل اولمشدر. کنديسي جان و مالک محافظه و حمايه سي ايچون خلافتہ انتخاب ايدلمشیدی فقط بوجان و مالی محافظه ايتدیکی کي تبعه سنک حقوق اساسيه سنہ دخي رعايت ايتماش و طريق حق وعدالتدن انحراف ايتمش اولديغندن خلافتدن بحق محروم اولمشدر. قانون نقطه نظرندن خاقان سابقک رسماً اجرا اولنان خلعي غيرقابل فسخ بر صورتده کسب قطعيت ايتمشدر.

هندستان اصلاحاتنه کلنجه بوبابده هنوز قطعي بر فکر بيان ايديله من.

ایسه ده تطبیق و اجراسنه ابتدار اولنان بواصلاحاتك هندستان تاریخ اداره سنده یکی بر دوره مهمه نك مقدمه سی اولدیغنه واهالی یی بر درجه یه قدر حکومته تقریب ایتدیردیکنه شبهه یوقدر. اورته صنفی تشکیل ایدن و بین الاهالی علم و عرفان ایله تمیز ایلیانلرك حق انتخابی یوقدر. دیگر طرفدن مالکانه لرنده یاریجیلرله مستأجرلرله عنف وشدتله معامله ایتمکدن کیر و طور میان بیوک اراضی صاحب لری کندیلرینك مستحق اولدقلری قدرت وحق انتخابی احراز ایتشلردر. مسلمانلره مختلف مجلس اداره لرده آری اعضا بولندیر مق حق ویرلمشدر .

ایمدی بوراده اصلاحاتك بوقسم نك تدقیق اقتضا ایدر چونک بوق کیفیت برچوق مناقشات و تقیداتی موجب اولمشدر . هند مسلمانلری کویا هندستانده یابانجی منزله سنده ایشلر و مقدارلری ده هندستان اهالیسی ایچنده مهم بریکون تشکیل ایتمورایمش و بونك ایچون آری بر دائره انتخابیه استحقاقلری یوق ایمش .

هند مسلمانلرینك هندستانده یابانجی صفتند بولندقلرینه دائر اولان ادعایه قارشو بوندن تقریباً قرق سنه اول مکم مکرمه علماسی طرفندن اقتضا ایدن جواب اعطا اولنش و غلنمای مشارالیم هندستانك دارالسلام یعنی صالح و مسالمت مملکتی اولدیغنی بالاتفاق بیان ایشلر ایدی بناء علیه مسلمانلر هندستانده اجرای آیین دینیده سربست بولندجه و دینلرینی تجاوزات خارجیه قارشو مدافعه یه قادر اولدجه اوراده یابانجی عد اولنه مازلر . منشألری نرهمی اولورسه اولسون بر هند مسلمانی هندلیدر .

مسلمانلرك اصول مشروطیت اداره یه قابیلری اولندیغنه دائر اولان ادعایه کئنجه: یالکز شوراسنی بیان ایله اکتفا ایلرم که مسلمانلرك

بتون حیاته حاکم اولان نظریهٔ سیاسیہ اسلامیہ بو ادعائک بطلاقی اثباتہ کفیدر . مسلمانلرک اصول مشروطیت حقندہ کی اعتقادلری انگلیزلرک انگلیز مشروطیتی حقندہ کی اعتقادلرینک عینی اولدینی حالده مسلمانلر نیچون امراداره و تطبیقاتده انگلیزلر کی حرکت ایتمسولر؛ مجلسده متخصص آدملر بولمسنک البته تأثیر کایدی واردر . هندستان مجلس عمومیسندہ هند مسلمانلرینک وجودی هم مملکت ایچون همده حکومت ایچون محسنات عیدینی موجبدر هندستانک منحصرأ مسلمانلره و یاخود محوسیلره و یاخود زردشیلره و یاخود شقہ برعصره عائد بولندیغنه دائر وقوعبوله حق برادعا هیچ شبهه یوقدرکه حقیق برهند وطنرورنجه موجب انکسار اوله حقدر . عموم هندلیلر هندستانک ترقی و تکملانی ارزو ایتدکلری جهته آرهلرده حزئی برنفاق و شقاقه سببیت و یره بیله جاک احوالی عظیم ر خوف و اندیشه ابله تلقی ایدرلر . هندستانده ساکک عناصر مختلفه آردسندہ کی امتزاج و وحدت مرتبهٔ کماله واصل اوله جنی رمان مسلمانلره آیری بردائرةٔ انحسابیه تخصیصی لزومی برطرف اوله حق و سائر انگلیز مستملکاتنده جاری اولان اصوله امتثالاً برهند مجلس عمومیسنک تأسیس و تشکیلی ممکن اوله حقدر .

ایمدی هند مسلمانلرینک مقدار نفوسلری نسبتندن فضله اعضا انتخاب ایتک حقنی احراز ایتمش اولدقلری حقندہ کی ادعائک بطلاقی اثبات ایدلم .

هندستان مجلس عمومیہ والی عمومی ایلہ یدی اعضای منصوبه دخی داخل اولدینی حالده التمش سکر اعضادن متشکلدر شویله که :

مأمورین حکومتدن

۳۵

والی عمومی طرفدن نصب و تعیین اولنان :

۴

انتخاب اولنان و یا خود حکومتک توصیه سی اوزرینه انتخاب قلنان

۲۸

۱۷

آنف الذکر ۳۵ مأمور حکومتی تمثیل ایتک اوزره مجلسده اثبات وجود ایدر لر نصب و تعیین اولنان درت اعضا دخی انتخابده اقلیتده قالمالردن طولای حقوقی محافظه ایدمیان عناصردن انتخاب اولنالردر .

هند عناصر مختلفه مهمه سنه مجلسده آتی الذکر موقعلر تخصیص اولمشدر :

موقع

۲

۱ — اوروپا تجارت او طه لرینه

۱

۲ — برمانیاده کی بودا مذهبه منسوب اولانلره

۸

۳ — مسلمانلره

۱۷

۴ — مجوسیلره

۲۸ یکون

مسلمانلره الی دائره انتخابیه تخصیص اولمشدر شویله که : پنجاب ، مدراس ، بومبای ، بنغاله ، « ولایات متحده » و بنغاله شرقی ولایتلرینک هر بری براعضا انتخاب ایتک حقنی حائر در . بونلردن ماعدا مسلمانلردن بیوک اراضی صاحب لرینک ساکن بولندقلری درت ولایت طرفدن بالمناوبه ایکی اعضا انتخاب اولنمقده در .

یعنی

(آ) مقدارلری بره ایکی نسبتنده فضله بولنان « سیند »

مسلمانلری کندیلرینه منسوب بیوک املاک و اراضی صاحبلرینک حقوقنی محافظه ایچون بومبای ولایتی نامنه اوله رق بر سنه بر فضله اعضا انتخاب ایدمیله جکلردر .

عین سنه ده پنجابدن دخی بر فضله اعضا انتخاب اولنه جقدز .

(ب) « ولایات متحده » مسلمانلری طرفندن عین اسبابه بناء بشقه سنه فضله بر اعضا انتخاب اولنه بیله جک وینه عین سنه ده شرقی بنگاله مسلمانلری دخی بر فضله اعضا انتخاب ایدمیله جکلردر .

من حیث المجموع مسلمانلر ایانک انتخاباتده یکر می سکرده سکر یعنی یوزده ۲۱۵ وایکنجی انتخاباتده اوتوزده سکر یعنی یوزده ۲۶۴ اعضایه مالک اوله جکلردر .

اشبو اصول انتخابدن ایکی فائد مأمولدر . بر نیمی فائد مجوسیلرایله مسلمانلر آرسنده تشریک مساعی تشبثاتنک تزایدی وایکنجی فائدده هندیلرک حکومتله اولان مناسباتنک تزایدی اوله جقدردر . بوضورتله اجراسنه ابتدار اولنان اصلاحاتک هندستان ایچون بر دوره رفاه و ساداتک مبدای اوله جغنی شبهه سزدر الیررکه عموم هند وطن پرورلری بونی اهمیتله تلقی ایدوب موفقیتله نتیجه لنمسی ایچون صرف همت و اهتمام ایلرله .

آنفاً درج اولسان مقاله سید عبد المجید طرفندن « قبه کستن هول » ده ۸ تشرین ثانی سنه ۱۹۱۰ تاریخده اسامیسی زیرده محرو ذواتدن متشکل بر متینغه قرائت ایدلمشیدی :

لورد لامینگتن بو متینغه ریاست ایدیوردی . حاضر و ن میاننده مادام لامینگتن ایله سید امیر علی ، میرزا عباس علی بک ، سیرجس ویلسن و خداداد خان دن ماعدا الی کشتی دها بولنیورایدی .

مذکور مقالہ نیک قرائتی متعاقب متینغ رئیس لورد « لامینقتهن »
متینغ ہیئتنه خطاباً دیدی کہ :

ماداملر ! موسیولر ! بزه بو کاغدی اوقویان سید عبدالمجیدہ
تشکر اتیزی بیانه مساعدہ ایدہ جک کزدن امینم . خلیفہ نیک تعینی
حققدہ بنم کبی سزده اولدقجه مهم بر فکر پیدا ایتدیکنر . خلافتہ
اتخاب اولنق ایچون بر شخصک حائر بولنمی لازم کلان اوصاف
حققدہ مسلمانلر میانده اتفاق آرانک موجود بولماسی بنجه مشوش
بر حالدیر . بوندن ماعدا بومقامہ لایق اولانلرک صورت انتخابی حققدہ
دخی افکار متضاده موجوددر شوقدرکہ بو مسئلہ انتخابیہ بی احاطہ
ایدن مشکلات او قدر چوقدرکہ انکیزلر مالک اولدقلری اصول
موروثدن طولایی کنڈیلرینی تبریک ایتیلیدرلر . خلیفہ ، انتخابدن
صکرہ آرتق عمومک اطاعتنه کسب استحقاق ایدیور . خلیفہ کیم
اولورسه اولسون اہالی کندوسنہ اطاعتہ مجبوردر . انکیز مشروطیتک
اساسی احتمالکہ سید عبدالمجیدک دیدیکی کبی مشروطیت اسلامیہ
نظریہ سنہ مستنددر فقط سید مومی الیہ شونی اعتراف ایتلیدرکہ
مسلمانلرک خلیفہ سی الیہ انکیزلرک قرالی ہر نہ قدر علی السویہ بر حکومت
مشروطہ شکلی تمثیل ایلورلر ایسہدہ ینہ آرہلرنده برفرق کلی وارددر .
خلیفہ بالذات مسؤلدر و بناءً علیہ خلع اولنہ بیلیر . نتہ کیم سلطان
عبدالمجید ، سوء اداره سندن طولایی خلع ایدلمشدر فقط انکلتزہدہ
بو حال برعکسدر . انکیز قرالی غیر مسؤلدر . مسؤلیت قرالک
ناظرلرینہ عائددر . ایشته بوفرق پک مہمدر .

ممالک عثمانیہ الیہ ایرانده اعلان اولنان ادارہ مشروطہ نیک اصول
و احکام اسلامیہ موافق اولدیغہ دائر سید عبدالمجید طرفدن وقوع

بولان بیانات حقیقه تسلیم بخشدر . مشروطیت عثمانیه نك مشروطیت
ایرانیه به نسبتله دهها موفق اوله جنی محققدر . هر نه حال ایسه هرایی
ملتک موفقیتنی تمنی ایدرم . انلرک کندی مملکتلرینی حسن صورتله
اداره ایده بیله جکلرینی امید ایدلم . هندستانده مسلمانلره ویریلان
حق انتخاب حقنده بر شی دییه میه حکم چونکه بو خصوصده برکونه
معلومات ویاخود مسموعاتم یوقدر . آنجق شوراسنی تأمین ایده بیایم که
اصلاحات اخیره هم مسلمانلرجه همده مجوسیلرجه بادی منونیت
عظیمه اولمشدر .

لورد « لامینغتن » دن صکره « صفی » نام ذات بیانات آتیهدمه
بولمشدر :

بن اصلاً عربیم . انکلیز اصولی ایله تحصیل کوردیم . انکلیز
اصول اداره سنی پک تقدیر ایدرم . عربلرک مدینتی دخی مکملدر
شو شرطه که بومدینت موقع فعله وضع اولنه بیلسون . عربستان
مدینته دکل بلکه آسایش وعدالته محتاجدر . آسایش وانتظامک مفقود
بولندیغی یرده قانونلرک ویاخود تدبیرلرک فائده سی اوله ماز . مکمل
قانونلر پارلمنتوده یاپلیور بونلر علمای حقوق ایله رؤسای روحانیه
وسائر طرفدن وضع وتنظیم اولنور . ایران ایله عثمانی ممالکنک
اصلاحاتی طوغری استقامته متوجهدر فقط آنلرک حال حاضرده
اصول وقواعد مشروطیتی عیناً اجرا وتطبیق ایده ماملری معارف ایله
استطاعت مالیه نك فقدانندن ایلری کلیور . ممالک مذکورده نك یقینده
انکلتزه کبی بر اصول اداره به مالک اوله جقلری مأمولدر . ممالک
عثمانیه ده معارف برنجی دکل ایکنجی بر موقع احراز ایدیور . لسان
عرب ممالک عثمانیه ده برنجی درجه ده حائز اهمیت اوللی وبرنجی موقعی

احراز ایلیدر زیرا مسلمانلری تعلیم و علم و عرفانه سوق ایتک خصوصنده عرب لسانی غایت مؤثر بر واسطه در .

« صفی » دن صکره « ویقاجی » سوزه باشلامش وشو صورتله بیان مطالعات ایلشدر :

سید عبدالمجید ممالک عثمانیه ایله ایراندن بحث ایتدیکی صرهده الیوم ایرانده کسب وسعت ایتکده اولان « بهائی » مذهبنی ذکر ایتماشدر . بومذهب هم خرسیتیانلق ایله اسلامیت آرسنده کی اختلافی رفع ایتک همده بوایکی دیانت یرینه قائم اولمق ایچون « بهاء » طرفدن احداث وتأسیس ایدلمشدر . ایران نفوس عمومیه سنک ثائی « بهائی » مذهبنه منسوبدر . « بهائی » لر آمریقاده دخی تزاید ایتکده وحتی شیقاغو شهرنده بر بهائی معبدی انشا ایدلمکدهدر .

« ویقاجی » دن صکره « ث . ک . ویاسه رأو » بروجه آتی بیانانده بولنمشدر :

سید عبدالمجید قرائت ایتدیکی کاغذک بر ایکی یرینه اعتراض ایده جکم : اولاء هندستانده انتخابانده جنس ومذهب تفریق مسئله سنک تحدثنه سببیت ویرمک مملکت مذکور دنک ترقی وتعالی سنک تأخیرینه چالشمق دیمکدر بناءً علیه عموم هندیلر بلا تفریق جنس ومذهب انتخاباتی بالاتفاق اجرا ایتلی وهرشیدن زیاده هندستانک منافع عمومیّه اصلیه سنی کوزتملیدر لر .

ثانیاً ، سید عبدالمجید عثمانلی انقلاب اخیرینی ۱۶۶۸ سنه سنده کی انکلیز انقلابنه تشبیه ایدیور . فکرجه بو تشبیه طوغری دکلدر زیرا انکلیز انقلابی انکلتزده اعصار مدیده دنبرو تأسس ایتمش اولان اصول وقواعد تشریعیه نک اصلاح وتقویه سی جهتنه معطوف ایدی .

حالبوكة عثمانى انقلابى قوه تشرىعيه نك ايلك دفعه اوله رق تأسيسى مقصديله حصوله كمشدر. بر انقلابى وجوده كتير مك بشقه برشيدر، بونى ادامه ايتك ده ينه بشقه برشيدر. انقلابك دوام و بقاسى ايجون آلمانيا ايمپراطورينه استناد ايدن بر ملتك انقلابى اوزون مدت پايدار اوله ماز. ايرانه كلنجه اورانك حال و موقعى پك وخيمدر.

«وياسه رآو» دن صكره موسيو «ليزلى مور» ملاحظاتى بروجّه آتى سرد وانيان ايتمشدر:

فكرجه هندستانده مسلمانلر آيرى بر دائره اتخابيه مالك بولمليدرلر چونكه آنلر اعصار مديده دنبرو مجوسيلردن آيرى اوله رق يشامشدر. ايرانده كى «بهائى» مذهبك آمريقادّه توسع ايتكمده اولديغنه دائر اولان ادعايه كلنجه بوكا پكده احتمال ويره ميورم عجباً آمريقادّه «خريستيان سيانتيسم» و «مورمونس» مسلكرينه منسوب اولانلرك عددى نه قدر دركه «بهائى» مذهبّه انتساب ايدنلرك عددى تكثير ايتسون؟

انكيزلرك اصول مشروطيتى مسلمانلردن آلايغنه دائر سيد عبدالحجيد طرفدن سرد ودرميان اولنان مطالعه دخى مقارنت حقيقت دكلدر زيرا انكلترده «آنگلو ساقسون» لرك زماننده موجود بولنان «ويته غموت» شمديكى پارلمنتونك بر شكل ديكرندن بشقه برشى دكلدى.

سيد عبدالحجيدك قرائت ايتديكى موضوع حقنده وقوعبولان تنقيداتى متعاقب سيد مومى اليه بوتنقيداتّه بروجّه آتى مقابله ايتمشدر: متقدين ايجنده بر ذات ممالك عثمانيه و ايرانيده الحاله هذه آسائش و عدالتك تقرر ايتديكى بيان ايتمشدر بو سوزى رد

و تکذيب ایتمله برابر بو کي احوالك انکلتړه ده دخي وقوعبولمقدم اولديغني ادعا ايده بيليرم .

ايلک پارلمنتو شکل اداره سي انکلتړه ده ۱۲۶۵ نه سنده وجوده کلمش ايديسه ده حقوق ووظائفي صريح و آشکار اولان اکليز پارلمنتوسي انجق ۱۶۸۸ نه سنده تأسس ايتميدی . او صره برده انکلتړه ده اختلالر اکسيک دکلدی بناء عليه پارلمنتولريني هنرزيکي تأسيس ايتمش اولان ايرانيلر ايله عثمانيلرک بو کونکي انکلتړه کي مکمل بر حکومت تشکيل ايللري فصل ممکن اوله بيلير ؟

ايرانيلر ايله عثمانيلر شکل اداره لريني انجق اون سنده تحت انتظامه آله بيله جکلردر چونکه بو کونکي فساللرک کافسي دور سابعک بياني نتايجيدر .

بهائي مذهبي حقنده کي افکاره کلنجه بو مذهبک کندينه مخصوص بر کونه اصول واحکامي يوقدر . تخطر ايتديکمه کوره بو مذهب « قاجار » سلاله نه قارشو بر حس نفرت پرورده ايدن و ايران ايله ممالک عثمانيه يي يکديکري نه الحاق و توحيد ايده رک اداره مشروطه تأسيسني ارزو ايليان بر ذات طرفدن ترتيب ايدلمشیدی . « بهائي » مذهبک سري بوندن عبارتدر . « بهائي » لر بتون معالياتي اسلامدن اخذ و اقتباس ايتملردربناء عليه « بهائي » مذهبي تقدير ايليان آمر يقاليلر ايله انکليزلر طولايسيه اسلامي تقدير ايتمش اوليورلر .

بومتينغده قرائت ايتديکم مقاله نك موضوعي حقنده وقوعبولان سواللردن بری ده ايران و دولت عثمانيه و هندستاندن عين زمانده بحث ايديشمدن ايلري کليور . موضوعي بصورتله تشریح ايتمکلکم اولاه عثمانلي و ايران مشه طيتلرينک احکام جليله اسلاميه يه غير موافق

اولمديغنی و ثانياً هند مسلمانلرينك هندستانده مهم بر عنصر عامل تشكيل ايتدكلريني اثبات ايتكم مقصدندن نشأت ايتسدر .

انكلتړه ده بو کونکي پارلمنتويه مشابه بر مجلسك ۱۲۶۵ سنه سندن اول « ویتنه غموت » ناميله موجود بولنديغنه دائر موسيو « ايزلی مور » طرفندن وقوعبولان ادعا بر اساس معقول و حجيحه مستند دکلدر زيرا « ویتنه غموت » نامنی حائر بولنان بو مجلس، قرال ايله قرالك ندماسی و قرال طرفندن نصب و تعيين اولنان بعض رهبانندن متشكل بولنديغنی جهته عموم ملتی تمثيل ايتيوردی. بوندن ماعدا بو « ویتنه غموت » بر هیئت استشاریه ماهيتندن بشقه بر شی دکلدی. انگلیز ملتی تمثيل ایدن پارلمنتو انجق ۱۲۶۵ سنه سنده وجوده کليدی .

سید عبد المجید طرفندن ویریلان بو جواب اوزرینه متیغنه نهایت ویرلدی .

۴

هندستانده کی قاریب مختلفه

هندستان فصل بر مملکتدر ؟

هندستان - روسیه مستثنا اولق اوزره - عموم اوروا قطعهی جسمامتنده واوچ یوز میلیون نفوسی حاوی بر ایمپراطورلقدر . بو نفوس، مختلف مذهب و دیانتلره منسوب آیین واحکام کونا کونا ايله عامل، السنه مختلفه ايله متکلم وتعصبات متضاده وعادات وعغفات متخالفه اجتماعیه ايله یکدیگرندن متفرق بر چوق ملیتلردن مرکبدر فقط اجناس مختلفه دن مرکب بولنان بو نفوس فوق العاده جسم ایکی فرقه سیاسیه نه منقسمدر و بو ایکی فرقه جنوسیله ايله مسلمانلردن متشکلدر .

مسلمانان ایلہ مجوسیلردن مرکب بولنان بو ایکی فرقه سیاسیه داخلنده بر طاقم کوچوک ملیتار واردرکه آنلر هر نه قدر آز ایسهده ینه مقدار نفوسلری ملیونلره بالغ اولیور . بو کوچوک ملیتار یکدیگری آرهسنده کی فرق طوغریدن طوغری یه مسلمانان ایلہ مجوسیلر آرهسنده کی فرق قدر واردر . از جمله «سیخ» لر مجوسی اولقله برابر آیین و عادتلری مجوسیلر ککنه طبان طبانه ضددر .

هندستانک اک جنکاور قبائل اسلامیه سندن بولنان «روحیه» لر ، «پاتهان» لر ، «بلوچی» لر و «آسامی» لر ایلہ هیمالایه اتکلرنده ساکن طاغ آدملری و برمانیاده کی «بودا» لر و «خوند» لر ، «ماریس» لر ، «پهل» لر و هندستانک وسطی ایلہ جنوبنده ساکن «غیر آریه» لیلر و تجارت و صنعتله اشتغال ایلان «پارسی» لرک کندیلرینه مخصوص عادات و عنعات متضاده سی واردر . هند قبائل مختلفه سی بشریتک ازمنه قبل التاریخیهدن بوکونه قدر کچیرمش اولدینی صفحات مختلفه مدنیه نک آثار و نمونه لرینی الآن محافظه ایتکده درلر . هندستانده چیللاق کزن وحشی آدملره تصادف اولدینی کبی غربک مدنیته و افکار سیاسیه سنه واقف علم و عرفان صاحب لرینه ده تصادف اولنور .

ایام اخیرده انگلیز رجال سیاسیه معروفه سی «هندستان مسئله سی» نه بیوک بر اهمیت عطف ایتشلر و بو مسئله یی انگلتره پارلمنتوسنجه پیش نظر دقته النغه لایق عد ایتشلردر . انگلتره ایچون «مدافعه ملیه» مسئله سی نه قدر مهم ایسه هندستان مسئله سی ده اودرجه ده حائز اهمیتدر . ایمدی هندستانه عطف اولنان بو اهمیت نظر دقته آنورسه اوراده کی قاریشیقلملرک نه دن تحدث ایتدیکنه دائر بر سؤال وارد خاطر اولور . بو سؤالک جوابی مشکل اولدینی قدرده مهمدر .

پنجاهده « لائقه شایر » ده « هندستانده کی اغتشاشات » حقهده .
ایضاحات ویرمک ایچون بکا وقوعبولان دعوتدن بو اغتشاشاتک .
اسبانک اکلاشلمسی ایچون بوراده بر مراق حاصل اولدیفی اکلادم .
هندیلرک حیات سیاسیله رنده کی تظاهرات اخیر آپک واضح بر شکل
کسب ایشدر .

مجوسیله ، اعتدالپرور و افراطپرور اولق اوزره ایکی قسمه
آیرلشدر . مسلمانلر ایسه افکار و خیالات عتیقه ایماندن بعض
کیسه لر طرفدن الآن غیر ثابت بر حال سیاستده بولندیرلقدردرلر .
هرنه اولورسه اولسون هندستانده حقیقت حالده بو کون بر
اغتشاش یوقدر . مع مافیه ایام اخیرده « قاریشیلق » تسمیه اولنان
حسیاتک اسباب تظاهراتی حقهده بعض ایضاحات اعطاسی لازمه دندر :
اولاً تحصیل علوم و فنون ایش اولان هندیلرک بعض انکلیز
مأموریتدن کورمکده اولدقلری معامله آنلرک آردسندده حصول ائتلاف
و مقارنتی غیر ممکن بر افه جق بر ماهیتده در . اوج بالای سعادتده
آرام نشین اولان مأمورین مذ کوره اوروبا عرقه منسوب اولمیان
انسانلره بر نظر نفرت و حقارتله باقه رق هندستان مسئله مهمه سنی
استخفاف ایدیورلر . عالم بر هندلی بر انکلیز مأمورینک نزدینه
کیتیمکه جسارت ایتسه بیلده کوردیکی معامله غیر لایقه دن طولایی
در عقب اظهار ندامت ایدر . هندستانده کی انکلیز قلوبلری - ولو که
بر قیمتی حائز اولسون - هندیلره کشاده دکادر حتی بر چوق
احوالده ، اوروپاده فوق العاده بیوک بر تحصیل کورمش وبالا خره
جهت عدلیده مقامات عالییه قدر ارتقا ایش اولان هندیلر بیلده
بو قلوبلره قبول ایدلما مشدر .

ثانیاً، ہندیلر حقہ خدمات حکومتہ روا کوریلان معاملہ استثنائہ وغیر لایقہ دخی تحملفرسا بر خالدہ۔
 ہندستان کی برچفتی مملکتہ انکترہ تصادف اولان تشبثہ میدان یوقدر۔ حکومت مأموریتلری بالطبع ہندیلرک مطمح نظر لریدر و بو خصوصہ ہندیلرکہ حقری واردہ۔ ہندستانہ طوغمش، و ہندستان طوپراغک اولادی بولنش اولان ہندیلر آمال مشروعه لرینک تسکینی البتہ مادر وطندن بکلمیلدرلر۔ بناءً علیہ دون برلیاقت واققداری حائر بولان اوروپالیر۔ او اوروپالیرکہ جہات عدیدہ ہندیلرہ مغلوب قالمشدر۔ ہندیلرہ ترجیح ایدیایرسہ بو ہندیلرک بویلہ بر معاملہ یی مغدوریتدن زیادہ بر تحقیر ملی مقامندہ عد وتلقی ایتکہ حقری واردہ۔

ثالثاً، ہندستانہ سنین اخیرہ تبدلات عظیمہ وقوعہ کلمشدر۔ انگلیز افکار مشروطیت پرورانہ سی تحصیل کورمش ہندیلرک جملہ سنجہ معلومدر۔ ہندیلرک انگلیزلرک وطنداشری اولدقلرینہ دائر اورتہ یہ سوریلان نظریہ ہندیلرہ معلوم بر کیفیت ایسہدہ آنلرک نفس ہندستانہ انگلیزلردن کوردکلری معاملہ تحقیریہ و سائر انگلیز مستملکتہ اقامت ایلیان ہندیلرک دوچار اولدقلری ظلم واعتساف بونظریہ نک بوشاغنی اثبات ایدر۔ ہندیلرک خشودسزلخی بوندن ایلری کلیر و - اقلیمک حرارتی افکار و خیالاتہ تأثیرات کلیہ اجرا ایتدیکی جہتلہ مایوسیتلریدہ در حال غلیانہ باشلار۔

ہندیلرک طبیعت و مشربلرندن برچوق شکایات وقوعہ بولیور و نظمجہ بوشکایتلرک برچوغی طوغریدر فقط ہندستانہ روا کوریلان احوالہ متانت اخلاقیہ نک محافظہ سی پک اندر اولہرق ممکن اولہ بیلیر۔

اهالينك حال و موقعي دها اي بروضيته افراغ ايدلميه جك اولورسه
آنلرك طبيعت و مشربلرينه دائر اولان شكايات الى نهايه دوام ايدم جكدرد.
رابعاً ، منابع اقتصاديه مملكتك كسب انبساط ايتمي خصوصنده
حكومتك كو سترمكده اولدينى بطائت ولاقيدى دخى شايدن مؤخذم ددر.
اصول جديده اوزره بالنسبه آز مصرفله انشاآتى ممكن اولان
شمند و فرلرينه هر سنه اسكى و آغير مصرفلر اختياريله انشا ايدلمكده
و بوصولته معدنلرك ايشادلسى ، اسقا و ارواي اراضى ايچون اقتضا
ايدن صو جدوللرينك آچلمسى و امور زراعيه عائد اصلاحاتك
حيز فعله ايصال ايدلمسى و مدنيت حاضره ايجاب اتندن اولان دها
برجوق امور نافعتهك وجوده كترلمسى ايچون اقتضا ايدن مبالغ
كليهدر و اسراف ايدلمكده ددر . حكومات مركزيزده حكومت دائماً
اهاليى تشبثات اقتصاديه و نافعويه سوق و تشويق ايتك وظيفه سيله
مكفدرد . فقط هندستان حكومتى بوجهتي دوشونمديكى كجى هندستانك
امور و خصوصاتى حقه هندليرك رآى و فكرينى ده صورمه لزوم
كورما مكده ددر .

خامساً ، اصول تعليم و تربيه دهكى قصورلر دخى اهالينك عدم
خشنوديسى موجب ددر . هندستان دارالفنونلرى لوندرد دارالفنونى
اساسى اوزرينه مؤسس بولنورلر فقط لوندرد دارالفنونك پروغرامى
ايلاه اصول تدريسيسي ايجابات زمانيه كورده سنه بسنه تعديل ايدلمكده
اولدينى حالده هند دارالفنونلرى كندى حاللرند بر اقلمشلردرد . بوندن
ماعداد بولدارالفنونلر غير محدود صلاحيتى حائز برطاقم آدملكلرند
قلمش اولدينى جهته كنچ هندليرك استفاده لرى لايق مرتبه ده
تأمين ايدلما مكده ددر .

ہندستان ناظری لورد « موری » ، « ہر ہاوس » دہ تشکل
ایتمش اولان قومیسون طرفندن تنظیم اولنان راپورده مندرج فقط
ہندلیرجہ غیر معلوم بولنان اصلاحاتی اجرا ایدہ جکئی وعدایتشیدی.
یواصلاحاتہ شدتہ علاقہ دار اولان ہندلیر بونلرک حیزامکانہ ایصالہ
چارچشمہ انتظار ایتکدہ درلر. اصلاحات مذکورہ نیک شکل وماہیتی
حقندہ برکونہ معلوما تیز اولماقلہ برابر شوراسنی بیان ایتک ایسترم کہ
ہندستانہ عدداً مجوسیلردن دون فقط سیاست نقطہ نظرندن
فوق العادہ حائر اہمیت بولنان مسلمانلرک حقوق و منافع مخصوصہ سی
وقایہ اولملیدر .

ہندلیرہ عائد امور و خصوصاتہ بوندن بویہ انکلیز مأمورین
حکومتی طرفندن علی التوالی مداخلہ ایدلیہ جکنہ، ہندلیلرک حکومت
محلہ نیک صورت ادارہ سنجہ بیان نکر و مطالعہ ایدہ بیلہ جکلرینہ
و ہندلیلرک کندیلرینہ عائد ایشلرینی سربستجہ وبلا مداخلہ اجرا
ایلیہ بیلہ جکلرینہ دائر وقوع بولان وعدلر ہندلیلرک قبلرندہ اپی امید
تولید ایتشدرد. معافیہ بووعدلر برتدیر موقت قیلندن اولسہ کرکدر.
ہندلیلرک خشنود سرلغنک رفع وازالہ سی ایچون برصورت دہا
واردر کہ اودہ انکلیز پارلمنتوسنک اساسی براز دہا توسیع ایدلک
و ہند عناصر مختلفہ سنک وکیلرینہ اورادہ انکلیز وکیلرلیہ برلکدہ
مذاکرہ واستشارہ حق اعطا اولمقدرد .

فرانسزلر بواصولی کندی مستملکاتلری حقندہ کمال موفقیتہ تطبیق
ایدہ بیلمش اولدقلرندن انکلیزلرک بوندہ موفق اولسہ ملری ایچون
اورتہ دہہ برسبب یوقدر.

انکلیزلر بو جہتی نظر دقتہ الہرق ہندستان ایشلری حقندہ

هندیلر ایله مبادله افکاره باشلايه جق اولورلر سه يالکيز انگلزلر ایله
 هندیلر آره سنده کی سوء تفهعات رفع و ازاله اولنه جق دکل بلکه
 انگليز ايمپراطورلغی ده صولك درجه ده کسب متانت و رصانت ایده جکدر.
 بوندن ماعدا بو تدبیرك انگلتره نك سیاست خارجه سنه دخی تأثیر
 کایسی اوله جقدر. دولت عثمانیه، ایران، افغانستان و فاس ایله
 انگلتره ارا سنده کی مناسبات دوستانه بر قات دها تزايد ایده جك و بو
 صورته صلح و آسایش عمومی تحت تأمین اله جقدر.

۵

۱۳ اغستوس ۱۹۰۷ تاریخی

انگلیز - روس مقاوله سی

انگلیز - روس مقاوله نامه سی آرتق بر امر واقعدر. اختلال
 و اغتشاش ایله مضطرب اولان روسیه امور داخلیه سنه حصر ذهن
 ایده بیلک ایچون ممالك سائر حقه ده کی ترتیبات و تصوراتی پك
 عاقلانه بر صورتده وقت آخره تعلیق ایتشدرد. دیگر طرفدن انگلتره
 حکومتی روسیه ایله عقد ایتدیکی استلاقامه نك کندوسنی هندستانه
 عائد مسائل ایله جدی بر صورتده اشتغال ایتك خصوصنده سربست
 براقه جغنی امید ایتکده در. بوندن ماعدا انگلیز - روس مقاوله نامه سی
 المانیانك شمالی و یاخود جنوبی ایرانده رقابت ایتسنه میدان براقامشدرد.
 انگلیز - روس مقاوله نامه سی اوچ قسمه منقسمدر: قسم اولی
 ایرانده، قسم ثانیه سی افغانستانه و قسم ثالثی تبتیه عائددر.

برنجی قسمه کئنجه: کرک انگلتره و کرک روسیه ایرانك تمامیت
 ملکیه سی ایله استقلاله رعایت ایتکی تعهد ایدیور. فضله اوله رق

انكلتره حكومتى قصر شيرين ، اصفهان ، يزد و « قاخ » ى ايران ، افغانستان و روس حدود لرينه الصاق ايدن خطك شمالنده شمند و فرء بانقه و سائره كې امتيازات سياسيه و تجاربه احراز ايتماكى تعهد ايتمش و روسيه دخى افغانستان حدودندن بدأ ايله غازيك ، برجند ، كرمان و بندر عباس ه قدر متمد بولسان خطك جنوبنده كائن اراضى حقنده بوكا مائل بر مقاوله يه كيريشم شدرد. افغانستانه كلنجه، انكلتره حكومتى افغانستانك وضعيت سياسيه سنى تبديل ايتك نيتنده بولنديغنى بيان ايتمش و مملكت مذكوره اوزرينه دوستانه بر نفوذ اجراسنى درعهده ايلشدر. ديكر طرفدن روسيه حكومتى افغانستانك روس نفوذى منطقه سى خارجنده بولنديغنى اقرار و افغانستان ايله اولان معاملات سياسيه سنك كافه سنى انكلتره حكومتك وساطتيله اجرا ايده . جكنى تعهد ايتشدر . ۲۱ مارت سنه ۱۹۰۵ تاريخنده عقد و اساس سابقى اوزرنده ابقايديلن « كابل معاهده نامه سى » موجبجه افغانستان هر نه وقت تشبثات اقتصاديه و اعمار يه يه مباشرت ايده جك اولورسه انكلتره و روسيه حكومتلى - اميرك حقوق حاكميته رعايت ايتك شرطيله - اوراده مساعدات متساويه نائل اوله جقلردر. بر ماهيت سياسيه يي حائز اوليان مسائل محليه نك حل و تسويه سى ايجاب ايتد كجه افغان و روس مأمورلىرى انكلتره حكومتك وساطتنه مراجعت ايتمسز ين مسائل مذكوره حقنده طوغريدن طوغرى يه مذاكراته كيريشه بيله جكلردر .

« تبت » ه كلنجه: انكلتره و روسيه حكومتلى چينك « تبت » ده كى حقوق متبوعيتنى تصديق و مملكت مذكوره نك تماميت ملكيه سنه رعايت و بونك اداره داخله سنه مداخله دن اجتناب ايده جكلرينى

تعهد ایشلر در. بوندن ماعدا بوا یکی حکومت تیتیلر ایله اولان امور و خصوصاتی چین حکومتک و ساطتیه رؤیت و تسویه موافقت ایله مشدر.

۷ ایلول ۱۹۰۴ تاریخده عقد اولنان انگلیز - تیت مقاله - نامه سی احکامی ۱۷ نیشان سنه ۱۹۰۶ تاریخده منعقد انگلیز - چین مقاله نامه سیله تأیید ایدلمش اولدیغندن برکونه تعدیلاته اوغرامامش و انگلیز تجار و کیلیری ایله تیت مأمورینه یکدیگر لر ایله طوغریدن طوغرییه مناسباتده بولنمق خصوصنده صلاحیت بخش و اعطا ایتکده بولنمشدر. « بودا » مذهبده بولنان روس و انگلیز تبعه سی طوغریدن طوغرییه - صرف دیانتیه تعلق ایدن مسائله - « دالای لاما » ایله مناسباته کیریشه بیله جکلر در. کرک روسیه نك و کرک انگلتره نك بروکیلی « لحصه » یه اعزام اولنمیه جقدر. روس و انگلیز حکومتلری شمندوفر، تلغراف و سائره شکنده اوراده برکونه امتیازات طلب ایتیه جکلرینه دائر یکدیگرینه یمین ویرمشلر در.

الحاصل انگلیز - روس مقاله نامه سنك احکامی خلاصه بوندن عبارتدر. بومقاله نامه نك ایکی شکلی واردر: آسیا و آوروپا. تجارب تاریخیه نظرأ انگلیز - روس مقاله نامه سنه جدی نظریه باقیله مز. ۱۸۵۶ سنه سنده کی پارس معاهده نامه سی موجبنجه روسیه حکومتی قره دکزده دونمائیله ترسانه انشاسندن منع ایدلمش ایدیسه ده حکومت مذکوره اشبو پارس معاهده نامه سی احکامی خلاصه حرکت ایتک ایچون ایلاک فرصتدن استفاده یه مترصد بولنیوردی. حالبوکه انگلیز - روس مقاله نامه سی پارس معاهده نامه سنه نسبتله هیچ بر اهمیتی حائر دکلدر.

برده ۱۸۷۸ سنه سنده منعقد برلین معاهده نامه سی موجبجه روسیه حکومتی باطومی سربست بر لیمان حالده براقنی وعد ایتیش اولدیغی حالده بالاآخره وعدینی انجاز ایتماش و بونک نتیجه سی شمدی جمله جه معلوم بولمشد. خیره ، مرو ، پنجه و هرات روسیه نك اهانت وعهد شکنلکنه دلالت ایدر برر تمالدر. هر نه حال ایسه بو مقاوله نامه دن خیرلی بر نتیجه استحصال اولنه ماز فکر نده ایم. بونده انگلیز لرك ضیاعنك روسلرك قز انجندن فضله اولدیغی زمان کو ستره جکدر.

بو مقاوله نامه آسیا تاریخ سیاسینده امثالی هنوز کورو لماش بر مقاوله نامه در. ایرانك تقسیمات اقتصادی سنه عاڈ جهتی هیج شبهه یوقدر که ایرانیلرك فوق العاده اغبرارینی موجب اولمشد. انگلتره و روسیه بینده تقسیم اولنان منطقه آره سنده کی اراضی البته بیطرف قاله مز. بوده دیگر بردولتک مطمح نظری اوله جقدر.

انگلیر - روس مقاوله نامه سنك عقدندن اول حکومت ایرانیه جه عقد اولنان استقراضك فائضی منتظماً تسویه ایدلمدیکی تقدیرده ایرانك وارداتنه مراقبه وضع اولنه جغه داثر اولان بند ایرانیلرجه بر شبهه تولید ایتمکدن خالی قالمامشد. بوندن ماعدا انگلتره دنك روسیه نی شمالی ایرانی بر روس ولایتی حاله افراغ ایتك تشبندن منع ایده بیله جکی ده مشکو کدر. روسیه اسکیدن کندی النده بولنمان شیرلی الده ایتمشد. انگلتره ایسه کندوسنجه استحصالی ممکن اولان منافعی الده ایتمکدن آچیقدن آچیغه اجتناب ایتمکده در.

افغانستانده دخی حال و موقع بونک عینیدر. اوراده روسیه یالکز اسکی حقوقنی محافظه ایتماش بلکه انگلتره ایله منافع تجاریه و اقتصادیه خصوصنده شرائط متساویه مالک بولندیغی انگلتره ده تصدیق

ایتدیر مشدر. انگلیز لک «تیت» ده کی ضیاعی دهینه اونیستده در. چونکه روس مأمورین سیاسیسی «بودا» مذهبده بولسان روس تبعه سی قیافتنده تیتیه کیره بیله جکاردر. ایشته روس دیپلوماسیسنک مظفر تی آرتق پک آشکار و واضح بر صورتده نمایان اولمشدر. انگلتره بوندن بویه روس ترتیبائی نتیجه سی اوله رق سرزده ظهور اوله جق اولان غوائل و مشکلاتی پک متبصرانه کوز تمیلدر.

۶

مصر ایله دول معظمه

سوزک طوغریسنی سویلک لازم کلیرسه مصر حاضرک تاریخی بیوک ناپولیونک انگلتره ایله بالرقابه هندستانک فتحنه نیت ایتدیکی زماندن باشلامشدر. پروفور «سیلی»، «انگلتره نك اتساعی» نامنده کی اثر معروقدده ناپولیونی شرقده بر سفر اختیار ایتمکه سوق ایدن اسباب و مقاصدی پک مدققانه تحلیل ایتمشدر. ناپولیون تصور اتنک موفقیتله نتیجه لنسی ایچون بر طرفدن روسیه ایمپراطوری «پول» طرفدن هندستان حدودینه سوق اولان قرق بیك روس عسا کر یله متحداً حرکت ایتک ایچون ترتیبات لازمه ده بولمش و دیگر طرفدن ده فرانسه نك نفوذی تحتندده بولنان «میسور» حکمداری «تیو» سلطانک «دکه» ده قیام ایتسنی تحت تأمینه آلمش ایدی.

۲۰ مایس ۱۷۹۸ تاریخده ناپولیون «طولون» دن مفارقت ایدرک مالطه یی ضبط ایتدکن صکره تموزک برنجی کونی اسکندریه یه مواصلت ایلشدر. اهراملر جوارنده وقوع بولان محاربه مصر سفلا نك حال و موقعی صورت قطعی ده فصل و تعیین ایتدی.

فرانسز دو نماسی «نه اسون» طرفدن تخریب ایدلش و «سرسیدنی

اسمیت» ، هندستان حدودینه طوغری یورو مکه اولان روس
 عساکرینه التحاق ایتک نیتیه اناطولیدن کچمک ایستیان ناپولیونک
 مرو رینه مانع اولمق ایچون اردوی عثمانییه التحاق ایتمش ؛ العریش ،
 غزه و یافه قلعه لری ناپولیون طرفدن ضبط اولمش و اوراده
 تقریباً درت بیک عثمانی عساکری شهید ایدمش ؛ عکا قلعه سی کمال
 موفقیتله نتیجه لن پک شجیعانه بر مقاومت کوسترمش ؛ ناپولیون
 یتون وسائط حربیه ، حیل و دسایسه مراجعت ایتمش ایسه ده
 یونلرک هیچ بری تأمین موفقیت ایتامش ؛ ناپولیون عکا قلعه سی
 ضبط و تسخیر ایده میه جکنه قناعت حاصل ایلدکن صکره رجعت
 قرار ویرمش ایدی . ناپولیون ترکلرک اله کچمش اولان « ابوقیر »
 قلعه سی تکرار ضبط ایتدیه ده اوروا احوالی کنیدیسی فرانسه یه
 عزیمت مجبور ایلدی . بوندن صکره ظهور ایدن محاربه لرده فرانسزلره
 قارشو یان یانه محاربه ایدن ترکلر ایله انکلیزلر هر یرده احراز ظفر
 ایتدیلر . اک نهایت فرانسز اردوسی اسیر حرب صفتیه تسلیم اولدی
 و بحر سفید لیمانلرینه سوق ایلدی . « آمیس » معاهده نامه سی
 موجبنجه مصر قطع سی تکرار ترکلره ترک ایلدی . ایشته بوسره ده
 ایدی که ترکلر کندی موقعلری مصرده تقویه ایتک ارزوسنی
 اظهار ایتدیلر . آنلر بو مقصدک حصولی ایچون « مملوک » قوتی
 تخریب ایتدیلر . مملوک رؤساسندن یدی کشی درسعاده اعزام اولمق
 اوزره اسکندریه قدر کتیرلش و فقط آنلردن عثمان بک نامنده کی
 شخصک ترمرد ایتسی اوزرینه بر عربده ظهور ایتمش و بو عربده ده
 عثمان بک مقتول اولمش ایدی . شو قدرکه بو مملوک رؤسای ، قاهره
 و مصر سفلی اوزرنده کی حقوق و ادعالرندن صرف نظر ایتک

شرطیه تخلیه ایدلمش اولدقلرندن بالا آخره مصر علیایه چکامشلا و «نوبیا» قطعه سنک مرکزی اولان «دونغوله» ده اختیار اقامت ایلشلردی .

فرانسزلر روسیه ایله محاربه ایدرلر ایکن ترکاری ده روسیه علیهنده محاربه ایله اماله ایلشلردی . فقط انگلیزلر ناپولیونک ترکاردن استفاده ایده مامسی ایچون روس متفی صفتیه مصره بش بیك کشیدن مرکب بر قوه سفریه کوندرمشلردی . ۱۷ مارت ۱۸۰۷ تاریخده انگلیز عساکری اسکندریه یی اشغال ایتشدی . فقط مذکور قوه سفریه قوماندانی بولنان جنرال «فراسهر» حال وموقعك وخامتنی ادراك ایدرك بر متارکه عقد ایتش و بو متارکه موجبجه طرفینجه اسرای حربیه تعاطی اولمشدر .

بو وقعه دن صکره درکه ۱۸۱۱ سنه سنده مصر والیکنه تعیین اولسان بیوک محمد علی نك دور اقبال و حاکمیتی باشلار . محمد علی تا بدایت مأموریتدن برو مصرک استقلالنی دوشونمش و بونی حیز حصوله ایصال ایچون اولاً مصرده کندی قوت و نفوذینک تزیدی و ثانیاً حکومت عثمانیه ایله اولان مناسباتنک قطعی ایچون اقتضا ایدن تدابیره توسل ایش و تدابیر مذکوره جمله سندن اولق اوزره ممالک عثمانیه ده اوصره لرده موجود اولان شورش وغوائلک دفع و تسکینی بهانه سیله قوتلی براردو تشکیله باشلامشدی . «ملوک» لر محمد علی نك کندیلرینی احما ایده جکنی تیقن ایدرک (محمد علی سویشده بولندینی برصرده ده) بعض تدبیرلر اتخاذا ایلشلردی . فقط محمد علی بونلردن وقتنده خبردار اوله رق قاهره ده عودت ایتش و ملوکلردن بش یوز کشینی اتلاف ایش ایدی .

محمد علی مصرده کی حاکمیتی قوتلی براساسه ابتناء تأسیس ایتده کدن صکره کندیسنک حکومت عثمانیه ایله اولان مناسبتنک قطعی چاره سنه باقغه باشلامشیدی. ممالک عثمانیه داخلنده براختلال ظهور ایتدیکی آنده عسا کر مصریه یتشیور واختلالی تسکینه چالیشوردی. ازجمله ابراهیم پاشا قومانداسنده بولنان عسا کر مصریه یونانستان اختلالی کاملاً تسکینه موفق اولمشیدی. واقعا محمد علی یونانستان انکلتره ایله فرانسه نك « ناوارین » ده کی حرکات مشترک سینه بناء ضمیمه ممالک ایده مامش ایسه ده مصرک استقلال ایچون بسلدیکی غایه به طوغری برخطوه آتمش ایدی.

محمد علی استقلال ایچون دائماً بر فرصت کوزه تیوردی. کندوسی عکا محافظی بولنان ترک قوماندانی ایله تحدث ایدن بر منازعه بی بیوک بر فرصت عد ایدرک او حوالی به ۱۸۳۲ سنه سنده قوتلی بر هیئت سفریه عسکریه اعزام ایتمش و بوبابده متبوعنک رضاسنی بیله تحصیله لزوم کور مامشیدی. ذات حضرت پادشاهی منازعه نك مصلحانه تسویه سی ایچون محمد علی به وصایاده بولنش ایدی ایسه ده ابراهیم پاشانک قومانداسنده بولنان عسا کر مصریه عکا محاصره سنی بر فات ده ا تضیق ایتمش ومدید بر مقاومت و رغماً مایس آینده شهر مذ کوری ضبط و اشغال ایلمشیدی.

محمد علی نك مقصد اصلینک نه اولدینی تمامیه آشکار دکل ایدی ایسه ده کندوسی حکومت عثمانیه بی خصم عد ایدرک سوریه نك استیلا سنه قیام ایتمشیدی. محمد علینک اوغلی ابراهیم که یونانستانه اپی شهرت قزانش ایدی - مصر اردوسنی مستصحباً مظفرانه ایلر بیله رک طور روس سلسله جبالی چکمش و « قره مان » اووه لرینه قدر اینمشیدی.

قونیہ ده راشد پاشانك قومانداسنده بولان ترك اردوسی ایله
 مصر اردوسی آرمسندہ وقوعبولان محاربه کمال شدتله الی ساعت دوام
 ایتمش و فقط ترك اردوسنه منسوب بعض آرنادولر ایله بوشناقلرك
 اردودن چكلملری اوزرینه طالع حرب ابراهیمه توجه ایتمش ایدی.
 حكومت عثمانیه اك نهایت روسیه حكومتك معاوتته مراجعته لزوم
 كورمش و روسیه حكومتی اوزبش بیک كشيك برقوت اعزامی ایله
 حكومت عثمانیه به معاوتته شتابان اولمش ایدی. دول سائرہ دخی سفیرلر
 واسطه سیله ابراز معاوتته مسارعت ایلشلردی. فقط ذات حضرت
 پادشاهی حال و موقعك وخامتنی پیش نظر دفته آله رق هم ابراهیمدن
 همده روسیه ایمپراطوری نیقولادن قورتمق ایچون برائتلاف حصوله
 قرار ویرمش ایدی. محمد علی یالكز حلب ولایتك مصره الحاقه
 راضی اولیه رق کمی انشاسی ایچون فوق العاده الزم اولان كراسته نك
 منجی بولان آظنه ولایتك دخی كندوسنه ترك اولمنسنی طلب ایتدی.
 ذات حضرت پادشاهی بوكا موافقت ایتمکی مناسب كوردی و ۱۴ مایس
 ۱۸۳۳ تاریخنده کوتاهیة ده عقد و امضا اولنان مقاوله نامه موجبنه
 مصر، كرید و شام والیدلكلری محمد علی به و آظنه تحصیلدارلنی ده
 ابراهیمه تفویض اولندی.

ینه سنه مذكوره تموزینك سكرزنده روسیه ایله باب عالی ارمسندہ
 مشهور خنكار اسكله سی معاهده نامه سی عقد و امضا اولمش ایدی.
 بومعاهده نامه موجبنه روسیه ممالك عثمانیه ده سرزده ظهور اوله جق
 غوائل و حادثاتی تسكین خصوصنده باب عالی به ایفای معاوتتی تعهد
 ایتمش و باب عالی ده بوكا مقابل چناق قلعه بوغازینی بعض احوال
 مخصوصده ملل سائرہ به قارشو سد و بنده موافقت ایلش ایدی.

انکلتره ایله فرانسه بوکا قارشو پروتستو ایتشلرایدی ایسه ده بو پروتستو نظر اعتباره النامش واحکام معاهده خلیفیدر اولمامشدر.

کوتاهییه مقالوله نامه سی تاریخ عقدندن برو فسخه محکوم ایدی . چونکه دولت عثمانیه نك غوائلندن استفاده ایتك املدن محمد علی بر درلو فراغت ایده میوردی . محمد علینك طور و حرکتی آرتق حکومت عثمانیه جه غیر قابل تحمل بر درجه یه وارمش ایدی . ۱۸۳۸ سنه سنده محمد علی حکومت عثمانیه قارشو مکلف اولدیفی ویرکوی ویرمکدن امتناع ایتدی و دول معظمه نك کندوسنی بو ویرکونك اعطاسنه اماله ایتك خصوصنده کی تشبثاتی بسبتون عقیم قالدی . اكنه ایت حکومت عثمانیه ویرکوی المنق و محمد علی ده ویرمامك ایچون استحضارات حربیه یه ابتدار ایتدیلر . ۱۸۳۹ سنه سنده بیوک بر عثمانلی اردوسی فرات نهرینك ساحل یسارنده تجمع ایتدی وشامه قارشو تهدیدکارانه بروضع الدی . ابراهیم پدری محمد علی دن الدیفی امره امتثالاً حرکات تجاویزه دن احتراز ایتدی . ایتدی خنکار اسکله سی معاهده نامه سی احکامنی حکمدن انقطاع ایتك اوزره دول مختلفه ایاجیلری و باخصوص انکلتره و فرانسه سفیرلری استاتوقونك محافظه سی ایچون حکومت متبوعه لرندن تعلیمات المشرودی . بو ایاجیلرک تشبثاتنه محمد علی موافقت ایتش ایدی ایسه ده ذات حضرت پادشاهی حکومت عثمانیه جه اتحاد اولنان تداییرک اجراسنی مصر آ طلب ایلشیدی . حزیران اوائلنده انعقاد ایدن قونفرانس اثناسنده انکلتره و فرانسه سفیرلری حکومت عثمانیه نی محمد علی یه قارشو محاربه ایتك مجبوریتنده بولندیران اسبابه کسب اطلاع ایلشردی . بو مسئله حقنده بالاخره روسیه و آوستریا سفیرلرینه دخی معلومات ویرلشیدی . حکومت عثمانیه جه حرب ایچون درمیان اولنان اسباب

شونلر ایدی : « محمد علی ذات حضرت پادشاهینک حائر بولندیغی
 حقوق خلافت ایله امام المسلمین عنوانی و حرمین تحترمینک خدمات
 مفتخرمسنی غصب ایتشدیر . » ذات حضرت پادشاهی بونلری محمد
 علی دن استرداد ایتک ایچون محاربه یه کیریشمهدن اول محمد علی نک
 بر غاصب غیر مشروع اولدیغنه دائر بر فتوی استحصال ایتش و بو
 فتوایه استناداً محمد علی نک یرینه مصر والیلکنه حافظ پاشای نصب
 و تعیین ایلشیدی . بونی متعاقب عساکر عثمانیه ایله ابراهیم آردسند
 وقوعه کلان محاربه ده طالع حرب ابراهیمه توجه ایتش و بو محاربه نک
 عدم موفقیتله نتیجه لندیکنه دائر اولان خبر مشموم هنوز سلطان محمود
 خان ثانی یه وارد اولمهدن مشار ایله اللی دوت یاشنده بولندیغی حالده
 ارتحال دار بقا ایتش و نجل نجیبی سلطان عبدالحمید خان حضرتلری
 هنوز اون یدی یاشلرنده بولندیغی حالده سریر آرای سلطنت اولش
 ایدی .

سلطان عبدالحمید خان حضرتلری سفک دمایه سبیت ویرمامک
 مقصدیله محمد علی یی عفو ایتش و محمد علی طرفدن وظائف تابعیت
 ایفا اولمق شرطیله مصر والیلکنک کندوسنه ارثی اوله رق تفویضی
 تکلیف ایلش ایدی . فقط بو تکلیف مصره واصل اولمهدن عثمانلی
 آمیرالی احمد پاشا خسرو پاشایه اولان اغبرازینه بناءً معیتده کی سفائی
 مستصحباً اسکندریه یه عزیمت ایتش و ایرتسی کون عموم دونما
 کندوسنه التحاق ایلشیدی . محمد علی انگلتره نک اسکندریه قونسولوسنه
 یغی بر مکتوبده کندوسنک سلطان عبدالحمید
 ر و آماده بولندیغی بیان و فقط عین زمانده
 و کريد ولايتلرينک دخی ارثاً عهدۀ تصرفده

قاله جفنه دائر شهریار مشارالیهن بهض تأمینات طلب ایلمشیدی . حتی محمد علی ، خسرو پاشا عزل ایدلدیکی تقدیرده درسعادتی بیله زیارته خواهش کوسترمشیدی . مذکور مکتوبه « تکلیفلم رد اولنسه بیله محاربه ایتیه جکم و حال و موقع حاضری محافظه ایتمکه اکتفا ایده جکم » یولنده بر فقره درج ایتمشیدی .

دول معظمه خنکار اسکله سی معاهده نامه سنک تأییراتی بر طرف ایتمکه چالیشدقلری بر صروده عثمانلی دونماسنک محمد علی به کیدوب تسلیم اولسی اوروپاده ذات حضرت پادشاهی حقنده عمومی بر محبت حصولنه بادی اولدی . بونک نتیجه سی اوله رق لوندرده انکایز ، فرانسه ، روس ، پروسیه و اوستریا دلکهلرندن مرکب بر قونفرانس تشکل ایتمش و ذات حضرت پادشاهی ده محمد علی نک تکلیف لینه مماشاة ایتمک اوزره ایکن درسعادته کی دول معظمه سفراسی باب عالی به ۲۷ تموز ۱۸۳۹ تاریخیه مورخ و متحد المال بر تقریر اعطا ایلشدر . تقریر مذکور شو مآله ایدی : « زیرده واضع الامضا اولانلر حکومت متبوعه لرندن آلدقلری تعایانه امثالاً بش دولت معظمه آرسنده ائتلاف حاصل اولدیغنی باب عالی به بیان ایدرلر و باب عالی بی دول مشارالیهمک انضمام موافقتلری اونمسنزین صوک برقرار اتحادینی تأخیره دعوت ایلرلر . »

(بند) فرانسه محمد علینک تصورات احتراض کارانه سنی التزام ایتمش و حکومت عثمانیه قارشو اولان حرکات خصوصتکارانه سنده کندوسنه کیزلیجه تشویقاتده بیله بولمیشدر .

حتی ۱۵ تموز ۱۸۴۰ تاریخنده لوندرده ده عقد اولنان معا - هده نامه به فرانسه دول سائره کی وضع امضا ایتما مشیدی . بومعاهده نامه موجنبجه محمد علی به بعض تکلیفاتده بولنیه بحق و تکلیفات مذکورده

جواب رد النديني تقديرده کندوسنک دائره اطاعته کتيرلسی ایچون اقتضا ایدن تدایره توسل اولنه جق وچناق قلعه وقره دکز بوغازلری کافی السابق عموم دولترك سفائن حریه سنه قبالی بولندیریه جق ایدی. ایشته بوصورتله خنکار اسکله سی معاهده نامه سنک تأثیرات مضره سنک اوکی الشمس ودولت عثمانیه دخی روسیه دولتنک حمایه سندن قورتارلمش ایدی.

اشبو معاهده نامه احکامنه امتثالاً خدیو مصره براولتیاتوم کوندولمشیدی. خدیو، مصر والیلکنه ارثاً وجنوبی سوریه ایله عکا قلعه سنه قید حیاتله مالک اوله جقدی. اون کون ظرفده مذکور اولتیاتومه بر جواب النديني تقديرده یالکیز مصر حقنده کی تکلیف ینه اون کون معتبر وباقی قاله جقدی. شاید ینه اصرار ایدیله جک اولسه ایدی دول اربعه خدیوه شرائط ائتلافی جبراً قبول ایتدیره. جکاردی. بو کیفیت محمد علی به رسماً تبلیغ ایدلیکی زمان کنديسی ذات حضرت پادشاهی ایله مذاکراته کیریشمک صورتيله وقت قزانغه چالیشوردی.

رفت بک بعض تکلیفاتده بولمق اوزره در سعادته اعزام اولندی. تکلیفات مذکوره موجب ممنونیت اولنديني جهتله ذات حضرت پادشاهی - عجولانه ومغایر احتیاط بر مشورت نتیجه سی اوله رق - محمد علی بی مصر والیلکن سندن عزل ایتش وکیفیتک اعلانی ضمننده اسکندریه به بر فرمان هایون ارسال ایش ایدی. بوصورت حرکت ومعامله بالاخره ایضاح ایده جکمز وجهله مسئله منازع فیهانک حل وتسویه سنی خیالیدن خیلی اشکال وتأخیر ایتدی. محمد علی متجاوز صفتيله دکل بلکه مدافع صفتيله مقاومت ایتک ایچون تدارکان عظیمه به ابستدار ایتدی.

محمد علی بی دائرۂ انقیاده کتیرمک ایچون اتخاذا اولنان ایلک تدبیر سوریه و مصر لیمانلرینی آبلوقه ایتمکدن عبارت ایدی . قبودان «نیر» بیروت اوکنده کوزو کدی شهرک تسلیمینی طلب ایتدی . عین زمانده آمیرال « استوفورد » اسکندریه بی آبلوقه ایتدی . بیروت شدتلی بر مقاومتدن صکره سقوط ایتدی . عکا قلعه سی دخی شدتلی بر مقاومت کوستردی . دول متفقہ دونمالری عکایه قارشو مخاصمانه باشلادیلر . بوقلعه اولای غیرقابل ضبط و تسخیر عد اولمش ایدیسده بالاخره اوچ یوز ترک ایلہ بر مفرزه اوستریا بحریه افرادی طرفدن ضبط و اشغال اولنه بیلیمشیدی . قلعه قوماندانی فرار و موفق اولمش ایدی ایسده مهندس یوسف آغا غیر صورتده مجروح اولدینی حالده اسیر ایدلمشیدی . عکا قلعه سی سقوط ایدر ایتمز حیفا ویافده کی عساکر محافظه مصریه محال مذکورہ بی تخلیه ایتدیلر . سوریه لیلر ذات حضرت پادشاهی یه عرض انقیاد ایتدکلری کی قدس شریف اہالیسی دخی حکومت عثمانیہ اولان مربوطیتلرینی تکرار قبول و اعلان ایلدیلر . قومودور « نیر » اسکندریہ یه عزیمت ایتدی و اورادہ مصر والیسی ایلہ بر مقاولہ نامہ یه کیریشدی . بو مقاولہ نامہ موجبہ مخاصمانہ نہایت ویریلہ جک و ذات حضرت پادشاهی مصر والیلکنی ارنّا محمد علی یه توجیہ ایلک شرطیلہ اسکندریہ ده بولنان عثمانی دونمالی اعادہ ایدیله جک ایدی . فقط یکیدن بر طاقم مشکلات ظہور ایتدی . ذات حضرت پادشاهی محمد علی نک عزانی متضمن فرمان هایونی فسخ و ابطالدن امتناع ایتدی و آمیرال « استوفورد » « نیر » ک دائرۂ صلاحیتی تجاوز ایتدیکنی بر سبب کوسترہ رک مقاولہ نامہ مذکور تصدیقندن استکاف ایلدی .

هر نه حال ايسه ۶ كانون اولده آميرال « استوفورد » دول متفقه نامنه اوله رق محمد علي يه بر تكليفده بولندي. بوتكليف محمد علي سوريه ، كريد و عربستاني تخليه و عثمانلي دونماسني اوچ كون ظرفنده اعاده و تسليم ايتديكي تقديرده مصر واليكنك كندوسنه ارثي اوله رق توجهي ضمنتده دول متفقه نك توسط ودالات ايده جككريني متضمن ايدى. بوشرائط ۱۱ كانون اولده قبول ايدلى و سوريه ، كريد و عربستان ولايات عثمانيه سي تخليه و ۱۴ كانون ثاني ۱۸۴۱ تاريخنده عثمانلي دونماسي ده اعاده اولندي .

بو صروده ينه بعض مشكلات ظهور ايتدى . خديويت مصريه انحلال ايتديكي تقديرده ولي عهد تعيني حقيك ذات حضرت پادشاهي يه عائد بولمسي و مصر واليكنك در سعادتن توجه بيورلمسي مسئله سي بر مدت كشمكشده قالدى. فقط اك نهايت بوم مسئله ده دولترك توسطي ايله حل و فصل ايدلى و ۱ حزينان تاريخلي فرمان ايله محمد علي مصر واليكنه اقعاد اولندي .

۱۸۶۷ سنه قدر بروقه مهمه ظهور ايتدى. سنه مذكوره ده ذات حضرت پادشاهي مصري زيارت و مصر واليسي اسماعيل پاشايه خديو عنواني اعطا بيورمش ايدى. ۱۸۶۶ سنه سنده شرفصادر اولان اراده حضرت پادشاهي موجبجه سلسله وراثت اكبر اولاده ، قرداشلرك اك بيوكنه و اك بيوك قرداشك اكبر اولادينه انتقال ايده جك ايدى . اسماعيل پاشا ماهيت سياسي يي حائر بولنميان احواله دول سائر ايله عقد مقاولاته مأذون ايدى. ۱۸۷۳ سنه سنده شرفصادر اولان فرمان هايون اصول وراثتي تأييد ايتديكي كبي قانون تنظيم ايتك ، استقراض عقد ايتك ، ايتديكي قدر عسكرك بولدير مق ،

وزر هلیلر مستشا اولمق اوزره سفائن حربیه انشا ایتک و خدیو صغیرالسن بولندیغی ائناده نیابت اقامه ایتک صلاحیتنی ده خدیوه بخش ایلشیدی .

خدیو اسماعیل پاشا مصرده اصلاحات عدلیه نك اجرایی لرومی تقدیر ایدرک بوخصوصده بعض تشبئاتده بولنمشیدی . ۱۸۶۷ سنه سنده نوبار پاشا طرفدن بر لایحه تنظیم و دول معظمه یه تبلیغ ایدلشیدی . بین الملل محکمه لرك تشکیلی خصوصده دولتره وقوعبولان تکلیف اوزرینه دول معظمه دلکه لرندن مرکب قومیسسیونر ۱۸۶۹ ده قاهرده و ۱۸۷۳ ده درسعادته انعقاد ایتشلردی . بو قومیسسیونر « مصرده مختلط دعوالرک رؤیتته مخصوص محکمه لرك تشکیلی نظامنا - مهی » نامیه معروف بر پروژده تنظیم ایتشلردی . بو نظامنامه نك اوتجی ماده سی موجبجه اجنیلرکرك حکومت مصریه و کرک خدیوه عائد املاک اداره سی علیهنده اقامه دعوی ایتک حقنی حائز بولنیورلر . فرانسه حکومتی ۱۸۷۴ سنه سنده امضا اولنان بر « پروتوقول » ده نظامنامه مذکورک مرعیت احکامنه موافقت ایتشدر . بو نظامنامه یه موافقت ایدن دولتر شونلردر :

المانیا ، اوستریا ، بلجیقا ، دانیمارقه ، اسپانیا ، فرانسه ، انگلتره ، یونانستان ، ایتالیا ، فلمنک ، پورتکیز ، روسیه ، اسوچه ، نورودج ، و آمریکا حکومت متحده سی .

یکی قاتونلر ۱۸ تشرین اول ۱۸۷۵ تاریخنده موقع تطبیقه وضع اولنش و محکمه لر دخی ۱ کانون ثانی ۱۸۷۶ تاریخنده کشاد ایدیله رک ایفای وظیفه یه مباشرت ایلشیدی . بو محکمه لرك تأسیسی مصر حاضرک تاریخنده یکی بر دوره آچشدر .

اسماعیل پاشانك تشبثات حریصانه سی نتیجه سی اوله رق تراکم
ایدن دیونك بار کرانی پاشای مشار الیهی سوش قنالی حصه لری
انگلتره حکومتنه صامغه مجبورایتدی. فقط دیون مذکور دنك تأدیسه سی
ایچون بوتدیر کفایت ایتدی. متوفی یدنجی قرال ادوارد ولی عهد لکی
زماننده هندستانه کیدرکن خدیو اسماعیل پاشایله وقوعبولان ملاقات
اثناسنده خدیو قرال مشار الیهن بر انگلیز مالیه مشاور ی طلب
ایتمش و بونك اوزرینه انگلتره پارلمتوسی اعضا سندن موسیو « قهو »
مصره اعزام اولمش ایسه ده خدیو بر کونه معاونت مالیه اینا
ایدن ایشیدی. خدیو ۸ نیسان ۱۸۷۶ تاریخنده تسویه سی لازم کلان
قوپونلره عائد تأدیاتی تعطیل ایتمش و ۲ مایس ۱۸۷۶ تاریخنده
نشر ایتدیکی بیاننامه ایله دیون عمومی صندوقی تأسیس ایشیدی. بو
بیاننامه یه نظراً دیون عمومی یه عائد ویرکولر خزینة مالیه یه دکل بلکه
مذکور صندوقه تسلیم اولنه حق و بو صندوق محکمه مختلطه ده حکومت
عاینده اقامه دعوی ایتک حقی حائز بولنه حق و حکومت دیون
عمومی یه تخصیص اولنان رسومدن متحصل وارداتی تنقیص اتمیه جاک
و دیون عمومی صندوقك موافقی اولمق سزین استقراضات جدیده
عقد ایلمه جکدی.

دیون عمومی اداره سی قومیسر لری، کندولرینك وکیل لری
بولندقلری دائلرک منسوب اولدقلری مملکتلرک حکومتلری طرفندن
تعیین اولنه جقدی. مع مافیه بو قومیسر لرک مأمورین مصریه دن عد
اولملری ایچون بر شرط دخی وضع ایدن ایشیدی. موسیو « بلیغیه ر »
فرانسه طرفندن، موسیو « باراودلی » ایتالیا طرفندن و موسیو « کره مر »
ده اوستریا طرفندن مذکور اداره یه قومیسر تعیین ایدلشلردی.

بیکباشی «به رینگ» (که شمعی لورد قرو مردیه معروفدر) انکلتره نامه اوله رق قومیسر لکه مأمور ایدلش ایدی ایسه ده انکلتره حکومتی طرفدن تعیین اولنماشیدی. دیون عمومیه اداره سی حزیرانک اوننده ایفای وظیفه یه مباشرت ایله چکدی .

۲ مایس ۱۸۷۶ تاریخی بیاننامه یی متعاقب ۷ مایس ۱۸۷۶ تاریخنده ایکنجی بر بیاننامه نشر اولندی. بوایکنجی بیاننامه موجنبجه حکومت ایله دوائر مصریه (ملحقات مرکز لری) طرفدن عقد ایدیلان استقرضات مختلفه توحید وبر «دین عمومی» حاله افراغ ایدلک ویوزده یدی فائضه ربط وتأمینات مقامنده بعض واردات تخصیص اولنق صورتیله دیون عمومیه اداره سنه حواله اولنش ایدی. بوصوک بیاننامه عدم خشنودی یی انتاج ایتش و تحویلات حاملرینک منافعی اخلاص ایتدیکی ذهابی تولید ایلش ایدی. بونک اوزرینه موسیو «غوشه ن» (یعنی متوفی لورد غوشه ن) ایله موسیو «ژوبه ر» دلکه صفتیله مصره اعزام اولنشلردی. بوایکی دلکه طرفدن وقوع بولان تکلیفلر ۸ تشرین ثانی ۱۸۷۶ تاریخنده نشر اولنان بیاننامه مندرج بولنیوردی. حکومت مرکزیه نک دیونی دائره لک یعنی ملحقاتک دیونندن تفریق ایدلدی. مقاوله نامه سابق احکامنک تطبیقنه ابتدار اولندی. خزینه بونولرینک اخراجی تحت قراره لندی وباخصوص «مراقبه مشا» تأسیسی اسبابی استکمال اولندی.

انکلتره حکومتی واردات عمومیه مفتش عمومیلکنه تعیین ایدیلان موسیو «رومن» ایله دیون ومحاسبات عمومیه مفتشلیکنه تعیین اولنان موسیو «بارون ده مالاروت» ک مأموریتلرندن طولای بر کونه مسئولیت قبول ایتیه چکنی بیان ایلدی .

موسيو « غوشه ن » ايله موسيو « ژوبه ر » طرفلرندن تطبيقه مباشرت اولنان اصول مالیه دن فوائد مطلوبه حاصل اولمى و حکومت ده محاکم بين الملل طرفدن کندى عليهنده اعطا اولنان قرارلرى اجرادن امتناع ايتدى . ۳۰ مارت ۱۸۷۸ تاريخنده بر تحقيقات قوميسيونى تشکيل ايتدى . بوقوميسيون ديون عموميه اداره سنه منسوب درت اعضادن مرکب اولوب بونک رياستنده موسيو « دوله سپس » بولنيوردى . بيکباشى « بهرينغ » (لورد قرومر) ايله رياض پاشا دخى رئيس وکيللرى صفياه بوقوميسيونده بولنيورلردى . بوقوميسيون طرفدن تنظيم ونشر اولنان ايلک راپورى متعاقب خديوک بالعموم املاک و عقارات خصوصيه سنى اداره عموميه مالیه يه ترك و مالیه قوميسيوننک تحت مراقبه و تفتيشاتنه وضع و اوروپا مشروطيت اداره اصوله موافق بر اصول اداره تأسيس ايدى چکنه و اقتدار و دراييله کسب صيت و شهرت ايتمش اولان « نوبار » پاشانک هيئت اداره رياسته و موسيو « ريودرس ويلسه ن » کده مالیه نظارتنه تعيين اولنه جفنه دائر بر نياننامه نشر ايدلمش ايدى .

بو تبدل فرانسه دن ماعدا عموم اوروپاده ممنونيله تلقى ايدلمش ايدى . فرانسه انکتره دنک قبريس جزيره سنى اشغال ايتمى دن طولاني مغبر اولمش و مصرده دخى عين درجه ده اغبراريني موجب احوال ظهور ايتمش ايدى . هر نه حال ايسه الک نهايت فرانسه ايله دخى بر ائتلاف حاصل اولدى . موسيو « بليغنيه نافعنه نظارتنه تعيين ايدلى و خديوده حکومت مصر يه نک خدماتنده بولنان بوايکي فرانسه و انکليز مأمورندن بريني عزل ايتمک لازم کلسه بونلرک هر ايکيسنى عزل ايدى چکنه دائر ثامينات اعطا ايتدى :

۱۵ کانون اول تاریخی بیاننامه ایله «مراقبه مشا» تعطیل ایدلش ونظارک صلاحیتلری تعیین اولمش ایدی .

بوصورتله تشکیل ایدن قابینه موقع اقتدارده اوزون مدت قالدی .
نوبار پاشا ایله خدیو آره سنده تحدت ایدن اختلاف نتیجه سنده نوبار پاشا استغفایه مجبور اولدی . خدیو (۱) مجلس نظاری اجتماعه دعوت ایتک و اتخاذ اولنه حق تدابیری مجلس مذکورده تکلیف ایتک حقنی (۲) مجلسده موقع مذاکره یه وضع اولنمه دن اول عموم امور و خصوصات حقنه کندوسنه معلومات اعطا ایدلسنی و (۳) مجلس نظارک کافه اجتماعاته ریاست ایتک حقنی مصرأ طلب ایتش ایدی .

اشبو طلب انکلیز و فرانسز مأمورلری طرفندن شدتله دوچار اعتراض اولمش ایدی . مع مافیه فرانسه و انگلتره حکومتلری خدیوک مجلسده بولنامسی و امور و معاملات عائد تدابیری رد و یا قبول ایتک خصوصنده انکلیز و فرانسز مأمورلرینک حائز صلاحیت بولنملری خصوصنی خدیوه جبرأ قبول ایتدیرمشلردی .

ایشته ایلاک دفعه اوله رق انگلتره حکومتی لورد «بیقونسفیلد» زماننده فرانسه ایله بالاشترک حکومت مصریه نک امور و خصوصات متفرعه سنه مداخله یه باشلامشیدی . بومداخله بالطبع انکلیز سیاستنه یکی بر استقامت و یرمش و فوق العاده مهم بعض نتایج حصوله کتیرمشدر .

۲۲ مارت ۱۸۷۹ تاریخنده مصرده پرنس توفیق پاشانک ریاستی تحتنده یکی بر قابینه تشکیل ایتش و بو قابینه یه ده ایکی اوروپالی اعضا انتخاب اولمش فقط بو قابینه ۷ نیشان ۱۸۷۹ تاریخنده استغفایه مجبور اولمشیدی . مصرک افلاسه طوغری یورو مکده اولدیغنه

دائر تحقیقات قومیسونی طرفندن ویریلان راپور هیجان عمومی بی تولید ایتدیکی جهته «مجلس معتبران» فارشو مسئول بر ناسیونالیست قابینه سنک تشکیله شدیداً لزوم و احتیاج حس اولمشیدی . واقعاً مذکور تحقیقات قومیسوننک پلانلرینی حکمسنز براقق ایچون ۲۲ نيسانده نشر اولنان بیاننامه ده بشقه بر پلان قورولمشیدی . فقط خدیوک باشنه کندوسنک هیچ مأمول ایتدیکی بر طرفدن بر فورطنه قوپدی . المانیا ۲۲ نيسان تاریخی بیاننامه بی طانیامغه قرار ویردی و کیفیت ۱۸ مایس تاریخنده خدیوه تبلیغ ایتدی . دول سائره دخی المانیایه امتثالاً حرکت ایتکه قرار ویردی . اوستریا ۱۹ مایس ، انکلتړه ۸ حزیران ، فرانسه ۱۲ حزیران ، روسیه ۱۴ حزیران و ایتالیا ۱۵ حزیران تاریخلرنده خدیوه عین مآلده برر تقریر اعطا ایتدیله .

بو آره لق دول معظمه جه اتخاذ اولنان مقرراته موافقت پادشاهینک استحصالی ایچون تدابیر لازمییه توسل اولمشیدی .

۲۶ حزیران تاریخنده درسمعدتن کلان بر تلغرافنامه خدیو اسماعیل پاشانک عزلیله یرینه مخدومی توفیق پاشانک تعیننی مشعر ایدی . ایشته غیور ، چالیشقان و خارق العاده بر قوه حافظیه مالک بولنان اسماعیل پاشانک خدیویتی بو صورته ختامپذیر اولدی .

اسماعیل پاشانک اک بیوک آثار و موفقیاتندن بولنان سوبش قتالی ایله محاکم مختلطه تشکیلاتی مشارالیهک سقوطنه بادی اولمشدر .

عجبا انکلتړه ایله روسیه نک الیوم ایرانده تعقیب ایتکده اولدقلری مسلک سیاست بوندن اوتوز سنه اول انکلتړه ایله فرانسه نک مصرده تعقیب ایتش اولدقلری مسلک سیاستک عینی دکلیدر ؟ انکلتړه ایله

روسیه نك موافقتی استحصال اولند قچه ایرانك بر اجنبی مأموری
استخدام ایده میه جکنه دائر بو ایکی حکومت طرفدن وقوع بولان
طلب انگلیز — روس مقاوله نامه سی احکامنه تماماً مغایر دکلیدر ؟
سویس قتالی خدیوه اسماعیل پاشانك مشکلات مالییه کرفتار
اولسنه سبب اولمش و بوراسی هندستان ایچون فوق العاده مهم بر
یول تشکیل ایتدیکندن مصر ایشلرینه انگلیزلرك مداخله ایللرینی
انتاج ایتشدرد. دیگر طرفدن خدیو مشارالیهك ، دائئرلك مطلوباتنك
تسویه سی ایچون تکلیف ایتدیکی صورت تسویه دولترجه تعهدات
دولیه ایله غیر قابل تألیف عد ایدلدیکندن بوده مداخلات دولیه
بر زمین احضار ایتشیدی .

توفیق پاشانك مأموریتنی متضمن بولنان فرمان هایون کندوسنك
موجود دائئرلك موافقتلری استحصال اولنمق سزین استقراض عقد
ایده میه جکنی واون سکنز بیک نفردن زیاده عسکر بولندیره میه جغنی
آمر ایدی .

خدیو جدید نظاری مقاملرنده ابقا ایتدی و «مراقبه مثنا» یی
یکیدن احداث ایتدی . بیکباشی «به ریغ» (لورد قرومر) ایله
موسیو «بلغیه» ۴ ایلول تاریخی امرنامه خدیوی موجبنه
موسیو «رومن» ایله موسیو «مالارده» ك یرلرینه تعیین اولندیلر .
آنلر مجلس نظارده حاضر بولنق حقی حائر و نظار کی صلاحیت
تامه یه مالک اولمقله برابر انحق حکومت متبوعه لرینك انضمام موافقتلریله
تبدیل و یا عزل اولنه بیلیرلردی . عین زمانده لورد «سالیسبوری» ایله
موسیو «وادینتون» بشقه بر دولتك مصرده انگلتره ایله فرانسه یه
رقابت ایده جك درجه ده تأسیس نفوذ سیاسی ایتسنه قطعاً

تحمل ایدہ میہ جکارینی خدیوہ اخطار ایتشدردی.

«روحید» ک آوانسارینہ دائر ۱۹ کانون اول تاریخندہ بر امرنامہ

خدیوی صادر اولمش و بوکا عموم دولتر مماشاة ایتشدردی .

۳۱ مارت ۱۸۸۰ تاریخندہ تشکیلی متصور بولنان «تصفیه

قومیسونی» طرفندن اتخاذ اولنه حق قرارک قبول اولنه جغنه و بین -

الملل محکمہ لرحه مرعی و معتبر اوله جغنه دائر بش دولت معظمه

جنرال قونسولوسری طرفندن بر بیاننامہ امضا ایدلش ایدی. عین تاریخندہ

صادر اولان امرنامہ خدیوی ایله بوقومیسون تشکل ایتش و ایکی

انکلز، ایکی فرانسز، بر آلمان، بر اوستریالی، و بر ایتالیان اعضادن

مرکب بولنشیدی .

مذکور قومیسون طرفندن اعطا اولنان راپوره امتسالاً

«تصفیه قانونی» ۱۷ تموز ۱۸۸۰ تاریخلی بر امرنامہ خدیوی ایله

کسب قانونیت ایتش و مختلط محکمہ لردہ علاقہ دار بولنان دولترک

کافه سی بونی اغستوسک ختامندن اول قبول ایشلدردی. دیون موحدہ

فائضی یوزده درت راده سنہ تنزیل و «مقاوله» یی فسخ والفا ایدن

بو «تصفیه قانونی» موجبجه دیون عمومیہ اداره سی ایلک دفعه اوله رق

برماہیت بین الملل احراز ایتشدر .

۱۸۸۱ سنہ سی اوائلندہ هر طرفده صلح و صلاح علامتی مشہود

ایدی. «تصفیه قانونی» مصراک مشکلات مالیه سنی بادی ممنونیت بر

اساس اوزرینہ وضع ایشیدی .

انکلز و فرانسز مالیه مفتشترینک تعینی تصفیه قانونک احکامی

تنفید اولنه جغنه و مصر اداره سنده اصلاحات لازمه اجرا قلنه جغنه

بر دلیل ایدی. فقط نصل که ساکت و ساکن بر هوایی متعاقب بر فورطنہ

ظهور ایدیورسه مصرک سکون و راحت ده اوپله بردنبره مبدل اختلال و اغتشاش اولمش و شباطک برنجی کونی براختلال عسکری ظهوری شایعه سی عموم قاهره اهالیسنی دوچار خوف و خشیت ایلشدر .
 حربیه ناظری عثمان رفیق پاشا عزل ایدلدی . ضابطان آره سنده کی کین و حسد ریاض پاشایه شدید المأل بر مکتوب تحریرینه سبیت ویردی . نتیجه ده بوضابطلر توقیف اولندی . بونی متعاقب بیوک بر قیام عسکری ظهور ایتدی . بوقیامی باصدیر مقامیدی قالمدی . خدیو مصر محمد سامی پاشای حربیه نظارتنه تعین ایتدی . عساکر بونصب و تعینی ممنونیتله تلقی ایدرک « چوق یشاسون خدیو » ندالریله قشله لرینه چکلدیله . بوحادثه دن صوکره سکون اعاده اولندی ایسه ده چوق زمان دوام ایتدی و مصرینه مدهش براغتشاش قارشیسنده بولندی .

خدیو ۱۳ شباطده اختلاله قیام ایدن آلایرک قوماندانلرینه خطاباً حکم داره اطاعت ایتک و وظیفه سنه دائر بعض نصایح و مواعظده بولندی ایسه ده مع التأسف بوندن برفائده حاصل اولمدی . عسکرلر خوف انتقام ایله مصرک حال و موقع سیاسیسندن ناخشنود اولان کسانله مخابرات و مناسبات خفیه پیدا ایتدکلرندن بوقیام عسکری هر طرفه سرایت ایده زک مدهش بر شکل آلدی . هیئت نظار بوندن خبردار اولمقله برابر منعی چاره سنه توسل ایتدی و بالآخره تحقیقات اجرا سنه تشبث ایدلدیسه ده بونک بر ثمره سی کورلمدی . مصری مشکلات عظیمه مالییه و سیاسیه القا ایلان متوفی اعرابی پاشا اختلال و تحریکات فرقه سی رئیس ایدی . مومی الیهک، صورتی عربجه غزته لر طرفدن درج اولنان نطقلری بتون ملکته بر هیجان و ناخشنودی تولید ایتدی . اعرابی پاشانک اجنبیلره قارشو اولان خصومت و عداوتی کندوسنک

ایرادیتدیکی نطقلرک اہالی اوزرندہ فوق العادہ اجرای تأثیر ایتسنہ سبب اولیور و بوندن ماعدہ فرانسہنک تونسلی الحاق ایتسی اعرابی پاشانک سوزلرینہ دہا بیوک برقیمت و ماہیت ویریوردی . الحاصل خدیوک مصر دہ بر حکم و نفوذی قلمدی . خدیو توفیق پاشا الحق مصر لیلرک محبت و احترامنہ لایق ایدی . کندوسی اہالی مصریہنک استکمال اسباب حضور و سعادتہ ممکن اولدیغی قدر چالیشدی . فقط نہ چارہ کہ بر طرفدن مداخلات اجنبیہ و دیگر طرفدن اغتشاشات داخلہ خدیو مشارالہک مساعیسنی عقیم براقدی . بوصر دہک زیادہ نفوذ و صلاحیت رئیس نظارک الہ کچدی . موسی الہ آرتق کندی شخصی حکومت مصریہ ایچون لازم غیر مفارق عدایمکہ باشلادی . خدیو رئیس نظار ریاض پاشایی عزل ایتک ایستدی ایسہ دہ اووقت ریاض پاشان بشقہ بومقامہ مناسب بر ذات دہ بولمئوردی . « نوبار پاشا » غیر مسلم اولمق حبیبہ « ناسیونالیست » فرقه سنک اعتمادنی غائب ایتمشیدی . شریف پاشا ایسہ خدیو اسماعیلک اصول ادارہ سندہ ذیمدخل بولمقلہ اتہام ایدیلیوردی .

او آردلق اسکندریہ دہ بر حادثہ ظہور ایتدی . بر مصر عسکری بر آراہہ آلتندہ چیکنتمشیدی . بو عسکرک آرقداشلری آراہہ جینک تأدیبینی طلب ایتدیلر . فقط ایرتسی کون آراہہ جینک تأدیبی جہتنہ کیدملک شویلہ طورسون مرقومک تأدیبینی طلب ایلان عسکرلر شدتلہ تأدیب و تجزیہ ایدلدیلر . بو وقعہ اردودہ بیوک برہیجان تولید ایتدی . حربیہ ناظری عزل ایدلدی و خدیوک عم زادہ سی داود پاشا حربیہ نظارتنہ تعین اولندی . خدیوک مجلس نظارہ ریاست ایتک خصوصندہ کی تکلیفنہ ریاض پاشا شدتلہ مخالفت ایتدی و فقط

داود پاشانك حربه ناظری صفیله مجلس نظارده بولمئسندن ناشی ریاض پاشانك حکم ونفوذی خیلدن خیلی رخه دار اولدی. داود پاشا طوغریدن طوغرییه خدیوی تمیل اتمک باشلادی و ریاض پاشایه قارشو شدید بروضع آلدی .

فقط خدیوک ۳ ایلول تاریخنده اسکندریه دن قاهره یه عزیمت ایتمی ریاض پاشا ایله حربه ناظرینه برپلان ترتیبی ایچون بیوک بفرصت ویردی . اعرابینک قوماندا ایتدیکی آلایک بشقه برمحله نقلی تشبئی کرک اعرابییه و کرک اعرابینک رفقاسنه خوف و شبهه آلتا ایتدی . آنلر او صروده در سعادته بولنان موسیو « مالهت » ك مصرده براختلال عسکری ظهوری تقدیرنده انگلتره ایله فرانسه طرفدن وقوعبوله حق مداخله عسکرییه حکومت عثمانیه نك دخی اشتراك ایتمی ایچون بر زمین احضار ایتک اوزره باب عالی ایله اجرای مذاکراته مأمور بولندیغنه ذاهب اولدیله ۷ و ۸ ایلول تاریخلرنده انعقاد ایدن متینغلرده اعرابی ایله رفقاسنک حیاتلرینه قصد ایتک ایستیان نظارک عزلی ایچون خدیوه مراجعت ایدلمسی تحت قراره آلدی .

بالا آخره جرائد رسمیه خدیوک ترتیب اولنان پلانندن کلیاً خبردار اولدیغنی و کندوسنک برنجی وایکنجی پیاده آلایلیری ایله سواری و طوپچی مفروزلرینک صداقتلرندن امین بولندیغنی و بوقوتک اعرابینک قومانداسی تحتنده بولنان آلایه قارشو احراز غلبه ایتک کفایت ایده جکنی اعلان و اشاعه ایتدی .

اك نهایت ایلولك اوچنجی کونئندن اعتباراً حاضر لئتمده اولان فورطنه ایلولك طقوزنجی کونی ظهور ایتدی . یوم مذکورده زوالی

ساعت بر راده‌سند ، (امرای عسکریه‌نك بینلرنده قرار ویرمش اولدقلری سیاسی پروغرامك اجراسنی طلب ایتمك اوزره اردونك ساعت اوچده عابدين سرایی اوکنده کی جاده‌ده بر رسم کجید اجرا ایده‌جکنه دائر) حریبه ناظرینه وارد اولان مکتوب بهت وحیرت عمومیه‌نی موجب اولدی . مذکور پروغرام آتی‌الذکر اوچ نقطه‌دن عبارت ایدی :

(۱) ریاض پاشا ایله رفقاسنك همان عزلی .

(۲) متحیزان و معتبران مملکتدن متشکل بر مجلسات عقد

اجتماعه دعوتی .

(۳) عسکری قومیسوننك وصایاسنك اجراسی .

اردونك اجنیلرك مال و جانلرینه قارشو خصمانه بر وضعیتده بولنیه‌جغنه دائر بیاننامه‌لر نشر ایدلدی . موسیو « قولین » ایله موسیو « قوق‌سهن » ك التماسلری اوزرینه خدیو عابدين قشله‌سهن عزیمت ایتدی واوراده عسکرلرك صداقته شبهه براقیه‌جق صورتده کال طنطنه و صمیمیتله استقبال اولندی . خدیو اورادن ایکنجی آلايك بولندینی قشله‌یه طوغری کیتدی و اوراده‌ده عین صمیمیتله استقبال اولندی . مشارالیه بو ایکی آلاي معیتله آله‌رق عاصیلرك اوزرینه هجوم ایتمش اولسه‌ایدی مصرك حالی بوکون بشقه درلو اولوردی . خدیو مصادماته میدان ویرمه‌مك نیت خالصانه‌سیله عباسیه‌یه کیتمش ایه‌ده اعرابینك قوماندا ایتدیکی آلايك بولندینی قشله تماماً تخلیه ایدلمشیدی . اعرابی کندی آلاي ایله برابر اون سکرز قطعه طوب کتیرمش وعابدين سرایی هرطرفدن احاطه ایتمشیدی . خدیو عباسیه‌دن عابدين سراینه عودت ایتدیکی زمان کندی سرایی درت

بيك عسكر ايله ۱۸ قطعه طوپ و بر مفرزه سواری ايله محاط و محصور بولدی. خدیوه بر آن اول صداقت یمینی و یرمش اولان برنجی وایکنجی آلایلر دخی عاصیلره التحاق ایتشلردی. خدیو سرایه آرقه قپودن کیردی و صکره آوروپالی مشاوری پولنان موسیو «قولوین» ی رفاقتنه آلهرق بالذات کیدوب عسکرلره ملاقی اولدی. اوراده نیچون تجمع ایتدکلرینه دائر وقوعبولان سؤاله جواباً عساکر مرقومه حریتی و صباحلین کوندریلان مکتوبده مندرج شرائطک قبول و اسعافی طلب ایتمکه کلدکلرینی بیان ایتدیلر. بونک اوزرینه خدیو عسکرلره خطاباً : « خدیوکز و حکمدارکز اولدیغمی اونوتدیکزمی ؟ » دیدی ایسهده بوکا قارشو اعرابی قرآن کریمدن : « حاکم ، عادل اولان کیمسه در . عادل اولیان کیمسه آرتق حاکم اوله ماز . » آیت کریمه سنی اوقویه رق مقابلهده بولندی . خدیو بو ملاقاتک بی سود اولدیغنی آکلایه رق استشاره ایتک بهانه سیله اورادن چکیلوب کتیدی . موسیو «قوق سهن» اعرابی یه بعض اخطار اتده بولندی و مصرک و مصر لیلرک وخیم بر حال و موقعه کرفتار اوله جقلرینی ایضاح ایتدی . اعرابی حریتک استحصالی ایچون اورایه کلدیکنی و اسارتک عدوی اولان انگلتره نك حریت ایچون چالیشانلری تنکیل و احایه چالشمیه جنی فکرنده بولندیغنی بیان ایتدی . مذاکره بر مدت دوام ایتدکن صکره ریاض پاشا استعفا یه موافقت ایتدی و بو کیفیت عسکرلره بیلدیرلادی . دیگر ایکی طلب ایسه درسعادتن استیدان ایدمک لزومی سرد اولنه رق تعلیق و تأخیر ایدلادی . عائله خدیوی یه منسوب بر کیمسه نك هیئت نظاره داخل بولنماسنه دائر اعرابی نك رفقاسندن بعض کیمسه لر طرفندن وقوعبولان طلب قبول اولندی . شریف پاشانک اسمی ذکر

ایدلدی و خدیو طرفدن دخی قبول اولدی . بر قاینه تشکیلی
ایچون شریف پاشایه خطاباً یازیلان مکتوب اعرابییه ویرلدی
و اعرابی طرفدن اوقونه رق « چوق یشاسون خدیو » ندرلییه
آلایشلاندی . بونی متعاقب اعرابی و رفقاسی خدیوک نزدینه عزیمت
ایدرك استعغای قصور ایتدیلر و خدیوک عفوینه مظهر اولدیلر .
مذاکره تقریباً ایکی ساعت دوام ایتدی، عسکرلر ساعت یدی بحقده
قشهرلرینه چکلدیلر . ایشته او یوم مشهور بو صورته نهایت بولدی .
فقط ایام متعاقبه خیلی تردد و اندیشه ایله کچیرلدی . شریف پاشا
ریاض پاشا قاینه سنک مسلک سیاستنی قبولدن امتناع ایتدی . خدیو
عجیب و غریب بر موقعه بولندی . انگلتره و فرانسه حکومتلری بر
مداخله اماره سی کوسترمدیلر . اون بیک عسکرک اعزامی ضمانتده
درسعاده وقوعبولان مراجعت دخی مشر اولمدی . دیگر طرفدن
درسعادتدن برکونه امدادک و رودایتمه جکندن مطمئن بولنان اعرابی نك
جرائی بر قات دها آرتدی .

ایلولاک اون واون برنجی کونلری شریف پاشا ایله قاینه تشکیله
عائد مذاکراتله کچیرلدی . مشارالیه آلاى قوماندانلری عسکرلرینی
بشقه بر محله نقل ایتدجکه بویله بر قاینه نك تشکیلی جهته کیدیه -
میه جکنی بیان ایتدیلر . بواننده اعرابی ایله رفقاسی قری مشایخی ایله
معتبران سائرینی نمایشه سوق و دعوت ایتک فکرینه دوشدیلر ایسه ده
بوفکر برکت ویرسون اردونک انتظام حرکاتنه اصلاحل کتورمدی .
سالف الذکر مشایخ و معتبران مملکتک حال و خامتی آکلا دقلرندن
کندیلرینی تحریک و دعوت ایدنلره التحاق ایتیه رک شریف پاشانک امرینه
تابع اولدیلر . بو کیفیت آلاى قوماندانلرینک وخیم بر حال و موقعه

بولندقلرینی ارأه ایتدی . بوقوماندانلر برمداخله خارجه وقوع بوله جغدن خوف ایدرک بلافاآه زمان اتخاذایره شتابان اولدیلر . ایلولک اون اوچنده خدیو، مصرده مقیم دول اجنیه قونسولسلرندن متشکل بر مجلس عقد ایتدی وبویله خطرناک بر زمانده کنیسنی ترك ایتمه مسنی شریف پاشادن رجا ایتدی . زیرا مشکلاتک حلی ایچون شریف پاشانک خدیو ایله تشریک مساعی ایتسندن بشقه چاره یوق ایدی . شریف پاشا رؤسای عصات ایله مذاکراته کیریشدی وایی بر نتیجه استحصاله موفق اولدی . کندلرینک مهالك و مخاطراته معروض بولندقلرینی اکلأمش اولان رؤسای مرقومه بر مدت جزئیه ظرفده اورادن چکلمکه و شریف پاشانی قابینهك امر تشکینده سربست بر افعه مماشاة کوستردیلر واردونک تزید مقداری حقنده کی مطالباتدن فراغت ایتدیلر .

شریف پاشا قابینه سی ۱۴ ایلول تاریخنده تمامیه تشکل ایتدی . مشارالیه او وقتک احوال سیاسیه سی حقنده کی وقوف و معلوماتی و اوضاع و اطوار نازکانه سی حسیله حقیقه بومقامه لایق بر ذات ایدی . بو آره لق حکومت عثمانیه نك تونس ایشاری حقنده وقوع بولان مداخلاتندن طولایی حکومت مشارالیه پاه قارشو بر حس عداوت ایله متحسس بولنان فرانسه حکومتی مصرده مداخلات عثمانیه یه شیه هر شیه مخالفت ایتمه ک باشلادی . حیفا که انگلتره حکومتی دخی فرانسه نك نقاط نظرینه اشتراك ایتدی . طرف اشرف حضرت پادشاهیدن اعزام اولنان و علی نظامی پاشا ایله علی فؤاد بکدن مرکب بولنان هیئت مصرده بارد بر صورتده قبول اولندی . هیئت مذکور اغتشاشات اخیره عسکریه حقنده تحقیقاته کیریشدی وذات حضرت پادشاهی ایله خدیوه مطاوعت

ایتملین عصاته توصیه ایلدی. فقط بوهیتک حضوری برنجی درجدهه فرانسییه وایکنجی درجدهه انگلترهیه او قدر ناخوش کورندی که آنلر معتادلری اولدینی وجهله زرهایلره مراجعت ایتدیلر. شو قدر که عثمانلی حرب سفینه سی اسکندریه لیماندن فک لنگر ایتدیکی سردهه انگلیز زرهیلیسی مذکور لیمانک خارجده کورنشیدی.

شریف پاشا قاینه سنک تشکیلاتنده کی شرائط طرفینجه کمال صدق و اخلاصه اجرا ایلدی. اعرابینک قوماندا ایتدیکی ایکی آلا ۶ تشرین اولده قاهره دن چکدی. شریف پاشا ۱۸۶۰ سنه سنده اسماعیل پاشا طرفدن احداث اولنان « مجلس معتبران » ک اجتماعه دعوت ایدلمسی ایچون خدیوک موافقتی استحصاله موفق اولدی. « معتبران » قری و تصبات مشایخی طرفدن و مشایخ مرقومه دخی اهالی جانبندن انتخاب اولنه جقدی.

وقایع مبسوطه مصر لیلرده برحس ملی او یاندردی. انگلتره ناک مصری انگلتره ممالکنه الحاق اتمک ارزوسنده بولدیغنه دائر او وقتلر حاصل اولان اعتقادک رفع وازاله سی ایچون لورد « غرانویل » طرفدن ۴ تشرین ثانی تاریخنده موسیو « مالهت » ه آتیده کی مألده برتحریرات کوندرلشیدی :

« مصرک فرامین هایون ایله استحصال اولنان استقلال اداره دن مستفید اولسی خصوصنده کی ارزو و تمیساتری ایضاح و تشریح ایتمکی بی لزوم عد ایدیورم. انگلتره حکومتی بو خصوصده هر درلو ظنایات باطله ناک خارجده در. دیگر طرفدن مصری دولت عثمانیه ایله توحید ایدن رابطه ناک مداخلات خارجیهیه قارشواک قوی برضمان اولدینی اعتقادنده یز. غایه من بو رابطه یی شمیدیکی حالده محافظه ایتمکدر.

بناءً عليه خديو ايله خديوك نظاري انكلتريه نك چيزمش اولديغي طريقدن انحراف ايتك نيتنده بولنديغنه امين ومطمئن اوله بيليرلر . «
اك نهايت كانون اولك يكرمي بشننجي كوني بروقه مشهوره سرزده ظهور اولدى . خديو، مصر پارلمنتوسنى بالذات كشاد ايتدى وبو وسيله ايله ايراد ايتديكي نطقده اعضايه مذاكراتك اعتدال وبصيرت دائر سنده اجراسنى وتعهدات دوليهيه وتصفيه قانوننه رعايت ايدلمسنى توصيه ايلدى .

نطق خديوى كرك رئيس وكرك اعضاى مجلس طرفدن حسن صورتله تلقى ايدلى .

۱۸۸۲ سنه سنده مصر تاريخنده مثلى كورنماش بر حادئه مؤلمه ظهور ايتدى وبتون انظار عالم اورايه منعطف قالدى . اهاينك احوال سياسيه حقنده كي وقوف ومعلوماتى نتيجه سي اوله رق حاصل اولان انتباه « مصر مصر ايلر كدر » دستورينك هر طرفده رواجياب اولسسه سببيت ويردى . بو انتباه هر زرده اولورسه اولسون موفقيته نتيجه لنديكي تقديرده بادي رفاه وسعادت وعكس تقديرده باعث مصيبت واغتشاش اولور . يكي تشكىل ايدن قابنده حرييه نظارتى درعهده ايدن اعرابينك افكار ومطالعائى كونا كون تفسيراته ميدان ويردى . كيى اعرابينك عموم مصر ايلرى تشكىل ايتديكى ، كيى مومى اليهك سرد ودرميان ايتديكي افكار ومطالعائك يالكز كندينه عائد اولديغى وكيى ده ذات حضرت پادشاهينك وياخود خديوك مأمور خفيى بولنديغى ادعا ايتدى . فرانسه وانكلتريه حكومتلى درحال خديوه متحدمال بر تقرير ارسال ايدرك « مصرده كي اصول اداره مؤسسه ي تهديد ايد بيله جك غوائل خارجيه وداخليه نك كافه اسبابى مساعى

مشرکه لری ایله دفع وازالیه « قرار ویرمش اولدقلرینی، یعنی مراقبه
مشرکه کی ادامه ایتمک نیتنده بولندقلرینی بیان ایلدیلر.

« مجلس معتبران » اجتماع ایتدی. اهالیده مراقبه اجنبیه علیهنده
شدتلی برغلیان حاصل اولدی. بو حال تأثر حضرت پادشاهی بی دخی
موجب اولدی. « مجلس معتبران » بالضروره ملت بودجه سی تنظیم
ایتمک حققی ادعا ایتدی. اجنبی مراقبه مأمورلری ایش باشندن
چکایدیلر. عمومی برطور غونلق حکمفرما اولدی. شریف پاشا استعفا
ایتدی و خدیو اهالینک حقلی اولدیغنی اکلا دیغنی جهتله یکی بر قابینه
تشکیلندن خوف ایلدی ایسه ده محمود پاشا سامینک ریاستی تحتند
بر قابینه تشکیل ایتدی. اعرابی بک حریبه نظارتنه تعیین اولندی. رئیس
نظار قابینه نك تعهدات دولیه نك کافه سنه رعایت ایده جکنه دائر
انکلیز مراقبه مأموری « سیر. ی. مالهت » د تأمینات اعطای ایتدی. بودجه نك
تنظیم و مراقبه سی حق « مجلس معتبران » د ویرلدی. مصر ایشلری
بر مدت سکون و سکونت ظاهریه ایله دوام ایتدی. فقط انکلتزه و فرانسه
حکومتلری بودجه مراقبه سنک مجلس معتبرانه ویرلسندن طولانی
پروتستو ایتدیلر. دیگر طرفدن بوا یکی حکومت ذات حضرت پادشا.
هینک مصر اوزرنده کی حقوق حکمداری سنه برکونه خلل کلیه جکنه
دائر باب عالی یه تأمینات ویردیلر.

اعرابی حریبه ناظری ایکن پاشا رتبه سی احراز ایتدی کی
طرفدار لرندن اون یدی کشی ده میر آلا یلق رتبه سنه ارتقا ایتدیلر.
فقط خدیو ایله قابینه آرد سنده کی ائتلاف پک آزمان دوام ایتدی.
اداره جدیده دن خشنود اولمیان چرکسار اعرابینک قتل ایچون
برپلان دوشونمشار و بوضورتله اداره مذکوره یه نهایت ویرمکه قرار

ویرمشلردی. فقط بویلان تام قوه دن فعله کله جکی صروده میدانه
 حیقارلدی و بونده ذی مدخل اولق تهمتیه قرق کشی تحت توقیفه
 آلدی. اعرابی عمومه برعبرت اولق اوزره بوقرق کشی حقه ده اک
 شدتلی برجزا ترتیب ایدلسنی تکلیف ایتدی ایسه ده خدیو بوتکلیفه
 موافقت ایتدی. بو اختلاف خدیو ایله اعرابی آره سنده کی مناسباتی
 خیلی کرکینلشدیردی. اعرابی اخذ انتقام سوداسنه دوشدی.
 مجلس - خدیوک رأی و مطالعه سی صورلمقیزین - اجتماعه دعوت
 ایدلی.

او آره لق حال استحضار اتده بولنان دیپلوماسی مانوره سی، انگلیز
 و فرانسز دوئمالرینی اسکندریه اعزام ایتک صورتیه بر شکل فعلی
 و عملی کسب ایتدی. بو حال بادی اندیشه اولدی. قابینه استعفا ایتدی.
 فقط افکار عمومی او درجه ده نظارلهنده ایدی که قاهره یی انارشیزمک
 حالندن وقایه اعرابی ایله رفقاسنک ابقاسی ایچون خدیوه بر مخطر
 تقدیم ایدلمشیدی.

اعرابی بو آندن اعتباراً اسماً حریره ناظری ایدی ایسه ده فعلاً
 «بردیکتاتور» کیلمشیدی. اعرابی اوصاف نادره اداره ایله
 حقیقه متصف ایدی و کندوسنه کرک مصر لیلر و کرک اوروپا لیلر
 طرفدن معلوماتلی بروطنرور نظریله باقیلیوردی. اعرابی مصرک
 مراقبه مشترکه و اسارت مالیه یه تابع قالمسینه شدتله مخالفت ایتدی
 و مملکت مذکور نک تجدیدی ایچون مختاریت اداره دن بشقه برچاره
 اولمدینی اعتقادنده ایدی. بوابده کی فکرینی آچقندن آچیفه سویلکندن ده
 چکنمزدی. انگلیز - فرانسز دوئماسنک اسکندریه یه کلشندن اعرابی
 خوف و تلاش دوشدی و اسکندریه استحکاملرینک تقویه سی ایچون

او امر لازمه اعطا ایتدی. ۱۱ حزرانده کی اختلاله احتمالکه بودونما سببیت ویرمشدر.

یوم مذکورده ایکی یوز کشتی قدر تلف اولمشدر. سکون و آسایشک تأمین ایچسون معاونت طلب ایدیلیر ایدیلر اعرابی درحال بر قوه امدادیه اعزام ایتدی. اختلافات دوله اسکندریه نك بومباردمانی انتاج ایتدی. المانیا ایله اوستریا نفوذینک انکلیر و فرانسز نفوذینه تفوق ایتدی غیر قابل تحمل برحاله کلدی. فقط یینه بر سبب و بهانه لازم ایدی. انکلیر آمرالنه ویریلان تأمینانه و ذات شاهانه ایله خدیو مصر طرفلرندن اعطا اولئان او امره رغماً اسکندریه استحکاملرینک تقویه سی عملیاتنه سرعتله دوام اولمنسندن طولای بر طرفدن اعرابی یه بر اولتیا قوم کوندردی و دیگر طرفدن اسکندریه ده مقیم اوروپالیر احضار ایدیلان کیمیره ارکاب ایدلدی. بونی متعاقب اسکندریه بومباردمانی باشلادی.

اسکندریه یی طوپه طوتان آمرال «بوشامپ سیمور» ک حرکتی تنقید و مؤاخذه ایتک ایسته مز ایسه مده شوراسنی ادعا ایده. بیلیرم که مومی الیه ک حرکتی هیچ برحق و حقوقه مستند دکلدی. اعرابی انکلتره ایله فرانسه یه قارشو خصمانه بروض آله مش وانکلیر و فرانسز دانلرینک حقوق و منافعی مخاطراته معروض قالمش اولسه ایدی یینه بو بومباردمان اجرا ایدیله جک ایدی. انجق آمرال طوپه طوتدیغی بر محکم انضباط و آسایشنی تأمینه کافی قوتک کندی النده موجود بولوب بولمندیغنی بر کره دوشونملی ایدی. بومباردمان اثناسنده ایکی بیکی متجاوز انسان تلف اولدی و افراد اهالی یه عائد نیجه اماکن تخریب ایدلدی و اموال و املاک خصوصیه ضایع اولدی. خدیوک

حقوق حاکمیتته ذره تدر رعایت ایدلمدی. خدیو انکلیر و فرانسز
مداخلاتنه طالب اولمدینی حالدہ بوایکی حکومتہ عائد افراد بحریہ
قرہیہ اخراج ایدلدی .

بوانئادہ انکلتره حکومتی قرق بیک کشیک بر قوؤ عسکریہ نک
مصرہ اعزامنه قرار ویردی. اسکندریہ بومباردمانی متعاقب ورود
ایدن بر عثمانی مفرزہ عسکریہ سی قارغشہ لغک منغہ تثبث ایتک
ایستدی ایسدهدہ بوکا مساعده اولنمدی .

ایلوک طقوزنده اوفق بر طوپ محاربه سی وقوعبولدی ایسدهدہ
بر نتیجہیہ اقتراں ایتدی . جنرال «ودلسلی» ایله بیکباشی «غراهام»
طرفدن ترتیب اولنان بر کیجه یوریشی اجرا ایدلدی و صباحلین
شفقله برابر مصر اردوسنه تصادف ایدلدی . «تل الکیر» موقعی
ضبط و اشغال ایدلدی . مصر اردوسی کلیاً منہزم و پریشان اولدی.
انکلیرلرک تلفاتی اون بری ضابط اولمق اوزره الی دردی متجاوز
دکادی . مجروحلرک عددی دخی انحق ۳۴۲ یه بالغ اولیوردی .
مصر لیلرک تلفاتی کویا اون بیک کشی راده سنده ایمش . ایشته «تل الکیر»
محاربه سی بوصورتله ختامپذیر اولدی و مصرده بشقه بر قابله کیردی .
اعرابی میدان حربدن چکیلوب قاهره ده کی خانه سنه کیدرکن
ضابطه مأمورینی طرفدن دردست ایدلمش و انکلیر قوماندانه تسلیم
اولنمش ایدی .

اعرابی تحت محاکمہیہ النماق ایچون خدیو اوزرنده بعض تضییقات
اجرا ایدلدی و مومی الیهک نفی و تغریب ایدلمسی طلب اولندی .
بوانئادہ انکلتره حکومتی مصر احوال سیاسیہ مشوشه سی
دوزلمک ، انکلیر حمایه سی یرینه بشقه بر صورت اداره ترتیب ایتک

و مختاريت اداره اساسي وضع ايلك اوزره لورد «دفرين» ي اورايه كوندرمشيدى. لورد «دفرين» اعرابنك محاكمه سنه برنتيجه سريعه ويرلمسى ايچون اعمال نفوذ ايتدى .

اعرابي «سيلان» آطه سنه نفي و تغريب ايدلدى و كندوسنك آرزوسنك بو مركززه بولنديغى اكلاشلىدى .

لورد «دفرين» ك وظيفه سى بونكله يتمدى. مشاراليه «مراقبه مشا» بي الغا ايتدى . انكلترده بوكا موافقت ايدلى. فقط فرانسه مصر ك مختاريت اداره سنه قارشو پروتستو ايتدى . لورد «دفرين» فرانسه نك حسياتنه باقيه رق مصر ك تشكيلاتي ايله امور ماليه سنك تنسيق حقنده كي پلانلرى ترتيب ايتدى .

لورد «دفرين» بو بابده تنظيم ايتديكي بر لايحه ده حكومت مصريه نك اسباب ضعفى ايله مساوى احوالى پك بليغ بر لسانه تشرېح ايتمش و «اصول وكالت مليه» يه مستند بر اداره ايله اصلاحات اجتماعيه حقنده بر پلان ارائه ايلش ايدى . مشاراليه مصر ك اعماري ايله مصر ليلرك حضور و آسودكى ايچنده يشاملرى ، اوراده انضباط و آسايشك تأمين و محافظه سى ، مصر ديوننك تسويه سى و مداخلات خارجيه نك منعى ايچون اصول انتخابيه يه تابع اولمق اوزره آتيده كي مؤسساتك وجوده كتيرلمسى تكليف ايتمشيدى :

(۱) قري تشكيلاتي (۲) ولايات مجلسلى (۳) مجلس قوانين

(۴) بر مجلس عمومى (۵) خديوه قارشو مسؤل سكر ناظر تعينى .

بو ائناده عموم اوروپا بر حال ترددده قالدى . انكلتره جه اتخاذ

اولنان تدابير او قدر سريع و مؤثر ايدى كه بونلرك تدقيق و تعميقه

بيله محل قالمدى . عمومى بر انتظاردن بشقه برشى رونما اولمى .

فقط بو انتظاره کانون اول اوائلنده لورد « غره نويل » طرفدن دول معظمه يه کوندريلان بر تقرير عمومى ايله خاتمه چکلدى . بو تقرير لاجل التصويب رسماً باب عاليه کوندرلمشيدى . شوراسى ده شايان قيددرکه ذات حضرت پادشاهى مصرک مشکلات موجوده سنى متبوع صفتيله ايشه مداخله ايتمک صورتيه بر قات دها تزديد و تشديدۀ اصلاً تشبث بيورمدى .

تقرير مذکور مصرک وضعيت آتیه سياسيه سنى شو صورته ايضاح ايتمشدر :

(۱) سويش قبالنک سير سفائنه سربست قالمسى و حرب زمانده بيطرف بولمى .

(۲) دوائر مصريه نك اداره سى خصوصنده اقتصاده صوك درجده رعايت اولمى .

(۳) رسوم و تكاليف خصوصنده يرلير ايله اجنيلرك تمايله مساوى طوتولملى .

(۴) محاکم مختلطه نك ابقا و ادامه سى .

(۵) انگليز ضابطاننك قومانداسى تحتنده بر کوچوك مصر اردوسنك تشكىلى .

(۶) مراقبه مثنا يرينه بشقه بر اصول وضع ايدلمى .

(۷) اهاالنك قابليت سياسيه سيله متناسب و ترقى آتیی متكفل مؤسسات وجوده كتيرلمى .

انگلتره نك مصرده كى حال و موقعه كلنجه : انگليز عساكر اشغاليه سنك چكيله جكنه دائر انگلتره حكومتى طرفدن اعطا اولنان تأمينات مكرره دن ماعدا بر كونه ايضاحات اعطا اولنمايشدر . ۱۸۸۴

سنه سنده وارداتك مصارفی قیامیه جق درجه ده دون اولدینی
اگلا شامشیدی. فرانسه لوندرده بر قونفرانس عقدینی تکلیف ایدرک
سکوتی اخلاص ایتدی. سنه مذکورہ حزیرانک یکر می سکزنده مصر
مسئله سنی وبا خصوص مصرک احوال مالیه سنی مذاکره ایتک اوزره
دول معظمه مر خطرندن مرکب بر قونفرانس انعقاد ایتش ایسه ده
بر نتیجه استحصال ایدیه مدی. فرانسز مطبوعاتی اثر اغبرار و حدت
کوستردی. انگلیز لر سربستی حرکاته مالک اولدقلرینی حس ایدرک منون
اولدیلر و بومنونیت انگلیز قابینه سی طرفندن لورد «نورت بروق» ک
مصرک احوال عمومی و مالیه سی حقنده تحقیقات اجراسی ایچون
اورایه اعزام ایدلمسندن طولانی بر قات ده ارتدی.

لورد «نورت بروق» ک توصیه سی اوزرینه «تصفیه قانونی»
احکامی جمله سندن بولسان اطفای دیون معاملاتی ۱۸ ایلول تاریخلی
قرارنامه نظار ایله تعطیل و تعلیق ایدلدی. المانیا، فرانسه، اوستریا
و روسیه و کیلیری بوکا قارشو پروتستو ایتدیلر. دیون عمومی
اداره سی حکومت علیه ده اقامه دعوی ایلدی. اطفای دیون معاملاتی
اللی هفته تأخره اوغرادقدن صکره تکرار اجرا اولنغه باشلادی.
مع مافیه دعوایه مصرأ دوام ایدلدی. بدایت حقوق محکمه مختلطه سی
مدعیلرک لهنده اعطای حکم ایتدی. بوکا مقابل حکومت مصریه
محکمه استینافه مراجعت ایتدی و سنه ک نهایته قدر اعلامک موقع
اجرایه وضعی ممکن اوله مدی.

لورد «نورت بروق» ک دول معظمیه تقدیم اولنان پروغرامی
موجبجه انگلتره طرفندن یوزده اوچ بحق فائضه بش ملیون انگلیز
لیراسی اقراض ایدیه جک و «پره فرانس» دینه (مالیه بونولرینه)

درت ملیون انگلیز لیراسی ضم و علاوه اولنه جقدی. تسویه ایدلیان دینک فائضده یوزده اوچ راده سنه تنزیل ایدیه جقدی .

بو پروگرام قبول ایدلدی و دولترک بر چوغی مصر اصلاحاتی اوزرنده کی انگلیز مراقبه سی یرینه قائم اولمق اوزره «مراقبه مضاعفه» کی بر اصول مراقبه نک وضعی تکلیف ایتدی. انگلتره نک المان مستملکات سیاسته قارشو اولان وضعیتدن یزار بولنان پرنس « بیسمارق » کانون اولک اون برنده دیون عمومیه اداره سنه دولتردن هر برینک بر اعضا تعیین ایتک حقی طلب ایتسی خصوصنده روسیه نک مظاهرتی استحصال ایتدی. فقط دیگر طرفدن فرانسه نک بو خصوصده انگلتره خارجیه نظارتی نزدنده اجرا ایلدیکی تشبثات المانیا ، اوستریا و روسیه دولترنجه تصویب و قبول ایلدیکی جهته فرانسه نک تکلیفی مذاکرات جدیدیه اساس اتخاذا ایدلدی. اک نهایت ۱۸ مارت تاریخده بر مقاوله نامه ایله خدیو طرفدن نشر و اعلان ایدیه جک بر قرارنامه مسوده لیری محتوی بر بیاننامه لوندرده انگلتره ، المانیا ، اوستریا - مجارستان ، فرانسه ، ایتالیا، روسیه و دوات عثمانیه وکیلری طرفندن امضالمنشیدی. بو صورت تسویه موجبجه عموم دول معظمه نک کفالت مشترکه و منفردلری تحتنده اولمق اوزره انگلتره عوام قاره سی طقوز ملیون انگلیز لیراسنک استقراضی تصدیق ایده جک و باب عالی ده بوکا مساعده ایلیه جقدی. دیون موحدده ایله « پره فرانس » قوپونلری یالکیز ایکی سنه مدته رسومه تابع طوتیه جقدی و سویس قنالده سربستی سیر سفائنک محافظه سی ضمنتده بر قانون تنظیم اولنه جقدی .

انگلتره مصرک اشغالی دولت عثمانیه یه - مصرک متبوعی اولمق صقیله - تصدیق ایتدیرمک ایچون تشبثات ماهرانه دیپلوماتیکیه

توسل ایتدی. مصرک اداره داخلیه سنده وجوده کتیریلان تجدداته قارشو حکومت عثمانیه جانبدن وقوعبولان پروتستولر اوزرینه حکومت مشارالیه ایه انگلتره آرمسندہ۔ خلی کوجلاکله۔ بر مقاوله نامه عقد و امضا ایدلی. بومقاوله نامه موجبجه مصر اداره سنه تطبیق اولنه جوق اصلاحاته نظارت ایتک اوزره ایکی دولت اورایه برر قومیسر تعیین ایدہ جکدی. نته کیم انگلتره سیر «دوروموندوولف» ی و دولت عثمانیه ده غازی احمد مختار پاشانی تعیین ایتدی. فقط انگلتره نك غایه اصلیمی کندوسنك مصرده کی موقعی مملکت مذکورہ نك متبوعنه تصدیق ایتدیرمکدن عبارت ایدی.

مصر ۱۸۸۷ سنه سنده تکرار اوروپانك نظر دقتی جاب ایتدی. مصرک انکلیزر طرفدن تخلیه سی مسئله سی غیر معین بر آتیہ تعلیق ایدلمشیدی. مع مافیه انگلتره حکومتی تہداتی ایفا ایتک و بو باده حکومت عثمانیه و دول سائرہ ایلہ بر صورت تسویه احضار ایلک ارزوسنی ابرازدن خالی قالدی. کانون ثانیده عساکر اشغالیہ نك مقداری تنقیص ایدلی. سیر «دوروموندوولف» شباط اوائلنده در سعادتہ عزیمت ایتدی و اوراده آتیده کی تکلیفاتی در میان ایدلی :

(۱) ذات حضرت پادشاهینك حقوق متبوعیتی محفوظ قالمق شرطیله مصرک مختاریت اداره سنك تصدیق و قبولی.

(۲) اجنبیلرک کندی محکمہ لرنده محاکمه اولنلرینه دائر اولان امتیازک العاسی.

(۳) مصر اراضیمی ایلہ سویش قنالک (دول معظمه نك کفالتی بتختنده اوله رق) حال بی طرفیہ وضع ایدلمسی.

(۴) مصر اردوسی ضابطانك اڪثرينك انگلتره طرفدن
تعيين ايدلسي .

(۵) انگلترهك حين حاجتده مصري تڪرار اشغال ايتك
حقني حائر بولنسي .

(۶) مقاوله نامه شرائطنه دول معظمهك موافقتلري استحصال
اولندقدن صكره انگلترهك مصري تخليه ايتسي .

بوتكليفلر مظهر تصويب اولمدي وباخصوص صوك ايكي تكليف
شاياں اعتراض كورلدي . اوزون برمدت امتداد ايدن مذاكرات
نتيجه سنده (۶ نومرولو) صوك فقره ده كي تكليف انگلتره طرفدن
تعديل ايدلدي وانكليز عساكرينك اوچ سنه ظرفده مصر دن چكلمسي
قبول اولندي . شوقدر كه باب عالي تكليف واقعي تصويب ايتدي وبو
بابده كي مقاوله نامه يه صدر اعظم پاشا ۲۲ ميس تاريخنده وضع امضا
ايدلي . فقط بو مقاوله نامه اراده سنيه يه اقتراں ايتك اوزره ايكن
حسد واحتراس بيوك بررول اوينامغه باشلادي . فرانسه ايله روسيه
سفيرلري نتيجه مذاكراتي عقيم براقق ايچون سعي وغيرتلىرى ايكي
قات آرتديرديلر ومصر ك حين حاجتده انگلتره طرفدن تڪرار اشغال
ايدلمسند دأر اولان شرطه اعتراض ايتديلر . فقط سير « وو . هوايت »
ايله سير « دروموند وولف » بو اعتراضه حواله سمع اعتبار ايتديلر .
مقاوله نامهك اراده سنيه يه اقتراي ايچون خيلي زمان بكتلندي .
اك نهايت سير « وو . هوايت » ايله سير « دروموند وولف »
ذات حضرت پادشاهينك روسيه وفرانسهك تسويلاتنه بناءً بوني
تصديق بيورميه جقلىرینه اطمئنان حاصل ايدرك تموزك اون آلتيسنده
لوندريه عودت ايتديلر .

لورد سالیسوری بو مسئله حقنده یکیدن مذاکراته کیریشمکدن امتناع ایتدی. فرانسه سیاسیونی کال منونیتله بونی انگلیز دیپلوماسیدنک بر هزیمتی مقامنده تلقی ایلدیلر. فقط انگلیز افکار عمومیه سی مصرک تخلیه سی ایچون انگلتره دنک سلامتی ایله قابل تألیف اولان کافه تدابیرک اتخاذ ایدلمش اولدیغنه قانع ایدی .

ایشته بو وقعه دن صکره مصر ایله انگلتره یکدیگرینک قارشو سنده بولمغه باشلامشدر. مصر - انگلتره مناسباتی یکریمی بش سنه لک بر تاریخندر. مصر احوال عمومیه سی حقنده وقوف و معلومات مکملیه یی حائر دکل ایسه مده اورایه عائدایکی مسئله حقنده کی ملاحظاتی بوجه آتی ایضاح و بیان ایدرم :

اولا تکملات اقتصادیه : انگلیز دوستلرمک بیاناتنه نظراً مصر ۱۸۸۴ سنه سندن برو خیالیدن خیلی ترقی ایتمشدر. بئم اعتقاد بجه ده بو ترقی غیر قابل انکاردر. فقط مصر اداره سنده بر نقیصه وارسه اوده مصر سرمایه سنک صرف و استعمال و بوندن بر استفاده تأمین ایدلمه سی و بو صورتله مصر لیلرک کندیله رینه عائد ایشلر اوزرنده بر حق مراقبه یه مالک بولنملریدر. بر مللکتک اعمار و تکملاتنه خادم عموم قوانک تشریک مساعی ایتمنی مستلزم بر اصول سیاست هم مصره همده انگلتره یه فوائد لا تخصی بخش ایده جکدر. اجنبی تحویلات حامللرینک امور مراقبه دن اخراجی منتج فلاح و نجات اوله جغه هیچ شبهه یوقدر .

ثانیاً معارف : مصرده معارفدن شکایت چوقدر . هندستانده علیکرم مکتبی ریاضی معلمی محرم دوقفور ضیاء الدین احمدک قولنجه مصرده درجه تحصیل کمبریج و اوقسفورد دارالفنونلرینک برنجی

سنه سی راده سنده دره. (بری مسلم و دیکری خرستیان بولنان) ایکی مصرلی ارقداشمک بیاناتنه نظر آ مصرده مجاناً و عمومی تدریسات اجرا ایدلمدیکی کبی اجرت تدریسیه دخی هرکیسه نك خرجی دکلدره. یو حال شایان تأسفدر. تحصیل کورمش اولان آدملر دیکر آدملرک اللرنده آلت اولمازلر، آنلرک حال و حرکتلری کندی فکر و ملاحظه لرینک محصولیدر. اهلینک معارفدن حصه مند اولمزلندن حکومت دخی استفاده ایدر. بناءً علیه مصرده اجرای حکومت ایدنلر حقیقهٔ مصرلیلرک منافعی آریورلر سه اهالیٔ مرقومه نك اصول حاضرده دائره سنده تحصیل و تعلیم کورملری اسبابی استکمال ایلیدرلر.

جامع الازهر بیوک بر مقرر علم و عرفان اولقله برابر اوراده کی تدریسات فقه و عقائد دینییه منحصر اولدینی جهتله قوای طبیعیهدن استفاده و یاخود قوای مذکوردهی استعمال ایتمه نك یولنی اوکره تن قنون حاضرده تعلیم ایدلما مکده در. فی الواقع قونه عائد کتابلر عربجهیه ترجمه ایدلما مکده در و بو تشبث پک طوغری بر تشبثدر؛ فقط شوراسی ده نظر دقتدن دور طوتلما لیدر که فی زماننا معلومات فیه تحصیلی ایچون لزومی اولان بر آوروپا لساننک تحصیلی پک کوچ بر شی اولمدینی کبی اوزون بر زمانه ده محتاج دکلدر.

مصرلیلرک ایکنجی شکایتی ده آوروپالی معلملرک تعیننه دائر در. مصرده مأموریتلره تعین اولنان آدملرک اقتدار و اهلیتته هیچ اهمیت ویرلیور. احبامدن اولوب مصرده، ممالک سائرۀ اسلامیده و حتی انکلتريه مدت مدیده مستخدم و تجارب و اسعه یی حائر بولمش اولان بر انکلیز مصرده کی مهندس مکتبی معلملکنه طالب اولمشیدی. مصرلی طلبه نك کندیسندن حقیقهٔ فوق العاده استفاده ایده جکندن

امین ایدم. فقط نه چاره که مومی الیهک اوصاف خارق العاده سی مرجع غاندرجه تقدیر ایدلدی .

علوم حقوقیه نك تحصیل ده ممنونیت بخش بر درجه ده دکلدر .
مصرده حقوق مکتبارنده روما قانونی تعلیم ایدیلیور. حالوکه بو
قانون ظن ایدلدیکی قدر مکمل دکلدر . حقوق اسلامیه یعنی احکام
شرعیه ایله برابر انکلیز قانونی تدریس و تعلیم ایدیله جک اولورسه
دها زیاده استفاده تأمین اولنه بیله جکلدر . ودیعه ، هبه ، رهن ،
وقف و حقانیت Equité و سائر حقنده کی اسلام و انکلیز اصول و قواعد
موضوعه سی روما اصول و قواعدینه فائقدر. حقوق معاملکنه انکلیز
ویا خود مصر حقوق مکتباری مأذونینک ترجیحاً تعینی لازمکلدیکی
حاله بر طاقم یبانیجی آدملر تعین ایدلمکده در .

ثالثاً توزیع عدالت : مع التأسف مصرده عدالتک توزیعی جهتی ده
یک کری قلمشدر . اصول محاکمه ذره قدر دقت ایدلدیکی
« دانشوای » محاکمه سی اثناسنده تبین ایتمشدر . اصول محاکمات
جزائییه رعایت ایدلدیکنه کنندمه شاهدده . مصرده جزایه متعلق
محاکمه بالطبع انکلیز قانوننک تطبیقی مرجحدر. چونکه بو قانون
احتیاجات حاضرده دهالویریشلیدر . انکلیز قانونی تطبیق ایدلمکه
شریعت اسلامیه ترک ایدلش اولیه جقدر. چونکه شریعت مذکوره
اصولی دائماً احتیاجات زمانه کوره تبدل ایدیلیر و بوتبدل اجماع
ویا خود استحسان ویا خود استصلاح شکلی الهییلیر که بونلرک اوچنکده
غایه سی تزقیدر .


قونسو سخانه محکمه لرینک حائر اولدقلری حق قضا - که عهد
عتیقه و غیر محقه نتیجه سیدر - امور عدلیه نك محور مطالبده جریانده

بيوك برسكته ايراث ايتمكده در. بوندن برايكي سنه اول بر آوروپايي
 بر مصرلي يي قتل ايتميدى . قاتل منسوب اولديني قونسلوسخانه يه
 تسليم اولندى فقط آرهدن برقچ آي مرور ايتدكن صكره تكرار
 قاهره يه كلدى وار تكلب ايتمش اولديني فعل قتلدن طولايي شهادتده
 بولنمش اولان آدملى تجزيه ايتدكن صكره كويا هيچ برشى ياپماش
 كبي ايشيله كوجيله اشتغال ايتكه باشلادى . ايشته بو صورتله دركه بر
 ايتاليان قوندره بوياجيسى ، بر فرانسز خدمتكارى و بر يوناني سارقى
 جان و ماله تعلق ايدن حقوق مقدسه يه - هيچ بر جزادن قورقمق سزين -
 تعرض و تجاوز ايدميليور . حقوق حاكميت حضرت پادشاهينك
 محفوظيته تماميله رعايت شرطيله بوكي احوال تحملفرسايه بلا افاته
 زمان نهايت ويرملى و عهود عتيقه النا ايدمليدر .

ايمدى كله لم اداره مملكته : مصر فلاحلرينك رفاه و آسودكيه .
 مظهر اولدقلى حقدده برچوق شيلر ايشيديورز . حالبوكه آنلرينه
 كافي السابق حال و موقعلرندن ناخشنود كورونيورلر و - مصر ك و اردات
 ماليه سنى استهلاك ايدن - عسا كر اشغاليه نك تضيقى آلتنده يشايورلر .
 هر نه حال ايسه ينه انكليز اشغالنك فرانسز اشغالندن ده اى
 اولديغنه هيچ شبهه يوقدر . فرانسزلر صرف نظرى بر مساوات اعطا
 ايتدكلرى حالده اهالينك ترفيه احوالى ايچون هيچ برشى ياپمازلر
 و فضله اوله رق احماي نفوسه چا ايرلر . نته كيم جزاير ايله تونس بوكا
 برر مثالدر . مقدا مقرر علوم عربييه بولنان بتون تونسده اليوم انجق
 بر كتابجي دكاني موجوددر كه بونكده صاحبي بر غير مسلمدر .

فقط انكلتره - انكليز اداره سنك اهالى يه بخش ايتمكده اولديني
 فوائد و محسنات نه قدر عظيم اولورسه اولسون - كندينه خاص اولان

عدالت و حقانيت غايە لرندن انحراف ايتمايدىر. لورد « قرومر » كې
 حسيات اھالى يى ھېچ قالاھىيان و عربجىيە ذرە قدر وقوفى اولدىنى
 حالەد قرآن كريم ايلە اسلام عليھدە كىتاب يازان اشخاصك بالفعل
 حاكم صفتىلە استخداسى البته نتايج و خىمىيەنى انتاج ايدە جكدرد. بوندن
 ماعدى قانون اساسىنىك تعطيلى دىخى اھالىنىك اعتمادىنى سلب ايتەكەدەرد.
 الحاصل بالعموم انكليز انكليزىنك تمنيات خالصانەئى و جھلە انكلترە
 مصردە انكليزىلر و اسلاملىك غايە تىكلەلەنى ايلە قابل تاليف اولان
 يكانە شەكل ادارەيە - مشروطىتە - قارشى و موجود اولان مانعەئى
 برطرف ايتىك ايچون اقتضا ايدن تدابيرە ھان توسل ايتىلىدرد.



۲ - حقوقە عائد مقالات

۱

سريعت اسلامىنىك ترقىيات و تنبھات ناربجەئى

« بر ملتىك قوانىنى تاريخىك تعاليم و تربىيە عائد انك ھەم قسمنى
 تشكيل ايدرد » و تاريخ قوانىن دە بر ملتىك كجىرمىش اولدىنى دورەلرى
 تەشھىر و ارادە ايدەلەك سبب اھمىيت ايلرد. فن تاريخ قوانىن ، صوك
 درجەدە تقيد ، دقت و صحت روايتى مستلزم اولوب قطعياً بازىچە
 تخیلات اولە مازە. بر ملتىك (صباوتى) حال ابتداءئىنىك عموميتلە مجھول
 اولمى و بوكا بر تاريخ تەيىنى ايچون ايجاد اولنان ماصاللىك اكثريتە

مشکوک بر منبعه عائد بولمسی تتبعات تاریخیه یی پک زیاده اشکال ایدر.
 قوانین (حقوق) اسلامیہ معلوم و معین بر تاریخدن بدأ ایتشدرد.
 مع مافیہ حقوق اسلامیہ تاریخنک تحریرینه و دین مبین اسلامک
 عربستانک مؤسسات قدیمه سنی نه مرتبه ده تعدیل و تغیر ایتدیکنی
 اکلامق ایچون مؤسسات مذکور دنک شکل و ماهیتک تعیین و توصیفنه
 تشبث ایدلدیکی زمان ایکی نوع مشکلات ظهور ایدیور. بوبابده
 فکر مزى تنویر ایدوبیلجک منتظم بر قید بولمדיنی جهتله معلومات
 مغلوبه بهمه حال فقها، مورخین و مفسرین طرفدن تألیف اولنان و بیوک
 یغینلر تشکیل ایلان کتب معتبره دن استحصال اولنه جقدرد. قوانین اسلامیہ،
 عربستان قدیمک بعض اصول و قواعدینی محافظه ایتمش اولدینی جهتله
 قوانین مذکورده حقدنه وقوف و معلومات مکمله استحصالی بادی
 امرده اشبو اصول و قواعدک بیلنمسی استلزام ایدر. «سبایق الدهاب»
 نام اثر معتبرده شو فقره لره تصادف اولنیور :

«عربلرک کندیلرینه مخصوص قانونلری واردی که آنلر بو
 قانونلره کوره حرکت ایدرلردی. دین اسلام بوقانونلردن بعضارینی
 قبول و بعضارینی ده رد ایتشدرد. عربلر آنا و قیز قرداش ایله عقد
 ازدواج ایتمکی استکراه ایله تلقی ایدیورلردی. اسلام عربلرک بو
 دستورینی قبول ایتدی. بابانک زوجه متروکدنک زوجه اوله رق
 آلمسنه نظر نفرتله باقیدینی جهتله بوده منع ایدلدى. بر سارقک
 صاغ النک قطعی حقدنه کی دستوری اسلام دخی تأیید ایتدی.»
 هدایه ده : «شرکت مشروعدر چونکه حضرت پیغمبر اهلینک
 بونده دوام ایللرینی تأکید و تصدیق بیورمشدرد.» فقره سی مندر جدره.
 عربلر علی الاطلاق ایکی بیوک قسمه منقسم بولنیورلردی. بر

قسمی عدنانی و دیگر قسمی ده قحطانی کنديلرينه جد اوله رق کوستر-
 ییورلردی. عدنانه منسوب اولانلر یعنی بنی عدنان شمالی عربستانده
 وقحطانه منسوب بولانلر یعنی بنی قحطان جنوبی عربستانده ساکن
 ایدیلر. بونلرک هر بری برچوق عشیره منقسم ایدی و هر عشیرتک
 باشنده بر شیخ و یاخود بر سید بولنیوردی.

بوشیخ و یاخود سید اصالت، نجات، درایت و حسن اخلاق
 کبی اوصافی حائز بولنق شرطیله انتخاب ایدیلیوردی. دیگر طرفدن
 هر عشیرت متعدد عائله لره منقسم ایدی. بعض احوالده برچوق عشیرتله
 بر آریه کلوب بر «غروپ» یعنی برکومه تشکیل ایدرک کنديلرينه
 بر رئیس یعنی امیر انتخاب ایدرلردی. بو امیرک معیتده کنديسينی
 امیر انتخاب ایدن عشیرتله رؤسای بولنور و کنديسينه معاونت
 ایدرلردی. امیر امور و مسائل مهمه حقنده رؤسای مرقومه دن
 متشکل «مجلس مشورت» ایله استشاره ایدردی. مجلس مشورتجه
 اتخاذ اولان قرار واجب الرایه برماهیتی حائز ایدی.

عدنانی قسمنه منسوب بولان قریش قبیله سی عربستانده اننجیب
 برقییله اولوب مکة مکرمه کعبه سی آنلرک حفاظته مودوع ایدی.
 اشبو قبیله دن بو حفاظتی خزاعه قبیله سی نزاع ایتیش ایدیه ده بشنجی
 عصر میلادی واسطه طوغری مکة مکرمه وادیسند برساحه واسعه ده
 داغنیق برصورتده یشامقده اولان قریشیلر بو «الجامع» تسمیه اولان
 «کسی» نک همت و غیرتیه کعبه مذکوره نک حق حفاظتی تکرار
 استحصال ایده بیلدیلر. «کسی» «دارالندوه» دینلان بر مجلس
 عمومی دائره سنی انشا ایتدی. منافع عمومییه عائد مسائل بو
 «دارالندوه» ده مذاکره ایدیلیوردی. «ندوه» عشیرتله منسوب

اولان و رئیسری بولندقلری مختلف عائلهلری تمثیل ایلان اعیاندن مرکب ایدی . بو اعیان طبقی اسکی روماده کی اعیانه مشابه ایدی . بر رئیس عائله ، بتون افراد عائله نك حیات و مماتی اوزرینه حاکم ایدی . صبی قیزلرک حیا دفنی عادت منفورده سی اووقت اوراده جاری ایدی . کرچه بوکا قارشو برحس اغبرار و نفرت او یانمش ایدیهده بونی منعه قادر بر خارجی قوت ظهور ایتماشیدی .

اسارت اصول و قواعدی اسکی رومالیلرده اولدینی کبی عربلرجه دخی معلوم ایدی . بوندن ماعدا رومالیلرک اصول حمایه سنه مشابه بر اصول حمایه عربلرده دخی موجود ایدی . بر قبیله افرادی دیگر قبیله یه منسوب بر عائله نك حمایه سنی طلب ایتدیکی زمان مذکور عائله رئیس افرادی مذکوریه حمایه سنی بخش ایدر و بو افرادده بالا آخره او عائله نك لقب و عنوانی احرار ایده بیلیرلردی .

عربلرده الی نوع نکاح واردی . بو نکاحلر علاقه دارانک حقوق و وظائف زوجیه متقابله لرینی تضمن ایدیوردی . بونکاحلرک دردی « کشف النعمه عن جامع الائم » نامنده کی اثر معروفده مندرجدر . برنجی نوع نکاحک عربستانده ظهور اسلامدن اول موجود بولدینی « لطائف المنان » نام اثرده محرر اولدینی کبی التنجی نوع نکاح حقندهده هدایه نك شرح معروفی اولان « فتح القادر » نام اثرک صحائفده بر چوق مطالعات بسط و تمهید ایدنشدر . بر قیز ايله عقد ازدواجه طالب اولان برکیمسه بو قیزک باباسنه و یا خود و لیسنه مراجعت ایدر و قیزک باباسی و یا خود و لیسی ده قیزی استمزاج ایلردی . قیز تکلیف واقعی قبول ایتدیکی تقدیرده باباسی و یا خود و لیسی مهری قرارلشدیرر و نکاحه عائد ترتیباتی اجرا ایدردی . بو صورت ازدواجه بالا آخره

دین میں اسلام دخی مساع کو سترمش و بوکا « سفاح » نامی ویرلمشیدی .
ایکنجی شکل ازدواج : برق دینک ، خارق العاده بعض اوصافی
حائر برکیمسہ نک صابندن جو جوق طوغورمسی ایچون زوجی طرفندن
وقوعبولان طلبدن عبارت ایدی .

اوجنجی شکل ازدواج : اون نفرندن دون اولمق اوزره بعض
اشخاصک برق دینله اختلاط والفتده بولنلری ایدی .

دردنجی شکل ازدواج : بر فاحشه نک خانه سنک ویاخود
چادرینک قیوسی اوزرینه صنعتنه دلالت ایدن بر بایراغک رکز ایدلمسی
ایدی . بوفاحشه حمله فندی زمان آنک خانه سنه دوام ایدنلرک
کفہ سی . سی رندن اکلا شفق و بونک بادیمی کشف اولمق ایچون -
اوراده برلشیرلردی . بوکا « بغایا » تسمیه اولنور ایدی .

« مقت » دینلان شکل ازدواج دخی بر اوغل ویاخود اقربادن
بری طرفندن متوفنک زوجہ سنک اوزرینه برعبا ویاخود بر اورتو
آٹلسندن عبارت ایدی .

آلتنجی وصو کنجی شکل ازدواج ده متعه یعنی ازدواج موقت
ایدی . برکیمسہ دیار اجنبی به موقتاً کیتدیکی وامور بیتیه سنه باقه جق
کیمسہ سی بولندینی تقدیرده اقامتی امتداد ایتدیکی مدت ایچون
برق دینله عقد ازدواجہ مأذون ایدی .

عقد ازدواجہ مانع اولان قرابت درجہ لری پک طار ایدی .
آنا ایله اوغل ، بابا ایله قیز ، قئن آنا ایله داماد آرہ . نده کی ازدواج
غیر مشروع ایدی . برعرب بونلرک خارجنده ایستدیکی برکیمسہ ایله
عقد ازدواج ایدہ بیلیردی .

بر عرب ایستدیکې قدر زوجه یه مالک اوله بیلیردی. تعدد زوجات اصولنک اګ قناسی اجرا اولنوردی .

عربلر قادینلرک حقوقنی استحقاقز ایتکله برابر مطلوبه موافق اولیان بر زوجه دن قورتلیق ایچون ایجاب ایدن اصول وقواعده دخی مالک بولنیورلردی. طلاق عادتی آنلرده پک کثرتله جاری ایدی. عربلر زوجه لرینی دفعاتله تطلیق ایتدکدن صکره ینه آنلرله برلکده یشایو-رلردی. شو قدرکه طائفه نسانک حال و موقعی پک عجیب و غریب برشی ایدی. طلاق ایچنده «ایلاء» دنیلان طلاق صورتی اګ زیاده تطلیق ایدیلیوردی. بوايلاء ، حقوق زوجه رابطه سنک انقطاعه دائر بر تحلیف اجرا سندن عبارت ایدی. عربلرک نزدنده اګ زیاده مقدس اولان بو تحلیف ، طلاق غیر قابل رجوع برحاله افراغ ایدیوردی. بو تحلیف بعضاً زوجه نک آرقه سنک زوجک آناسنک آرقه سنه مشابه اولدینی یولنده کی بیاناتله اجرا ایدیلیوردی که بوکا «ظهار» تسمیه ایدیلیوردی. اوقات سائرده زوجه یه خانه یی ترک ایدوب کندی غایبه سی نزدینه کیتمک ایچون یالکز بر تکلیف وقوعبویوردی .

بر ارکک زوجه سنی تطلیق ایده بیلدیکې کبی بعض قبائده بر قادینک کچه مدیکې برارکدن قورتنسی چارملری دخی دوشو نشیدی. بر زوجه خانه نک قپوسنه طوغری ارقه سنی چویردیکې حالده ایاقده طورمش اولمقله نکاحی صورت قطعه ده فسخ ایدمش اولیوردی .

نجیب واصل غایله لرده وباخصوص قریش قبیله نجیه سنده حقوق زوجه طرفینک موافقت متقابله سیله دوچار انقطاع اولیور وبواصوله «خلعه» تسمیه اولنیوردی. برقادین کچه مدیکې برکیمسه ایله بر اثرخطا اوله رق تزوج ایتمش اولدینی تقدیرده اقربا و تعلقاتی فسخ نکاحه

چالشیر و مهر و سائر مدن فراغت ایدرک طلاقک استحصاله موفق
اولورلردی .

بر عاقله نك قدرت و نفوذی بونك مالك اولديني نفوس ذكور
عديله قیاس ایدلديكي برزمانده اولادلق اصولك رواجیاب اولسی ده
طبیعی ایدی . بواصول بتون عربستان قدیمه تعمم ایتمش واولادغه قبول
اولنانلره اوز اولادلردرجه سنده حقوق و منافع بخش واعطایله مکده
بولنمش ایدی . اوراده تحدید سن قیدی بولمديني کبی اولادغه قبول
اولنان کیمسه نك باباسنك توسط ویاخودسند اعطا ایتسی ده ضروری
دکلدی . اولادغه قبول ایدن ایله قبول اولنانلر آردسند کی مناسبت
مشروع « عهد » یعنی مقاوله ایله تأسس ایدردی و طرفیندن هر
بری کندی عهده سنه مترتب وظیفه نك ایفاسنی تعهد ایلردی . اولادغه
قبول ایدن ایله قبول اولنانلرک عمومیتله تقریر ایتدکری تعبیرات
شوندن عبارت ایدی :

« بنم قائم ایله سنك قانك بردر ؛ بنم اوم ایله سنك اوک بردر ؛
« بنم مکتسباتم سنكدر و سنك مکتسباتك بنمدر ؛ سنك انتقامکی بن آله جغم
« و بنم انتقامی سن آله جقسك . »

وراثت یالکز ایکی اصوله مستند ایدی :

(۱) قرابت

(۲) عهد یعنی مقاوله

قادینلر ایله اوفاق چوجققلر قاعده میراثدن خارج طوتیلیورلردی .
میراثه یالکز ذکور اولان اقربا توارث ایدمیلیرلردی . چونکه سلاح
استعمال ایتمکه ، محاربه ده سواری اوله رق جنگلشمکه ، غنیمت آلمغه
وضعفا و مرضایی حمایه ایتمکه یالکز آنلر مقتدر ایدیلر . « عهد »

وياخود مقاوله اقتضاسنجه ميراثه نائل اولانلر يا اولادلغه قبول اولنانلر
وياخود برلكده مهاجرت ايدرلر كن يكديكريله حقوق و وظائف
مقابليله كيريشمش اولانلر وياخود يالكز يكديكرينك وارثي اولدقلرينه
دائر ينلرنده بر مقاوله عقد ايلانلر ايدلر .

عربلر ك ميراثي بلا وصيت انتقال ايدمه بيلديكي كبي باوصيت دخي
انتقال ايدمه بيلردى . شوقدر كه بر عرب مالك تمامنى وياخود بر قسمنى
ايسنديكى آدمه ترك و تبرع خصوصنده سربست ايدى . مرقوم ديله ديكي
تقديرده مالنى كندوسنك بتون بتون ييانجيسى اولان بر كيمسه يه
ويره بيلردى و اقربا و تعلقاتى و حتى ابوينى ايله اولاد و عيالى
فقر و ضرورته براقه بيلردى .

عربلرده قانون املاك اولدجه تكملاته واصل اولمشيدى . آنلرده
املاك و عقاره عائد اولديغى كبي اموال ذاتيه يه عائد قانونلر دخي
موجود ايدى . انجق بوايكي قسم آرمهنده كى فرق صورت قطعيده
تعين ايدلما مشيدى . قادينلر ميراثدن محروم بولندقلرى كبي بشقه صورتله
دخي املاك و امواله مالك اوله ميورلردى .

نفعى عمومه عائد بر مقصدك حصوله وياخود بر عبادتخانه عمومى يه
تبركاته بولنق عادتده جازى ايدى . مدينه ده ظهور اسلامدن اول
شركت شكلنده بر طاقم هيئتلر متشكل بولنيوردى . اوراده « وقف »
مشابه خصوصى مقاوله لر دخي اهاليجه مجهول دكلدى . بر عرب اصول
و قواعد موضوعه خارجنده اوله رق املاك و اموالى طائفة نسايه
ترك و تبرع ايتمك ايچون ايسنديكى زمان « وقف » قاعده سنه مراجعت
ايدردى . ظهور اسلامدن صكره قرآن كريم قادينلر ك ميراث
خصوصنده كى محروميتنى رفع و الغا ايتديكي جهته « وقف »

اولکندن بشقه بر حاله وضع و افراغ ایدلمشدر .

عربلر مقاوله مقتضیاتندن بولان تعهداتک ایفاسنه تجارت وضعته سلوک ایدن اهالی درجه سنده اعتنا ایدرلردی . عموم مراکز تجاریه ده عقد مقاوله خصوصنده سربستی تام جاری ایدی . مراکز مذکوردهده شرائط مختلفه دائر سنده لاقول یکرمی نوع بیع و فروخت معامله سی ایفا ایدیلیوردی . بیع بالوفا قاعده سی تکرار بیع ایده بیاسک شرطنه تابع بر شکله افراغ ایدلمشیدی . بیع بالوفا صورتیه ترهین اولنان اموالک فک و تخایضنه مخصوص بر اصولک فقدانندن ناشی رهن مقاوله سی کمال وضوح ایله ذکر و تعریف ایدیلیوردی . شو قدرکه بر موجب مقاوله رهن مدتی انقضا ایدر ایتمز بیع کسب مطلقیت ایدردی . فاحش بر فاضلک اخذی - که اریستانالیس طرفندن تجریم و اسلام طرفندن بستیون العا ایدلمشدر - مدینه کی بلاد جسیسه ده ساکن اهالی موسویه میاننده بالفعل جاری ایدی . «عاریت» اصولی عندالحاجه تطبیق ایدیلیوردی . ملکیت ارضیه مسئله سی موجر ایله مستأجر بیننده کی مناسبتک ظهورینه سببیت ویرمشدر . بومناسبت دخی ایکی نوع ایدی : (۱) اراضیه اکیلان تخمک موجر طرفندن ویرلمسی ، (۲) اراضیه اکیلان تخمک مستأجر طرفندن تدارک ایدلمسی . عربستانده ظهور اسلامدن اول یالکز اوچ نوع جرائمه اهمیت عطف ایدیلیوردی . جرائم مذکورده شونلر ایدی : قتل ، جرح و خیم ، سرقت .

فعل قتلك جزاسی یا اعدام و یا خود دیت ایدی . مقتولک منسوب اولدیغی عشرت قتلاک منسوب اولدیغی عشرتدن دها اصیل و نجیب اولدیغی تقدیرده و یا خود مقتول بر قادین و یا خود بر کوله بولاندیغی

حالد بر شخصك قانی طلب ایدیوردی و فقط مقتول حر بر کیمسه بولندینی تقدیرده مقتولك قتلندن طولای ایکی کشی مسؤل طو- تیلیوردی . دیگر طرفدن مقتول اشاعی برعشیره منسوب بولندینی تقدیرده مقتولك ابونی قاتله مراجعتله شرائط آتیه دائرہ سنده رضیه و تضمینات طلب ایدرلردی :

« بزه اوچ شیدن برینی ویر ؛ یا چوجغمزك حیاتی اعاده ایت و یا خود خانه مزى ییلازلرله تولدیر و یا خود سن کندك اولومه حاضر اول بولنك خارجنده برکونه تعویضات اوله ماز . »

دیتك مقداری عشایر مختلفه درجات متنوعده بولنیوردی . بودیت قریش قبیله سنده ایکی دوه دن باشلا یه رق یوز دوه یه قدر بالغ اولیوردی .

اصول محاکمات دخی مختلف ایدی . قتل ، سرقت و جرح کبی دعوالرده — طرفین عین عشیره منسوب بولندقلری تقدیرده — « القیافه » یعنی ایزلری تعقیب ایتك پالاننه مراجعت ایدیایوردی . فقط طرفین بالعکس عین امیرك زیر اداره سنده بولنان عشایر مختلفه منسوب بولندقلری تقدیرده دعوانك بو امیره حواله ایدیلوب ایدلما سی تصویب و تنسیبه وابسته ایدی . چونکه بودعوی روماقانوننده اولدیغی کبی بر حکم واسطه سیله دخی رؤیت اولنه بیلیردی و حکمك اعطا ایتدیکی قرارله تعویضات اعطاسی مسئله سی ده حل و فصل ایدیایوردی . فقط قاتل ایله مقتول مختلف امیرلرک زیر اداره سنده بولندقلری تقدیرده مقتولك طرفدارلری قاتل و متجاوزك عشیره نه مراجعتله دوچار اولدقلری غدر حقنده شکایاتده بولنیورلردی . بو شکایات مسموع اولدیغی تقدیرده حربه مراجعت اولنیوردی . فقط

دیگر طرفدن منازعه نك حل و فصلی ایچون بر حکم تعیین ایدلدیکی
حالدده بو حکمك حکمی آرتق مجبوری الزامیه اولیوردی .

بوکی دعوالرك رؤیتنه مخصوص - قرون وسطاده آلمان قانوننده
موجود بولان تذکیه اصولنه مشابه - غریب بر اصول وار ایدی . بو
اصوله « قسامه » تسمیه ایدیلیوردی . « قسامه » عین عشیرته منسوب
اللی شخصك متهمك معصومیتنه دائر قسم ایتمسندن عبارت ایدی .
محدث شهرالبخاری بوباده بر مثال ذکر ایدیورکه شودر : « بنی عامر
عشیرته منسوب « خادیش » نامنده بر آدم کنديسینه شامه قدر رفاقت
ایتمك اوزره بنی هاشم قبیله سینه منسوب بر آدمی خدمتینه آلمشیدی .
یولده کیدرلرکن خدمتكارك برکیسه یه بر ایپ پارچه سی ویرمسندن
طولای غصبه کلان خادیش بو خدمتکاری شدله ضرب ایدرك هلاکینه
سبیت ویرمشیدی . خادیش عودت ایتدکن صکره خدمتكارك یولده
برمرض مهلکدن وفات ایتدیکنی اخبار و اشاعه ایتدی . فقط متوفی
خدمتكار سبب موتی یمن اهالیسندن برینه بیلدیرمش و آنی بومسئله
حقنده حضرت ابوطالبه معلومات اعطاسینه مأمور ایش ایدی .
حضرت ابوطالب کیفیتدن خبردار اولدقدن صکره خادیشه
مراجعتله مرقومی جنایت ارتکابیه اتهام ایتدی و خادیشك یاوزدوه
اعطا ایتمك و یاخود معصومیتنه دائر یمن ویرمك اوزره کندي عشیرته
منسوب اللی کشی تدارك ایتمك صورتیله ترضیه ویرمسنی و یاخود
اولومه راضی اولسنی طلب ایلدی . بودعوی بالاخره ولید ابن المغیره یه
تودیع ایدلکله مومی ایه ایکنجی صورت حلی ترجیح ایتدی . یمن
ویرمك ایچون انتخاب اولان بر شخص زوجه سنك رجاو نیازی اوزرینه
اوغلنی توکیل ایدرك قورتلدی . دیگر بر شخص ده یمن برینه ایکی دوه

ویره رک یمیندن فراغت ایتدی. متباقی شاهدلر معصومیت حقنده یمین ایتلریله دعوی حل وفصل اولندی . »

عربلر یمینه برقدسیت مخصوصه عطف ایدرلردی. مکده کعبه خارجنده « خاتم » دینلان بر یر بومقصده خادم اولق اوزره تفریق وتخصیص ایدلمشیدی .

یلان یره یمین ایتک ویاخود یمینی نقض ایلک بیوک بر شئامت عد ایدیلوردی .

صورت منظمهده تشکل ایتش بر قوه اجراییه نك فقدانندنائی بر حکمک اجرایی خصوصی بر چوق تابعینه مالک بولنان نعمان ابن المغیره عائله سی کبی بیوک وقوتلی عائله لره تودیع وحواله اولنیوردی. فقط مجرمک عین درجدهده بیوک وقوتلی عائله لر طرفدن حمایه وصحابت ایدلمسندن ناشی بعضاً بیوک مشکلاتهده تصادف ایدیلوردی. مع مافیه احوال عادیدهده مجرمک بردها کورونیه چکنه دائر کفیل تدارکی ممکن اولدینی تقدیرده حکمک اجرایی وقت آخره تعلیق ایدیله بیلردی . عربستانک ظهور اسلامدن اولکی حالی موجب ممنونیت دکلدی. اوراده جان ومالک محافظه سنی تحت تأمینه آلمغه مقتدر بر قوه اجراییه بولمادیگی کبی ضعفا ایله نسوان وصبیانک حقوقه کلیاً مضر ومنافی قانونلر دخی موجود ایدی .

قانون وراثتک بر اساس مساوات اوزرینه مؤسس بولنماسی ، تعدد زوجات اصولنک برکونه آداب معاشرته تابع اولماسی ، فحشیتک بر نوع نکاح اوله رق طانمسی ، بابالغک تأسیسی وطوغریدن طوغرییه موجودیته تعلق ایدن مسائلده بر طاقم ناقص وغیر کافی اصول وقواعد مراجعت ایدلمسی پک مسعود برحاله دلالت ایتز .

بلکه عربلرک بر حال وحشتدن هنوز یکی حقیقه قدده اولدقلرخی کوسترد.
 عضوست و سطونلری و لشکیلات متظمه اداریهلری ایله کسب شهرت
 ایتش اولان قدیم روما و ایران حکمدارلرینک حدودلری عربستانه
 منتهی بولمیدی. حالده آنلرک قوانین و مؤسسائی عربلرک اوزرینه
 برکونه نفوذ و تأثیر اجرا ایدمهامشدر. عربلرک تجارت و صنعته
 سلوک ایتلری صرف احتیاجات بشریه دن واکتساب ثروت خصوصنده کی
 سوق طبعیدن ایلری گلشیدی. انلرک عهد و مقاولاته صادق قالملری ده
 ینه بوسوق طبعینک نتیجه ضروری سی ایدی. مکتسبات ملکیه دن
 محافظه سی و یا خود تریدی ایچون اقتضا ایدن قانونلر وجوده کتیرمش
 ایدسه ده بونلرک احکامی اجرا و انفاذه قادر قوتلرک عدم موجودیتی
 خسینه بوقانونلردن استفاده ایتک ممکن اولمهامشدر.

ایشته عربستانک احوالی، تاریخ عالمده بر تحول عظیم حصوله
 کترین وقعه مهمه نک ظهورینه دکین بومرکزده ایدی. پیغمبر ذیشان
 حضرت محمد مصطفی (علیه اکل التحیات) قدم نهاده عالم شهود
 اولدی. حضرت پیغمبر قریش قبیله سندن و عربلر ایچنده اک نجیب
 واصل اولان و ارثاً کعبه نک محافظلری بولان بنی هاشمدن تولد
 ایتشیدی. حضرت پیغمبر امی ایدی؛ کنجلکنده او قومق یازمق
 اوکرمه مشیدی. حیات خصوصیه نبوتناهیلری صوک درجه ده ساده
 ایدی و کندولری احبایه صادق، دشمنلره رحیم و کریم و طائفه
 نسیاه حلیم و شفیق ایدی. ایام شابنده حضرت پیغمبر «الامین»
 لقبی آلمشدی. حضرت پیغمبر دین مبین اسلام (طوغری یول) ی
 وعظ ایتدیکی جهته مکده کی بتپرستلر کندیسنه قارشو بیوک برکین
 و عداوت اظهار ایتدیلر. بونک اوزرینه حضرت پیغمبر مدینه یه

هجرت بيورديلرسهده اوراده دخي راحت بوله مديلر. رسول اکرم بدر، احد و خندقده عظيم محاربه لرده بولندي و انجق بو محاربه لردين صکره ایدی که کنديسنک دشمن بی امانی اولان ابو سفیانک تحريکا- تيله حرکت ایدن قريشيلره قارشو هم کندی سلامتی همده صحابه نك سلامتی تأمین ايله بیلدی .

بی ذیشانک قريشيلرک اوزرنده احراز بيوردقلى مظفریت اوزرينه مکه کنديسنه تسليم اولمش و بتپرستاک يرينه شريعت اسلاميه قائم اولمشیدی. حضرت محمد ايلک اون سنه ظرفده قوانين و نظامات وضعنه وقت بوله مامشدر. حضرت پیغمبرک بوجهته اهميت ويردکارينک ايلک اثری - مدينه يه مواصلتارنده - مدينه اهالیسی نامنه کنديلرينی استقباله کیدن هیئت مرخصه ايله کيريشدیکی مقاولده کورلمشدر . اون ایکی کشیدن متشکل بولان بو هیئت شرائط اتيه يه رعایت ایتمی تعهد ايله مشیدی :

- (۱) آنلر يالکيز بر اللهه عبادت ایده جکلر
- (۲) سرقت و ياخود حیدودلق فعللرينی ارتکاب ایتیه جکلر
- (۳) صبی چوجقلرينی اتلاف ایلیه جکلر
- (۴) زنا و فعل شنیعی ارتکاب ایتیه جکلر
- (۵) حضرت رسول اللهک منع ایتدیکی جرائمی ارتکاب ایلیه جکلر و باخصوص قادينلرک عفت و ناموسنه قطعياً تجاوزه بولمیه حققلر .

حضرت پیغمبر مدينه منوردهده اختيار اقامت بيوردقدين صکره حکومتیه مشابه برنوع اداردنک تنسيق و تشکيلنه مباشرتله اولافقرانک ترفیه احوالی ایچون هر مسلمک سنوی حاصلات صافیه سنک بر قسم

معیننی ترک و تسویه ایتمسندن عبارت بولنان زکاتی تأسیس بیوردی و بالاخره حقوق دول حاضره احکامنه تقابل ایدن حرب و صلح قانونلرینی وضع بیوردی. صکره کی اون سنه یی تمامیه قوانینک وضعنه صرف و حصر ایلدی. قوانین مذکورده بر ماده یوقدرکه طوغریدن طوغری به حضرت رسالتپناهک انضمام رأی و دلالتنه مقرون بولنمش اولسون. بوقانونلر ایکی شکلی حائزدر :

(۱) جناب حقندن نازل اولانلر .

(۲) حضرت پیغمبرک حال و حرکتلری طور و سیرت سنه لری و تنسیب و تصویب بیوردقلری شیلرله تصویب و تنسیب بیورمدقلری شیلر و رأی و مطالعه نبوتپناهیلرینه عرض و حواله اولنان امور و مسائل حقنده بیان بیوردقلری رأی و مطالعات .
شکل اوله وحی و شکل ثانیه ده سنت دینیلیر. بویکی منبع حقوق اسلامیته ک اساسلی و باشلی منبعلیردر .

رسول اکرم عدالتی بالذات اجرا بیورلردی و غیوبت ایتمکه مجبور بولندقلری زمان دین مبین اسلامی قبول ایلان مدینه علماسنی شووظیفه مهمه ک ایفاسنه توکیل ایلرلردی . هجرتک سکسان بشنجی سنه سندن اول تحریر و تألیف اولسان و فقط ۲۸۰ نجی سنه سنده انجق موقع انتشاره وضع ایدیلا «بدايع الدهور» نام کتاب مشهورده شو فقره مندرجدر :

« مدینه ده مشرف بالاسلام اولان علما و دانشمندان موجود ایدی . حضرت پیغمبر آنلره قارشو بیوک بر اعتماد و امنیت اظهار بیوریورلر و کندیلری مدینه ده بولندقلری صرده حاکمک وظیفه سنی بو علمایه تودیع ایدیورلردی . »

اصول محاکمه پک بسیط ایدی . طرفین منازعینک اثبات وجود ایتیمی لازم ایدی . دلیل و ثبوت اراء ایتیمک وظیفه می مدعی به عائد ایدی . ثبوت و شهادت استحصالی ممکن اولمدینی تقدیرده ادعای واقعی رد وانکار ایدن طرف تحلیف ایتدیریلوردی . تصرف ، حق مالکیت بر دلیل عد اولنیوردی نته کیم ایکی کشینک تک بریوک حیوانی اوزرنده حق تملک ادعا ایتیمی و اثبات مدعایه کفایت ایده جک دلائل اراء ایلمی اوزرینه حضرت پیغمبر متصرف بولنان شخصک لهنده قرار اعطا بیوردی . بعضاً قرعه کشیده ایدیلوردی . برزانینک و یاخود بر فاسقک ، ناموسسزلقله اشتهار ایتیمش بر شخصک و یاخود بر کوله نک شهادتی مقبول و معتبر دکلدی .

حضرت پیغمبر ارتحال داربقا ایده جکنی حس ایدردک جبل عرفاتده مجتمع بولنان مسلمانلره خطاب بیوردیلر و امور تشریعیه نک اکالنه دائر صوک کلاملرینی بروجه آتی بیان ایدیلر :

« ای ناس : کلامی دیکلیه یکنز زیرا سزکله بلکه بوراده
 « دیگر برسنده بولنیه جغم . بربریکزه انسانیتلی و طوغری اولیکز .
 « برینک جان و مالی دیکری نزدنده مقدس و غیر قابل تجاوزدر .
 « هر کسه کندی حقنی صادقانه ادا ایدیکز چونکه سز جناب حقک
 « حضورینه حقیقه جقسکز و جناب حق فعل و عملکسزک حسابی
 « صورده جقدر . قادینلره حسن معامله ایدیکز . آنلر سزک معینه
 « متابعکزدلر . کندی لکلرندن بر شی یاپه مازلر . سز آنلری جناب
 « حقدن امانه الیکز . ای ناس : کلامی دیکله یکنز و بونلری
 « حافظه کزده طوتیکز : سزه هر شیئی بیان و تبلیغ ایتدم . بن سزه
 « بر قانون براقدم — بر قانون صریح و قطعی که سز بونی محافظه

« ایتملیسیکز و بوکا شدتله مربوط بولنلیسیکز — بو قانون کتاب الله
« و سنت رسول اللهدر. »

حقوق اسلامیه نك بو ایکی منبعك برنجیسی اولان کتاب الله
یعنی قرآن کریم حضرت پیغمبره نازل اولان شیلرک کافه سنی محتویدر.
قرآن کریم یوز اوتوز سورده دن عبارت اولوب بونلرک یدیسی یعنی
البقره، النساء، آل عمران، النور، الطلاق، المائدہ و بنی
اسرائیل سورده لری حقوقه عائددر. بو سورده لر ولادت، بلوغ،
تأهل، طلاق، وراثت، اسارت و جرائم کبی اشخاصه و اشخاصه عائد
نظاماته متعلقدر. آنفاً ایضاح اولندیغی وجهله مدینه منوره ده امور
تشریعیه نك اکلانه فوق العاده دقت و اعتنا ایدلش و قرآن کریمک
قسم مهمی اوراده نازل اولمشیدی.

بویله مهم بر مجموعه قوانینک تألیف و تالیفی حقنده برقچ سوز
سویلك نامحل اولمیه جقدر. حضرت پیغمبره وحی نازل اولدیغی زمان
کندی لری جناب حقندن تبلغ ایتدیکی لسانک عیننی تبلیغ بیوردردی.
بو صورتله نزول ایدن کلام الله بر طرفدن صحابه کرامدن بر چوق
ذوات طرفندن ازبره آلیور و دیگر طرفدن معاویه و کوزل
وطوغری یازیسیله مشهور بولان زید ابن ثابته تقریر ایدیوردی.
محدث کیر البخارینک روایتله نظراً برنجی خلیفه حضرت ابوبکر،
قرآن عظیم الشانه سهو و خطیأتک کیرمی خصوصنده حضرت
عمر طرفندن اظهار اولان خوف و اندیشه اوزرینه زید ابن ثابتی
نزدرینه جلب ایله قرآن کریمک بر کتاب شکنده جمع و تألیفی
طلب ایلدی.

قرآن کریمک محرر بولندیغی کودری، پیروس و میک پارچه لری

طوپلاندی وقران کریمي ازرلمش اولان ذوات دخي جمع ايدلدي. بو ذوات ايچنده ابی این کعب ايله حضرت علی الك بیوک بر مرتبه يي حائر بولنيورلردی. آنلردن صکره عبادبن عباس ، عبادبن عمر ، عبادبن زبير و عبادبن مسعود حائر اهميت ايديلر. قرآن کریمك جمعنه اشتراك ايليان ذوات مشهوره سائرہ میاننده حضرت ابوبكر ك اوغلي زيد ، محمد، خالدبن وليد، طلحه، و سعدبن عبيد بولنيورلردی. بو نسخه نك قرآن کریمك اصلنه تماميله مطابق اولمسی ایچون هيچ بر زحمت و فداكارلنك دريغ ايدلديكي مستغني بياندر.

تأمين سلامت و محفوظيت ایچون قرآن کریمك بونسخه سي حضرت ابوبكره توديع ايدلمشیدی. حضرت ابوبكردن صکره حضرت عمره توديع اولمش و حضرت عمرده بونی قبل الوفات زوجات مطهره پیغمبریدن بولنان کریمه سي حضرت حفصه يه توديع ايله مش ایدی. حضرت عثمان مذکور نسخه دن اوچ نسخه ده ا استساخ ایتدیرمشدی. بو اوچ نسخه نك بری الحاله هده شامده محفوظدر. حضرت عثمان بالذات کندولری خط کوفي ايله صورتی استساخ ایلشیدی.

حقوق اسلامیه نك ايکنجی منبع اصلیني، حضرت پیغمبرك حال و حرکتلری، طور و سیرت سنیه لری، تنسیب و تصویب بیوردقلری شیلرله تنسیب و تصویب بیورمدقلری شیلر تشکیل ایدر که بوکا سنت و یاخود حدیث تعیر اولنور. قرآن کریمده موضوع بولنان قوانین مجمل بولنمق حسیله سنت و یاخود حدیث شریفه یعنی حال و حرکت پیغمبری یه مراجعت وقوعبولدی. بونك اوزرینه حدیثلرک جمعی خصوصنده بیوک بر غیرت و فعالیت باشلادی. جمع ایدیلان

احاديث مياننده بر چوق حديثلرك صحت و موثوقيتى حقنده شك و تردد حاصل اولمى اوزرينه حضرت عمر مداخلهيه مجبور اوله رق بونلرك جمعى موقتاً ترك ايدلى معافيه حديث شريفك تحصيل و تدقيق جريانى زمانله برابر ايلروله دى .

افكار و مطالعات حقوقيه سنى الك زياده احاديث نبويه بى ايلان مالك بن انس الك بيوك فقهادن ايدى . مشاراليه مدينه ده مقيم بولندينى جهته الك موثوق حديثلره واقف بولنيوردى . كندوسنك «الموطأ» نام اثر مشهورى الك صحيح و موثوق احاديثى جامعدر . الك موثوق دلائله مستد بولسان حديثلرك جعنه تشبث ايدلى ايسه ده موضـوعـلـرك ترتيبى حقنده منتظم بر اصوله رعايت ايديله مدى . احاديث نبويه نك جنى خصوصنده فقيه شهر احمد بن حنبل حضرتلى دخی فوق العاده صرف مساعى ايلشدر . مشاراليهك جمع و تلفيق ايلديكى احاديثه «مسند» دنييور فقط بر مجموعه نك موضوعلره كوره ترتيبى لزومى چابوق حس ايدلمشيدى ايشته بو نقصانى (بخاراده جعف قريه سنده ۲۵۶ سنه هجرى سنده تولد ايدن) ابو عباده محمد بن اسماعيل جعفى البخارى حضرتلرينك صحيح البخارى نامنده كى اثر مخلد و معروفى تلافى ايتمشيدى .

اشبو اثر يدى بيك اوچيوز طقسان بش حديث شريفى جامع اولوب امثالى مياننده الك معتبر و موثوق عد ايدلمكده در . بو حديثلرك تصنيفى وظيفه سنك كوچلكنه رغماً بخارى حضرتلى كمال ثبات و متانتله وظيفه سنه دوام ايتدى و يالكز بر اساس صحيحه مستد اولان حديثلرى ضبط و جمع ايتمكله اكتفا ايدى . مشاراليهك تعقيب ايتديكى اصول تصنيف اصول و قواعد قانونيه مستد بولندينى جهته اصول

فقهك ترتیبی ایچون مکمل بر ساحتی مساعی آچمدر .

احادیث نبویه بی جامع دیگر بر اثر مهمده « صحیح » دنیلان اثر در . بواثر هجرتك ۲۶۱ سنه سنده وفات ایدن حافظ مسلم بن خواجه کارشاری نیشابورینك تألیفی اولوب « صحیح مسلم » نامیله معروف ویدی بیک ایکی یوز یتیش بش حدیث شریفی جامعدر . « بخاری » ایله « صحیح مسلم » مجموعه لرینه « صحیحین » و « جامع » اطلاق اولیور . بونلر بتون عالم اسلامده بحق مظهر تقدیر و تکریم اولمشلردر . بواثرلردن ماعدا بیوک قیمتی حائز بشقه اثرلردخی واردر که شونلردر : « ابن ماجه ، الترمذی ، النسائی ، ابوداود السجستانی » آف الذکر آثاره صحاح سته اطلاق اولنور .

احادیث نبویه نك مرکزی مدینه منوره ایدی ایسه ده بونلرک تحصیل و تعلیمی سائر مراکز مهمه اسلامیه ده دخی اهمال ایدلما مشیدی . ابن مسعود کوفه ده حدیث اوقوتمش و آندن صکرده ده آنک طلبه سندن القامه ایله اسود کندوسنه حدیث شریف تدریسی خصوصنده خلف اولمشلردر . آنلردن صکره عراقک فقیه مشهوری ابراهیم النخعی حدیث شریفلری جمع ایتمشدر که بونلر فقیه اعظم امام ابو حنیفه حضرتلرینه مبادی اصول فقهی تدریس ایلیان حمید نام ذاتک یدنده بولنیوردی .

حقوق اسلامیه نك ایکی اساسلی منبعی اولان قرآن کریم ایله حدیث شریفک غایت الغایه موثوق و هر درلو مداخله دن عاری اولدیغنده ذره قدر شبهه یوقدر .

آیات جلیله قرآنیه نك جمع و تألیفی خصوصنده ایلک اوچ خلیفه نك نه قدر متبصرانه حرکت ایتدکلری واحادیث نبویه نك جمع و ترتیبی

ایچون فقهای عظامك نه قدر بیوك همترل صرف ایلدکلی آنفاً ایضاح و بیان ایدلمشدر .

فخر کائنات (علیه ا کمل التحیات) اقدمز قانونك یعنی حقوق اسلامیةك تعلم واجراسنی صوك درجده التزام بیورمشلردر . بوباده ایکی حدیث شریف موجوددر : (۱) جناب حق برعبدینه عنایت بیوررسه اکا فقه تعلیم ایتدیرر وانی برفقیه یاپار . (۲) برفقیه نمازده جهلایی اغفال ایدن شیطانہ قارشو برسپردر .

حضرت پیغمبربدایت ظهور اسلامده ولایت والیدینه حاکمک صلاحیتنی اعطا بیورمشلر ایدیسده بالآخره هردرلو ملاحظات سیاسیہ واداریه دن آزاده اوله رق مستقلاً ایفای وظیفه ایتک اوزره حاکمکر نصب وتعیین بیورمشلردر .

بتون عربستان قطعۀ واسعه سی لوای سعادت احتوای اسلامه تابع اولدقنصکره حضرت پیغمبر محال مختلفه یه مختلف درجه لدره کی مأمورینی نصب وتعیین بیوردی . بروالی ایله برعسکری قوماندانك تعیین ایدلیکی محله برده حاکم تعیین ایدیلور و بو حاکم والی ایله قوماندانك مراقبه لری خارجنده بولنیوردی .

حضرت پیغمبرك وضع بیوردق لری شریعتك تأثیرینی تقدیر و توصیف ایتک ایچون اشبو کتابک صحیفه لری غیر کافی بولندیجی جهتله یالکز شونی ذکر ایتمکله اکتفا ایدرم که شریعت مذکورده کرک طوغریدن طوغری یه و کرک بالواسطه موضوع بحث اولیان بر ماده یو قدر . قادینلر ایله چؤجق لک ترفیه احوالی ایچون حضرت پیغمبرك اتخاذ بیوردق لری تدابیر تعریفه محتاج اولیه حق درجده معلوم و معروفدر . مورخ شهیر « غیون » ک دیدیکی وجهله : « حضرت پیغمبر مؤمنلرک قلبنه برحس

كرم و اخوت نفع بيور مشدر، آنلره فضائل اجتماعيه ايله عامل اولملىرى
توصيه بيور مشدر و حرص انتقامك و ايتام و ارامله ظلم و اعتساف
ايدلمسك كرك شريعت اسلاميه احكاميله و كرك مواعظ و نصايحه
اوكنى آلمشدر. »

حضرت پيغمبر عربستانده قادينلى ارككلرك كيف و آرزولرينه
تابع برنوع مخلوق حالده بولمشلردى فقط وظيفه نبويه لرينك
ختامنده قادينلى ارككلر ايله مساوى بر موقعه و ارككلره معين
اوله رق براقشلردر. حضرت پيغمبر قادينلى حقوق قانونيه دن
محروم بر حالده بولمشلر ايكن آنلى ارككلر درجه سنده حقوق
شرعيه مالك بر حالده براقشلردر. فخر كائنات تعدد زوجات اصولنه
بر حد تعيين بيورمتس و زوجاته زوجلى ايله بابالرينك و اوغللرينك
ميراثلرينه وارث اولق حقنى بخش بيورمشلردر.

حقوق اسلاميه نك ايكنجى دوره تكملى حضرت ابوبكر ك زمان
خلافتندن بدأ ايله حضرت علينك زمان شهادتنه قدر اولان مدتدر.
بودوره سعادت قرآن كريم ايله حديث شريف احكامنه رعايت
نامه ابرازيله ممتاز و متصفدر فقط او آره لق عربستانده ينه بر احتياج
يوز كوستردى. حضرت پيغمبر يالكنز امور عاديه حقنده دكل بلكه
امور شرعيه نك صورت تطبيقى حقنده دنخى صحابه كرام ايله استشاره
بيورلردى. خلفاي كرام بو استشاره نك لزومنى حس ايتمكه
باشلاديلر. حضرت عمر استشاره اصولنى حقوق اسلاميه نك بر
ايكنجى منبى اتخاذا بيوردى و بوكا « اجماع امت » يعنى موافقت
و آراى عموميه نامى و يرلدى. خليفه مشار اليه زمان خلافتلرلنده
ظهور ايدن مسائل مهمه و مشكله نك اتفاق آرا ايله حل و فصلى

ایچون مسلمانلردن منشکل بر مجلسی اجتماعه دعوت بیورردی . بو مجلس مسائل مذکوردهی هم احادیث نبویه همد ایجابات زمانه و منافع اسلامیه موافق صورتده حل و رویت ایدر و اعضای مجلس اقتضا ایدن تعدیلانی فرارلشدیرردی . ایشه بو صورتله آنلرک مذاکره لرینک نتیجه سی حقوق اسلامیه نك احکام اساسیه سنه قیمتدار بر ذیل تشکیل ایتشدیر . بر حدیث تریفك مال حقیقیسی ايله درجه شمونی تفسیر ایدن بواجماع امت حقند بر مثال اعطاسی فائده دن خالی دکادر . شامك فتحی اوزرینه حضرت عمر اوراده کی اراضینک تقسیم و توزیعی خصوصنده مشکلاته دوچار اولدی . حضرت پیغمبر ممالك مفتوحه اراضیسنی مجاهدین بینده تقسیم بیورردی و فقط خیر اراضیسی بو اصولدن مستثنا طوتمشیدی . خیر اهالیسی موسوی اولوب اراضی مذکوره بر ایجار مقابلنده اهالی مرقومه ترک ایدلمشیدی . حضرت عمر شام اراضیسنک توزیع و تقسیم مسئله سنک کوجلکنی ادراک و تیقن ایدرک اراضی مذکوردهی اهالی قدیمه نك ید تصرفه ترک ایتکه قرار ویرمشیدی . بو قرار صحابه کرام بینده خیلی قیل و قالی موجب اولدی و باخصوص حضرت بلال اشبو قراره قارشو ائک زیاده معترض بولندی . بو اختلافک حلی ایچون بر مجلس عقد اجتماعه دعوت ایدیلرک حضرت پیغمبرک خیر اراضیسی حقنده کی طور و حرکتلری مجلس مذکورک پیش نظر تأملنه وضع اولندی . مجلسده بومسئله حقنده مذاکرات جریان ایتدی و شام اراضیسنک قبل الفتح اوراده بولنان اهالییه ترکنه دائر برقرار اتخاذ اولندی . بو وقعه « خراجی » دینلان ایجار اصولک تحدثنه سبیت ویردی . علی طریق الاستطراد شوراسنی ده ذکر ایدیم که بواصول،

اعشاری دینلان (یعنی محصولک اوندہ بری) اصولک بشقہ نوعیدر .
 قانونک ایجابات زمانہ موافق صورتدہ تعدیلنہ دائر حضرت
 پیغمبرک اعطا بیورمش اولدقلری مساعدہ سنیہلرینہ بناء سالف الذکر
 مجلس بعضاً صرف ملاحظات بشریہ اوزرینہ وحتی بعضاً رسول اکرمک
 سنت سنیہلریلہ تأسس ایتمش اولان عادات و تعامل خلافتدہ اولہرق
 قرارلرینی اعطا ایدردی . بوکا بر مثال اولق اوزرہ مناسبات غیر مشروعه
 حقندہ کی جزایہ عائد مسئلہنی ذکر ایدہ بیلیرم . قرآن کریم بو بابدہ
 مجرملرہ یوز دکنک جزا تعیین ایتمشدر . حضرت پیغمبر بوکا نفی
 و تغریب جزاسنی دخی ضم و علاوہ بیورمشیدی . حضرت عمرک عہد
 خلافتدہ « ابن سعار » نامندہ بر کیمسہنک بویلہ بر فعل ارتکاب
 ایتدیکی ثابت اولمغلہ مرقوم جزاء امر اولنان یوز دکنکی یدکدن
 صکرہ منفاہ کوندرلمشیدی فقط کنیدیسی اورادہ دین مبین اسلامی
 ترک ایلہ نصرانیتی قبول ایتمش اولدیغندن عقد اجتماعہ دعوت اولنان
 مجلس بوکی احوالده نفی و تغریب جزاسنی فسخ و الغایہ قرار
 ویردی .

فقہانک قیاس طریقیلہ محاکمہ یوروتملری خصوصنک دیگر بر
 منبع حقوق اولسی هیچ شبہ یوقدرکہ صحابہ کرام حضراتنک
 ارأہ ایتمش اولدقلری مثاللردن ایلری کلشدر . بو اصول مشروع بر
 اصول اولدینی جہتلہ بر منبع حقوق اولمشیدی . بو اصول حقوق
 موضوعہ احکامی موجبجہ مقدما حل و فصل اولنان بر مسئلہیہ
 قیاساً هنوز حل و فصل اولنمیان یکی بر مسئلہء مماثلہ حقندہ بر قرار
 اتخاذهن عبارت ایدی . مثلاً : مسلمانلر ایچون شراب ایچمک
 منوعدر زیرا شراب مسکردر . بناءً علیہ بوقاعدہ - ایستر شراب

وايستر مايع وياخود جسم صلب حالده اولسون - مسكر اولان هر شيه قابل تطيقدور .

« اجماع » اصولی کي دیگر بر منبع حقوق اولان « قياس » دخي حديث شريفه مستددر .

معزين جبل يمه اعزام اولنه جنی صردهه کندوسنك اوراده نه کي اصول وقواعد بيعت ايدجکنه دائر بر سوال ايراد اولندي . مشار اليه اولان قرآن کریم احکامنه و ثانياً سنت سنيه و ثالثاً کرک قرآن کریمدن و کرک سنت سنيه دن کندوسنه رهبر حرکت اوله جق بر دليل بوله مدینی تقدیرده محاکمه ذاتیه سنه تبعاً حرکت ايله جکني جواباً بیان ایلدی . حضرت پیغمبر بو جوابی تصویب بیوردی و بو وقعه دیگر بر منبع حقوق اولان قیاسک مشروعتنی تأیید و تقویه ایتدی .

حقوق اسلامیه نك منابع اربعه سندن یعنی قرآن کریم ، حديث شريف ، اجماع امت و قیاسدن ايلك ايکيسي « اصل الاصل » اولوب دیگر ايکيسي ايسه ينه « بو ايلك ايکي منبعه استناداً » بونلره يالکمز بر ذیل ولاحقه مثابه سنده در .

حضرت ابو بکرک زمان خلافتنده اصول اداره تدریجاً بر شکل قطعی آلمشیدی . خليفه مشار اليه حضرت پیغمبرکي بالذات توزيع عدالت ایلوردی فقط بالاخره مشغوليتک کثرتنه مبنی بو باده حضرت عمره صلاحیت اعطا بیوردی . اسلامک اداره سنه تابع مالکک کافه سنه قوه اجرائیه ويا عسکریه دن مستقل بولمق اوزره مأمورین عدليه تعیین واعزام ایلدی . حیسخانه لراشاو محکومین بو حبسخانه لره حبس ایدلمکه باشلاندى . حضرت عمرک مقام خلافته انتخابی شدتلی

و فعال بر دوریه براعت استیلال ایدی. خلیفه مشارالیهک زماننده
لوای سعادت احتوای محمدی کمال موفقیتله چین حدودلرینه و افریقا
منتهالرینه قدر کوتورلدیکی کبی اداره عدلیه دخی واصل مرتبه کمال
اولدی.

حضرت عمره قارشو قیام ایدن بر قاضی مشار الیه طرفدن عزل
ایدلش و حضرت عمرک اوغلی ابوشهامه مسکرات استعمال ایتسندن
و مناسبات غیر مشروعه ده بولنسنندن ناشی شدتله تجزیه ایدلشیدی.
حضرت علی دخی عدالتک اک بیوک مروجی ایدی مشار الیه کندی
علینده اعطا اولنان بر حکمه بلا تردد مطاوعت بیورمشیدی.

فقط هجرتک قرقنجی سنه سنده غدار برقاتلک النده شهید اولان
حضرت علی نک ارتحالی ایله حقوق اسلامیه نک ایکنجی دوره تکملی
یعنی « خلفای راشدین » ک زمان سعادت اقرانی رسیده حد ختام
اولدی.

۲

بر عالمه مفارقه نامه سی اولاره ارفاف

وقف کله سنک معناسی ضبط و یاخود ربط ایتمکدر. بوکله توقیف
و یاخود محبوسیت معناسی متضمن بولنان « حبس » کله سنک مراد فیدر.
روایتله نظراً فیخر کائنات افندمن بیورمشلردرکه « وقف معنای
حیحیحیله الحبس دیمکدر یعنی توقیفه معادلدر ، نته کیم : حیوان توقف
ایتدی (وقت) بن انی توقیف ایتدم و وقفها . . . دنیه بیلیر »
ادبای عربدن بعض کیمسه لر بونی « بر شیئک اموال غیر منقوله صره سنه
کچیرلمسی ، بر شیئک بر شیئه تخصیصی و یاخود بر شی حقننده بر

مقاله ترتیب ایدلمسی « معاننده ترجمه ایتشدردر . وقف شرعاً ایکی مختلف صورتده تعریف و توصیف اولنور . امام ابوحنیفه حضرت تریزک تعریفه نظراً وقف ، واقفك یعنی مالنی بر جهته ترك و تبرع ایلیان بر کیمنه نك ذات و شخصنده عینك موقوف قالمسی و استعمالك و یاخود نفعك فقرايه و یاخود عاریت طریقیله ویریلن شیرلکی بعض مقاصد خیریه ترك ایدلمسی معانندهدر . دیگر طرفدن مشارالیهك تلمیذی بولان ابویوسف ایله ابو محمدك اعتقادنجه وقف ، وقف اولنان مالك عینك رضاء الله خاص اوله رق موقوف بولنسی و استعمالك و یاخود نفعك ابنای بشره راجع بولنسی و مالکیتك قطعی اولنسی و قابل بیع و اعطا و یاخود قابل توارث اوله مامسی معانسی متضمندر . بو صوك نظریه اولکی نظریه دن دها زیاده مظهر تصویب اولمشدر . وقف حقنده ابو یوسف ایله ابو محمد ایکی دلیل اراه ایتشدردر :

اولا « حضرت عمر « سیاح » اراضینی صدقه اوله رق توزیع و اعطا ایتك ارزوسنی اظهار ایتدیکی زمان حضرت پیغمبر مشارالیه بو اراضینك صاتیلمسنه ، هبه ایدلمسنه و توارث اولنسنه میدان قالماق اوزده بونی فعلاً ترك و تبرع ایتلیسك » بیورمش اولدقلمی مرویدر .

ثانیاً بر مالك مالکیتك ، صاحبه مؤبد برحق بخش ایده بیلنسی ایچون قطعی اولنسی لازمدر و بولزوم انجق مال مذکورك متصرفی اولان کیمنه نك کندی حق تصرفی ترك و رضاء الله تماماً تبرع ایتسیله مندفع اوله بیلیر .

بر مالك بر مقصده تخصیص ارزوسنی روش معاملاتدن تظاهر ایتك شرطیه معتبر بروقفك تشکلی ایچون بر قاعده رسمیه و یاخود الفاظ و کلمات مخصوصه استعمالنه احتیاج یوقدر . « فتاوی هندیه » ده مندرج

بولنديغى و هندستان حكومتجه دخى تصديق ايدلدىكى وجهه حقوق اسلاميه احكامنه نظراً برمالك امور دينه و خيريه وقف و هبه ايدلسى ايچون بو « وقف » تعبيرينك مذكور وقفه عائد مقاوله نامه ده تصريح واستعمال ايدلسى ضرورى دكلدرالويرر كه بومقاوله نامه نك مضمونندن بويله بر معنا استدلال اولنه بيلسون . واقف اولمه نك شرائطى نه در ؟

برقاعده عموميه اولق اوزره نظاماً صحيح و معتبر برهبه و تبرع ايتك اقتدارينى حائز هر هانكى شخص وقف احداث ايد بيلير . بوشخص حر اولملى يعنى كوله اولماليدر و كندى حال و حركتك تاثيرينى و معامله نك نوع و ماهيتنى اكلايه حق درجه ده عقل و ذكا صاحبي بولمليدر . بوصوك شرطه رعايت ايدلسنك تايمي ايچون فقهاى كرام ديكر بر شرط مخصوص علاوه ايتملدر . واقف بر شئ وقف ايدر كن بر مرض مهلك ايله يعنى وقفك احداثى متعاقب و فاقى انتاج ايدن مرضه مصاب بولنماليدر زيرا بويله بر مرضه دوچار اولانلرك بشقه انسانلرك تاثير نفوذلى آلتنده بولنلرى و يا خود شعورلرينك قسماً و يا خود تماماً مختل بولنسى و يا خود وقفك نوع و ماهيتنى لاقيله تقدير ايتمكسزين بوكا موافقت ايللرى محتملدر . بناء عليه بر كيمسه نك مرض موت ائناسده ياپمش اولديغى وقف يالكز بر وارثه عايد ايسه عموم وارثلرك موافقتيله صحيح و معتبر اوله بيلير و اكر بر امر خيره عائد ايسه مال موقوفك يالكز بر ثلثه محصر قالير . بر واقف وقف ايتدىكى مالى استعمال و تصرف ايتك قدرتنى مطلقاً حائز بولنلى و قطعياً صغير السن اولماليدر زيرا صغير السن اولان بر كيمسه كندوسنه ماده نافع اوليه حق بر معامله يه قانوناً كيريشه مز . مذاهب مختلفه يه منسوب عموم فقها بو خصوصه متفقدرلر . « شيعه بشاريه » نك فكرينه نظراً واقفك

سن رسیده بالغ بولمسی ، قوه عقلیه وادراکیه مالک اولمسی ومالی استعمال ویاخود بر جهته تخصیص ایتک خصوصند بر کونه قیود وشروطه تابع بولنمسی شرطدر . « البدایه » به امثالاً « فتاوی هندیه » شو قاعده بی وضع ایتشدر :

« بر چوجنگ ویاخود مختل الشعور بر شخصک برماله مالکیتی صحیح ومعتبر اولدینی جهته ، بر مال صاحبک عقل وادرا که مالک وسن رسیده بالغ بولمسی شرائط وقفیه دندر . »

ایشته کوریلور که شعوری مختل اولان بر کیمسه وقف ایدمز . فقط « شعوری مختل » تعیری « عقل وادرا کی نقصان » معناسده دکلدر . بناء علیه عقل وادرا کی نقصان اولان بر کیمسه واقف اوله بیلیمک ایچون لازم کلان اوصافدن بسبتون محروم دکلدر « ردالمختار » نام اثر معتبر بومسئله بی شوصورتله ایضاح ایدیور :

« احمق اولان بر آدم کندی اوزرینه وکندیسندن صکره دیگر بر جهته ومقصده تخصیص اولنق اوزره بروقف احداث ایدجک اولورسه بووقف ابو یوسفک اعتقادینه نظر اصحیح ومعتبردر شوقدر که بووقف انجق حاکمک تصویب وتنسیبیه اقتران ایتدکن صکره مرعی الاجرا اوله بیلجکدر . »

دینی ایضایه مقتدر اولیان بر شخصک دائلرینک مطلوباتی ویرمامک ویاخود تأخیر ایتک ایچون یایدینی وقف کا ن لم یکن حکمنده دره (انگلیزلرک افلاس قانونی ده بویه دکلدر ؟)

فتاوی هندیه « نهر الفائق » نام اثره استاداً بوجهتی پک صریح بر صورتده ذکر و بیان ایتشدر . بوجه مشروح وقف اولنان مالک ایضای دینه کفایت ایدجک قسمی تفریق ایدلکن صکره قسم

متباقیسی ینہ شرائط وقفیہ دائرہ سنده ابقا اولنور . « بحر رائق » ایله « ردالمحتار »ك وضع ایتدیکی قواعدہ نظراً برواقف ملکنی وقف ایتزدن اول بر دین عقد ایتش اولورسه بودینك اداسی ایچون مذکور وقفه مراجعت اولنه بیلیر و فقط وقفدن صکره عقد اولنان دیونك تسویه سی ایچون بووقفه مراجعت اولنه مز .

وقف احداث ایتك صلاحیتی یالکز مسلمانلره منحصر دکلدی . ذمیلر یعنی غیر مسلم و طنداشلر و حتی (رهن مقامنده طوتیلوب مملکتده اقامت ایلان) خصملر بیلہ مساعدۀ مخصوصه ایله مسلمانلر مثللو عین شرائط تحتندہ وقف احداث ایدہ بیلیرلردی حتی غیر مسلملر ماللرینی وقف ایتك خصوصندہ اوقدر واسع بر صلاحیتی حاز ایدیلرکه آنلر مسلمانلرک رعایتہ مجبور اولدقلدی برطاقم اصول وقواعدہ تبعیت ایتك مجبوریتندہ بیلہ بولنمیلورلردی .

ایشته فناوای هندیہ « فتح القدیر » نام اثر معتبره استناداً بوکا دائرشو قاعده یی وضع ایتشدیر : « برووقف تأسیسی ایچون مسلمان اولمق شرط دکلدر . برذمی و یاخود غیر مسلم بروظنداش فوائد و منافعی بالآخره فقرایه عائد اولمق اوزره کندی اوغلی و یاخود احفادی ایندم اوله رق برووقف احداث و تأسیس ایدرسه بووقف صحیح و معتبر اولور . کذلک مرقوم بووقفی هم مسلم همده غیر مسلم فقرایه تخصیص ایدر و یاخود منحصر آ غیر مسلم فقرایه تخصیص ایدرسه ینہ بووقف مشروع و معتبر اولور . » برواقفك وضع ایتدیکی شرائطه رعایت اولنمنسه اوقدر دقت و اعتنا ایدیلورلردی که وقفك دین مبین اسلامی قبول ایلیه جك اولان اولاد و احفاده عدم انتقالی ایچون واقف طرفدن قیود و شروط بیلہ وضع اولنه بیلیردی .

ارتداد مشروع بر صورتده تأسيس و احداث اولنان بر وقفي کائن لم یکن حکمنده بر اقیور ایدی ایسه ده ینه مرتد اولان شخص دین مبین اسلامی ترک ایتد کدن صکره وقفدن مکمل صورتده وبلا موانع و مداخلات مستفید اوله بیلیدی (بحر، ردالمحتار جلد ۳ صحیفه ۵۵۷) دیگر طرفدن ارتداد ایدن بر قادین طرفدن احداث اولنان وقف مرقومه نك ارتدادینه رغماً صاعلام و غیر مختل قالیدی. ملاحظات مبسوطه، وقف مؤسسه نك ظهور اسلامدن اول عربستانده جاری و موجود بولنان قانون تعاملک بر جزئی اولدیغنه دائر اولان نظریه نك تدقیق و تعمیقنی استلزام ایدیور.

اوروپا حقوق شناسانی حقوق اسلامیه نك روما قانونندن مقتبس بولندیغنی اعتقادنده در، فی الواقع روما قانونی بر مالک بابادن اولاد و احفاده مؤبداً انتقاله مساعد ایدی فقط وقفه عائد اصول وقواعد اسلامیه نك روما قانوننه مستند بولندیغنی پك مشکو کدر. اوروپا حقوق شناسانی سالف الذکر ادعایینی اثبات ایچون عربلر ایله رومالیرک یکدیگر لریله اولان اختلاط و مناسبات تجاریه لریغنی و او زمانده روما دولتنک بر بحیره سی اولان شمدیکی بحر سفید سواحلنده کائن مختلف علوم حقوقیه مؤسسه لریغنی ذکر و بیان ایدیور لر. کرک روما قانوننک بر چوق جهاتده حقوق اسلامیه یه مشابه بولمنسی و کرک ژوستینیانک دورینه قدر بیرونده مشهور بر حقوق مکتبنک موجود قلمسی حقوق شناسان مومی الهمک بیاناتی بر درجه یه قدر محق کوستریور ایسه ده حقوق اسلامیه حقیقت حالده بسبتون بشقه و مستقل بر منبعدن نشأت ایتشد.

انکلز قانونی دخی حقوق اسلامیه یه مشاهد ر. حقوق اصلیه،

املاك قانونى ، امانت ، وقف و سائر حقنه انكليز قانونلى ايله
اسلام قانونلى آده سنده بر فرق يوقدر .

وقفك موضوعى مطلق صورتده بيلنمك شرطدر مراد اولنان
شى و ياخود شيلر حقنه بر مشكوكيت موجود اولورسه و احوال
متأخره نكده صريح بر صورتده تفسيرى ممكن اولمازسه بو وقف
كان لم يكن حكمنده قالير .

بر وقفك تأسيسى و ياخود اجراى حكم و تأثير ايتسى بر
تصادفدن ايلرى كمش ايسه بو وقف صحيح و معتبر اوله ماز .
بر وقف ، وقفك تأسيسى بر وقعك غير ملحوظ اولان ظهورينه تابع
براقبيله جك اولان شرائطن عارى اولمليدر . وقف بر هبه و تبرع
اولديني جهتله قيد و شرطه تابع اولمامليدر .

اموال غير منقوله نك وقف ايدلمسى خصوصنده فقهاى كرام
عموماً متفقدرلر . اموال منقوله نك وقف ايدلمسنه دائر فقهايينده بعض
اختلاف افكار موجود ايسه ده آنلرك اكثريسى بونك لهنده بيان
مطالعه ايلشلدردر .

اموال منقوله نك وقفى حقنه « رد المختار » نام اثر معتبرده
مندرج شو جمله يي عينا ترجمه ايتكى مناسب كوردم :

باركيرلرك و ياخود آلات و ادوات حربيه نك و قفك صحيح
و معتبر اولمسنه دائر بر كونه اختلاف افكار اولديني كبي بالطبع وقف
تشكيل ايدن اموال منقوله و مواشى حقنه دخی بر كونه اختلاف
افكار يوقدر . نته كيم وقف اولنان اراخى داخلنده بولنان مواشى دخی
اموال موقوفه يه داخلدر . بو قاعده احاديث مشهورديه مبتيدر فقط
سائر نوع اموال منقوله نك وقفك مشروعيتى حقنه اختلاف افكار

موجود در. ابو یوسفك فكرينه كورد اموال منقوله نك وقفى صحيح و معتبر دكادر. ابو محمدك اعتقادنجه مبادله ده، تجارتده و كار و كسبه استعمال اولنان عموم اشيانك وقفى مشروعدر. «هدايه» ده دخى مندرج بولنديغى وجهله ابو محمدك نظريه سى فقهائك اكثريسي طرفدن قبول ايدلمشدر. بوندن ماعدا بونظريه نك صحيح اولديغى «آصف» ده دخى ذكر ايدلمشدر. محبته ايله سيار، ابو محمد تبيعيت ايدرك اموال منقوله وقفك تماماً صحيح اولديغى بيان ايتمشدر.

ابو يوسفك افكارينه نظرا معاملات دادوستده مستعمل بولنان اموال منقوله نك وقفى مشروعدر. «خلاصه» ده انصارينك افكار و مطالعاتى قبول ايدلمشدر. انصارى امام زفرك تليذى و مريدى ايدى. «قاضى خان» امام زفرك، انصارينك فكرينى تصويب ايتديكنى ذكر ايدىيور. «باليه» دخى امام زفرك بويله برفكرده بولنديغى تأييد ايدىيور.

«المنخ» ده دياررومده درهم و دينارك يعنى اچهنك وقفى عادتك موجود بولنديغى و بووقفك بين الاهالى معاملات دادوستده استعمال اولنان عموم اموال منقوله وقفك صحيح و معتبر اولديغنه دائر اولان فتوايه يعنى فقهائك آراى عموميه سنه مستند بولنان و ابو محمد طرفدن وضع ايديان قاعده داخلمده اولديغى ذكر و بيان ايدلمشدر. بناء عليه درهم و دينار وقفك صحت و مشروعيتى اچون انصارينك روايتى وجهله يالكز امام زفرك حكمنه استناد ايتكه لزوم يوقدر. «بحر» صاحبي بولنان مولانا درهم و دينار (اچه) وقفك مشروع اولديغنه دائر برفتوى و يرمشدر. «المنخ» ده بسط و تمهيد اولنان فكر و مطالعه «رمى» نك فكر و مطالعه سيدر. سياحين و مسافرينه سود توزيى

ايچون براينك وقف ايدلسى بونك عادت اولدينى يرلرده مشروع و جائزدر . درهملك و طارتيلوب اولچولسى ممكن اولان اشيانك وقف ايدلسى مشروع و صحيح اولوب اولدينى انصاريدن سؤال اولمش و مشاراليه «اوت» جوابى ويرمشايدى . بونك نصل ونه صورتله اوله بيله جكنه دائر اولان سؤالده شو صورتله جواب ويرمشيدى :

« بونى استفاده لى بريوله قويه رق يعنى شركت مضاربه طريقه (يعنى بر شركت كه آنده بر طرف سرمايه و ديكر طرف سعى و عمل ايله هنر و معرفت تدارك ايدر) طارتيلوب اولچولسى ممكن اولان اشيا صاتيهرق اتمان حاصله سى شركت مضاربه و يا خود تجارت ياتيريله جقدر.»
آنفاً ايضاح اولدينى وجهله اموال غير منقوله نك وقف ايدلسى صحيح و مشروع اولدينى كې اولدجه برماهيت دائمي حائر بولسان اموال غير منقوله نك وقف ايدلسى دخی صحيح و مشروعدر .

وقفك دوام واستمراری

ايمدى پيش نظر تدقيق و تأمله النهج ديكر بر نقطه ده دوام واستمرار شرطك صحيح و معتبر بروقفك شرائط ضروريه سندن اولوب اولماسيدر . «فتاوى هنديه» بونى شو صورتله ايضاح ايديور :
« ابدیت بی نهایت یعنی دوام واستمرار ، عموم فقهانك فكر نجه وقفك بر شرطيدر . فقط ابويوسفك فكر نجه صحيح و معتبر بروقفك احداثى ايچون دوام واستمرارك صراحتاً ذكر ايدلسى شرط دكلدر كه بوفكر بك طوغرى و صحيحدر . بو الكافينك بياناته مستددر . »
«ردالمحتار» ك بياناتى دخی بومر كزدهدر . «ردالمحتار» وقفك مستمر

ودائی اولسی لزومنی درمیان ایتمکه برابر دوام واستمرار شرطنک
ذکرینه حاجت کورمیور . وقف حد ذاتنده دوام واستمراری
متضمندر؛ بناءً علی ذلك واقف کندوسنه عائد فلان مالک چوجقترلینه
وقف اولدیغنی اقرار ایدرسه وبشقه برشی سویلنرسه بووقف صحیح
ومعتبر اولور ووقفک وارداتی بوچوجقترلدن صکره فقرانک منفعتنه
ترك اولنور که فقرا هیچ بروقت اکسیک اولمز .

فقهای کرام وقفی ایکییه تقسیم ایتشلردر :

اولا عمومی یعنی مصالح عامیه، منافع عمومیه ویا خودمؤسسات
خیریه عائد وقف .

ثانیاً خصوصی یعنی برنجی قسمک احتوا ایتدیکی مقاصدک
خارجنده بولنان وقف .

خصوصی وقف دخی ایکییه منقسمدر : برنجی قسم هم عمومی
همده خصوصی بر ماهیتی حائز بولنان وقفلردر که بونلر قسماً امور
نافعه عمومیه وقسمآده برماهیت خصوصیهی حائز بولنان اموره
تخصیص واهدا ایدیلن وایکنجی قسمده برماهیت خصوصیهی حائز
بولنان مقاصده حصر وتخصیص اولنان وقفلردر .

اشبو اوچ نوع وقف حقوق اسلامیه عائد اک معتبر کتابلرایله
ثابت ومؤید بولندیغنی کبی فعلاً وعملاً دخی جاریدر . بوندن ماعدا
عموم عالم اسلامده بولنان فقهانک محرراتی دخی بومرکزدهدر .
حقوق اسلامیه حقنده تتبعات تاریخیهده بولنمش اولانلر بالاتفاق بیان
ایتشلردر که بو اوچ نوع وقف تماماً صحیح ومعتبر اولدیغنی کبی بالذات
حضرت پیغمبر دخی بونلری عمل بیورهشلردر و حضرت پیغمبردن
صکره خلفای راشدین ، صحابه کرام وممالک مختلفه اسلامیهدهکی

مسلمانلر ازمڼۀ مختلفه ده مذکور اوچ نوع وقفه تبعیت ایتشلردر.
 وقفدن کیملرک فائده مند اولدقلرینه کلنجه بوندن الکزیاده مستفید
 اولان ینه واقفدر. واقف بالذات کندي اوزرینه بروقف احداث
 وتأسيس ایده بیلیرکه بو کیفیت انکلز حکامنک دخی تمامیه مظهر
 تصویبلی اولمشدر. «ردالمحتار» ک بیاناته نظراً «کندي اوزرینه
 یاییلان وقف بر امرخیردن عبارتدر»

«هدایه» دخی بونقطه حقنده شو ملاحظه یی سردودرمیان ایدیور:
 «بر ملک کندينه تخصیص ایتک نیتی بر فعل تقوادر وتقوی
 ملک منافعنی کندي استعمالنه صاقلایان بر آدمک حال وموقعی ایله
 قائمدر. نته کیم حضرت پیغمبر بیورمشلردرکه (کندينه بر مدار
 معیشت تدارک ایدن آدم خیراتده بولنمش اولور) بویه بر آدم کندي
 اولادینه بطندن بطنه انتقال ایتک اوزره بر مال وقف ایده بیلیر. فقط
 برعائله احوال طبعیه دنویه اقتضاسنجه انقطاعه محکوم بولندينی
 جهته بو وقفدن الکصره مستفید اوله جق اولانلر ابنای بشر
 ارسنده وجودی هیچ اکسیک اولیان فقرادر. بو کیفیت وقفه عائد
 حجتده ذکر ایدلنزه بيله ضمناً استدلال ایدلمسی ضروریدر. الحاصل
 بروقفک بالآخره مطلقاً بر ماهیت دائمی حائز بر مقصده معطوف
 بولنه جغه دائر اولان شرطک ایفایی ایچون بونک فوائدینک الک
 نهایت فقرایه راجع وعائد بولنمسی قیدی لازمدر وبوقید تحتنده اولمق
 اوزره هر درلو اموال منقوله وغیر منقونک وقفی جائز ومشروعدر.
 صحیح ومعتبر بر وقفدن اوچ نتیجه حاصل اولیور. اولاً: بو،
 وقف ایدیلن مالک آخره نقل وفراغنی امکان خارچنده بر اقیر؛ ثانیاً:
 وقف اولنان مال حجتده ذکر اولندينی صورتدن بشقه برحاله تحویل

اولنه ماز ؛ ثالثاً : بو وقف مرور زمانه حکمدن ساقط اوله ماز یعنی حکمدار بونی اموال خصوصیه کبی آخره دور و فراغ ایدمزر .
 ائیدی فراغ و انتقال حقنده برایی سوز علاوه ایتک اقتضایدر .
 شویله که : وقف اولنان ملک آخره فراغ و انتقالی ممکن اوله مامسی بونک متولی و یا خود مدیر طرفدن صورت خصوصیه ده صاتیله مامسی دیمکدر . فقط وقف ایدیلن مال حاکم شرعینک قرار و تصویبی لاحق اولمق و مال مذکورک ائمان حاصله سی بر جهت نافعیه یا تیرلمق صورتیه سر بسته تداول ایدبیلیر . وقف مالی قاضی و یا خود حاکم قرار و موافقیله هم بیع هم مبادله اولنه بیلیر . بو کیفیت انکاتردنک « چانسه ری » محکمه سی حاکمرینه و یریلن صلاحیت و انکلیر اراضی قانوننامه سی موجبجه مستأجرلر قید حیات شرطیه اعضا اولنان حقوقه مقبوسدر . هندستانده اوقافه عائد احوال مماثلده متولیلر یا محکمه عالیله حکامنه مراجعت و یا خود باش مدعی عمومینک توسطنی طلب ایددرک اموال موقوفه نک فروخت و یا خود مبادله سی ایچون اقتضا ایدن مآذونیتی استحصال ایدرلر . بو صورته فروخت و یا مبادله اولنان وقفک ائمان حاصله سیله یکی بر وقف تأسیس اولنور . بروقف متولیسینک بر حاکمه مراجعت ایتک مجبوریتنده قلمسی حقیقه وقفک سلامت و محفوظیتته خادمدر . زیرا عکسی تقدیرده متولی هیچ کیمسه یه قارشو مسؤل اولمقمزین وقف مالی اسراف و هدر ایدبیلیر .

وقفک تاریخی

بر عائله مقاوله سی اولان وقف اک اول حضرت ابراهیم علیه السلام زماننده تأسیس ایتمشدر . نبی مشارالیه میلاد عیسادن تقریباً

۱۸۶۰ سنه مقدم «قرية الربى» ده کاٹن مقفله «کھف» مغاره سنی صاتون المشیدی . بومغاره بالاخره صورت دائمه ده حضرت ابراهيم عليه السلامك عائله سنده قالدى . كرك عربستان و كرك ممالك متجاوره اهايسى بو اصولى تصويب ايتدكلرندن املاكلرينك كندى عائله لرنده قالمسى ايجون حضرت ابراهيم عليه السلامك اثرينه اقتفا ايلديرلر . رسول اكرم محمد مصطفى «عليه اكل التحيات» افدمز حضرتلى ايستر موسويلرده ايستر عيسويلرده اولسون مفيد عد بيوردقلى هر شئي دائما تقدير بيورمش اولدقلى جهتله مذكور اصولى عرب قبائل بدويه سى ايجون تجويز ايلشردى .

بو كيفيت حقوق اسلاميه عائد آثار تأليف و تحرير ايدن بعض محررلى حضرت ابراهيم عليه السلام زمانيله اندن صكره كى زمانلرده وقفك موجوديتنى تحرى و تدقيقه سوق واماله ايتشدر .

هر نه حال ايسه وقف اصولى عربستانده ظهور اسلامدن اول موجود ايدى . عربستانده الآنده موجوددر . بواصول حقوق اسلاميه نك اوقدر مهم ولاينفك بر قسمنى تشكيل ايدىوركه دين مابين اسلام هر هانكى مملكته سايه ساز شرف و سعادت اولمش ايسه اوراده وقف اصولى بلا تعديلات جارى اولمشدر .

بوابده تفصيلاته كيريشمكه اشبو اثرك جمعى مساعد اولمديغندن يالكز آتى الذكر اوچ نقطه ينى ذكر و بيانله اكتفا ايدرم :

اولا: برمالك وقف طريقه بر كيمسه نك عائله سنه تخصصى اصولى مسلمانلره منحصر اوليوب غير مسلم وطنداشله دخى شامل ايدى . دولت اسلاميه التجا ايدرك طلب حمايه ايليانلرده ماللرينى وقف ايدى بيليرلردى . اشبو كيفيت وقفك عربستانده ظهور اسلامدن اول

مرعی الاجرا بر اصول اولدیغنه دلالت ایدر .

حضرت پیغمبر وقف اصولک فوائدی درپیش ملاحظه بیوردرق بونک دوامنه مساعده بیورمشار و یا خود بواسولک عموم عربستانده شدتله حکمفرما اولدیغنی ملاحظه بیوردرق بوکامداخله دن فراغت ایلمشاردر . وقف مسلمانلره مخصوص بر اصول اولش اولسه ایدی غیر مسلم وطنداشار ایله اجنیلر بوکا مساعده آله مزلدی اعتقادندیم .

ثانیاً : وقف اصولک عربستانده ظهور اسلامدن اول موجود بولندیغندن بحث ایدن « شیراه » شو صورتله بیان مطالعه ایدیور : « حضر پیغمبر بروقف مالک بیغک مشروعیتی تصویب بیوردی . بوندن شورامی آ کلاشیلورکه شریعت اسلامییه حضرت پیغمبر طرفدن نشر اولمهدن اول مالکیت مطلق ایدی . » (هدایه) فقط الک موثوق منابه نظرآ وقف اصولی عربستانده ظهور اسلامدن اول موجود اولوب حقوق اسلامییه عیناً ادخال ایدلمشیدی .

ثالثاً : « پروفورنوفال » ک فکرنبجه وقف اصولی برعائله مقاوله سی شکلنده اوله رق خلیفه هارون الرشید زماننده تمامیه تصدیق ایدلمشیدی . زیرا خلیفه مشارالیهک زماننده بویله وقفلر مکة مکرمه ده موجود بولنیور و بواسول ظهور اسلامدن اول عربستانده اراضی قانونک برجزوئی تشکیل ایدیوردی .

وقف اصولک حضر پیغمبر ایله خلفای راشدین طرفندن نه صورتله تلقی ایدلایکنه دائر برنبذه معلومات ویرمک فائده دن خالی دکلدرد .

بخاری شریفه نظرآ برکیمسه کندی چوجقلری ایله اقربا

و تعلقاتی اوزرینه بروقف تخصیص ایدرسه بووقف مشروع اولور .
ایکنجی خلیفه حضرت عمرک حضرت پیغمبردن بالاستیدان بویه
بروقف احداث و تأسیس ایتمش اولدیغنه دائر اولوب برچوق مباحثات
و مناظراته سمیت ویرمش اولان حدیث شریف دخی کتاب مذکورده
مندرجدر .

وقفک اصول و قواعدی « فتح القدیر » ده دخی ذکر ایدلمشدر .
امام « زیلعی » « فتح القدیر » ی تأیید و تأکید ایتمش و حتی صحابه
کرامدن « ارقم » کندی چوجقلرینه وقف ایتدیکی برخانه عائد
اولوب فقرايه دائر هیچ بر بخشی حاوی اولیان حجتک صورتی دخی
درج ایلشدر .

محکمه اعلاملرینی حاوی بولنان الک اسکی مجموعه خلیفه
هارون الرشید زماننده قاضیلک ایدن فقیه مشهور امام ابو یوسفک
حکملرینی احتوا ایدیور . بو مجموعهیه « فتاوی البرامکه » اطلاق
اولور . اشبو مجموعهیه نظراً هرکونه مقاصد مشروعهیه عائد بولنان
وقفلر مشروع عد ایدیلوردی . مقاصد مشروعه مذکوردهک
انقطاعدن صکره بو وقفلر هر درلو خیرات و مبراتدن بالآخره
مستفید اولان فقرايه انتقال ایدردی .

غزنه قاضیسی اولوب تقریباً ۶۰۰ سنه هجریه سنده شهرتکیر عالم
اولان قاضی جمال الدین احمدک اثری بولنان « حاوی الفتاوی » دخی
شوقاعدهیی : « برکیمسه کندی چوجقلرینه و یاخود محذوردن سالم هر
هانکی بر مقصده بروقف تخصیص ایدرسه بووقف مشروع اولور . »
صورتنده تأیید ایتمشدر .

۱ - الک بیوک فتاوی مجموعه سی فتاوی قاضی خاندنر . بونک مؤلفی امام

فخرالدين حسن بن منصور الاوزجندی الفرغانی در . مشارالیه هجرتك . ۵۷۲ هجری و میلاد عیسایك ۱۱۹۵ هجری سنه سنده اشهار ایتشیدی .
«فتاوی قاضی خان» هندستانده محاکم عالییه نزدنده فوق العاده معتبر بولندیجی جهتله کتاب مذکورك وقفه عائده جمله سنی بروجه آتی عیناً ترجمه ایتمکی مناسب کوردم :

«عراق قاضی ابویوسف بر آدمك شوصورتله وقف ایده بیلدیکنی بیان ایتشدرد : (بو اراضیم موقوفه و یا خود صدقه موقوفه در . بونك حاصلاتی بن بر حیات بولندجه بكا عائده اوله جق و بندن صکره مؤبداً چوجقلمه و چوجقلمك چوجقلمینه و آنلرك احفادینه و نسلم باقی قالدجه نسلمه عائده اوله جقدر . نسلم منقطع اولورسه بو حاصلات فقرایه تخصیص اولنه جقدر.) ایشته بوصورتله یا پیلان وقف مشروعدر .»

اون اوچنچی عصرده محاکم شرعیه دن صادر اولان حکملرك مجموعه سی اولان «ذاکرة الفتاوی» دخی سالف الذکر اصولی تأیید ایدیور . بوندن ماعدا ۱۳۳۹ سنه میلادی سنده تألیف اولتان «خزانة المفتین» ده و اون بشنچی عصر میلادی اواسطنه طوغری عراقده کسب صیت و شهرت ایتمش اولان «کمال الدین محمد السیواسی» طرفندن تألیف ایدیلن «فتح القدیر» ده دخی اصول مذکور ترویج و تأیید ایدلمشدر .

«ابوبکر الحصاف» ایله «هلال ابن یحیی» کبی مؤلفین مشهوره . ومعبره نك آثارینه استناداً «الاسعاف» نام کتابخی تحریر و تألیف ایدن . «برهان الدین ابراهیم الطرابلسی» دخی عین مطالعه یی سرد و بیان ایتشدرد .

۱۵۶۲ تاریخده تألیف اولنان « البحر الرائق »، ۱۶۵۶ تاریخده تألیف اولنان « فتاوی هندیه »، ینه تاریخ مذکورده « علاءالدین اسحقصکفی » طرفندن تألیف اولنان « درالمختار » و شامی دییه یاد اولنان « حاشیه ردالمختار »، ۱۶۸۶ده تألیف ایدیان « فتاوی الانقروی » و اون سکرنجی عصرده تألیف اولنان « مشرع الانوار » کبی آثار و مؤلفات معتبره نفع و فائده سی بالاخره فقرايه عائد اولمق شرطیه برعائله مقاوله سی اولان وقفك مشروعتنی بالاتفاق تأیید و تأکید ایدیور .

۱۸۴۱ سنه سنده بیوک برائر دها انتشار ایتشدر . بو اثرک مؤلفی بولنان « ابن عابدین » صحیح النسب ساداتدن اولوب شامده تولد ایتمشیدی . « العقود الدریه فی تنقیح الفتاوی الحامدیه » نامیه معروف بولنان اثر مذکور امام ابو حنیفه حضرتلرینه هجرتک یوزنجی سنه سنده فقه تدریس ایلش اولان حمید ابن سلیمان حضرتلری طرفندن اعطا اولنان حکملری جامعدر . بو کتابه نظراً نفع و فائده سی الک نهایت فقرايه و یاخود مؤبداً بر مقصد خیره عائد اولمق اوزره بر کیمسه طرفندن کندی اولاد و احفادینه بر مال وقف ایدیلیرسه بو وقف مشروع اولور . اشبو قاعده نك هجرتک یوزنجی سنه سنده حقوق اسلامیه نك بر جزؤ متممی تشکیل ایتدیکی کتاب مذکورک جمله بیاناتنددر .

آنفاً ایضاح اولندیغی وجهله حاصلات وقفیه نك الک نهایت فقرايه عائد اولسی صریح و یاخود ضمنی اوله بیلدیکی جهتله بونك فقرايه عائد اولدیغی ذکر ایدلمزسه بیله ینه وقف مذکور صحیح و معتبر اولور . آنفاً ذکر اولنان کتب معتبره دن وقفك مشروعتی حقنده

شورای تحقیق ایدیورکه عالمه نامه بر مالی وقف ایتیمک اصول و عادتق ظهور اسلامدن برو عربستان ، هندستان ، ایران ، مصر ، افغانستان ، آسیای وسطی و سائر ممالک اسلامیه ده جاری اولمشدر . ممالک عثمانیه ده دخی بوندن بر عصر مقدم (« دوسون » لک « تاباو ژدنرال » نده مندرج اولدینی وجهله) وقف اصولی ماده ماراللیان اصول و عادتق عینی ایدی . شافعی ایله شیعه مؤافقیری حنفی مذهبده بولنان فقهانک نظریه لرینی نایتله تأیید و تصویب ایدرلر . وقفه عالمه حقوق اسلامیه حقنده بو اثرک وسعتی نسبتنده تفصیلات کافیه اعطا ایدلدی .

ایمدی هندستانده محاکم عالیه ده رؤیت اولنان مشهور درت وقف دعواسی حقنده کی مطالعاتی بیان ایتیمک ایسترم : بودعوالرک ایکسی حقوق اسلامیه مغایر اولدیرق رؤیت ایدلمشدر . واقعا بونلری سیاست و مصلحت اقتضاسنجه بو صورتله حل و رؤیت ایتیمک لازم کلدیکنه دائر اولان ادعایه برشی دیهمم . « جوان داس ساهو » ایله شاه کیرالدین آره سنده تحدت ایدن برنجی دعواده حاکم شو صورتله اعطای حکم ایتشیدی : « حقوق اسلامیه موجبسنجه امور دینه و یاخود خیریه صحیح و معتبر بر وقف تشکیلی ایچون بو وقفه عالمه حجتده « وقف » تعیرینک استعمالی ضروری دکدر . البریرکه بو حجتک ماهیت عمومیه سندن بویله بر معنا استدلال اولنه بیلسون . »

ایکنجی دعوی « احساناه چودهری » ایله « امرچند » آره سنده تحدت ایتشیدی . بودعواده حاکم « مظهر الحق » ایله « مهپنار » آره سنده کی دعواده حاکم موسیو « کهمپ » طرفندن اعطا اولنان حکمه اتباع ایشلردی . بو حکم من جهة حقوق اسلامیه توافقی

ایتمامکله برابر بر عائله مقاوله سی طرزنده اولان و قفک غیر صحیح و غیر قانونی اولمديغنی مؤید و متضمن ایدی . حکم مذکورک بر فقره سنی بورایه عیناً نقل ایدیورم :

« محکمه صحیح و معتبر بر وقفک تشکیلی ایچون اقتضا ایدن شرائطی بوراده صورت قطعیده تعریف ایدهمیه جکی کبی وقفک صفت و ماهیت خیریه سنه اصلاً خلل کیکسزین واقفک عائله سنک استفاده سنی تأمین ایچون نه کبی احکام وضع ایتمک لازم کله جکینی ده تصریح ایلیمز . بوندن ماعدا محکمه ، واقفک اولاد و احفادی تماماً دوچار انقطاع اولدقندن صکره جهات خیریهیه حصر ایدینه جک اولان مالک وقفک خیالی و عبث اولوب اولمديغنی حقنده بر مطالعه بیان ایتمک مأمور دکلدرد . نته کیم بونقطه حقنده هندستانده متباین قرارلر اتخاذ ایدیه کمشدر . دیگر طرفدن محکمه واقفه عائداً املاکدن عائله سنک مستفید و متفیع اولملری شرائط وقفه موافق اولدیغنی اعتقادنده در . محکمه حقوق اسلامییه موجبینجه بر وقف مالک امور خیریهیه حصر و تخصیص اولنه . بیلمسی ایچون بوکا بر زمان تعیینی لازم کلیه جکینه دائر بر دلیله دسترس اولماشدر . »

ایشته بو حکم حقوق اسلامییه مغایردر و حجتک مال و مفادی ایسترصریح ایستر ضمنی اولسون اک صوکنده نفع وفائده سی فقرايه حصر اولنه جق اولان وقف صحیح و معتبردر . بر وقفک صحیح و معتبر اولسی ایچون فقرانک بوندن فلان وقت متفیع اوله جغنه دائر بر صراحت لازم دکلدرد .

اوچنجی دعوی «نظام الدین» ایله «عبدالغفور» آره سنده تکیون ایتمش ایدی . بودعواده اتخاذ اولنان قرار حقوق اسلامییه تاممیله موافق

ایدی انحق بر نقطه ده برسوء تفهم ظهور ایتمش ایدی.
قرار مذکورک حقوق اسلامییه توافق اتمان نقطه سی شوندن
عبارت ایدی :

« حقوق اسلامییه موجبنجه بروقفنامه وقف اولنان مالک فلان
تاریخده ویاخود فلان تاریخدن اعتباراً امور وجهات دینیه و خیریه
عائد بولنه جغه دائر برصراحتی حائز بولنمازسه صحیح و معتبر اوله ماز. »
ایکنجی دعوایه عائد قرار حقنده کی مطالعه مزی بوراده تکرار
ایده لم : بروقفنامه یعنی وقف سندینک شرعاً صحیح و معتبر اوله بیللمسی
ایچون بونک وقف اولنان مالک فلان تاریخده ویاخود فلان تاریخدن
اعتباراً امور وجهات خیریهیه تخصیص اولنه جغه دائر برکونه صراحتی
حاوی بولنمسی ضروری دکدر. مال مذکورک انک نهایت امور خیریهیه
عائد بولنه جغی بونک حد ذاتنده وقف ایلمسندن مستدلدر.

دردنجی دعوی « ابوالفتاح » ایله « راسمیه » آرسنده تکیون ایدن
دعوادر. حاکم برودعوانک اثنای رؤیتده حقوق اسلامییه بتون
بتون مخالف حرکتده بولنشلردر. آنلر « بر آدم کندی عائله سی
افرادینک فقر و ضرورته دوچار اولما ملری ایچون بروقف تخصیص
ایدرسه بووقف فقرایه صدقه و خیرات ویرمکدن دها دیندارانه بر
حرکتدر. » و « بر آدمک ویردیکی صدقه لک الایسی کندی عائله سنه
ویردیکی صدقه در. » یولنده مدافعه وکیلی طرفندن سرد ودرمیان
اولنان مطالعاته « مدافعه وکیلی طرفندن سرد ودرمیان اولنان مطالعات
موهوم بر ماهیتی حائز کتابلر ایله متنلره و مومی ایله طرفندن ذکر
ایدیلن مثالر دخی پک ناقص و غیر کافی ثبوت و دلایله مستندر. »
یولنده مقابله ایلشلردی .

مدافعه وکیلنک سرد ودرمیان ایتدیکی مطالعات کتب فقهیه به مستند ایدی. جمله جه معلوم اولدینی وجهله روما قانوننده اولدینی کبی حقوق اسلامیه ده دخی اصول وقواعددن باحث بولسان متلر محتاج تفسیر وایضا حدر. اصول وقواعد مذکور دنک تفسیر وایضاحی ضمننده شمدی به قدر خیل آثار انتشار ایتشدر. بونلرک کافه سی وقفک عموم ممالک اسلامیه ده موجود بولندیغنی اثبات ایتشدر.

وکیل مدافعک ذکر ایتدیکی مثاللره کلنجه: بونلر ده ناقص و غیر کافی دکلدی. زیرابو مثاللر «فتاوی هندیه» ده موجوددر. ظهور اسلامدن برو محاکم شرعیه طرفندن اعطا اولنان حکملر فن طباعتک فقد انندن ناشی ال یازیسیله ضبط و محافظه ایدیلیوردی. نته کیم عین حال انکلتړه ده وسائر اروپا ممالکنده دخی موجود ایدی. فقط فقیهلرایله محدثلر بونلری برآردیه طویلامش و بونلره «کتب فتاوا» عنوانی ویراشدر. ایشه کتب فتاواده ذکر اولنان حکملر حکام شرعیه ایچون مثاللر تشکیل ایدر. انکلتړه دنکلنز حکامی دخی عین مثاللره تبعیت ایتیمورلرمی؟

موضوع بحث اولان دعوانک اثنای رؤیتده حاکملر عادی هبه ایله وقف آردسنده بر مبانیت موجود اولدیغنی بیان ایتدیلر. واقعا بونلرک بری الله ایله قول آردسنده و دیگری ده یالکز قوللر آردسنده وقوعبولور معامله لر دندر. فقط بومبانیت مذکور دعوايه بر تأثیر اجرا ایده مز. ظن اولندیغنه کوره هبه در حال اجرا اولنور ووقت آخره تعلیق اولنماز. فقط هبه ده ایکی درلودر: بری هبه بالعوض و دیگری هبه بشرط العوض. هبه بر مالک بشقه بر آدمه ابدیاً نقل و فراغ ایدلمسی دیمکدر. هبه بالعوض ایله هبه بشرط العوض بر مالک بر مدت.

معينه ايله آخره نقل و فراغ اولمسی ديمکدر.

ایمدی انگلیز قانونی ايله شریعت اسلامییه آردسندده کی فرقی ایضاح ایدم: انگلیز قانونی برطاقم تعاملات و عاداته مستند اولدینی حالده شریعت اسلامییه اصول و قواعد دینییه مستنددر. مسلمانلرک دین ايله قانونلری یکدیگریله اوقدر مخلوط و ممتازدرکه بونلرک یرینه انگلیز قانونی احکامنک اقامه ایدلمسی اهالیء اسلامییه جه حسن صورتله تلقی اولنه ماز.

بنغاله محکمۀ عالیہ سی اسبق باش حاکمی « سیرقومرچی رام » ک تکلیفی وجهله حکومت محلیه حکام عدلیه نک مراقبه سی تحتد بولمق اوزره « نفع و فائدہ سی بالآ خرد فقرايه عائد اوله جتی اوقاف معاملاتنی ايله اشتغال ایتک اوزره براوقاف اداره سی » تشکیل ایتلیدر. بوقیل اوقاف اداره لرینک مصر ايله ممالک عثمانیه ده موجود بولندیغی وارسته ایضاحدر.

۳

مقوق دول اسلامیه

« ژوستیان » ک وفاتندن یتش سنه صکره روما ایمپراطورلغنک حاکمیتی آتنده هیچ بروقت بولنماش اولان عربستان چوللرندن خروج ایدن عربلر مذکور ایمپراطورلغه یايلمغه باشلادیلر. عربلرک فتوحاتی آسیا ايله آفریقاده ایرانیلر ايله تورانیلرک فتوحاتندن دهابیوک برمدنیت تأسیس و اقامه ایلدی.

عربلر عادات و تعامل بین الدول خصوصندده اولیه غرب مورخلر- ینک حکایه ایتدکلری کبی « یااسلامی قبول یاخود اولوم » تکلیفنده

یولنهرق بی رحمانه تخریبات و مقاتلاته اصلاً تصدی ایتماشلردر. فی الواقع فتوحات عرب ائناسنده بر قاج دفعه جبر و شدته مراجعت اولنمشیدی. فقط بونلر بر طاقم وقایع نادره واستثنائیهدن عبارت ایدی.

عربلر عمومیت اعتباریله دشمنلرینه قارشو بیوک بر اثر مدنیت ابراز ایتماشلر و معاملات انسانیتکارانهده بولنمشلردر که بو حال اسکی یونانیلر ایله رومالیلرک اطوار و معاملاتیله مقایسهیه جداً شایاندر. شامک فتی ایچون اعزام اولان مسلمانلره برنجی خلیفه حضرت ابوبکر طرفدن ویریلان تعلیمات عربلره تاریخ حقوق دولده ابدی بر موقع تخصیص ایتمشدر. تعلیمات مذکوره شومالده ایدی :

« سز دشمنلرکزه میدان معرکه ده ملاقی اولدیغکز زمان تام مسلمانلره لایق اولدینی صورتده حرکت ایدیکز واسماعیلک حقیقی اولادی اولدیغکزی اثبات ایتکی خاطر لرکزدن چیقارمیکز. اردونک مشیاتنده و محارباتده سنجاقلرکزی دقتله تعقیب ایدیکز و امراکزه دائماً مطیع و منقاد اولکز. دشمنلرکزه تسلیم اولمیکز. قانمیکز. بو آنلره آرقه کزی چویرمیکز. چونکه سز حق اغورنده محاربه ایدیورسکز. عظمت و جلالت کبریائی تأیید ایتک ارزوی نجیی سزی محاربهیه سوق و تشویق ایدیور. بناءً علیه محاربهیه کیریشمکدن قورقمیکز و دشمنلرکزه کثرت مقدارندن طولایی دوچار خوف اولمیکز. جناب حق سزه مظفریت احسان بیوررسه بو مظفریتی سوء استعمال ایتمیکز و سزه تسلیم اولانلرک قانیله قنجهلرکزی تلویث ایتمکدن صاقینکز. اعدا کز میاننده تصادف ایده جککز چوجقلر ایله قادینلره و معلول اختیار آدملره طوقنمیکز. دشمن اراضیسندن کچدیکز زمان خرما و سائر میوه اغاجلرینی کسمیکز. محصولات

ارضيه بي تخريب ايتمکنز . تارالاری خراب واما کنی احراق ایتیکنز . دشمنلرکزک انباردن انجق احتیاجاتکنز قدر ذخیره آیکنز . بلالزوم تخریباته میدان ویرمیکنز و فقط دشمنک بلده سنی ضبط و اشغال ایدیکنز . اگر دشمنلرکزله ملجا تشکیل ایده جک ماهیتده بریر وارسه انی تخریب ایدیکنز . اسیرلره و مرحتکنزله دخالت، ایدنلره شفقت و مرحتله معامله ایدیکنز . تا که جناب حق سزدهده بویله بر حال و موقعدهده بولندیگنز زمان عینی معامله بی نصیب و میسر بیورسون . مع مافیه ارباب کبر و نخوت ایله احباب بغی و عصیان آیاق آلتنده ازیکنز و بین ایله کیریشمش اولدقلری شرائط و تعهداتی تقض ایدیلانلرک کافه سنی تنکیل و تدمیرده قصور ایتمکنز . دشمنلرکز ایله عقد ایده جککنز معاهداتده خیانت و یاخود ساخته کارلغه میدان ویرمیکنز . هرشیده وفاکار اولیکنز . طوغری ، مستقیم و نجیب اولدیگنزی دأما اثبات ایدیکنز . سوزیکنزی و وعدیکنزی حقیله محافظه ایدیکنز . راهبر ایله کشیشلرک سکون و حضورلرینی اخلاص ایتمکنز و اقامتگاهلرینی تخریب ایتیکنز . مع مافیه سزک وضع ایده جککنز شرائطی رد ایله جک اولانلری اولوم جزاسیله تجزیه ایدیکنز . »

حضرت ابوبکرک تعلیماتی صکردهلری عرب جنراللری طرفدن دخی دستور العمل اتخاذا قلمشیدی . اسپانیایی استیلا ایلان طارق صلحچرور و غیر مسلح اولان اهالیله طوقونلامسنى و یالکنز مسلح بولانلره هجوم ایدلمسنى و نهب و غارتک هجومه معروض قالان شهرلره میدان حربیه منحصر قالمسنى امر و تنبیه ایلشیدی .

عربلرک محاربه یه عائد اولان عادت و تعامللری معاصرلری بولنان، فرنکارک عادات و تعاملاتی ایله مقایسه ایدلده اولکیلرک بریکلره

نسبتله فوق الغاده رحیمانه اولدینی تین ایدر . واقعا بربرستانده کی « قاهینه » و « سنید » ده کی « داسترو » کبی عربلر طرفندن فتح ایدیلن ممالکک حکمدارلری اعدام اولمش وعاصیلر ایله باغیلر حقنده اعدام ، اشکنجه وسائر کبی معاملات ظالمانه روا کورولمشیدی . فقط بو معاملات شدید یالکز اشخاص مهمه یه منحصر ایدی . عربلر کتله عوامه قارشو فوق العاده شفقت وملایمت ابراز ایتشلردر . عربلر یالکز ائتلاف مصلحانه شرائطی قبول اولمדיنی زمانلر اراقه دم وفدیة نجات کبی آغیر شرائطه مراجعت ایدرلردی . بونلر خارجنده عربلر شدید وجبری بر مقاومت فعلیه کورمدکجه مقاتلاته هیچ بر زمان میدان ویرمه مشلردر .

تخریبات شدتله تلغین ایدیلوردی . عرب قوماندانلری تارالارک تحریبنی ، شهرک احراقی ، غیر مسلح آدملرک قتلنی ، مدافعه سزقالان قادینلر ایله چوجقلرک اسیر ایدیلهرک کوتورلمسنی انحق احوال نادره واستثنایه ده کرها تجویز ایتشلردر . جاسوسلره بیله اهتدا ویاخود اولوم تکلیف ایدیلوردی . دردنجی خلیفه حضرت علی مسلمانلری میدان حربدن فرارایدن بر ملتجی قتل ویا آنی بر میل بعدمسافه دن زیاده تعقیب ایتمکدن ویاخود بر محاصره یه بر مدت معینه دن زیاده دوام ایلکدن منع ایلشیدی . عصر حاضرده کی فرنکلرک - محصولات وحبوباتی تخریب ، بلاد وقصباتی بلامرحت نهب وغازت ، مسکنلری احراق ایتک وهرنوع اشجاری قطع ایلک کبی - عادات حربیه لری عربلر طرفندن اصول وقواعد منتظمه حربیه یه مغایر عد اولنور وبو کبی حالاته تجاوزات وحشیانه نظریله باقیلردی . نته کیم عربلر آنکلتره ایله فرانسه واسپانیا سواحلی نهب وغازت ایدن

« شمال آدمیری » نه « وحشیلر » تسمیه ایشلردی .

سربستی افکار و عقائد دینه عربلرک اصول و قواعد حربیه لرند .
بر عامل دیگر ایدی . تمالك مفتوحه اهالی نصرانیه سی کندولرینه
عائد اراضیدن هر وقت استفاده ایشلر و اجرای آیین مذهب خصوصند
سربستی تامه نائل اولمشلردر . قرطبه ایله طلیطه بلده لرند و دیگر
بلاد عربیه ده متمکن نصرانیلر ایله موسویلر ذکره شایان بر معامله
احترامکاری به مظهر اولمشلردی .

حضرت پیغمبر صدق و وفای صریح بر صورتده امر بیورمشدر .
عربلر آیات جلیله قرائنه دن بولسان « مقاوله لרכזی محافظه ایتک
خصوصند صادق و وفاکار اولکز ، زیرا جناب حق بونلرک حسابی
سزدن ایستیه جکدر » امر جلیله کمال شدله تمسک ایشلردی . حالبوکه
« قه زویست » لر بوکا مقابل عربلره قارشو صدق و وفاتک عدم ایفاسی
لزو مننه دائر بر قاعده وضع ایشلردی . یولجیلر ایله سیاحلر اجرای
سیاحت ایچون سربستجه رخصت آله بیلیرلردی و بو رخصت خلافتده
اصلا بر معامله ایدلمزدی . ۷۹۷ سنه سنده خلیفه هارون الرشید ایله
شرقی ایمپراطورلق آره سنده عقد اولنان بر معاهده نامه به خلیفه
مشار ایله ، طرفین عاقدینجه اسیرلر مبادلده اولندقدن صکره اللرنده
قاله حق فضله اسیرلرک بر مبلغ معین مقابندده تخلیه سیلیرینی متضمن
بر فقره علاوه ایشیدی .

قرون وسطاده عربلرک اصول و عادات حربیه لری عموم عالم مدنیته
بر مثال تشکیل ایشیدی . غربیلرک عادات وحشیانه حربیه لری
عربلرک عادات و اصول حربیه لرینه طبان طبانه ضد ایدی . اولکیلر
نه قدر قبا و خونخوارانه ایدی ایسه بریکیلرده اودرجه ملایم و رحیمانه

ایدی . اندلس امراسی بعضاً مجبوراً و یا خود بر ضررہ قارشو بر مقابلہ اولق اوزرہ معاملہٴ جبر و شدتہ مراجعت ایدرلردی . فقط عمومیت اعتباریلہ عربلر کرک مقاولات و تعہداتہ صادق قالمق خصوصندہ و کرک اصول و قواعد حربیہ نک تطبیق و اجراسی امرندہ خصملری بولنان « ویزی غوتنر » ایلہ فرنکلرہ فوق العادہ فائق ایدیلر .

فرنکلرک مسلمانلرہ « طولون » محاربہ سندہ ایتدکلری معاملہٴ یی بر کرہ پیش نظر تاملہ آلہ لم : فرنکلر بو محاربہ دہ مسلمانلرہ ذرہ قدر مرحمت کوسترمیدیلر . « عیدہ » محاربہ سندہ « بیوک کوچوک » عموم مسلمانلر قتل اولندی . « غواوالت » محاربہ سندہ اسیر ایدیلان مسلمانلر بلا استثناء اتلاف ایدلدی . « فردیناند دوفاستیل » « بلا » یہ دخول ایتدیکی زمان اورا اہالیٴ اسلامیہ سی بلا تفریق جنس و سن عمومیتہ قلیچدن کپیرلدی .

ایشتہ بووقایع مؤسفہ ، محاربہ یہ کیدن مسلمانلرک وظائفہ دائر ۹۶۳ سنہ سندہ « الحکم بن عبدالرحمن » طرفدن اعطا اولنان تعلیمات ایلہ مقایسہ ایدیلر سہ عرب قوماندانلرینہ ویریلان اوامر و تعلیمات انسانیتکارانہ نک قدر و قیمتی درحال پیش انظار دہ تجلی ایلر .

« الحکم بن عبدالرحمن » طرفدن ویریلان تعلیمات شو مالدہ ایدی : « دینمزک دشمنلرینہ قارشو جہاد ایتک ہر مؤمن معتقدک وظیفہ سیدر . آنلرہ دین مبین اسلامی قبول ایتلری ایچون تکلیفدہ بولنمیدر . اما بوتکلیف مسلمانلر محاربہ یہ باشلادقلری بر صر دہ وقوعبولمہ ملیدر . آنلر مسلمانلغہ احوال سائر دہ دعوت ایدلمیدرلر . شاید دعوت واقعہ یی رد ایدرلر سہ حکومت اسلامیہ نک زیر ادارہ سندہ بولنان غیر مسلملر ایچون تنسیب و تعیین اولنان ویرکورادہ سندہ برویرکو

ویرمکه مجبوردرلر. اگر دشمن دین مبین، مسلمانلره ایکی قات فائق دکل ایسه میدان حربده آرقه سنی دشمنه چویرن برکیمسه خائن و خائف اولدیفنی اثبات ایتمش اولور. بویله برکیمسه هم دینیزه قارشو معاصی اولور همده ناموس و شرفیزی اخلال ایش بولور. مسلمانلر برشهری ضبط و اشغال ایتدکلری زمان اوراده کی قادینلری، چوجقلری و اختیار آدملری قتل و اتلاف ایتاملیدرلر. برمسلمان، برحیات منزویانه امرار ایدن راهبر ایله کشیشلره هجوم ایتاملیدر. مع مافیه بوراهبر ایله کشیشلر منافع اسلامیه مضر اوله حق صورتده برمدافیه و مقاومت ابراز ایدرلرسه آنلره هجوم ایتک جائزدر. امن و حفاظتی کیملره وعد ایتدیکرسه آنلره تجاوز ایتکیز و بتون تعهداتکزی و بالعموم مقاولاتکزی ایفا و اجرایه دقت و اعتنا ایدیکز. جنرال طرفندن اعطا اولنان مرور تذکره لرینه عموم طرفندن رعایت اولنه جقدر. مرور تذکره سنی اخذ ایدنلره هیچ برکیمسه ایلیشمیه جکدر.

شدید بر اصول حرب اتخاذا ایتمش و «الحکم» ک کیریشمش اولدیفنی معاهداتی رد ایش اولان المنصور بیله صلح پرور و غیر مسلح اهالییه جبر و شدت استعمالنی منع ایتشیدی.

عربلرک اصول و عادات حربیه لری «مرابطون» زماننده بر از سرت ایدی. «یوسف بن طقسفین» دشمنه دین اسلامی قبول، جزیه اعطاسی و یاخود حرب شقلرندن برینی تکلیف ایتدی و آلتنجی «الفونسو» یه مخاصمانه ابتدار ایچون برکون مهلت تمین ایلدی. فقط «الفونسو» شرائط مقاوله یی تقض ایله مواقع مهمه عسکریه یی الده ایتک ایچون وقت معیندن اول حربیه مباشرت ایتدی.

« الفونسو » نك جنرالرينك ظلم واعتسافاتی او قدر شدتلی ایدی که اسپانیالی عربلر ایله او و قتده کی « قرطبه » مورخلری بونلری مؤاخذه ایتشلر و بوجنرالارک حال و حرکتلرینه « حقانیت و تعهداتک اخلاالی » نامنی ویرمشلردر .

عرب حکمدارلری ایله جنراللری قادینلرایله چوجقار و اختیارلرک صحابت و حمایه اولمنسنی شدیداً اخطار و تنیه ایدیورلردی .

حضرت پیغمبر هر نه وقت دشمنه قارشو بر هیئت سفریه اعزام اولندی ایسه شو امری اعطا بیوریوردی :

« الله نامنه یوروییکز ، آلهک عون و غایتیه و رسول اللهک « دینی حرمتنه یوروییکز ، محاربه ایتمه قدرتی اولمان اختیار آدملر « ایله چوجققلری وقادینلری قتل و اتلاف ایتیکز ، یکدیگرکزه انی « معامله ایدیکز زیرا جناب حق حسن عمل صاحبی سور . »

حضرت پیغمبرک فقرا و بیچارکانی الک زیاده دوشوندکلری « حضرت خالد بن ولید » اعطا بیوردقلری شو : « هیچ بر قادینی و عملیه نی اولدیرمه » امریله مبتدر .

اسرای حربیه نی صیانت و حمایه ایتمک عرب محاربلرینه مخصوص بر شیمه ایدی . « خالد بن ولید » « جوهیمه » قبیله سنه منسوب اسیرلری اعدام ایتدیکی زمان رسول اکرم بوکا فوق العاده متأثر اولمش و روایتیه نظر آ شو : « یا الله خالدک یادیغنه مغبر اولدیغمی سکا سویلیورم » کلانمنی صرف بیورمشدر . « ابوطالب » ک قیزی « ام حنیفه » غیر مسلم بولتان زوجنک اقرباسندن ایکی کشتی نی حمایه ایتمش و حضرت پیغمبرده بو حمایه نی تصدیق بیورمشیدی .

ایشته بوندنده آکلاشیلیورکه بین الدول جاری اصول و عادات

حریبه نك شیعديكي درجه مترقيہ سی و خاصه انسانیتکارانه سی فخر کائنات افندمره مخصوص بر صفت ممتازہ ایدی .

حقوق دولك ايكي متباقی قسمی اولان صلح ايله بیطرفلق قواعدی عربلرده درجه مطلوبهده ترقی و تکمیل ایتماش ایدیسهده آنلر تعهداتلرینه دائماً رعایتکار اولدقلری جهتله صلح و مسالته و یاخود بیطرفلغه قارشو ایوم بر قباحث عد اولنان اصول و عاداتک بر چوغندن توقی واجتناب ایدرلردی .

حضرت پیغمبر حدییه معاهده سندن صکره مکایلره قارشو دستورالعمل اولمق اوزره مسلمانلره بروجہ آتی نصایحده بولندی :

« یمینلر کزه صادق اولیکیز . زیرا اسلامده یمینلره و تعهداته بیوک
« صداقت موجوددر متنبه اولکیز ، بر کیمسه امان
« ویردیکی بر کیمسہ یه اذا وجفا ایدرو یاخود و عیدنی نقض ایلرسه و یا
« بر کیمسہ یی قدر تنک یتدیکندن فضلہ برشی یایمغه اجبار ایدرو یاخود
« بر کیمسہ دن رضا و آرزوسی اولمق سزین بر شی اخذ ایلرسه بن
« آخرتده اول کیمسہ نك خصمی یم . »

نصایح پیغمبری قانون حکمنده ایدی و بونلره شدتله تمسک اولنوردی . احکام معاهداتدن بولنان تعهداته حرفیاً رعایت اولنور و بعضاً بو تعهدات اقتضاسنجه عربلر ، دوست و متفقلرینک دشمنلرینه قارشو حرب ایدرلردی . عربلرک دوستلری اولیان ملتلك ایلچیلرینه قارشو ابراز ایتدکلری حرمت و نزاکت آنلرک نه دوست نه ده دشمن اولماق کبی متوسط بر موقعک موجودیتنی تقدیر ایلدکلرینه بر دلیل قویدرکه بیطرفلق قاعده حاضره سی ده ایلچیلرک شخصلرینه مخصوص

اولان حرمت و رعایتك متخاصم ملتلك اردولرینه نقل؛ و تشمیل ایدلمسندن تولد و انبعاث ایلشدر .

بر مسلمانك مشروطیت عثمانیه صفندی کی مطالعاتی

ماكدونیا احوالك مداخلات دولیه نتیجه سی اوله رق کسب ایتدیکی شکل وخیم عالم اسلامی پك زیاده دوچار اندیشه ایتشیدی . زیرا ، هر نه دنیلیرسه دنیلسون ذات حضرت پادشاهی عموم مسلمانلرك خلیفه سیدر . هندستانده انتظام و آسایشك محافظه سی خصوصنده حكومت محلیه به بالدفعات ایضای معاونت ایتش و کندیلرینی عناصر اختلالیه و فسادیه دن دائماً اوزاق طومش اولان هند مسلمانلری انگلتره نك حكومت عثمانیه قارشو اتخاذ اولنان تدایر جبریه و بد خواهانه یه اشتراك ایتسنه نظر حیرت ایله باقیورلردی . اهالی مرقومه بر حال تردد و اشتباهده قالدی و انگلتره نك وضعیتنی بر درلو آكلا . یه مدی . فقط «هوانك اك قراكلق زمانی شفقدن اول اولدیغی» فحواسنجه هندیلرك یأس و اندیشه لری ده بردن بره مبدل سرور اولدی .

مدت مدیده دنبرو تعطیل ایدلمش اولان قانون اساسی عثمانینك یکیدن موقع تطبیقه وضع ایدلدیکی دنیانك هر طرفده اعلان ایدلدی . عالم اسلامك افقنده مشهود اولان قره بلوطلر نهان اولدی وظلمت یرینه پارلاق بر ضیا کلدی . انگلتره خارجیه ناظری طرفندن او صروده وقوعبولان بیانات خیر خواهانه انگلتره ایله دولت عثمانیه آرمنده دها صمیمی بر مناسبتك تأسیسی امید و اعتقادینی بخش ایلدی . بویله بر مناسبتیه عطف اولنان فوائد و منافع هم متعدد همده مبالغه دن بریدر . ژاپونیانك قوت و سطوتی انگلیز - ژاپون اتفاقی وجوده

کتیردی. دولت عثمانیه نك قوت و سطوتی ایسه یالکیز انکلیز - عثمانلی
اتفاقه دکل بلکه هم عالم اسلامده همده انکلترده بر دورۀ رفاه
و سعادتۀ خادم اوله بیلیر .

ادارۀ مشروطه فکری ایله معناسی اسلامه بیکانه دکلدی . حضرت
پیغمبر حکومت تشریعیه اصولدن استحصال اولنه حق فوایدی تصدیق
بیوردی . اکر بخامیه نك محاسده و وفاسزانی - که صفین و نهروان
محاربه لرینی انتاج ایتدی - مانع اولماش اولسه ایدی اصول تشریعیۀ
اسلامیه حکومت تشریعیۀ نك مادری اولمش اولوردی . عربلر اوتوزسنه
ظرفده احکام و اصول عالیۀ تشریعیۀ نك تکملانی خلیجه ایلر و تمشلر
وبویله بر شکل ادارۀ نك قیمت لا تحمسانی تقدیره موفق اولمشلردی .
چونکه حریت و استقلال انکلیز نك طبع و مشربنده اولدینی کبی
عربلر نك خلقتده دخی مرکوزدر . فقط نه چاره که تشکیلات تشریعیه
انقراض بولدی و یرینه حکمدارلق قائم اولدی . مع مافیه مساوات
و اخوت اصولی تربیۀ اسلامیه اودرجهده لازم غیر مفارق بر جزؤ
تشکیل ایدیورکه « حکمدارلق » قطعاً - هیچ اولمازسه نظری
اوله رق - « مطلق » کله سیله توصیف ایدلمه مشدر . مسلمانلر هندستانک
فتحندن صکره اوراده کی مجوسیلرک عقائد سیاسیه لری نتیجه ضروریه سی
اوله رق « حقوق مقدسه » فکرینی ادخال ایتمه چالیشمشلر ایسهده
بو فکرها هندستانه منحصر قالمشدر .

ایشته بو احواله بناءً مسلمانلر طرفدن مرکز عالم اسلام عداولنان
دولت عثمانیهده اصول تشریعیۀ نك یکیدن تأسسی عموم مسلمانلره بر
مسرت حقیقیه بخش ایتمشدر . عثمانیلرک اتحاد ایتمش اولدقلری طور
ساکت، سالک و رعایتکار بولندقلری طریق استقامت و قاعدۀ عدالت

و مساوات اصول مذکورہ نك دوام و بقاسنی متكفدر .

عثمانی قانون اساسیسنك متنی ساده و بسیط اولمقله برابر درایت و حسن تدبیره دلالت ایدن بر چوق دلائلی حاویدر . فقط بو متن ۱۸۷۶ سنهسنده تنظیم و ترتیب ایدلمش و آرهدن وقایع مؤسفه ایله مالی بر زمان مدید دخی مرور ایتمش اولدیغندن بوکا دائر بعض ملاحظات سرد و بیانی نایمجل دکلدر .

انگلیز پارلمنتوسنك تشككنده اولدیغی كبی عثمانی قانون اساسیسنده دخی اوچ عنصر موجوددر : ذات حضرت پادشاهی (یعنی انگلیزله - دهكی حكمدار) مجلس اعیان (یعنی انگلیزلردهكی لوردلر قمارهسی) و مجلس مبعوثان (یعنی انگلیزلرك عوام قمارهسی) بر تدبیر و یاخود بر اصولك كسب قانونیت ایتسی بونك اعیان و مبعوثان مجلسلرینك موافقته و اراده سنیة حضرت پادشاهی یه اقتران ایتسنه وابسته در . بو کیفیت بالضروره « تقید و توازن » قاعدهسنك تأسسنی ایجاب ایتدیرر . عناصر ثلثة مذكوره یكدیكرلری اوزرینه بر مراقبه متقابله اجرا ایدرلر . امور تشریعیده - برینك تصمیم ایتدیكنی دیکرینك رد ایتسی صلاحیت متقابلهسی صورتیه - اهالی اعیان اوزرینه واعیانده اهالی اوزرینه مراقبه اجرا ایتدیكى حالده حكمدار بونلرك هر ایكیسی اوزرینه مراقبه اجرا ایدر و قوه اجراییه یی تجاوزدن محافظه ایلر . دیکر طرفدن بوقوه اجراییه اعیان و مبعوثان مجلسلرینك مراقبهلری تحتنده و آنلرك دائره صلاحیتلری داخلنده بولنور . زیرا بوايكی مجلس - استقلال اساسی یی وقایة - حكمدارك طور و حرکتی دكل بلکه حكمداره مشاور سوء اولنلرك (قایینه اركانك) طور و حرکتی تحقیق ایتك و آنلری تحت محاكمه یه آلق و تجزیه ایتك

صلاحيت و امتيازى حائزدر . ايسته بوصورته مسئوليت وكلا
قاعدهسى « قيد و توازن » قاعدهسى ايله يان يانه تأسس ايتشدرد .
ذات حضرت پادشاهينك امتيازات مخصوصهلىرى ايكي صنفه قابل
تقسيمدر :

(۱) ذات حضرت پادشاهينك صفت و صلاحيت حكدارىلىرى

(۲) ذات حضرت پادشاهينك واردات شاهانهلىرى

اولا : ذات حضرت پادشاهى قانون اساسى موجبجه « ظل الله
فى العالم » اولوب بوصفته جناب حقندن غيرى بر كيمسيه تابع دكلدر .
ذات هايونلىرى پادشاه صفتى حائز اولوب ممالك محروسهلىرى دخی
بر پادشاهلىق يعنى ايمپراطورلقدرد . بوصفته بناءً ذات شاهانهلىرى هيچ
بر محكمه حضورينه جلب واحضار اولنه ماز . چونكه هيچ بر محكمه
ذات ملوكانه لرينه اجراى عدالت ايده مز . زيرا نفس هايونلىرى مقدسدر .
(بشنجى ماده)

ثانياً : ذات حضرت پادشاهينك نفس هايونلىرى اقتدار و صلاحيت
سياسيه نقطه نظرندن مقدس وغير مسؤلدر .

ثالثاً : ذات حضرت پادشاهى مسلمانلرك خليفه سيدرد .

رابعاً : وكلائك عزل ونصبى و رتبه و مناصب توجيہى و نشان
اعطاسى ، مسكوكات ضربى ، دول اجنيه ايله معاهدات عقدى و حرب
وصلح اعلانى و قوه بريه و بحريه نك قومانداسى و حركات عسكرىه
واحكام شرعيه و قانونيه اجراى و دوائر ادارتك معاملاتنه متعلق
نظامنامه لرك تنظيمى .

خامساً : مجازات قانونيه نك تخفيف و يا عفو و مجلس عمومينك
عقد و تعطيل و لى الاقتضا هيئت مبعوثانك اعضاسى يكيدن انتخاب

اولمق شرطيله فسخی حقوق مقدسه پادشاهی جمله سندنذر.

بوندن ماعدا ذات حضرت پادشاهی هم قوه تشریعیه نك اجزای اساسیه سندن معدوددر همده قوماندان اعظمدر.

ایمدی ذات حضرت پادشاهینك وظائف حکمدارانلرینی تدقیق ایدلم : ذات هایونلری دولتك اك بیوك رئیس اولمق حسبله برکونه وظیفه ایله مکلف دکلددر. فکری صحیح اوله ماز. چونکه ذات ملوکانلرینك باشلیجه وظیفه لری قانون اساسی موجبجه اجای حکومت ایتمکدر. انکلیز پارلمنتوسی اعضالری کبی عثمانلی مبعوثلری دخی برکونه تعلیمات ویاخود مواعد ایله باغلی دکلددرلر. آنلرک هر بری کندینی انتخاب ایدن دائرئ نك آیریمجه وکیلی اولیوب عموم عثمانیلرک وکیلدر وترکجه مذاکره ایتمک مجبوردر. بویکیت عناصرک توحیدینه خادم اوله حق وبرمنبع قوت بولنه جقدر.

هیئت اعیان انکلتیره نك لوردلر قارارسنه متقابلدر. اعیان بعض اوصاف مخصوصه یی حائر بولمق شرطيله قیدحیاتله تعیین ایدیلیر. انکلتیره ده نا اهل لوردلرک اعضاقلرینه وقوعبولان اعتراضاته بوراده میدان قالمیور چونکه عثمانلی مجلس اعیاننه نا اهل اعضا تعیننه امکان یوقدر. فقط اعیان اعضاسی مقدارینك هیئت مبعوثان اعضاسنك ثلاثینی تجاوز ایتماسی وسنلرینك قرقه تحدید ایدلمسی اولدجه شایان تنقیددر. عددک تحدیدی هیئت اعیانی خدمتلرندن استفاده اوله حق برچوق مقتدر ذواتدن محروم براقیور. منحلالات وفيات ایله وقوعبولیور. هیئت اعیان مصحح وظیفه سنی حقیله ایفا ایده بیلیمک ایچون انف الذکر ایکی اعتراضی برطرف ایتملی وانکلیز پارلمنتوسنك اصول وعادتی رهبر حرکت اتخاذا ایلیدر.

مجلس مبعوثان اعضائک معاشاتی دخی شایان تدقیقدر. مبعوثانه معاش ویرمک اصولنه قارشو بعضاً اعتراضات آتیه در میان ایدیور: اولاً مبعوثانه معاش اعطاسی، اهالی بی سیاسیاتک بر منبع استفاده اولدیغنه تشویق ایدیور. فقط بوااعتراض نظار معاشاتنه قارشو دخی وقوعبوله بیلیر. ثانیاً کچنمک ایچون معاش المی مجبوریتند بولنان فقیر اعیانک ارتکاب وارتشایه مبتلا اولملری ده محتملدر. فقط بالدفعات ثابت اولدینی وجهله زنکین آدمملر دخی ارتکاب وارتشایه مبتلا اوله بیلیرلر. بناءً علیه بوااعتراضه قارشو برچاره وارسه اوده معارف عمومییه ایله اهلینک سویه عرفان و اخلاقی یوکسلتمکدر. ذاتاً قانون اساسی دخی تحصیل علمی مجبوری کوسترمکده در.

برایکنجی اعتراضده مکلفینک تکالیفک تزیایددر. دولت عثمانیه کوتلی بر دونمادن ماعدا ده برچوق شیره محتاجدر.

مجلس مبعوثان اعضائنه معاش اعطاسی خزینة دواتی صارده بیلیر. فقط دیکر طرفدن بومعاشک عدم اعطاسی دواتی فقر حاله کرفتار بولنان برچوق مقتدر ذواتک خدماتندن محروم براقه جقدر. ایشته بومحدوره بناءً آلمان اصولنه تبعیت ایله مبعوثانه مجلسده حاضر بولندقلری کونلر ایچون بر اجرت ویرملی و غیوبت ایتدکلری کونلر ایچونده اجرتلری درجه سنده بر قسطلایوم تعیین و ترتیب اولملیدر.

هیئت اعیانه کلنجه آنلر ذاتاً زنکین و مستغنی بولنه جقلری جهته معاش المقدن زیاده وطنه خدمات حیثسندان ایفا ایتک ارزوی شدیدله متحسسن بولملیدرلر.

ایمدی امور عدلیه یه عائد ماده لردن بر از بحث ایتک اقتضا ایدر: حکام «۷» نجی ماده موجبنجه طرف اشرف حضرت پادشاهیدن

انصب اولئور وخلاف قانون برحرکته بولمديقه لاینغزدر ذات حضرت پادشاهی ملتک الک بیوک حاکمی اولوب قاضیلر ایله محکمه رئیس و اعضالری ذات هایونلرینک وکیلدرلر .

سکسان بشنجی مادهنک احکامی تعدیل اولمئیدر . اشخاص ایله حکومت بیننده کی دعوالر محاکم عمومیه ده رؤیت اولنمالمیدر . بودعوالر انکلتزده اولدیغی کبی « عرضحال » اصولیه وقوعبولمئیدر .

اصول وقواعد حقوقیه ده زیاده رعایت اولمئیدر . مجله احکام عدلیه ده منازع فیها اولان مسائله ابویوسفک فکر واجتهادی ترجیح ایدیلور . زیرا مشارالیهک اجتهداتی قواعد حقوقیه مستدر . برده مقتدر واهلیتلی بر « بارو » تشکل ایتلمیدر .

امور عدلیه نک محور مطلوبده جریانی تأمین ایچون هم حکامک هم برده بارونک کوتلی اولسی ضروریدر .

انکلز بارو اصولی قبول واتخاذ ایدیله جک اولورسه بو هم معاملات حقوقیه نک تطبیقی تسهیل ایدر هم ده « آووقات » لک شرف و حیثیتی ترید ایلر . طقسان برنجی مادهده ذکر اولنان « مدعی عمومیلر » دن بومقصدک حصولی ارزو ایدلکی آکلاشیلور .

بومقاله نهایت ویرمه دن اول عثمانیلرک حقوق ابتدائیهلرندن ده براز بحث ایتک ایسترم : انکلتزده اولدیغی کبی عثمانیلرک حقوق ابتدائیهلری اوچ نوعدر : اولاً مصونیت شخصییه ، ثانیاً حریت شخصییه و ثالثاً حق مالکیت .

حریت شخصییه تبعه دن بری آخرک حقوقه تجاوز ایتدیکه تعرضدن قطعاً مصوندر . عموم عثمانیلر نظر قانونده مساوی اولوب مسکنلری تعرضدن مصوندر . اموال منقوله وغیر منقوله نک مصونیتی

یکرمی برنجی ماده ایله تأمین ایدلمشدر . بر کیمسه نك عهده سنده بولان ملك صورت غیر مشروعه ده استعمالك ضبط و یا خود مصادرده ایدیه مز . مصادرده عايد اولان بو صوك فقره هندستان قانونلرینه فائقدر . زیرا هند جزا قانوننامه سی - جرائم و خیمه ده - مصادرده مساع کوستر مکده در .

بوندن ماعدا عثمانلی قانون اساسیسنده اشکنجه و سائر نوع عقوباتك کلیاً ممنوع اولدیغی مصر حدر . بوجهت انکیز احکام عدلیه سنه تماماً مطابقدر .

وقتك عدم مساعدده سنه و بو مقاله یه تخصیص اولنان ستونلرك محدودیتته مبنی (شرق قریب غزته سنه یازلمشیدی) عثمانلی قانون اساسیسی حقنده بو قدر مطالعه سرد و اتیانیه اکتفایه مجبور اولدم . بو قانونده هر نه قصور بولنورسه بولنسون - چونکه هیچ بر انسان ایشنده تکمل اوله ماز - دولت عثمانیه ایله عثمانیلرك الی آخر الدوران بقا پذیر اولملری تمیيات صمیمیه مز جمله سندن در . نفوذ اسلامك - معارضینی طرفندن هر نه دنیلر سه دنیلسون - عدالت و انسانیت اساسلری اوزرینه مؤسس بولندیغی انشااه استقبال کوستره جکدر .

۴ - اجتماعیات

۱

مقدمه از رزاج

هندستانده کی عادات و اصول معیشت او قدر مختلف و متنوعدر که عموماً قابل تطبیق و قیاس اوله جق بر طرز حیاتی بیان ایتمك محالدر .

عناصر و جماعات مختلفه نك عاداتي ، لساني ، اسلوب معيشتي و طرز حياتي مختلفدر . فقط اهالي اسلاميه مياننده شايان قيد و تذكر بر حال واردركه اوده حيات اجتماعيه لريدر . بو حيات اجتماعيه خالص عرب و هند عرف و عاداتنك مزج ايدلمسندن حاصل اولمشدر و ايكي مختلف قوتك عملي ايله عكس العملندن متحصّل نتيجه بي تدقيق ايتك ارزوسنده بولنان بر تاريخ مراقليمي ايجون جدا شايان ملاحظه بولنمشدر .

هند مسلمانلرينك حيات اجتماعيه لريني تمثيل ايتك اوزره آنلر آره سنده جاري اولان عادات ازدواجي بروجّه آتي ايضاح و بيان ايدرم :

هند مسلمانلري مياننده كي مراسم ازدواجيه ده حاضر بولنمش . كلين آلايني سير ايتمش و مدنيت قديمه حقنده حائز وقوف بولنمش اولان بر كيمسه مراسم مذ كورده ده ازمنه قديمه يه مخصوص بعض اثاري مطلقا مشاهده ايتمشدر .

هرملتك قانون ازدواجي بري نامزدلك يعني نشان رسمي وديكري ده . مقاوله مدني اولمق اوزره ايكيه منقسمدر . « ساقسون » لر برنجي قسمه بيوك بر اهميت عطف ايتدكلري حالده روما اصولني قبول واتخاذ . ايلانلر ايكنجي قسمه اهميت ويرمشلردر . نته كيم المانياده كي قانون ازدواج بو ملاحظه بي كافي درجه ده مؤيددر . مسلمانلر ايجنده روما ايلرده اولديغي كي بوايكنجي قسم اهميته تلقى ايدلدي . برنجي قسمه اهميت ويرنلر وارايسه ده بو اهميت آنلرك عرف و عادتجه « آريان » اولملرندن انبعاث ايتمشدر .

على الاطلاق هند ليرده ابوين اوغللري ايله قيزلرينك انضمام

موافقتلریله آنلرک ترویجی اجرا ایدرلر. ازدواج رسمی ایله دوکون رسمی آره سندء بعضاً بر سنه و بعضاً دها زیاده زمان مرور ایدر. بو زمان ظرفنده طرفین دوکون تدارکاتیله مشغول اولور. زوجین هر نه قدر دوکون زمانه قدر یکدیگریله ملاق اوله مزلر سده و سائط مختلفه ایله یکدیگری حقدء معلومات آله بیلیرلر. بریوم معینده دوکون رسمی اجرا اولور و بو رسمه اشتراك ایچون بر چوق آدملر دعوت ایدیلیر. مدعوین الزامی البسه لرینی اکسا ایدرک کوکینک معیتده کلینک باباسنک خانه سنه طوغری عزیمت ایدرلر. بعض دوکونلر ده مدعوین طرفینه معاونت تقدیده بولمق صورتیله دوکون مصارفه اشتراك ایدرلر. کوکی آلائی فوق العاده پارلاق اولور و کوکی کلینک خانه سنه هنوز وارمه دن مطمئن بر صورتده استقبال ایدیلیر. کوکی کلینک باباسنک خانه سنه کادکدن صکره نکاح مدنی اجرا ایدیلیر یعنی نکاحه عائد مقاوله نامه ترتیب و تنظیم اولور. «ایجاب» و «قبول» معاملهلری طرفینک وکیللری معرفتیله اجرا اولور و بو معاملهنی مشعر بر مقاوله نامه کلینک باباسی و یا خود وکیل ایله کوکی آره سندء تعاطی و تصدیق ایدیلیر. کلینک باباسنک آغزلق و یرمک مسئله سی دائماً موجب مناقشه اولور. کوکی بو اغزلنی یا در حال و یرمک صورتیله و یا خود آتیا و یرمک وعدیله مقاوله نامه یی اکمال ایتمش اولور و دوکون بو صورتله ختام پذیر اولور و کلین ایله کوکی ده دوستلری طرفدن تبریکاتده بوانیلیر. نکاح و دوکون مراسمی هر نه قدر تمام اولور سده کلین ایله کوکی هنوز یکدیگرینی کورمزلر. آنلر تبریکاتک ایفا سندن صکره آنجق محل مخصوصلر نده یکدیگریله ملاق اوله بیلیرلر.

بونی متعاقب عرف و عادت حکمنی اجرا ایدر. کوکی قاض برادری

طرفدن کلين او طه سنه ايصال ايديليز . کوکی کلين نژدنده بولنان
نديمه لره (دام دونور لره) بز چوق هديه لری کيسه سندن چيقاروب
اعطا ايدر . بونی متعاقب کلين او طه سنده دها بز چوق قادينلر موجود
بولندقلری حالده کلين ايله کوکی یکديکریله مکالمه يه ابتدار ايدر .
حاضرون ده سوزده قاريشير واک نهايت شقا واکنجه لر باشلار . کوکی بز
قاچ ساعت ظرفنده عموم او خلقنک محرمی اولور سده چار چابوق
محجوبيتدن بز درلو قورتيله مز . کوکی کلين ايله بز مدت ملاقات
ايتدکن صکره کندي آرقداشلرينک نژدینه کيدر و اورايه واصل
اولور اولماز رقص ، ساز و سائر نوع اکنجه لر باشلار . دوکونه
اک زياده شرف و طنطنه ويرن بو اکنجه لردر . زيرا رقصه لرک اک
مشهور لری طوتيلير . بتون کيجه (صباحه قدر) رقص ، موسيقی و سائر
نوع اکنجه لر ايله امرار وقت اولنور . صباح قهوه آلتیسی ، اوکله طعامی
پک مططن صورتده اکل اولندقدن صکره کوکی کلين ايله معیتی
رفاقتنده اولدینی حالده بز الای والايله خانه سنه عزیمت ايدر . دوکون
مراسمی بو صورتله رسیده حد ختام اولور سده تفرعات سائر یه
باقی قالیر . چونکه کلين ايله کوکی درت کون صکره ينه کلینک باباسنک
خانه سنه کيدرلر و اوراده اون کون قالدقدن صکره کوکینک خانه سنه
عودت ايدرلر و بوراده یکر می کون اقامت ايتدکن صکره کلینک
باباسنک خانه سنه کیدوب لا اقل آتی هفته قالیرلر . بو بال آتی قصه
بز مدت دکل بلکه همان بز سنه امتداد ايدر . ايشته هندستانده مراسم
ازدواج بو صورتله اجرا ايديليز . مراسم مذکورده آثار قدیمه دن اولقله
برابر زوجین عائله لری بیننده بز حسن آمیزش و حرمت متقابله
جضوله کتیرر .

۲

شمر قادیان

اولیٰ مقالہ ہندوستان کی مراسم ازدواجیہ دن بحث ایتھیدک ۔
 بورادہ ینہ اورا قادیانلرینک زوجہ ، والدہ و مزبان صفتیہ ایضا
 ایتدکلری وظائف حقندہ بمض معلومات و تفصیلات اعطا ایتمک
 فائدہ دن خالی اولیہ جقدر ۔ شرق قادیانلرینک حرم دائرہ سندہ قالی
 و مستور بر صورتہ امرار حیات ایتمک محکوم بولندقلرینی تخیل ایدن
 غربیلر بالطبع طرز حیاتیہ قسماً نظر نفرتہ قسماًدہ نظر حیرت
 و تعجبہ باقارلر۔ فی الواقع غربیلری شرق قادیانلرینی بویہ محاکمہ
 ایتلرندن طولای تعیب ایدہ میز۔ زیرا آنلر دہ انساندرلر ، انسانلر
 ایسہ خطادن خالی اولہ مازلر۔ ایشہ بوسببہ مبنی شرق قادیانلرینک
 صفات مختلفہ سنی بورادہ ایضاحہ لزوم کوردم :

اولا بوقادیانلرک زوجہ صفتیہ ایضا ایتدکلری وظیفہ لرینی تدقیق
 ایدہ لم : آنلر کرچہ اقربالرندن غیری ارککلر ایلہ برلشوب اجتماع
 و مصاحبت ایدہ مزلر ایسہ دہ ینہ فوق العادہ بیوک برقوۃ فکریہ
 و تخیلیہ و کندیلرینی مجالس و جمعیاتدن مستغنی براقہ حق درجہ دہ
 برذوق سلیمہ مالک بولنیورلر۔ آنلر طبعاً کوزل و فطرۃ اخلاق
 و اطوار حسنہ یہ مالکدرلر۔ زوجہ لک یکانہ دوشونجہ لری زوجلرینی
 امور بیتہ یی حسن اداره ایتمک صورتیلہ نمون ایتمکدر۔ زوجہ لر
 زوجلرینی فوق العادہ سورلر و آنلرہ صوک درجہ دہ مطیع اولورلر۔
 زوجہ ایلہ زوج آردسندہ کی وفاق و محبت مرور زمانلہ اولیہ برحال
 کسب ایدرکہ زوجہ اک نہایت عالہ نک حاکم حقیقیسی کسلیلر۔ زوجہ لر

اجتماعي ته عاډ امور و خصوصاً دده زوجلرینه معاونت و رهبري ايدرلر .
 عائله ايشلري خارجده کي ايشلره مداخله ايدن برزوجه نك حال
 و حرکتی زوجی طرفدن در حال تصحيح ايديلر و بوضو رتله زوج
 ايله زوج آره سنده حقيقي و جدی بر آهنگ و امتزاج تأسس ايدر .
 شرق قاديئلري (والده صفتيله) پك رحيم و شفيقدرلر . آنلرك
 چو جقلى عموميتله مطيع ، شفيق و تربيه ليدرلر ، اختيارلره حرمت
 و كوچوكلره حلم و شفقت ابراز ايدرلر و بو صفتلري الى نهاية العمر
 محافظه ايلرلر . ايشته بشيكي صالايان ال غريده اولدني كبي شرقده
 دنخي بتون عالمك مقدراته حكم ايدر .

فقط شرق قاديئلرينك ميزبان صفتيله ايفا ايتدكلري خدمت
 هپسندن مهمدر . آنلر اداره بيتيه نك ناظم و حاكم مستقل بولملى
 حسييله مسافرلره ارزو ايتدكلري مرتبه ده ووسع واقدارلري
 درجه سنده اكرامده قصور ايتزلر . شرقه مخصوص مهمانوازلق
 فكر و عادتى ايچنده طوغوب بيومش اولان بو قاديئلر مسافره (اركك
 ايسه) اطعمه لذيه متنوعه تدارك و (قادين ايسه) اطعمه لذيه
 تداركندن ماعدا برهديه اعطاسي ايچون هيچ بر فدا كارلني دريغ
 ايتزلر . « مسافر » كلمه سي شرقده غريده كى معناسنده دكلدر . غريده
 « قبولر قالى » بولنديني كبي مسافرلرده دعوتسز كلرلر . حالبوكه شرقده
 مسافرلر دعوتسز كلدكلري كبي حين مفارقه دهده (اكر احتياجلري
 وارسه) پارسز كوندرلرلر . « محتاج بر آدمي قپو كزدن چوير ميكنز
 و كلان مسافرلري قبول و حققرنده اكرام ايديكز » سوزى شرقك اك
 معروف دستورلرنددر . مسافري ناخشنود اوله رق كوندرك اك
 معيوب احوالنددر . واقعا مسافرلكي بر نوع مسلك و صنعت اتخاذايتمش

اولانلره معامله مهمانوازانلرنيك عدم ايفاسي بر عيب ويا و فامزلق عد اولنه مز. فقط بوراده موضوع بحث اولان مسافرلك بوكه نك غريده استعمال اولديني معناده در. مسافرلر واردركه خانه سنه نازل اولديني آدمه فلان طعامي، فلان شيئي ايسترم كي نزا كته مغاير برطاق طلبلرده بولنور. فقط صاحب خانه بونوع مسافرلري بيله كو چندرمك ايسترم و آنلري هر درلو مشكلاته رغماً منون ايتمكه چاليشير چونكه مسافري (صفت و اوضاعه باقيه رق) منون ايتمه مك بيوك بر عيدير. ايشته شرته مسافر پرورلك بوشكلده در.

بويجه نهايت و ير مزدن اول «زنانه» و يا خود «حرم» حقنده ده براز معلومات و ير مك ايسترم، بوكه غريده پك يا كاش اوله رق تفسير ايديلور: «حرم» «برجوق زوجه لرك او يونجاق كي قبالى بولندقلري بر محل» معنا سنده دكلدر. شرق حقنده يالان يا كاش معلومات آلانلر «بهرام كور» ك «هفت پيكرى» و يا خود ايران شاه مخلوعنك «حرم دائره» سنى مثال كتيردرك عموم شرق حرم لرينى او صورته كو سترمك ايسترلر. حالبوكه بولنلر شرته كي حرم لره قطعياً مثال اوله ماز. واقعا انكليز ملتى انكتره قرالى ايله قراليچه سنى دائماً مثال اتخاذا ايدىور سنده حال بويله دكلدر. «زنانه» و يا خود «حرم» خانملرك بولندقلري، پاك، صاف و هر درلو آلايشدن وارسته بر محل ديمكدرك. خانملردن مقصد زوجه، همشيره، والده، بيوك والده و آنلرك نديمه ليدر. بو حرم ترتيباتى قديم يونانليرده ده وار ايدى. يونان لساننده «حرم» كله سنك مقابل «يى نه كيون» و يا خود «يى نه كه» در. حرم دائره سى بر خانه نك ك اى و معنا قسمنى تشكيل ايدر. بر كيسه نك تحملى درجه سنده ك نفيس خايلر، موبيله لر، رسملر

واشیای تزینیہ سائرہ بوداؤردہ بولنور. حرمده اقامت ایدنلرک راحتى مکمل ومتظمدر.

قادینلرک سربست کز مهلرینه کلنجه بو ، ارککلرک دها نازک وسویہ عرفانلرینک دها مکمل اولسنه وابسته در. الحاصل شرق قادینلری انکلیز قادینلری قدر حائز معلومات ، فرانسز قادینلری قدر ظریف ، ایتالیا قادینلری قدر دلربا و اسپانیا قادینلری قدر وقور دکل ایسه لرده ینه ساده ، عقیف ، سویملی ومتواضع اولمق کبی صفات ایله متصفدرلر.

۴

مقدمه علم و عرفانه

اشبو مقاله ده ارککلر ایله قادینلر آردسندہ کی اختلاط ومصاحبت لاابالیانہنک محصلہ ضروریہ سی اولان وانکلیز ارککلری ایله قادینلر-ینک آداب وتربیه لرینہ خدمت ایدن تأثیرات تربیتکارانہ دن بعید وخارج کورونان طرز حیات ومعشرتک آداب وتربیه انسانیه اوزرنده کی نفوذ وتأیرندن بحث ایتمک ایسترم.

فقط شرقک احوال اجتماعیه سی - حقیقی احوال اجتماعیه سی - حقنہه بحثه کیریشمک ایچون ازمنہ ماضیه دن باشلامق اقتضا ایدر. شرقک احوال اجتماعیه سی سیاحین طرفدن تعریف وتصویر اولندیغی کبی دکلدر.

عربستان شبه جزیره سی چیلاق طاعلر وقوملی چوللر ایله مالی اولقله برابر معمولات عطریه ایله اصالت ونجابتک مرکزی ایدی. عربلرده ظهور اسلامدن اول موجود بولنان اصالت ونجابت اساسی.

ظهور اسلامدن صکره فوق العاده توسع و تکمل ایتدی . حضرت پیغمبر قادینلرایله چوجقلره قارشو حسیات شفقتکارانه ابراز اولمسنی دایماً امر و تنبیہ بیوریوردی و امر پیغمبری یه عرب جنگاورلری حرفیاً اطاعت و تبعیت ایدرلردی . شوتدرکه بوجنگاورلر دشمنلرک و حتی اهل صلیک قادینلرینی بیله صیانت و حمایه ایتدیلر . بویکیت ازمئه اخیرده مسلمانلر اوزرینه بیوک برتائیر اجرا ایتدی . برمسلمان - ایستره ندلی ، ایسترتک و ایسترمصرلی اولسون - مدنیت حاضرده اصول و قواعدندن کلیاً بی خبر اولدینی حالده بیله طائفه نسیاه فوق العاده بیوک بر حرمت و رعایت ابراز ایتمکه کندیسنی بورجلو عدایلر . بوحرمت و رعایت بر قادینک موقع اجتماعیسندن و یاخود مرقومه نك کوزل و یاخود صاحبه قدرت و اقتدار اولمسندن دکل بلنکه طائفه نسیاه منسوب بولمسنندن انبعاث ایدیور . اراککلرک شرف و حیثیتی آنلرک قادینلره قارشو کوستردکلری حرمت و رعایتیه معلقدر .

هندستانده کی مسلمانلرک اصول و آداب معاشرتلی مغول ایمپرا طور انک انحطاطنه طوغری بسبتون صار صلمشیدی . حکومت مرکزیه عارض اولان ضعف ایله برابر مسلمانلر مختلف مدنیتلر ایله اختلاط و تماسده بولندیلر و کندیلرینه خاص اولان فضائلدن آیرلیدیلر . فساد اخلاق اودرجدهده ایلروله دی که انسان بونلری ذکر ایتمکدن بیله حیا ایدر . مجوسیلر ایله اولان الفت و اختلاط نتیجه سی اوله رق شمالی و جنوبی هندستانده کی و باخصوص بنغاله ده کی مسلمانلر مرکز ثقللرینی بسبتون غائب ایتدیلر . ممولان اهالی قادینلره قارشو ایفاسی لازم کلان حرمت و رعایتدن نکول ایلدیلر .

احکام منیفه اسلامییه یباحی ملتلرک عادات و اعتیاداتنه قارشو فدا

ایدلدي شويېه که : مجوسي ايله مسلمان اغنياسي ارتکاب فسق و فجورده یکديکړينه رقابت ایتکه وبادي عار و حجاب اولان افعال و حرکاتده کی موفقیتلریله افتخار ایلکه باشلادیلر .

بویه بر زمانده ایدی که احمد شاه هندستاني استیلا ایتدی و « پانی پات » محاربه مشهوره سنده « مارها ته » مجوسیلرینی دوچار هزیمت ایدرک انکلیر حاکمیتنه یول آچدی .

انکلیرلر هندستانه حاکم اولدقلری کوندن برو هندستانک حال و موقی بشقه بر شکل کسب ایتدی . تبدیل حکومت ، ضیاع قوت و حاکمیت اهالی اوزرینه مشؤوم بر تأثیر اجرا ایلدی . اهالی مرقومه کندي اصول و آدابلرینک ناقص و غیر کافی اولدیغنه ذاهب اوله رق هان انکلیرلرک اصول و عاداتنی شدتله تقلیده قویلدیلر . ذات حضرت پادشاهینک وصایای سنیه لرینه امثالاً عثمانیلرک یابدقلری کی اوروپالیرک اصول و قواعدی آلمق و فقط بونلرک ای اولنلری انتخاب اولنق جهتی هیچ دوشونیلمدی و مع التأسف بو جهتی اهالی یه تفهیم ایده جک رجالده ظهور ایتدی . تقلید فائده لیدر فقط بونده بر غایه و مقصد اولمیدر . هندستانده حمد اولسون انکلیرلری کور کورینه تقلید ایتک عادی تدریجاً زائل اولمقده و حقیقی و جدی اصول و قواعدک نمونه اتخاذ اولمنسده کی فوائد و محسنات تقدیر ایدلمکده در . هیئت اجتماعیه غرب ايله شرق آداب و عرفانی ذاتلرنده جمع ایتمش اولان رجالک دلالت و رهبرلکی سایه سنده فوق العاده سرعتله ترقی و تکمل ایتکده در . قاریشیقلمق زماننده غائب اولان اسکی اصول و قواعد اصالت و نجات ینه مسلمانلر میاننده دستور العمل اولمغه باشلامشدر . بو سرده هند مسلمانلرینک ذهنلرینی ک زیاده اشغال ایدن شیلردن بری ده تربیه

و معارف اناندر . اخلاقلری دوچار فساد اولان عالملر یرینه تمیز واصل عالملر وجوده کمکدهدر . آتی قریبده عموم صنوف اهالنک یکدیگریله یک آنک اولدرق چالیشهجقلری مأمول ومنتظردر .

۴

مقدمه معارف

اطلبوا العلم ولو بالصین (حدیث شریف)
جهالت قدر ظلمت یوقدر (شکسپر)

عصر حاضرک تجدد و احیای معارف عصری اولدیغنه هیچ شبهه یوقدر . هندستانده تعمیم و انتشار معارف حقنده اجرای مذاکرات ایچون هر سنه مسلمانلردن مرکب قونفرانسلر عقد اولنور و اوراده برچوق مقررات اتخاذ ایدیلیر . واقعا مقررات مذکوره موقع تطبیقه وضع اولنه میور . فقط نشر و تعمیم معارف خصوصنده کی مساعی و مجاهداتک صمیمی و شایان تبریک اولدیغی مستغنی بیاندر . اخیراً هندستانده قیز چوجقلرینه مخصوص بیوک بر مکتب تأسیس ایدلمش ایهده بومکتبک اصول و قواعد سالمه دائرهنده اداره اولنه بیلهجکی مشکوکیدر . چونکه اصول تعلیم و تدریس ایله طرز اداره حقنده معلومات مقتضیه استحصال ایدلمزسه مساعی واقعه موفقیتله نتیجه لهنز . نته کیم مصرده مختلف آوروپا اصول تعلیم و تربیه سی نمونه اتخاذ ایدلمش اولدیغی حالد بونلرک هیچ بری مصر ایملرک احتیاجاتنه موافق اولمدیغی جهتله بر فائده استحصال اولنه مامشدر .

مسلمانلر ترقیات عصریه ایله یرلکده یوریه بیلیمک ایچون معارفه

محتاج بولندقلرندن آنلری تسلیم و تدریس ایچون اقتضا ایدن تدابیر
سریعاً اتخاذ اولمایدیر .

بومقصدك حصولی ایچون اتخاذی لازم کلان تدابیری توصیه واره
ایتمزدن اول معارف اسلامیه نك ماضیده کی و حال حاضرده کی شرا-
ئظندن بر نبذه بحث ایتك مناسب اولور اعتقادندیم . مسلمانلرك
مقدما مدنیت و معارف خصوصنده بیوك بر موقع اشغال ایتدکلریخی
کیمسه انکار ایدمز . (قرطبه) ایله (غرناطه) دارالفنونلرینك
ایقاد ایتدکلری ضیای معارف قرون وسطایی تنویر ایتدی . اکر بو
ضیا ایقاد ایدلماش اولسه ایدی « قرون مظلمه » دها زیاده ظلمت
کسب ایدردی .

« نظامیه دارالفنونی » زمانك الك بیوك معارفندانی کندینه
جلب ایتدی و علوم و معارف عربیه یی هر طرفه نشر و تعمیم ایلدی .
الحالہ هذه هندستانده و یوبند ، لکهنو ، کانپور و قالکوته
مدرسه لری کبی بیوك مراکز علمیه موجوددر . مصرده کی جامع الازهر
دخی مستغنی بیان اوله جق درجه ده مشهوردر . فقط بو مدرسه لرك
دوره تدریسیه لری پك اوزون اولدینی و تدریس اولنان کتابلر دخی
شریعت و عقائد متعلق بولندینی جهتله بونارده تحصیل علم ایدنلر
ترقیات حاضرده دن یخبر قالیرلر .

دیگر طرفدن مسلمانلری اصول حاضرده داره سنده تسلیم و تربیه
ایتمك ایچون كرك هندستانده و كرك مصرده بر چوق مكاتب عالیه
تأسیس ایدلمشدر . فقط بومكبتلرك مؤسسلی حریص شان و شهرت
بر طاقم آدملرك اللرنده باز یچه مثابه سنده قالدقلى و یا مأمورین حكومتك
نفوذی آلتنده بولندقلى و یا خود ناقص اصوللری نمونه اتخاذ ایتدکلری

جهتله مساعیلری نسبتنده احراز موفقیت ایدمه مشلردر .
 شرقده اصول تعلیم و معارفده الک غرب بر شی وارمه اوده
 تدریسات ابتدائیه اعتنا ایدلمه مسیدر . متمول اولان ذوات چوجق لری
 مکتبلره کوندره یوب خصوصی بر صنف کشاد ایدر لر و کندی چوجق لری نه
 آرقدا شلق ایتمک اوزره خارجدن ده بر قاچ چوجق آلیر لر . بو صنفه
 تدریسات اجرا ایدن معلمر برویا ایکی تی تجاوز ایتمز . بوندن ماعدا
 بو تدریساتده انتظام ، مکملیت ، کفایت و سائر ددن اثر کورلمز .
 اغرب غرائبدن اولمق اوزره حکومت دخی بو حاله قارشو
 لاقید طاورانیور .

حتی بو بایده حکومتک نظر دقتی جلبه جسارت ایدن لر « ناسیو -
 نالیست » لک « ملیت پرست » لک کی حرکات اختلالیه ایله اتهام ایدیلر لر .
 حکومت مرکزیه نیک کافه سنده ، - آلمانیده اولدینی کی - رهبر لک
 وظیفه سی مطلقا حکومت طرفدن ایفا اولمیلدر .

مصر ایلرک هیئت نظار ایله اولان تماس و رابطه لری اوقدر آزدر که
 آنلرک فکر تشبث شخصیلرینک تکمیل و انبساط ایلمنه امکان یوقدر .
 هندستانده مسلمانلر کندی لری نه مخصوص بردار الفنونیه محتاجدر لر .
 فقط نه چاره که حکومت لازم کلان رخصتی اعطا ایتیه جکدر . یقینه
 « علیکهر » ده بر اسلام دارالفنونینک تأسیس و کشادی اقوای
 احتمالاتندر . مصرده اصول تعلیم و تدریسده اصلاحات اجرایی
 ایچون وقوع بولان طلب - اهالینک بر قسم جزئی سی طرفدن وقوع
 بولیور بهانه سیله - اهمیتله تلقی ایدلیور . مصرک حال و موقعی جدا
 آجینه حق برارده ددر . اوراده حکومت اهالینک مسکن و منزل لری نی حمایه
 و صیانت ایدیور ایسه ده آنلرک قوای اخلاقیه و مغویه لری نیک محو

اولسنه نظر مسامحه ايله باقيلور. ايسته شرقده معارفك حال وموقعي بومر كزده در. بركت ورسون دين ميين اسلام اوراده جاريدر. اسلامك نفوذى حكمفرما اولماش اواسه ايدى عالم اسلامك قسم اعظمى بوكون ظلمت جهالت ايچنده قالمش بولنوردى.

ايمدى انكلتړه ايله فرانسه والمانيا ده كى اصول تعليم و تربيه يي نظر دقه آله. فرانسز اصولى - جزئى برفرقله - المان اصولك عيديد. بناء عليه يالكز المان اصول تعليمندن بحث ايتمك كافيدر. المانيا ده معارف عموميه، پوسته معاملاتى ايله امور حربيه مثللو حكومتك مراقبه سى تحته در. اوراده معارف اوج قسمه منقسمدر: ابتدائيه، تاليه و عاليه. تحصيل ابتدائى مجبوريدر. هر چوجق التى ياشندن اون درت ياشنه قدر مكته دوام ايتمكه مجبوردر و ايجاب ايدرسه بو مجبوريت حكى ضابطه مأمورينى طرفندن تنفيذ ايتديريلير. تدريسات تحصيل ابتدائيه منحصر ايسه ده پك مكملدرد.

مكاتب ابتدائيه معلمينى مكاتب عاليه و يا خود دارالمعلميندن مأذون اولانلردن انتخاب اولنور. مكاتب تاليه: قلاسيق و تجارى اولمق اوزره ايكي نوعدر. قلاسيق مكتنلره «پرو جيمنازيهم» ايله «جيمنازيهم» تسميه اولنور.

مكاتب تاليه اكمال اولندقدن صكره طلبة دارالفنونه و يا خود حقوق، طب، مهندسلك كى مسلك و صنعتلرى تعليم ايدن مكاتب عاليه به نقل اولنور.

مكاتب تجاريه «برغراسكول» ايله «حقيق اسكول» دنيلان مكتنلره منقسمدر.

صرف تجارته عائد «جيمنازيهم» مكتنك التى صنفى واردرد.

بومکتبده طلبه ه هفته ده لاقلا اوتوز ساعت تدریسات اجرا اولنور.
امانیاده مکاتب عالیده بر مسلك وصنعت مخصوص تدریسات
مخصوصه یوقدر .

مکاتب مذکوردهده کی تدریساتدن مقصد طلبه نك فکرینی تنویر
وتوسیع ایتمکدن عبارتدر . المانلرک اجتہادنجہ طلبه نك فکرینه متین
بر اساس وضع ایدلمزدن اول اختصاص جهتنه کیدلاملیدر . زیرا بو
صورتله حرکت ایدلمزسه طلبه نك فکری ایله ذهنی تضییق التنده
قالیر . اختصاص ، عمومی ومتین بر اساس وضع اولندقدن صکره تحصیل
اولملیدر . « حقیقی اسکول » لر طقوز سنه لک و « برغر اسکول » لر
التي سنه لک دوره تحصیلیه مالکدرلر .

قیزلرک تعلیم وتربیه سی دخی فوق العاده ایلریشدر . المانلرک اصول
تعلیم وتدریسلمرنده خارق العاده برشی وارسه اوده آنلرک طلبه نی
صیقمقسنزین کمال سهولتله تدریس وتعلیم ایده بیلملریدر . آنلر اطفالک
قوه عقلیه ، فکریه وتمیزیه سنک توسع وتکملنی غایه اتخاذا ایدرلر
وبوغاییه وصول ایچون هیچ برزحمتدن چکنمز لر .

المان چوجقلملرینک مکتبدن چیققدن صکره مسلك صاحبی اولمق
ایچون داخل اولدقلمری دارالفنونلر حقنده ده براز معلومات اعطا
ایده لم : المانیاده ، برقاتولیک دارالفنونی اولان « برونسبرغ » دار -
الفنونی دخی داخل اولدینی حالده ، بکرمی بر دارالفنون واردر .
المان دارالفنونلری مکاتب عالییه ی جامع دکدر . طلبه ایستدکلری
محلده اقامت ایده بیلرلر . دارالفنونده مکتبلره مخصوص البسه
بولمندیکی کچی بکچی ویاخود مبصر لر دخی یوقدر . معلملر ایکی قسمدر :
« پابلیقه م » و « پریوده تام » . « پابلیقه م » تسمیه اولنان معلملر عمومه درس

اوقوتور و «پریود تام» تسمیه اولنان معلملر یالکیز خصوصی طلبه یی تعلیم ایدرلر . دارالفنونلرده یالکیز بر درجه واردر که اوده « دوقتور » درجه سیدر . طلبه بر دارالفنوندن دیگر دارالفنونه سر بستجه کچه بیلیر .

انکلتزه نك معارف ابتدائیه ایله تالیه سی حقه ده بر شی سویلمکة لزوم کور میورم . فقط شوراسنی دیه بیلیرم که انکلیزلرک ملی دارالفنونلری یولنان « کمبریج » ایله « اوقسفورد » دارالفنونلری آلمانیا نك بونلره مماثل اولان مؤسسه لرینه قات قات فائقدر . بو ایکی دارالفنونده بولنان طلبه نك صنف مختلفه سی برلکده اقامت ایتدکلرندن آنلر عائله لر ایچنده اقامت ایلیانلرجه بیلنمیسی ممکن ومیسر اوله میان بر طاقم اصول و آداب معاشرته وقوف پیدا ایدرلر وفکرلری ایله ذهنلریخی بوضورتله تنویر ایلرلرکه بو حال المانیاده یوقدر . بیوک بر لوردک اوغلی ایله متوسط بر عائله یه منسوب بر کنج بر آردیه کلیرلر و یکدیگرینک قابلیت ، لیاقت و اخلاقی اوکره نیرلر . بودارالفنونلرده کی طلبه یکی کلدکلری زمان نه قدر قبا و یاخود کبرلی بولنورلرسه بولنسونلر هنوز بر سنه مرور ایتهدن قبالتی و کبر و غروری ترک ایدرلر . عین سالونده برلکده طعام ایتک ، بر آرده اوینامق و عین مجلسده مباحثه و مناقشه ایده . بیلیمک کی اصول و عادات طلبه نك اخلاق و اطوارینه فوق العاده بیوک بر تاثیر اجرا ایدر . حالبوکه المان طلبه سی بونلردن محرومدر و جزئی بر مناقشه یی بر تعرض عد ایدر و در حال اخذ ثاره قیام ایلر . بر مسلکده و یاخود بر فقه صاحب اختصاص اولمق ایچون المان اصول تعلیم و تدریسی اک توافقدر . المانیاده یتیشمش اولان متخصصلر دائما بشقه ملکترلرده یتیشمش متخصصلره فائقدرلر .

ایمدی مسلمانلری تعلیم و تدریس ایچون نسل بر اصول اتخاذ ایدلیدر ؟

مسلمانلرک دینی و اخلاقی اصول تعلیم و تدریسلری فوق العاده مکمل اولدینی جهتله بو خصوصد برکونه تعدیلاته احتیاج یوقدر . آنلرک محتاج اولدقلری شی قوه فکریه و ذهنیه لرینک امور و مصالح دنیویه الوریشلی اوله حق مرتبه ده تربیه و تعلیمندن عبارتدر . بناءً علیه اعتقاد بجه مسلمانلر المان اصول تعلیمنی کندولرینه نمونه اتخاذ ایتلی فقط دارالفنونلری ده « کبریج » ایله « اوقسفورد » دارالفنونلرینک اساسلری اوزرینه تأسیس ایلیدرلر . انکلیزجه نك تحصیل مجبوری اولیدر . علوم و فنونه عائد درس کتابلری طلبه نك کندی لسانلرنده یازلمش اولیدر . مثلاً : عربلر عربجه ، ترکار ترکجه ، ایرانیلر فارسی و هندایلر اردو لسانلریله یازلمش کتابلری درس کتابی اوله رق استعمال ایلیدرلر .

مصارفه کلنجه : ممالک اسلامیه حکومتلری بویله بر تشبث عظیمه موافقت ایتدکلری تقدیرده بوبابده اقتضا ایدن مصارفک کمال سهولته جمع و تحصیل اولنه بیله چکی مستغنی بیاندر . انجق مسلمانلره مخصوص بر اصول تعلیم و تدریس اتخاذ اولنه بیلمسی ایچون ذات حضرت پادشاهی ایله حشمتلو انکلتړه قرالی ، شها متلو ایران شاهی ، افغانستان امیری ، فاس حاکی و مصر خدیوی حضراتنک رأی و موافقتلرینک استجصالی شرطدر .

تعلیم و تربیه عمومی اسلامیه مسئله نك تدقیق ایچون ممالک مختلفه اسلامیه یه منسوب ذوات مقتدره دن مرکب بر قومیسون تشکل ایتلی واشبو قومیسونجه ترتیب و تنظیم قلنه حق راپور موجبنجه حرکت

اولمیلدر . ایستہ انکلیز - عثمانلی اتفاقک اہیتی بومسئلہ دہ دخی نمایان اولیور . (مع مافیہ اور وپادہ کی خفی معاہدہ نامہ لری ایلہ ائتلاف لری بویلہ بر خیالک حیز حصولہ ایصالہ میدان براقامشدر .)

۵

شرقہ اریانہ

احوال شرقیہ دیانت نقطۂ نظرندن دخی شایان تدقیق و مطالعہ در . شرقہ دیانت ایکی حزبہ آریلہ بیلیر : بونلردن برنجی حزب دیانت طبعیہ ، ایکنجی حزب دہ دیانت منزلہ در . مجوسی ایلہ بودا مذہب لری دیانت طبعیہ ، موسوی لکھ نصرانیت واسلامیت دہ دیانت منزلہ جملہ سبنددر .

دیانت طبعیہ جناب واجب الوجود حضر تلریلہ کائناتہ شیء واحد نظریلہ باقار . فقط بونکہ « پانتہ یزم » بینسدہ فرق وارد رزیرا « پانتہ یزم » (وحدت وجود) جناب واجب الوجود حضر تلرینہ کائناتندن دہا بیوک نظریلہ باقیور . دیانت طبعیہ نک ایلک ناشری مجوسی مذہبی اولوب بوشکل اعتقادہ علوم ریاضیہ و منطقہ یی وجودہ کتیرن ہندستان اہالی منورہ سی میانندہ حکم فرما ایدی . ہند مجوسی لری حیات لری ، طرز عبادت لری و آخرت حقندہ کی فکر لری بواساس اوزرینہ تنسیق و ترتیب ایتدیلر .

« جزؤ کلہ داخلدر » فحواسنجہ حقیقی مجوسی لک برچوق فضائل عالیہ نک اجرانسی امر ایدر . عفو ، مرحمت و جانی جانسز ہر شیئہ حرمت ایتک مجوسی لک احکام اساسیہ سبنددر . مجوسی لک حد ذاتندہ

پاك اى بر اصول ايدى. فقط مجوسى راهبرى اولان برهنلر بوديانته
عائد مسائلى حل، و تفسير ايتكم امتيازىنى يد انحصارلرينه آلدقلرندن
ديانت مذكوره خيليدن خيلى تعديلاته اوغرامش و پاك فنا برشكه
كيرمشدر. بو كيفيت مجوسيلكده « قاست » دنيلن بر طاقم صنفلك
تشكلنه و مجوسيلكك ماهيت حقيقه سنك غائب اولمسه سببيت و يرمشدر.
النهائيت مجوسيلك « محافظه كارلق » و « توقف » ايله مترادف اولمشدر.
بو « قاست » (صنف) اصولى هم مجوسيلرى فساد اخلاقه سوق
ايتمش همده آنلرك مدنيتنى ترقيدن القويمشدر.

مجوسيلرك طرز عبادتلى قواى مختلفه طبعته ايفاي عبوديت
و تعظيمايتمكدن عبارتدر. نته كيم آنلر كائناتده ال بيوك فرض اولنان
كونشه الك زياده حرمت و رعایت ايتدكلرى كېي كونشدن صكره آيه،
آي دن صكره ييلدزلره حرمت ايدرلر ايدى. هندستانك بيوك نهرلرى،
بيوك آغاچلر، اينكلر و سائر فائدهلرى نسبتنده نائل تعظيم و تكريم
اولورلردى.

مجوسيلك تناسخ ارواحه قائلدر فقط كائناتك الك زياده ماديات
جهتنى نظر دقت و اعتباره آلمشدر. حالبوكه اديان منزله صرف مسائل
روحانيه ايله علاقه دارد.

« بودا » مذهبي مجوسيلكك تشكيل ايتديكي « قاست » لرى
الغايدهرك عموم اهالى بيننده مساوات تامه وضع ايتدى. بومذهبه
كورده « برانسان كندى اعمال و افعالى سايه سنده الك بيوك سعاده نائل
اوله بيلير . »

« بودا » مذهبك احكامى ناتمام اولمقله برابر شايان تقديردر.
بونك عمومه قارشو اولان « مرحمت و شفقت نظريه سيله بونظريه نك

موقع تطبیقه وضعی « قاعده سنک ال زیادہ شایان تقدیر قواعد
جمله سندن اولدیغنده هر کس متفقد در . مجوسیلکک مافوق الطبیعیاته عائد
نظریات حقنده کی ملاحظات و تدقیقاتنه رغماً بودا مذهبی - که
مجوسیلکدن مفرزدردا اییدر . تناسخ قاعده سی مجوسیلکده دوچار
تدنی اولمشدر . حالوکه بودا مذهبنده بوقاعده نک معناسی بشقه در . بو
ایکی مذهبک تأثیراتی یکدیگرندن فرقلی در . مجوسیلک ال زیادہ هندستانده
حکمرما اولوب تابعینی حال انفرادہ ، محافظه کاراغہ و تعصباته سوق
ایتمشدر . بودا مذهبی ایسه ال زیادہ چینده جاری اولوب اورا اہالیسنی
هیچ اولمزسه توحیدہ موفق اولمش و تعصباتی خیلدن خلی رفع وازالہ
ایتمشدر .

شمدی کلہم ادیان منزلیہ : دیانت منزله جناب حقک برکیمسه
واسطہ سیلہ نوع بنی بشرہ تبلیغ ایتدیکی دیندر . بودین ایکی قسمہ
منقسمدر : عقلی و اخلاق .

قسم عقلی جناب واجب الوجود حضر تلرینی ادراک ایتمکه مخصوصدر .
عالمده ترتیبات و تصوراتہ دلالت ایدن برچوق آثار و علائمک
موجودیتیلہ کندی افعال و حرکاتمزدن بر مرتب و یاخود بر علنک
موجودیتی استدلال ایدرز . دیانتک قسم عقلیسی باشلیجه عقل کل
صفقیلہ موصوف اولان جناب واجب الوجودہ تعلق ایدر .

قسم اخلاق وجدان عالی اولمق اعتباریلہ جناب واجب الوجودہ
عائددر . انسانلر کندی قلبلری واسطہ سیلہ جناب حقله مناسبت پیدا
ایدرلر .

فقط وجدان قابل تکملدر . نته کیم پیغمبران ذیشان حضراتنک
وجدانلری فوق العاده بر مرتبه ده تکمل ایتمشیدی . مثلاً حضرت

موسی ، حضرت عیسی و حضرت محمد و جدان پاکری کی . فقط وجدان نهدر ؟ وجدانك كسدرمه واك سهل الفهم معنایی « نيك وبدي يكديكرندن تقریق ایتك قوتی » در . فقط « نيك » یعنی (طوغری) نهدر و « بد » (فنا) نهدر ؟ بونلك مغالری ایضاح ایچون مغالطه لی یوللره صاپمه رق یالكر بسیط و ساده بر صورتده دیه بیلیركه فكر مره ایکی صورت و یا خود منبع حرکت تبادر ایتدیكى زمان بونلك بری دیکرندن دهايو كسك و دهاعالی كورونیور ، دهايو كسك كورونن « طوغری » اولوب دیکری ایسه « یا كلش » در . و بو « طوغری » ایله « یا كلش » ی عقلاً ادراك ایدن قوتده وجداندر . برانسان هر هانكى ملت و مملكته منسوب بولنورسه بولنسون كنندیسنده بو وجدان موجوددر . وجدان بر ترازو كیدر و فكر مره تبادر ایدن ایکی صورت و یا خود منبع حرکت طاریلان شیلره مشاهددر .

ایشته بوندن اكلاشیلوركه بر فعل و حرکت حد ذاتنده طوغری و یا خود یا كلش اوله ماز . بونك « طوغری » و یا خود « یا كلش » اولدیغی دیگر برشی ایله مقایسه ایدلیدیكى زمان تظاهری ایدر .

بناءً علیه ادیان منزله ده وجدان عالی ، ادراك عالی ، آخرت ، و (بونك نتیجه ضروریه سی اولق اوزره) ابدیت روح یعنی روحك لایموتلكی کی بر طاقم قواعد اخلاقیه موجوددر .

بواصول اخلاقیه موسویلك ایله نصرانیت و اسلامیه تطبیق ایدلده ادیان مذکور دنك عینی ادراكات فلسفیه مستند بولندقلری ، عینی اخلاقیاته مالك اولدقلری و ادراك و وجدان حقنده عینی نظریه ایله عامل بولندقلری اكلاشیلیر . فقط موسویلك ایله نصرانیت

واسلاميتك كندى امتلرى اوزرينه بشقه بشقه تأثيراتى واردى .
 بونلرك ايجنده اسلاميتك كندى امتى اوزرينه اجرا ايتديكى تأثير اك
 زياده شاين دقتدر . دين اسلامك ممالك مختلفه اهاليلى اوزرينه
 اجرا ايتديكى تأثير يكنسقدر . اسلاميتك اك بيوك فضايلدن برى ده
 « اخوت اسلاميه » نك عمومى وحقيقى بر صورتده جارى اولميسيدر .
 بر آدم مسلمان اولديى آرتق كنديسى اجتماعى و سائر نوع موانع
 ومحاذيردن تخلص كريبان ايتمش اولور .

ايشته بونك ايجوندر كه بر ترك ، بر عرب ، بر مصرلى ، بر مغربى ،
 بر هندلى ، بر افغان يكديكريله عين شرائط مساوات اوزرينه ملاقى
 اوله بيليرلر و مناكحاه كيريشه بيليرلر . بوكيفيت اخوت اسلاميه نك
 بالفعل جارى اولديغنه بر دليل دكميدر ؟ مسلمان بر موسوى وياخود
 نصرانى بر قادينله عقد ازدواج ايدرسه بو قادين كندى ديانت
 وعقائدىنى محافظه ايد بيلمكه برابر بر مسلمان قادينك حقوق و امتيازاتنه
 نائل اوله بيليور . بوده اسلاميتك موسويك ايله نصرانيتها فائق بولنديغنه
 دليلدر .

بوراده موضوع بحث اولان مسائل صرف فلسفه نقطه نظرندن
 محاكمه ايدلمش و هر درلو شائبه طرف كيريدن معرا بولميشدر . چونكه
 بر آدم كندى ابنى جنسونه فائدهلى بولندججه و كنديسى ده اى
 بر آدم اولدججه بر مذهب ايله ديكر مذهب آرسنده كى فرق لاشى
 حكمنده قالير .

۶

مُرقده عمده مسئلہ

شرق حياتى هر زمان و هر نوع لطيف و دلربا صفحاتى جامعدر .

غرب ایلہ شرق مدینتی یقین بر زمانده یکدیگری اوزرینہ تأثیرات عظیمہ اجرا ایدہ جکندن شرق حیاتنک احوال حاضر مدنی حقندہ منافع عمومیہ نقطہ نظرندن برووقوف ومعلومات پیدا ایدلسی فائدہ دن خالی دکلدر.

شرقدہ کی عملہ مسئلہ سی یکی بر شی دکلدر. بو، من القدیم اورادہ موجوددر. اسارتہ نہایت ویرلدیکی تاریخدن اعتباراً زراعتده حر عملہ استخدام ایدلمکہ باشلامشیدی .

عملہ مسئلہ سنک ما کولات فیاتنک ترفع و تناقصی ایلہ صیقی بر ارتباطی اولدینی کبی شرائط حیاتیہ ایلہ دخی علاقہ سی وارددر. بر صنعتکار بشقہ بر کیمسہنک ارزوسنہ تابع اولمیهرق لذا نڈ حیاتیہ اشتراک ایتک حقنی اکتساب ایدر ایتمز بومسئلہ باش کوسترر. چونکہ وقتنی، قوتنی، صنعتنی استعمال ایتک خصوصندہ حر و سربست اولان بر عملہ ایستدیکی فیائی طلب ایدہ بیایر. غربدہ کی عملہ نک تعطیل اشغالندن عبرت النہرق شرق عملہ سنک بوکی تشبثاندہ بولنسنہ میدان ویرلمہ ملی ومستخدم ایلہ مستخدم آردسندہ کی منازعہ واختلاف ازالہ اولملیدر. بومنازعہ واختلاف اسباب آتیه دن نشأت ایدیور:

(۱) دارالصناعہ صاحبیلرینک عملہ یومیہ سنی تنزیل ایچون خارجدن عملہ تدارک ایتک حقنی حائز بولملرندن،

(۲) عملہ نک ساعات مساعیسنک عددندن،

(۳) عملہ نک اخذ ایتدیکی اجرتدن .

برنجی سببک شرقدہ براہمیتی یوقدر. زیرا اورادہ عملہ بر مملکتدن دیگر مملکتہ سربستجہ کیدوب خدمت قبول ایدہ بیلیر. اجنیلرک کلکسندن وقوعبولان شکایتلر پک نادردر.

ایکنجی سبب حاز اهمیتدر. عمله صاحبین ایرکندن قالقوب
ایش باشنه کیدر واقشام کیچ وقت عودت ایدرسه برضرره دوچار
اولمز. فقط بو حال کندیلرینی امور بیتیه دن مستغنی براقه جق درجه ده
براجرت مقابله ده اوله بیلیر. آز اجرت اخذ ایتمه که فقط بونکه
برابر عائله ایشلرندن ده کری قالمغه مجبور اولان بر عمله البته ساعات
مساعینک چوقلمغه راضی اوله ماز. بوندن ماعدا افراد عائله کندی
رئیسلرینک آرهلرندن اوزون مدت غیوبت ایتسنی ده ایستمز لر.
شو آرهلر شرقرده ایشلر عمله یه احاله وپراکنده صورتیه یاپدیرملق
اصولی ایجاد ایدلمشدر. واقعا بواصول عمله یی اختصاص و مساعی یه
سوق وتشویق ایدیور ایسه ده تنبل اولانلری ده اضرار ایلور.
فقط بواصول سعی وعمل، صنایعک بر چوق شعبه لرنده قابل تطبیق
دکلدر.

بواصوله قارشو اولان باشلیجه اعتراض شوندن ایلری کلیورکه
احاله صورتیه اعمال ایتدیریلان اشیاده متانت، نفاست و سائر نوع
اوصاف مطلوبه بولنده مز. زیرا عمله فضلّه یومیّه قزانق ایچون اشیانک
اوصافندن زیاده مقدارینه اهمیت ویرر. شو قدرکه اشیانک نفاستدن دوشر
دوشمز فیاتندن ده دوشر. بو صورتله صنعتکارلرده متضرر اولور لر.
بعض یرلرده تشریک سعی وعمل اصولی تطبیق ایدلمکده در.
فی الواقع بواصول احاله وپراکنده صورتیه اجرا ایتدیریلان صنایعه
نسبتله ده ایدر. «تشریک سعی وعمل» اصولیه چالیشان عمله نک
حاصلات صافیه سی کندیلری میاننده تقسیم ایدیلیر و منحصرأ سرمایه
دارک جینه کیرمز. بواصول نظریه نقطه نظرندن عمله ده بر فعالیت،
قناعت و رابطه حسی وجوده کتیرر. فقط نه چاره که بواصوله تبعیت

ایده جک اولانلرک عددی پک آزددر .

اوجنچی سبه کلنجه : بوکا دائر هندستانده برچوق تشبثات وقوعبولمش ایسهده هیچ بری موفقیتله نتیجه لنه مامشدر . چونکه متشئلرک النده هیچ برقوت وصلاحیت بولمیدینی کبی تنظیم ایتدکاری قانون لایحه لری دخی نظر دفته آله مه مقدهدر .

عمله یی اضرار ایدن سرمایه دارانک تشکیلاتنه قارشو برطاقم جمعیتلر تشکل ایتمش ایسهده بونلر اصول وانتظام دائر دسندده چالیشه مدقلرندن بر نتیجه مفیده استحصال ایده مامکده درلر .

هندستانده شو آردلق وقوعبولمقده اولان عمله « غردو » لری ده بوندن ایلری کلیور . « غردو » لر یعنی (تعطیل اشغال) صنعت ایله تجارتی بسبتون رخنه دار ایتدیکی جهتله بوکا صیق صیق میدان ویرلما لیدر .

« غردو » عمله نک النده شکایتلرینی اسماع ایچون صوک برتدیر اولما لیدر و بوتدیرمه مسائل منازع فیهانک حل وفصلیدن بسبتون قطع امید ایدلیدیکی زمان مراجعت اولما لیدر . هر نه حال ایسه هندستانده بر « حکم مجبوری محکمه سی » نک تأسیسی پک فائده لی برشی اوله جقدر . شر قده عمله نک حال وموقعی بو مرکز ددهدر . غریبه کی احوالک شر قده وقوعبولسنه میدان ویرمامک ایچون برطاقم قوانین ونظامات بصیرتکارانه تنظیم اولملی وموقع تطبیقه وضع ایدلما لیدر .

۷

مُمرنک کیزلی مُزینلری

اخیراً هندستانک ثروت مدفونه سی حقنده مطبوعاتده برچوق

مباحثات کچمشدر . مملکت مذ کورده شدتله حکمفرما اولان قحط، وبا و ضرورته رغماً اوچيوز مليون انكليز ليراسی راده سنده برخزینه نك زیر زمینده مدفون بولندیغی مرویدر . مبالغ مذ کوره مبالغه لی کورونمکله برابر هندستانده طوپراق آلتنده کیزلنمش اولان خزینه لر اصحابی طرفدن چیقاریلوب تسلیم ایدیله جك اولورسه بونلرک خیلی جسم بریکون تشکیل ایده جکلرینه ذره قدر شبهه یوقدر . هندلیرک ذی قیمت اشیا لرینی طوپراق آلتنده صاقلامه لرینک سببی ایضاح ایدلم :

بانقه لرك تأسسندن اول دنیانك هر طرفنده اولدیغی کبی هندستانده دخی ذی قیمت اشیا یی طوپراق آلتنده صاقلامق عادت جاری ایدی . حتی بو عادت انکلترده دخی واردی . بوندن ماعدا قادینلر مجوهرات، البسه ، مطبخ طاقی کبی اسکی و قیمتدار اشیا لرینی محافظه ایتکی آرزو ایتدکلرندن بونلری اك مصون عد ایلدکلری زیرزمینه کومرلردی . دیگر بر سببده مجوسیلرک استقبالدن دائماً خوف و اندیشه ایتلریدر . مجوسیلر کندی حیاتلرندن امین بولمقدلرندن و یا خود آتیا قحط و غلايه دوچار اوله جقلرندن قورقدلرندن ناشی قادینلرینی مجوهراتله دوناتیلر . بو قادینلرده مجوهرلرینی طوپراق آلتنده کیزلرلر . برده مسلمانلر ایچون فائضله پاره اقراض ایتك ممنوع اولدیغی جهتله آنلرده پاره لرینی طوپراق آلتنده صاقلارلر . صوك بر سبب اولمق اوزره شوراسنی ذکر ایدیم که پاره سی اولوبده بو پاره یی صاقلایه جق یره مالک اولمیان بر آدم کند و سنجه معتمد و ناموسلی بر کیمسه یی بوله مدیغی جهتله بونی بالجوریه طوپراق آلتنده دفن ایدیور . الحاصل بو پاره نك تأمین مصونیتی ایچون


انواع ترتيبات و تدابير مرأجت اولنور. ازان جمله اختيار بر آدم دوام ايتديكي بر جامع شريفده بتون جماعت كيدنجهيه قدر يرندن قيملدا نيموردی. بو حال ديكر بر آدمك مراقبي موجب اولدی. اك نهايت بو ادمك جامعدن چيقاركن جامع كوشه سندن ليرا ايله مملو بر كيسه ي قاهره ق آلدينی كورولدی. بوكيسه بالطبع ايرتسي كون اورتهدن غائب اولدی. سارقك بری بر قادينك قوندره سندن كليتي بر مبلغ چالمشیدی. بردفعه مشرف خراب اولان بر خانه نك ديوارى ايچنده برقاق بيك ليرا بولمشیدی. اختيارك بری ايكي بيك بش يوز ليرالق بانقوطلی حاوی بريلكك كندی خبری اولقمسزين ييقاتمسندن طولايي فرياد و فغان قوپارمشیدی. حيدودك بری بر حبوبات انبارندن برقاق يوز ليرا قاممشیدی. بوندن يالكلز برقاق آي اول ایدی كه فقر و ضرورته مبتلا بولنديغی ظن اولسان بر قادينده دوت بيك ليرا قيمتنده الماسدن معمول بر طوزلق بولمش و بو طوزلق حقيقه بالاخره درتتيك ليرايه ساتيلمش ایدی.

بو حال عدم امنيت نتيجه سيدر. اهالی تشبثات تجاريه و اقتصاديه دنه نك فائده سنی تقدير ايتدكجه و اجراءات حكومه قارشو امنيت و اعتماد كسب ايتدكجه بو حال دوام ايده جكدري.

﴿ ختام ﴾



UNIVERSITY OF TORONTO



3 1761 00389596 8

DS
63
.2
G7A239